



R. BIBL. NAZ.
Vitt. Emanuele III.

RACCOLTA
VILLAROSA

A

271

NAPOLI



2p

Raec. Villarosa

A 27-1







592006
FRANCISCI BACONI,

BARONIS DE

VERULAMIO,

Vice Comitum S. Albani, & Summi
Angliæ Cancellarii,

OPUSCULA

Historico-Politica,

Anglicè olim conscripta:

At nuper Latinitate donata à

SIMONE JOANNE ARNOLDO,

Ecclesiæ Sonnenburgensis Inspectore.



AMSTELÆDAMI,

Apud HENRICUM WETSTENIUM.

clō Io c xcv.

THE NEW YORK PUBLIC LIBRARY
ASTOR LENOX TILDEN FOUNDATION
1900

THE NEW YORK PUBLIC LIBRARY
ASTOR LENOX TILDEN FOUNDATION
1900

THE NEW YORK PUBLIC LIBRARY
ASTOR LENOX TILDEN FOUNDATION
1900

THE NEW YORK PUBLIC LIBRARY
ASTOR LENOX TILDEN FOUNDATION
1900

THE NEW YORK PUBLIC LIBRARY
ASTOR LENOX TILDEN FOUNDATION
1900

THE NEW YORK PUBLIC LIBRARY
ASTOR LENOX TILDEN FOUNDATION
1900



THE NEW YORK PUBLIC LIBRARY
ASTOR LENOX TILDEN FOUNDATION
1900

THE NEW YORK PUBLIC LIBRARY
ASTOR LENOX TILDEN FOUNDATION
1900

THE NEW YORK PUBLIC LIBRARY
ASTOR LENOX TILDEN FOUNDATION
1900

LECTORI SALUTEM.

Cum nihil ferè habeam, de quo
Lectorem monere sit necesse,
flagitare tantum constitui, ut
quos hic vel Anglus vel alius
quispiam deprehenderit errores, excusare
benigne & gnauiter corrigere velit. Sicuti
enim errare humanum, nec à me alienum
est, ita benigna de eo censura Lecto-
rum esto.

Annisus quidem sum elegantissimos
tractatus, & nitidissimas disertissimi O-
ratoris orationes, simili cum elegantia &
nitore reddere:

Ast perdidisse eas venustatis aliquid:
ingentis etiam Anglicanae ritibus, iudicio-
rum terminis, & officiorum appellationi-
bus, non omnia me (quicquid tanaem
mea conata fuerit industria) assecutum
esse, fateri cur erubescerem? Fatentur his
gemina Interpretum plurimi, nec non Cla-
rissimi.

Deinde nemo existimet, minime his
temporibus congruere, quæ de Bello cum

*Hispanis gerendo, & Pontificiis Regum
vitas tentantibus, hic immiscuit Author.
Illud enim, ut istius ævi erat progenies,
ita nunc immutato rerum statu, docet;
Arcano potius Dei consilio, quam Impe-
rantium, & Consulentiū arbitrio fieri,
vigere etiam, Regnorum fœdera & dis-
sidia. Circa hoc observari meretur, plu-
ribus abhinc annis, nihil tale auditum
fuisse, & posse rem omnem personarum
potius, quam religionis videri vitium.
Sic bene Te, Lector, valere opto, & si
Deus annuerit, epistolas Verulamii expe-
ctare jubeo.*

TY.

TYPOGRAPHUS

LECTORI S.

His quæ Rev. Interpres præfatus est, paucula addo de hac editione nostra. Exemplar ex quo illam expressimus prodiit superiori anno in Germania; ita tamen vitiis ac mendis Typographicis fœdatum & conspurcatum, ut vix legi, ac profecto plurimis locis haud intelligi possit. His ivimus obviam pro viribus, & restituimus quæ depravata erant satis feliciter: exceptis paucissimis, quibus mederi ob defectum autographi Anglici non potuimus. Si quis vero hanc nostram cum priori illa editione contulerit, Augiæ stabilium repurgasse videbimur. Tu Lector fructu labore nostro ac vale.



INDEX EORUM

Quæ hoc volumine continentur.

Elix Scotia cum Anglia unio. Brevis
dissertatio de felici Scotia cum Anglia
unione; privatim dicata S. R. Majesta-
ti. Pag. 1

*Articuli quidam seu Considerationes, unio-
nem Regnorum Angliæ & Scotiæ concer-
nentes. In usum S. R. Majestatis colle-
ctæ* 14

*Externa quæ dividunt Angliam a Sco-
tia* 23

Interna 27

Circa Parlamenta quæ definienda 29

De Regni Officialibus 30

De nobilitate 31

De unione Legum ibid.

*Oratio in inferiori domo Parlamenti, anno
Jacobi quinto, de articulo generalem Sco-
tica Gentis ad jus civitatis in Anglia ad-
missionem, respiciente* 37

*Oratio in eadem domo, occasione quæstionis
de unione legum* 62

Co-

I N D E X.

| | |
|---|-----|
| <i>Cogitata de Coloniis in Hiberniam deducendis proposita S. R. Majestati anno 1606</i> | 70 |
| <i>Legum Anglicanarum collectio & emendatio proposita S. R. Majestati</i> | 87 |
| <i>Opus ipsum ac modus colligendi & dirigendi Leges Anglicanas</i> | 95 |
| <i>Nota in Controversias Ecclesiæ Anglicanæ</i> | 107 |
| <i>Occasiones Controversiarum</i> | 116 |
| <i>Considerationes quædam expendentem meliorem Ecclesiæ Anglicanæ pacificationem</i> | 139 |
| <i>Circumstantiæ regiminis Episcopalis</i> | 148 |
| <i>De Liturgiâ, ceremoniis & subscriptione</i> | 157 |
| <i>De Ministerio prædicante</i> | 163 |
| <i>Abusus excommunicationis</i> | 167 |
| <i>De Non-Residentiis & pluralitatibus</i> | 169 |
| <i>Quomodo sufficiens victus in Ecclesiâ parari possit</i> | 172 |
| <i>Consilium Regi oblatum circa legatum D. Suttoni</i> | 175 |
| <i>Observationes in libellum hoc anno 1592. publicatum, qui inscribitur Declaratio quæ causæ sint genuinæ magnorum in regno motuum. Et existimatur esse adversus Regem Angliæ conscriptus</i> | 184 |
| <i>1 Scopus Auctoris</i> | 190 |
| <i>2 De præsentis regni hujus statu, num vere dici possit prosper vel afflictus</i> | 193 |

I N D E X.

| | |
|--|-----|
| <i>De felicitate præfenti Angliæ collatâ ad illam præfinitæ ævi</i> | 194 |
| <i>Ut & ad illam Exterarum regionum</i> | 203 |
| <i>De calamitatibus Angliæ quas recenset</i> | 207 |
| <i>3 Methodus procedendi adverſus Catho- licos ita dictos, an illa ſit violenta vel mo- derata</i> | 226 |
| <i>4 De tranquillitatis, qua Chriſtiani ſtatus fruuntur, perturbatione, & quibuſnam ea imputanda ſit cauſis</i> | 232 |
| <i>Quomodo Hiſpania & Anglia ſe geſſerint er- ga vicinas ſibi Reſpublicas</i> | 234 |
| <i>Quomodo Hiſpania & Anglia ſe geſſerint in- vicem</i> | 242 |
| <i>Conditiones paciſ quas Author propoſuit</i> | 251 |
| <i>5 Artificium Authoris, quo malitio- ſas ſuas in Reginam & Rempub. calum- nias contegit, ſub prætextu quod ſo- las domini Burgley actiones reprehendat</i> | 252 |
| <i>6 Certe generales notæ in actiones D. Bur- gley</i> | 254 |
| <i>7 De diverſis ſpecialibus mendaciis & cavil- lis per totum librum diſperſis</i> | 257 |
| <i>8 De ſumma horum hominum impudentia in publicandis aſſerendiſque mendaciis, &c.</i> | 265 |
| <i>Vera Relatio conſpirationis abominandæ a Ro-</i> | |

I N D E X

| | |
|--|----------|
| Roderico Lopez Doct. Medico in Regina sacratiss. personam designata, quam, pe- cunia ab Hispaniarum Rege corruptus, ve- neno tollere satagit, cum certis circumstan- tiis, &c. | 268 |
| <i>Apologia Fr. Baconi adversus quædam ipsi imputata in causa Comitis Essexiæ</i> | 266 |
| <i>Considerationes de bello Hispanico ad Caro- lum Principem</i> | 317 |
| <i>Recuperatio Palatinatus</i> | 319 |
| <i>Hispani dilatando regna sua Angliam quoque desiderarunt</i> | 330 |
| <i>Anglorum & Hispanorum roboris libra- mentum</i> | 335 |
| <i>Pugna cum Joanne Austriaco ad Rime- nantam</i> | 336 |
| <i>Bellifulmen primum ab Hispania vel Roma in Hiberniam missum Anno 1580.</i> | 337 |
| <i>Drakii expeditio in Indiam Occidentalem</i> | 338 |
| <i>Hispanorum Classis invincibilis deleta</i> | 340 |
| <i>Anglorum expeditiones in Hispaniam</i> | 345, 347 |
| <i>Prælium Neoportense</i> | 348 |
| <i>Oratio in Parlamento recitata Anno Elisa- bethæ 39. ratione subsidiorum</i> | 361 |
| <i>Oratio Fr. Baconi, ab inferiori Parlamenti domo electi, ut offerret Regi libellum sup- plicem, annona Præfectos concernentem, Anno I. & II. Jacobi</i> | 368 |
| <i>Oratio</i> | |

I N D E X.

- Oratio qua recenset Orationem à Comite Salisburyensi habitam ; & aliam etiam à Comite Northamptoniæ, in colloquio, petitionem mercatorum adversus Hispanicæ vexationes examinante* 376
- Oratio ad Regem, cum illi perferret libellum supplicem populi gravamina continentem in parlam. VII. Jacobi* 398
- Oratio nomine domus Inferioris, ut persuaderet domui superiori, quo se jungat secum in exorando Rege ad obtinendam libertatem tractandi de Wardis & Tenuris* 400
- Oratio Solicitatoris regii, suadens Domui inferiori, ut desistat urgere amplius denunciationum Regiarum per Oratorem suum sive Prolocutorem receptionem, ut ex consilio status intimo, atque à Rege ipso* 406
- Oratio brevis in fine sessionis in Parlam. VII. Jacobi, suadens subsidia præbenda esse Regi, quæ tum adhuc videbantur incerta* 410
- Oratio in domo inferiori, cum excandesceret Communitas ob sponsores, qui spondebant se promoturos Regis negotia ad ipsius votum* 412
- Oratio Atturnati regii, qua in Camera stellata accusavit Priestum & Wrightum duello decortantes* 421
- Accusatio qua Wilhelmum Talbot & Ceterum* accu-

I N D E X

- accusavit ob scriptum quoddam, circa do-
 Arinam Suaresii de deponendis occiden-
 disque Regibus excommunicatis, &c. 430
- Ad Dn. Sanguirium capitis damnatum,*
antequam sententia ei pronunciaretur d.
29. Junii 1612. 448
- Accusatio I. S. de benevolentia laesa, in pu-*
blico Judicum consensu facta 452
- Owenus perduellionis accusatus in banco regio*
. 465
- M. L., S. W. & H. I. accusati de justitia*
Regis adversus Westonium procedentis re-
prehensa 473
- Summa eorum quæ D. Custos magni sigilli*
Angliæ, suum in Cancellaria occupans
locum juxta mandatum S. R. Majestatis
locutus est postquam sigillum accepisset,
1617. 485
- Oratio a D. Custode magni sigilli in camera*
stellata ante circuitum æstivum habita,
Rege tunc in Scotia degente, anno 1617.
. 498
- Oratio ad Wilhelmum Jones, cum Justitia-*
rius Hiberniæ primarius constitueretur
1617. 503
- Oratio in ærario ad Joh. Denham, cum inter*
. Barones ærarii ascisceretur 506
- Oratio in sessionibus publicis ad Justitiarium*
Hutton, cum vocaretur ut unus ex istis
Judicibus esset 509
- Sermo Cancellarii ad Prolocutoris excusatio-*
nem 511

I N D E X.

| | |
|---|-----|
| <i>novo</i> | 511 |
| <i>Precatio sive Psalmus D. Bacons</i> | 520 |
| <i>Histeria M. Britanniae incepta</i> | 522 |
| <i>Epistola & discursus ad H. Savilium, de subsidiis facultatum intellectualium</i> | 528 |
| <i>Historia Henrici VIII.</i> | 537 |
| <i>Tentamen de fama</i> | 539 |



FELIX

FELIX SCOTIÆ
CUM
ANGLIA UNIO.
BREVIS DISSERTATIO
DE
FELICI SCOTIÆ
CUM
ANGLIA UNIONE.

Privatim dicata S. R. Majestati.



Go mirari nequeo, (Rex eminentissime) quod aliqui putaverint *Heracliti* (cognomento Obscuri) librum, (nunc non extantem) fuisse *Dissertationem de Natura*; alii verò *Tractatum* de rebus Politicis fuisse judicaverint. Magna enim est affinitas & consensus *Nature & Politia regulis*: Illa nihil aliud est, quam ordo, quo mundus regitur, hæc itidem ordo, quo homines in Republica gubernantur. Hinc educatio & eruditio *Regum Persia* circa *Magiam* versabatur. Scientia, cujus nomen olim venerabile, nunc verò criminis nota. Erat enim *Persarum Magia* seu Regum secreta institutio *Applicatio* *contemplationum & observationum*

Naturæ ad sensum Politicum : ac si Naturæ Leges in membris casibusque suis essent fundamentum, origo & exemplar, quod imitari civile regimen debeat, & inde transcribi quasi apographum.

Vi hujus Methodi, dicti Præceptores ob oculos Regum posuerunt *cælestium corporum* imagines, *Solem*, *Lunam* & alia sydera, quorum ingens est splendor & dignitas, requies verò vel remissio nulla. In perpetuo motu consistit officium eorum, quo (per vices vagando) inferiora fovant corpora, sicque adumbrant veram motuum formam in Republica; qui licet celeres & rapidi esse debeant, ratione executionis & opportunitatum captandarum, nihilominus tamen & constantes, ordinisque tenaces esse debent, absque fluctuatione & confusione.

Sic docuerunt Cœlos non colligere divitias ex Terra & Oceano, neque mortuum penu aut non tangendos servare thesauros ex iis rebus, quas attraxerunt ab imis. Sed quamcunque humiditatem elevant, & ex utroque elemento per vaporem accipiunt, large per imbres reddunt; saltem coacervantes eosdem & detinentes aliquamdiu, donec maxime opportuno tempore distribuere queant.

Primario autem eam *fundamentalem Naturæ Legem* exposuerunt, qua omnia subsistunt & conservantur: videlicet, omne ens naturale, quamvis privatum & peculiarem habeat affectum seu appetitum, quem sequitur in rebus levis momenti, & quando
liberum

liberum est à generali & magis urgente necessitate ; attamen, quando Totius conservatio in quæstionem venit, unumquodque relinquit partes suas, & ad conservationem illius conspirat.

Sic videmus Ferri particulam adscendere & appropinquare ad magnetem, propter Sympathiam sibi propriam. Verum si quantitas ejus sit alicujus momenti, deserit appetitum suum, & cum magnete amicitiam, & tanquam bonus Patriota ad Terram recidit ; quæ gravium corporum locus est & Regio.

Sic etiam Aqua, aliaque corpora ad centrum terræ decidunt, quæ (ut jam dixi) regio eorum est & Patria. Nihilominus in hydraulis videmus, aquam malle ascendere, quam permittere distractionem seu divisionem in natura, & sic relinquere amorem patriæ suæ, jungendo se corpori maxime sibi vicino.

Verum nimis longa foret digressio, si plura hujus generis proponerem exempla. Ipsa *Majestas* vestra ejusmodi quid elocuta est in clementissima ad senatum gratiarum actione, ejusdem vigilantiam & felicia ministeria, vere Regiæ agnoscens, & annotans, successum & Eventum fuisse supra Naturæ cursum, scilicet: Tantam cernere *mutationem* cum tanta *Quiete*. Nam quemadmodum subitæ mutationes in Politia æque ac in Natura, raro citra violentiam & perturbationem fiunt : Ita confirmor in ea opinione, quod (ut dictum) congruant Naturæ

& Politicæ principia. Et ne forte illud idem exemplum videatur oppositum Assertioni huic, liceat per Majestatis vestræ favorem in hoc ipso negotio Typum ex Natura peti- tum referre ad repræsentandum rerum mo- dernarum statum. Terræ motus puto, quo- rum multi terrent quidem & in admiratio- nem rapiunt homines, sed actu damnum in- ferunt nullum. Movetur terra exiguo tem- pore, & subito iterum firmata penitus, ut ante, quiescit.

Hujus igitur scientiæ, qua mundi guber- natio fit speculum Politici regiminis, & fere in deperditis numeratur; (cujus rationem auguror esse difficultatem ejus; quandoqui- dem homo unus non sufficiat utrique Philo- sophiæ) experimentum facere constitui (quantum quidem per tenuitatem meam & angustiam temporis licet) eamque resuscita- re tractando speciale quoddam opus, Majesta- ti vestræ humillime consecrandum. Nam sicuti est Methodus differendi, olim ad eru- diendos Reges adhibita, ita nullum Regem decebit magis quam illum, qui contempla- tivam virtutem Activæ jungere studet.

Majestas vestra inter Reges primo cum na- ta est Honorem, quod appellari possit *Angu- laris lapis*, super quem duæ illæ potentes & bellicosæ nationes Anglorum & Scotorum unitæ sunt, ut uni nunc obtemperent Domi- no & Monarchæ. Neque ex Historiis neque ex fabulosis relationibus aut traditionibus in- notescit Insulam hanc, Magnam Britanniam, olim sub uno coaluisse Rege, priusquam
id

id hoc ipso fieret die. Licet nulla montium juga, æquora nulla, nec ingentia flumina, nec sermonis diversitas gentes has discriminauerint, aut diuisionem aluerint. Sors fuit Hispaniæ diversa illius continentis regna. (Portugallia excepta) unire sibi seculo non dudum elapso; Et hac ætate nostra, accessit quoque Portugallia, postrema eorum, quæ in unum consenserunt Dominum. Sors quoque fuit *Gallia* circa idem fere tempus jungere sibi Ducatus Ditionesque olim avulsos. Sors *Insula* hujus ultima Majestatis vestræ sinui reservata est singulari Dei providentia ac Benignitate; qui Majestatem vestram ad felicem hanc conjunctionem perduxit, in robore annorum & maturitate Experientiæ cum magno subiectarum mentium consensu. Restat igitur ut (juxta promissum) Majestati vestræ exponam, quibus *Natura principia* unio mixtioque corporum insistat, & quomodo respondeant Politicis regulis in conjunctione statuum & Regnorum.

Primo autem thesis illa, *Vis unita fortior*, quandoquidem vulgata mentis notio est, probatione vel illustratione haud eget.

Sol Leonem ingressus ibidemque subsistens majorem causatur ardorem, quam in Cancro diversatus, licet tum magis perpendiculares sint radii ejus. Ratio hujus maxima ex parte conjunctioni & unioni quatuor stellarum primæ magnitudinis, scil. Syrii, Caniculæ, Cordis Leonini & Caudæ cum sole adscribitur.

Sic Luna in Leone existens juxta cor posita, esse vulgo dicitur, non quod locus ille cœ-

lestis affinis sit isti corporis humani membro ; sed quoniam luna tunc maximo vigore influit ob conjunctionem & vicinitatem stellarum supra dictarum, in partem illam corporum inferiorum, quæ maxime vitalis & principalis est, perquam efficax.

Sic videmus aquas & liquores in exigua quantitate subsistentes facile putrescere ac corrumpi : verum in majori quantitate cum servantur, diutius subsistunt & conservantur unionis virtutes.

Sic quoque Terræ motus minus nocent qui universales sunt , propter unitum pondus, quod concutiunt , & subruere nituntur : coarctatæ vero & particulares terræ concussiones , sæpius integras villas & urbes subverterunt.

Hac igitur ratione *vis unionis* patet : quare & de *unionis modo* loqui conveniens erit: non tamen de illo genere, quod per victoriam fit; uno aliquo corpore alterum penitus absorbente, & in suam convertente naturam, imo expellente seu extinguente, quodcunque vincere nequit. Veluti ignis ligno unitur, fumum separando & cineres relinquendo, utpote quæ in suam essentiam transire nolunt. Aut sicuti animantis corpus cibum & nutrimentum in suam convertit substantiam, separando & egerendo quæ converti nequeunt. Hæc enim in Politicis repræsentant unionem terrarum per oppugnationem, qua victores delent, extirpant aut expellunt bello victos, illos præsertim quos immutare non possunt. Linquimus igitur
violentas

violentas rerum uniones, easque quæ Naturæ congruunt considerabimus.

Insignis est apud Naturæ Curiosos Distinctio inter Compositionem & Mixtionem. Illa enim est Conjunctio corporum quoad locum, hæc quoad qualitates & consensum. Illa seditionis mater est & immutationis: hæc pacis & continuæ perseverationis. Confusio potius illa est quam unio; hæc unio proprie dicitur. Ideo corpora *imperfecte*, ut loquuntur, mixta non subsistunt diu, & brevi dissolvuntur. Exemplo sit *Nix* vel *Spuma*, ex aqua & aëre composita; aqua enim subito ad se remeans & aërem excludens dissolutionem accelerat.

Sic tria illa corpora, à Chymicis tanquam rerum omnium principia celebrata, *Terra*, *Aqua* & *Oleum*, (seu ut ipsi loquuntur *Sal*, *Mercurius* & *Sulphur*) videmus per compositionem unita, infirme & rude cohærere: Aqua & Terra limum tantum conficiunt, quando agitatione miscentur; illa autem cessante in fundo confidet terra: Sic licet Aqua & Oleum agitatione in unguentum coalescant, attamen illa cessante oleum summitatem occupabit: Imperfectæ itaque illæ mixtiones non amplius durant, quam dum violentia coërcentur; in fine tamen semper quod generosius est summum occupat locum.

Aliter verò se habet perfecta mixtio: Nam videmus tria illa corpora, Terram, Aquam, & Oleum in vegetabilibus & mineralibus unita, adeo firmiter cohærere, ut sine arte subtilissima & extractione violenta separari non

possint. Differt ergo compositio à mixtione in eo, quod illa sit unio corporum absque forma noviter superinducta; hæc autem est unio, qua corpora unita novam induunt formam. Forma autem illa nova est *commune vinculum*, absque quo corporum priores formæ inter se pugnarent.

Hoc *Natura Lumine* ut adumbremus res in Imperio gerendas, observandum est, etiam duplicem in Republica esse regnorum & statuum unionem. Alia antiquam retinet formam, regnis adhuc divisim unum agnoscen-
tibus Dominum: Alia est, qua nova superinducitur forma, toti Reipublicæ conformis. Prior usu receptior est & facilior; posterior autem felicior. Nam si aliquis diligenter relegat historias omnium gentium, & inde iudicet, certe concludet: Quod nulla gens melius univerit populos quam Romani. Hi autem, quoniam optimam formarunt Rempublicam, evidentissimum nobis dabunt exemplum, cui præcipue inhærere lubet.

Virgilius de originibus Romanis locutus, Jovem sistit vaticinantem de Trojanorum ac Italorum mixtione.

*Sermonem Aufonii Patrium, moresque te-
nebant,*

*Utque est nomen erit; commixti corpore
tantum,*

*Subsident Teucris, Morem, ritusque sa-
crorum*

Adjiciam, faciamque omnes uno ore Latinos.

*Hinc genus Aufonio mistum, quod sangui-
ne surget,*

Supra

*Supra homines, supra ire Deos pietate
videbis.*

Hic Jupiter indicat Italiam collaturam sermonem & leges, Trojam homines præbituram & ritus religiosos, & sic utramque gentem sub uno Latinorum nomine coallaturam.

Mox post jacta Romæ fundamenta, Romani Sabinique ex æquo miscuerunt populum suum. Nam (Livio referente) à Romanis urbs dicta est, Sabini populo dederunt Nomen, Quirites enim à Cures descendit, Tatii patria.

Hoc autem præcipue in continua Reipublicæ administratione observandum: quod Jus civitatis adeò liberaliter concesserint, ut inde appareat, non nisi perpetuam eos fecisse mixturam. Nec solum Personis singulis, verum etiam Familiis illud largiti sunt, imo civitatibus integris & Regionibus, adeò ut tandem communis Patria Roma diceretur, Politicis quibusdam id asserentibus.

De Paulo legimus, quod flagellorum verbera privilegio civis Romani declinaverit, & miranti Centurioni, quærentique: Dic mihi, Tunc Romanus es? Ego multa summa civitatem hanc consecutus sum: regesserit; Ego autem sic natus sum.

Licet enim alio in loco asserat se Judæum esse natione, manifestum tamen hinc est, majores ejus, qui jus civitatis Romanæ adepti erant, ad ipsum & alios à se genitos detulisse seu derivasse illud.

Prima contumelia in Julium Cæsarem col-

lata fuit, quod civis ex urbe Gallicana, quam Civitate donaverat Julius, flagris cæsus fuerit, jubente Marcello Consule.

In Tacito legimus quod Imperante Claudio illius Galliæ, quæ Comata appellatur & magis barbara est, *jus adipiscendorum in urbe honorum expetierint, & quamvis multus ea super re, variusque rumor, & studiis diversis apud Principem certatum fuerit, admissi tamen sunt.* vid. Tac. Annal. II. 23.

Nec contemnenda est Nicolai Machiavelli autoritas, qui investigans causas incrementi Imperii Romani, existimat, prægnantiorē non fuisse, quam quod tam facile nationes alias in civitatem admiserint & sibi inse-ruerint.

Verum quidem est gentes alias & regna altera illa ratione univisse sibi terras. Sed consequens fuit: quod plurium regnorum & Territoriorum additio magis fuerit ipsis onus quam potentiæ incrementum: alueritque rebellionis & defectionis semina in annos plures. Cernere id licet in Arragoniæ regno, quod Castiliæ unitum per connubia, non verò per victorias; plus centum annis adhæsit illi jure hæreditario, per rebellionem tamen prætextu Libertatum vindicandarum susceptam, nuper defecit, quoniam diverso fruens regimine, cæmento firmiori non fuerit agglutinatum, & penitus insertum, seu, ut vulgo loquuntur, incorporatum aliis regnis.

Jam ut breviter explicem diversa perfectæ illius unionis, qua status & imperia jungi possunt,

possunt, membra, aio quatuor esse, excepto summo Dominio, sub quo jungi debent: *Nomen, Linguam, Leges & Officia.*

Nominis unio quanquam superflua & extrinseca videri possit, magna tamen vi pollet. Commune *Gracorum* nomen conjunxit eos (inter se alias maxime divisos) contragentes, quas barbaras vocitabant. *Helvetiorum* nomen non leve vinculum est, utpote quo firmiter constringuntur pacta & fœdera eorum. Commune *Hispanorum* nomen sine dubio singulare fuit medium ad unienda, & in unione conservanda Castiliæ, Arragoniæ, Granatæ, Navarræ, Valentis, Cataloniæ regna, & alia; quibus nuper Portugallia quoque accessit.

De *Lingua* quicquam fari necesse non est. Eandem enim linguam, qui utrumque Majestatis Vestræ regnum incolunt, loquuntur, diversis licet dialectis; & differentia hæc, quæ exigua admodum est, copiam potius unius linguæ promittit, quam continuationem binarum.

Leges, Reipublicæ nervi præcipui, triplices sunt: *Jura*, quæ & Libertates dici queunt, *Leges & Mores.*

Jura apud Romanos quadruplicia erant: *Jus Connubii, Civitatis, suffragii, Petitionis seu Honorum.* *Jus Connubii* nunc exolevit; Matrimonii inter maxime diversas nationes permissis. *Jus Civitatis* respondet in nationem Receptioni. *Jus suffragii* respondet voto in Parlamento. *Jus Petitionis* respondet dignitatibus Consiliariorum, aliorumque of-

ficiorum. Romani autem hæc separarunt, concedentes jus *Connubii* sine Civitate, & Civitatem sine suffragio, & suffragium sine jure Petitionis, quod communiter ultimo largiti sunt.

Leges ut combinentur non necesse est, omnes particulares extirpare consuetudines, aut singulos in unum locum & Judicium cogere subditos. Inconveniens id foret, & inutilis curiositatis. Sufficit si conformitas sit legum præcipuarum & fundamentalium in rebus Ecclesiasticis æque ac Politicis. Nam hic valet regula Patris cujusdam diversitatem rituum in Ecclesia concernens. Legerat ille in Psalmo, Reginæ (Ecclesiam hæc denotat) vestem versicolore[m] fuisse; legerat item Christi tunicam infutilem extitisse: *In veste varietas sit, scissura non sit.*

Morum consensus quærendus est sedulo, nulla autem vi cogendus. Nihil enim facit gentes morosius & pertinacius observare mores suos, quam subitanea ac violenta vis, quæ eos tollere satagit.

Officiorum unio ab indifferenti manu perfici potest, si observetur versus ille: Tros, Tyriusque mihi nullo discrimine agetur.

Restat ut ex naturæ fundamentis conditiones *perfectæ mixtionis* addamus. Illarum prima tempus est: Nam bene Physici dicunt, *compositionem* esse *Hominis opus*, *Mixtionem Naturæ*. Hominum est corpora jungere, Naturæ autem & Temporis per fermentationem & insertionem ea penitus unire. Immatura autem festinatio turbat opus, non promovet. Sic

Sic furculus stipiti insertus & bene munitus temporis Naturæque relinquitur ut *continuum* fiat, quod *contiguum* fuit : nec si continuo comprimamus aut collidamus, naturæ operationem prævenimus, sed impedimus & retardamus potius. Sic in liquoribus, qui commixti turbidi existunt, clari fiunt & sedantur quietis temporisque beneficio.

Secunda conditio est, ut à Majori minus trahatur. Sic luminibus duobus concurrentibus, minus à majori obfuscatur. Rivus minor in majorem cum influit, & nomen suum perdit & flumen. Exemplum ejus in regnis Judæ & Israël illustre cernimus. Illud duas comprehendebat tribus, hoc decem. Regnum Judæ tenuit David aliquot annis & post mortem Isboseth filii Saul regnum Israël quoque obtinuit. Unio hæc sub ipsius & filii ejus Salomonis imperio continuata est per 70. ad minimum annos: Attamen quoniam Regni sedes in Juda manebat, major pars minorem trahere conabatur, ideoque prima oblata occasione divellebantur regna, perpetuoque divisa manebant.

Hæc Majestati Vestræ de fructibus pietatis meæ & studiorum humillime offerendo, precor, iterumque precor, non tanquam impossibile (quantum quidem ego concipio) ut felix hæc unio Angliæ & Scotiæ sub auspiciis Majestatis Vestræ cœpta tam fausto sydere & tam benigna Dei providentia contingat, qualis Romanorum & Sabinorum facta est.

ARTICULI QUIDAM
SEUCONSIDERATIONES
UNIONEM REGNORUM
ANGLIÆ ET SCOTIÆ
concernentes.*In usum S. R. Majestatis collectæ.*

NUllus dubito, quin Majestas Vestra meliori Oraculo erudita quam illo quod Æneas in peregrinatione accepit (*Antiquam exquirite Matrem*) regio & vere heroico flagret desiderio duo illa Angliæ & Scotiæ regna unire & ad primitivum Britanniae imperium reducere. Qua in re uti libentissime applauderem Majestati Vestræ, illudque: *sic itur ad astra*, sonora voce intonarem; ita cogor tenui summissaque voce revocare in mentem monitum illud: *Ardua qua pulchra*. Negotium est, quod indiget non solum *sapientia* Majestatis Vestræ, verum etiam *Felicitate*. Ausus sum in principio regiminis Majestatis Vestræ paucas ducere lineas argumentum hoc tractantes; verum scholastica id feci methodo seu speculativa, non activa seu politica; Illud enim tunc me decebat, quando nec Majestas Vestra hanc suam intentionem declaraverat, nec mihi provincia hæc demandata fuerat. Jam verò ubi manifestavit Majestas Vestra desiderium suum etiam cum admiratione illorum, qui
haud

haud approbant ; ego quoque Inferioris Parlamenti votis ad hoc ipsum delectus sum ; non æstimatione virtutum mearum (circa has enim tam sapiens confessus falli nequit) sed cognitione laborum meorum & integritatis in negotio isto ; Omni modo obstrictum me sensu, tum ratione debiti mei erga Majestatem Vestram , tum ratione fidei, quam Parlamentum illud in me suspicit, tum quod ipsa materia id à me exigat, meusque studiorum & vitæ cursus. Hic nulli parcā labori, qui tam eximium promovere queat opus. Contendam etiam, ut illud, quod exhibiturus sum, sit *nihil minus quam verba*. Prolixitas sermonis & ornatus illos decent¹, qui multitudini persuadere conantur, non verò eos, qui Reges instituunt, & in specie talem Regem, qui, quod sciam, solitarium est exemplum probans veram esse Platonis opinionem, quod *omnis scientia sit solum reminiscentia*, & quod mens humana omnia sciat, ac tantum opus habeat, ut ipsius propriæ notiones excitentur. Hoc Majestatis Vestræ rarum & revera singulare donum & facultatem promptæ apprehensionis & infinitæ extensionis seu multiplicationis ad percipiendas aliorum notiones scientia propria, ut sæpissime observavi, ita vehementer admiratus sum in *Goodvini* causa. Ea enim secretorum & mysteriorum Legis plenissima, Majestati Vestræ penitus nova, & extra institutionis, lectionis conversationisque cancellos posita, adeò feliciter innotuit, scintilla tantum luminis sparsa, tamque dexte-

rè &c

rè & funditus cognita fuit, ac si omnino *Ani-*
ma Legis Majestas Vestra fuisset, non tantum
 executione, verum etiam cognitione; Me-
 moria hujus negotii ut nunquam excedat
 mentem meam, ita semper me monebit,
 excitandum potius esse judicium Majestatis
 Vestræ brevissimis, quam informandum cum
 tædio maxime in ejusmodi negotio, quod
 à regiis Majestatis Vestræ cogitationibus pro-
 ficiscitur, ipsique familiare est: Si enim il-
 lud aliena luce non indiguit, multo minus
 hoc indigebit, utpote cujus præcipua lux
 ab ipsa Majestate Vestra effulsit.

Meus igitur scopus solummodo est, hanc
 de *Unione* Materiam in brevissimos articulos
 ac quæstiones dispescere; & quasi quandam
 anatomiam aut analyfin ejusdem partium &
 membrorum instituere. Non tamen ac si vel-
 lem, ut omnes quæstiones nunc proponen-
 dæ, dignæ forent, quæ in Commissario-
 rum consultatione examinentur. Nam ni-
 hil sanis consiliis magis inimicum esse arbi-
 tror, quam quæstionum multiplicationem,
 præsertim ubi multi sunt qui consultant.
 Principes quidem ne distraherentur eorundem
 consilia, multa coguntur bona venia admit-
 tere; Si autem quæstiones inde formari vi-
 deant, satius est, ut ab aliis proponi fiant,
 quam ut autoritate sua inventas & proposi-
 tas esse doceant. Privatis igitur meditatio-
 nibus Majestatis Vestræ, cujus non tam con-
 siliarium quam monitorem (*μνήμονα*) me
 esse decet, exhibere volui omnes hujus uni-
 onis partes, formas & gradus, quo iis
 eorum-

eorumque circumstantiis consideratis Majestas Vestra clare discernere, & prompte in mentem revocare queat, quæ amplectenda quæve rejicienda sint. Et quæ ex iis, quæ amplectenda Majestas Vestra censet, illico perficienda, aut in aliud tempus differenda: Iterum quæ Parlamenti consensu stabilienda aut sola Majestatis Vestræ regia potestate seu prærogativa, aut aliis politicis artibus mediisque confirmanda: & denique quæ difficultatibus contradictionibusque obnoxia erunt, aut facili negotio leniter procedent.

Prima igitur sit quæstio, extra quæstionem, ut puto, mox futura. An non congruum sit revocare statuta illa, quæ de Scotia, seu Scotiæ incolis sancita fuere, cum divisa essent imperia?

Diversi hæc sunt generis, aliæ enim considerant Scotiam tanquam inimicorum terram, aliæ tanquam exterorum regionem, e.g. Lex Richardi II. Anno 70. quæ prohibet armorum alimentorumque in Scotiam deportationem: & Lex 7. Henrici VII. quæ Scotos intra certum tempus regno excedere jubet, & aliæ plures Scotos tanquam hostes considerantes. Lex autem 22. Eduard. IV. quæ oppido Barwik emporii jura concessit, ut ibi Scotiæ merces in Angliam transportandæ venum exponerentur, & vice versa Anglicæ merces in Scotiam deferendæ: terram hanc velut exterorum patriam respicit, imo & minus: nam in ipsa Anglia emporia sunt, cum exclusione & restrictione aliarum provinciarum.

Sed

Sed res hæc est minimæ difficultatis; poterit enim Majestas Vestra habere Catalogum legum ejusmodi, earumque compendium, & sic adjudicare illas. Scoticæ autem leges Angliam Anglorumve gentem concernentes pariratione examinandæ erunt.

Secunda quæstio est, quæ leges, consuetudines, mandata, officia, Præsidia & similia abroganda erunt in limitibus utriusque regni. De hac quæstione, quoniam finium ratio non æque mihi cognita, pauca dicere queo.

Hic coincidit quæstio, num inquilini, agris suis majori cum libertate ac immunitate fruenter, ob servitia in limitibus frequentius præstanda, & num ipsæ illæ ditiones, quæ eadem de causa à tributis aliisque oneribus immunes fuerunt, ad eundem statum cum aliis inquilinis, provinciisque reducendi sint; *Nam cessante causa, tollitur effectus.* His autem me judice aliquandiu indulgendum: *quia adhuc eorum messis in herba est.* Præsens tamen statutum, felix propediem sequeretur effectus, quandoquidem ista divisorum regnorum maxima sunt indicia. Ratio autem dictat, ibi emplastrum esse applicandum, ubi maxime hiulcum patet vulnus. Sequerentur deinceps alia consilia ad totalem perpetuamque confusionem *imaginariorum* illorum limitum (ut Majestas Vestra eos appellare placuit) inque considerationem eveniret, annon conveniens foret in Oppido *Carlile* vel *Barvvi* erigere curiam vel Judicium, cujus Jurisdictio tum in Angliam, tum

tum in Scotiam se extenderet, inque mandatis haberet, ne secundum alterutrius regionis leges consuetudinesque ferret sententiam, sed promiscue juxta instructiones à Majestate Vestra tradendas; ad imitationem Judiciorum, quæ cum Wallia uniretur Angliæ, circa fines constituta sunt.

Tertia Quæstio est in multorum opinione magna, exigua tamen forsitan apud Majestatem Vestram, videl: an Majestas Vestra hic subsistere, nec ad penitiorem unionem procedere debeat, prioribus illis duobus modis contenta.

Dicitur etenim, sat bene jam nobiscum agi (Gratiæ autem sint Deo dictæ) & Majestatis Vestræ ac utriusque regni conditionem esse talem, cujus minime pœnitere possit; atque hic verum est, quod *Hippocrates* affirmat: *Sana corpora difficile medicationes ferunt, felicius in ægro corpore quam in sano alterationes fiunt.* Hoc si consideretur, duo examinanda erunt: Alterum est, quæ incommoda nondum prævisa nec dum enata sequentur postmodum, si regna ita, ut sunt, permaneant divisa. Nam fieri potest, ut suavitas primi Majestatis Vestræ ingressus, aliaque beneficia, quæ ambæ inde perceperunt nationes, contegant sopiantque incommoda plurima; quæ nihilominus non obstante gratiosissimo Majestatis Vestræ imperio, eoque sapientissime ordinato, temporum decursus, varique temporum casus gignent & retegant, si sic divisæ manebunt gentes.

Alterum est; concessio quod nulla incommoda

moda magna aut pericula continuam regnorum divisionem comitari possint; inquirendum tamen è regione est, annon firmior unio addere & augere possit eas divitias & gloriam, quæ Majestatis Vestræ decent virtutes & fortunam, dignam certe, quæ tanti incrementi & existimationis author sit, ac ad regni suæ stirpis feros demittat nepotes.

Demus igitur, progrediendum esse Majestati Vestræ ad perfectiorem & penitiorem unionem, de qua Majestas Vestra dicere queat, *majus opus moveo*; necessarium esse judico, si membra & gradus ejusdem delineari debeant, ut quasi in tabula describantur ea, in quibus jam dum unitæ sunt nationes istæ, & in quibus adhuc divisæ existunt. Sic Majestas Vestra cernet, quid factum, & quid adhuc faciendum sit, & quomodo ex illis, quæ facta sunt, cognosci possint ea, quæ fieri debeant.

Sunt autem illa, in quibus nationes jam unitæ sunt, sequentia: Summa potestas ejusque correlatum: *Subditi, Religio, Terra continens, sermo*, & tandem pacis, quam Majestas Vestra cum Hispanis pepigit, *Fœdera & Pacta*: nunc enim utrique genti iidem sunt amici & inimici.

Nullum tamen horum perfecte pleneque mixtum est, sed unumquodque eorum grana quædam divisionis retinet.

Summa potestas quidem absolute in Majestate Vestra, ejusdemque progenie unita: verum si linea hæc (quam tamen Deus secundum infinitam suam misericordiam conser-

vet

vet semper) deficeret, tum posterius utriusque regni ad diversas regię stirpis lineas relaberentur.

Subditos quod attinet, existimo legem Anglicanam (quę Scotica sit ignoro) satis apertam esse, quod Scoti ab ipso Majestatis Vestrę regni principio omnes facti sint indigenę, & quod illi, qui post nascentur, natura subiecti sint Anglię in omne futurum ævum: nam secundum leges nostras nullus potest esse *alienigena* nisi qui alii quam regi nostro fidelitate obstrictus vivit. Sunt autem alienigenę duplices, amici & inimici. Illi subditi sunt Reipublicę, quę Regi amica; hi subditi sunt Reipublicę nobis adversę: quales quales autem sint, essentialis eorum differentia est, fide Regi nostro non obstringi. Id cernere licet in Hibernia, cujus incolę ex illo tempore, ex quo Anglię paret, tanquam naturales subditi fuerunt existimati; Non quidem *statuto* aliquo aut *Parlamenti sententia*, verum *lege communi* & rationibus inde deductis. Sic nullum est dubium, quin omnis Scotię incola, eodem loco & gradu ponendus sit post adventum Majestatis Vestrę, ac si unicuique in specie Majestas Vestrę literas indigenatus seu civitatis jus concessisset. Qui autem post nascentur, ipso nativitatis jure tales erunt. Verum enim verò eorum, qui ante nati fuerunt, temporibus scilicet præterlapsis, sanguis seu progenies lege non est civitate donata; nam à majoribus suis tale quid derivare nequeunt citra Parlamenti statutum. Et sic etiam circa
sub-

subditos defectum quendam unionis advertere licet.

In *religione* unio perfecta est, quoad doctrinam, quoad disciplinam vero & regimen imperfecta.

Continens terra nullis naturæ limitibus dispescitur, quales sunt montes, æquora, fluvii; sunt tamen inter utrumque regnum limitum indicia ac monumenta, de quibus alibi dictum est.

Circa *sermonem* verum est, nationes has unius esse labii, neque prima illa divisionis gentium ratione, h. e. *confusione linguarum*, propter quam alter alterum non intellexit, separari. Dialecto tamen, quæ divisionis signum est, differunt. Verum *tempori hoc permittendum*: nam quoniam utraque lingua in eo, quod uniuscujusque linguæ primum munus est, videlicet animi sensa explicare, convenit, diversitas hæc potius dialectorum erit (ut jam dictum est) quam ipsius linguæ; & probabiliter inde alterutra ditescet, assumendo genuina & maxime significantia verba.

Verum quoque est quoad *Pacta & Fœdera*, neutram gentem eos agnoscere hostes, qui alterius sint amici, ita tamen, ut fœdera hæc sancita sint separatim cum alterutra gente, non autem cum utraque junctim; hinc diversitas quædam emanare posset, adeo ut amicitia cum alia possint esse arctiores, quam cum altera.

Veruntamen ex hisce plurima talia esse possunt, quæ cadant sub regulam illam: *In veste varietas sit, scissura non sit.* Jam

Jam igitur ut descendam ad ea in specie, secundum quæ regna hæc divisa sunt, præter sex illa nunc tanquam defectus aut decremента unionis proposita, nec denuo repetenda: ista, inquam, distinguam in *externa* & *interna*.

Externa sunt quatuor, 1. *Corona diversa, Ceremonialem & Materialem* indigito.

2. *Nomina diversa*, *stylus* & *appellatio*.

3. *Sigilla diversa*.

4. *Monetæ diversæ inscriptiones & effigies*.

Fateor autem *externa* hæc unionis membra respicere quodammodo *interna* unionis argumenta, & æque ac ista veram afficere posse unionem, quæ temporis opus est; nam agunt in mentem & opinionem populi; cujus corda & affectus ut uniantur, non solum est anima, sed & scopus operis hujus.

Coronas quod attinet, quæritur, an nova eaque unica formari debeat *Corona Imperialis Britannia* dicta, futurisque temporibus usurpanda.

Et hoc admissio, an in formatione respectus haberi debeat ad *Coronas Hiberniæ & Galliæ*.

Item, an *Majestas Vestra* repetere seu iterare debeat coronationem suam & *Reginæ*, vel tantum præcipere, ut ejusmodi corona à posteris usurpetur.

Difficultates hinc enascentes erunt in opinionione inæqualitatis, qua *Scotiæ* regnum putabitur esse accessorium ad *Angliæ* regnum. Verum

Verum hoc in quibusdam solummodo circumstantiis situm est : nam utriusque coronæ conjuncta formatio fit ex æquo ; ejusdem appellatio Britannica dicta, itidem æqualis est. Solus coronationis locus, si is Westmonasteriensis Ecclesia esset, ex antiquo more tanquam augustissimus & sacer locus regum Angliæ coronationi dicatus, possit videri inæqualitatem inferre : Et porro, si Scotiæ corona cessat, ritus quoque ille in Parliamentis frequentatus, quo absente rege coronam solenniter circumferunt, cessabit.

Circa *Nomen* quæstio est, an Majestas unico *Britannia* nomine, an verò *Anglia* & *Scotia* divisis appellationibus insigniri debeat.

Concesso, mutationem hac in re faciendam, hæ quæstiones considerandæ erunt. Primò : Utrum *Britannia* Nomen in Majestatis Vestræ titulis integre recitatis adhibendum sit, in aliis verò formulis divisa adhiberi debeant nomina, tum regnis tum populis propria. An verò & ipsa tum regnorum tum populorum distincta nomina permutari debeant in speciales denominationes secundum generale nomen illud. Exempli causa : An Majestas Vestra in titulis suis dici debeat Rex Britannia, Gallia & Hibernia &c. & nihilominus in Mandatis, Rescriptis, aliisque, in quibus Angliæ vel Scotiæ mentio fit, vetera retineri debeant nomina, *secundum consuetudinem regni nostri Anglia*. Vel an distincta illa nomina in perpetuum abjici debeant & cedere subdivisioni regionis in meridionalem & septentrionalem Britanniam, & populus pariter sic

sic divisus secundum orbis plagas denominandus sit. Adeo ut juxta exemplum supra allatum verba sic fluant, *secundum consuetudinem Britannia Australis.*

Porro si prius placeat, quæretur, an non deceat Majestatem Vestram hanc titulorum mutationem indicare per Proclamationem, quod & Eduardus tertius circa titulum Gallia fecit, ac deinde confirmare Parlamenti sententia.

Possset quæri, annon conveniens foret, Hibernia Regnum proxime à Britannia collocare loco, sicque conjungere insulas: Galliam verò in continenti sitam ultimo ponere. Oceani enim occidentalis Insulae videntur natura & Providentia integrum per se constitutur imperium: nec unquam ejusmodi regem vidit Anglia, qui universam possideret Hiberniam, ac Majestas Vestra. Unde sequeretur ita ordinanda Titulorum esse verba: *Rex Britannia, Hibernia*, adjacentium Insularum ac Gallia: difficultates hic oriundæ jam satis superque examinatae fuerunt, & ad duas reduci possunt: Prior est respectus honoris amorisque erga vetera nomina. Altera dubium creat: annon nominum mutatio inducere posset legum reipublicæ ac regnorum mutationem. Utraque tollitur difficultas, si Majestas Vestra per proclamationem, non Parlamenti decretum styli mutationem orditur. Sic enim necessario hucusque frequentata remanebunt nomina in scriptis & monumentis, utpote quorum forma mutari nequit absque Parlamenti decreto. Et sic

circa honorem difficultas sublata. Postmodum notandum, Proclamationes Majestatis Vestrae nullam abrogare legem; sicque cessat de mutatione legis dubium. Sed tandem examinandum est, annon Parlamento in maximum honorem vergeret, si à Majestate Vestra petat talem admittere styli mutationem, licet ipsum tale quid non decernat.

De sigillo quærendum, an unum Britanniae sigillum majus fieri debeat, unusque Cancellarius, & an in Scotia tantum debeat esse sigillum Processibus ordinariisque Justitiæ exercitiis inserviens: Magnum verò illud sigillum penes Majestatem Vestram asservatum, signare debeat omnia diplomata, concessionem sive terrarum sive rerum aliarum in Scotia eque ac in Anglia. Verum hæc interna mutatio est, de qua nunc nihil dicere libet.

Est verò alia huc pertinens quæstio; an magna Angliæ Scotiæque sigilla converti debeant in unam eandemque formam, eandem imaginem & inscriptionem Britannię exhibentem: quæ tamen immutatio manifestam aliquam diversitatem relinquat, ne obmurmurationi aut suspitioni locus detur, ac si concessionem rerum in Anglia possint signari Scotiæ sigillo; & è converso.

Sic etiam quæritur, an ejusmodi sigillorum immutatio absque Parlamenti decreto fieri possit: quod antehac circa sculpturam magnorum sigillorum factum est.

De moneta, quatenus realiter ac interne consideratur, quæritur, annon Majestas Vestra

Vestra possit duas erigere ad eam eundam officinas: quod meo quidem iudicio (si locorum distantia ponderetur) necessarium erit.

Deinde, quomodo insignia (si id nondum factum est, audio enim dubitari de eo secundum vulgi rumores) ad exactam possint reduci proportionem, in omne subsequendum tempus: numerus pariter & valor monetæ jam dum extantis coæquari possit.

His peractis, quæretur tandem, (quæstione quæ tantum huic loco propria est) an effigies & inscriptio Britannicæ eadem esse in utroque loco debeat, absque ulla omnino differentia. Res quæ etiam à Majestate Vestra annuente lege citra Parlamenti decretum definiri potest.

Ista singula demonstrativi generis sunt, ad faciendum populum; eoque magis consideranda, quoniam inserviunt Majestatis Vestræ intentioni, quæ est, imprimere atque indere mentibus populorum horum, unum ipsos esse populum, unamque gentem.

Huc etiam referendum est, quod ex rumore comperi; novum Equitum ordinem institutum iri, cum respectu ad unionem hanc, & juramento eam confirmante. Negotium certe consideratione dignum. Atque de externis tantum.

Internè quæ separant gentes nostras sunt sequentia.

1. Diversa Parlamenta.
2. Diversa status consilia.
3. Diversa regnorum officia.

4. Diversa nobilitas.
5. Diversæ Leges.
6. Diversa dicasteria, causarum cognitiones & Processus.
7. Diversæ opes.
8. Diversa navigationum & mercaturæ instituta.
9. Diversæ libertates & Privilegia.
10. Diversi census & vectigalia.

Quod enim diversos *status Ecclesiasticos*, *Monetam & insignia*, diversos item *articulos Pacificationum* & cum exteris nationibus *commerciõrum* attinet, jam dictum est.

Hos autem arctioris penitiorisque *Unionis* partes interruptet difficultas quædam seu impedimentum magni momenti, pullulans scilicet ex illa radice, quam *Aristoteles* in Politicis suis dicit esse omnis divisionis & dissensus originem: & est *Æqualitas Inæqualitasque*. Nam *Scotiæ* regnum antiquum est & nobile, se ipso subsistens: *Insula* verò hac commune *Britanniæ* nomen suscipiente, tum *Scotia* non amplius ut *Scotia* considerabitur, verum ut pars *Britanniæ*; sic etiam *Anglia*, non amplius *Anglia* erit, sed *Britanniæ* pars. Et consequenter, neutra regionum harum, tanquam totum per se considerata veniet, sed tanquam pars in proportionem ad totum. Mente igitur concipiamus (*nam id mente possumus, quod actu non possumus*) *Britanniam* nunquam fuisse divisam, sed unum semper extitisse Regnum; tum observandum, illam terræ portionem, quæ nunc *Scotia* vocatur, esse tertiam *Britanniæ* partem; (sic enim
audiui,

audivi, quam verè, nunc non inquirò) illam verò terræ portionem, quæ Anglia dici solet, duas constituere Britanniae partes; ut nunc omittam opum differentias & frequentiam incolarum. Jam ergo, si exempli causa tot in Parlamentum induceret nobiles Scotia, quot Anglia suppeditat, tertia pars duas exæquaret partes; *Et sic si inaequalibus aequalia addas, omnia erunt inaequalia.* Protestor autem coram Deo Majestatique Vestra, me ista loqui, non ut hominem in Anglia natum, verum ut hominem in Britannia oriundum. Procedo igitur ad specialia illa superius proposita.

*Circa Parlamenta quatuor definienda
questiones.*

Prima, quæ proportio servanda inter Anglorum Scotorumque vota.

Secunda, de modo proponendi materias in Parlamento ventilandas. In Anglia enim id fieri solet ab unoquoque Parlamenti membro immediate, aut per Oratorem. In Scotia verò immediate à Paribus secundum Articulos propositos. Ille modus videtur habere plus *libertatis*, hic autem plus *gravitatis* maturitatisque. Jam ergo quæritur, quis modus cedet alteri? aut annon deceat utrumque misceri per commissionem quandam, unumquodque Parlamentum præcedentem, tum quoad Magnates, tum quoad articulos, non exclusa tamen libertate, posthac in Parlamenti consensu concedenda.

Tertia, de ordine Parliamentorum, quomodo institui, & melior eligi possit.

Quarta, quomodo iis, qui officia habent hæreditaria, vel alio jure perpetua, in utroque Parlamento debeat satisfieri & duplicitas evitari.

Consilia status diversa sint necesse erit, regnis adhuc divisis. Si autem Majestas Vestra arctius ea uniret, posset Provinciale Consilium in Scotia introduci, quale est Eboraci & in limitibus Walliæ. Quæstio tamen erit, annon Conveniens Majestati Vestræ videri possit, unum tantum Consilium intimum habere circa se, cujus membra, etiam ex Scotiæ regno, cujuscujus dignitatis sint, maneant ibi, ubi Majestas Vestra eorum opus habet ministerio. Sed hoc omne à Majestatis Vestræ regia voluntate & arbitrio unico pendet.

*De regni Officialibus, hæc quæstiones
examinanda.*

Primo. Annon ob latitudinem regni, & locorum distantias necessarium sit, ut diversi maneant ministri; quoniam impossibile foret, unum posse singula perficere.

Secundo. Concessio, duplices debere esse ministros, annon differentia introducenda talis, qua alter sit primarius, inferior alter & subalternus: e. g. sit aliquis Cancellarius Britannicæ, alius sit Cancellarius cum speciali additione; ut hic Ducatum &c.

Tertio, Si ejusmodi subordinatio seu inferioritas inconveniens videatur, an uterque minister totius Insulæ titulum habere debeat, ut si Cancellarius Angliæ vocetur Britannicæ Cancellarius, & sic quoque Cancellarius Sco-

Scotiae, ea tamen conditione, ut intra territoria sua se contineant.

De Nobilitate hac quaerentur.

Primo, de votis in Parlamento (de quo jam antea dictum) quæ proportio ad Nobiles Anglicanos servanda: Hæc si non ex æquo sibi respondeat; Majestas Vestra auctoritate sua supplere illam potest; nam licet non possit imminuere *Scotia* Nobiles, potest tamen augere *Anglia*.

Secundo, de loco & Præcedentia; nam locare eos secundum Præcedentiam Angliæ, ut Majestas Vestra loquitur; seu juxta nobilitatem Hiberniæ; hoc est, ut omnes Angliæ Comites præcedant, sequantur Scotiæ, iniquum in hos videbitur. Et locare eos secundum Prosapiæ vetustatem, Anglis minus favebit: audio enim Nobilitatem eorum antiquiorem esse nostra. Quæstio igitur erit, annon optimum foret, per vices locare nunc antiquum Angliæ Comitem, nunc Scotiæ alterum, & sic *alternis vicibus* deinceps.

Leges ut uniantur, longum & difficile opus est sive colligendo sive confirmando. Quod collectionem attinet, necesse est, ut à Jureconsultis utriusque nationis fiat in certos *Titulos digestio* legum & consuetudinum, legum æque municipalium ac statutorum, quo conferri possint; diversitasque discerni. Quod confirmationem attinet, videmus *patrium morem* omnibus esse adamatum; hominesque in illo educari; Mutationes igitur & innovationes aversantur: videmus etiam quantum turbarum disputationum que

unius legis causatur mutatio, quanto magis integri Legum corporis. Prima igitur quæstio erit, annon deceat per gradus procedere, ut illa, quæ magis sunt necessaria, primario considerentur, reliquis tempori relictis. Leges verò ipsæ hunc in finem aptissime secundum vulgarem illam divisionem distribuentur in *Criminales & Civiles*; & criminales in *Capitales & pecuniarias*.

Secunda quæstio sit; Quoniam generalis legum unio nimis magnum opus foret, annon conveniens esset, ut *casus capitales* iidem sint apud utramque gentem? Casus dico, non processus aut examina: h. e. ut eadem offensæ crimina sint læsæ Majestatis & scelera.

Tertia quæstio sit: annon causæ, alias merentes poenas non capitales, si statum publicum concernant vel etiam morum disciplinam, in eodem gradu sint ponendæ? ut neglectus deferendæ proditoris. Casus *Pramunire, Fugitivorum, incestus, Simonix & reliquorum*.

Sed quæstio magis quam præcedentes necessaria est; Annon causa, cujuscunque sit gradus, cujus factum commissum in Scotia, possit præjudicare statibus & subditis in Anglia, vel è converso: debeat reduci ad uniformitatem Legum & Poenarum? e. g. perjurium commissum in Scotiæ curia non potest præjudicare in Anglia; quoniam testimonia in Scotia prolata, non produci queunt hic in Anglia. Sed fraus in Documentis Scotticis, cum falsa temporis subsignatione Anglicana,

glicana, potest adhiberi & produci in confirmationem in Anglia. Sic etiam populatio oppidi in Scotia, non directe præjudicat Angliæ statibus. Si verò ex *Anglia Mercator* in Scotiam transferat argentum vel aurum, quod ipsi concessum, & inde in exterarum transferat regiones, certe præjudicat Anglicanæ Reipublicæ, & potest hoc esse illusio omnium Anglicanarum legum, hunc in finem conditarum. Necesse igitur foret, ut casus iste æque severa lege circumscriberetur in Scotia ac hic in Anglia factum.

Ejus generis plurimæ sunt leges.

Lex 50. Richardi II. de non exeundo ex regno absque licentia, si similis ei non est apud Scotos, eludi poterit hac ratione; nam quivis Angliæ incolæ in Scotiam ire poterit, & hinc in regiones exterarum.

Sic lex de mercium variarum exportatione: ut auri, argenti, bombardarum, tormentorum bellicorum, frumenti, &c. irrita erit, nisi ei similis in Scotia condetur. Nam quivis Angliæ mercator aut subditus poterit eas primo in Scotiam deferre, ut ipsi licet ad varios Angliæ portus deducere, deindeque ex Scotia ad externos absque legis interdicto, seu poena.

Sic libelli famosi conscribi poterunt in Scotia, in Anglia autem dispergi & publicari. Conjuraciones poterunt in Scotia inchoari, in Anglia autem in actum deduci.

Et sic in aliis casibus plurimis; nisi eadem erit legum severitas in Scotia, ad compescenda crimina, quæ hic est in Anglia (ubi

adhuc ignoramus, an ibi sint quædam ejusmodi leges, necne.) Erit autem paritas legum obex Anglicanis etiam subditis, quo efugere leges nostras non permittentur.

Quod verò perduellionis crimen attinet; optimum erit, ut secundum legem 26. Henr. VIII. cap. 13. pro tali habeatur, licet in Scotia commissum fuerit: æque ac conspirationes in Gallia, Romæ, aut alibi coeptæ, in Anglia puniuntur.

Judicia, Processus, causarum cognitiones, aliaque legum exercitia immutare apud alterutram gentem, adeò novum & insolens erit utrique, ut verendum sit, Administrationem Justitiæ (quæ præ aliis omnibus debet esse notissima atque certissima, ad instar viæ regię) hac ratione redditum iri intricatam & incertam: Præterea non video, diversam Justitiæ administrationem, etiam in *summa curia*, ad quam ultimo confugiunt, vel ascendunt (sine appellatione puto aut errore) ullum suggerere impedimentum, quo regna uniri nequeant: ut per experientiam discimus in diversis Parlamentorum curiis apud Gallos: semper etiam opinatus sum Angliæ populum longius à summo justitiæ tribunali abesse, quam alias nationes mihi quidem cognititas, considerata præsertim latitudine regni nostri: quanquam huic longinquitati succurrant Judices circumeuntes, & duo item Dicasteria, Eboraci & in Walliæ limitibus erecta.

Magna item quæstio esse potest: annon in commune Justitiæ vinculum Majestas Vestra erigere

erigere possit curiam ex utraque gente, pene-
 nes Majestatem Vestram residentem, ad imi-
 tationem *Magni in Gallia Consilii*: ad quam
 ab ordinariis Judicibus trahi possent lites
 utriusque gentis. Sic enim Galliae Rex ex
 omnibus regni sui curiis & Parliamentis ad se
 evocat causas, licet magis Parisiis distent,
 quam aliqua Scotiae regio Londino.

Circa opes quaestio nulla erit: necesse enim
 est, ut in Scotia Aëriarii sit, ex quo fiant ex-
 pensarii locis debita: Accepti verò rationes
 diversis committi poterunt: quandoquidem
 omni tempore secundum Majestatis Vestrae
 placitum & voluntatem removeri & aliter or-
 dinari possunt.

Quod regnorum Patrimonium concernit,
 nec de eo quaestio instituenda venit: Nisi
 Majestati Vestrae placeret, Patrimonio regni
 inseparabiliter annectere territoria quaedam
 ex utraque gente; & sic Britanniae Principi,
 aliisque prolis regiae titulis; instituendo pari-
 ter Ducatus & Honores ejusmodi ex utrius-
 que nationis territoriis compositos.

Nec de Navigatione ullum surgere potest
 dubium. Non enim video inconveniens fu-
 turum, si Majestas Vestra continet in Sco-
 tiam navigationes. Jurisdictio autem Nava-
 lis seu maritima, cum commodis & variis
 eorundem casibus ad littora referetur, quae
 mare alluit: ut hic in Anglia observatur.

Mercaturam quoad, quaeri potest, an illae
 societates, si continuentur, quae in Turciam
 Moscoviamque navigant, ex utraque gente
 constitui debeant; Nam ejusmodi mercatu-

ræ exercitium alteri permittere , & prohibere alteri populo , inconvenientias fortassis gignet.

Libertates & privilegia utriusque nationis recognosci poterunt : Et illa privilegia , quæ utrique congruunt in unum magnum volumen colligi , ac confirmari , tanquam Britannicæ Incolis : quæ verò alterutri saltem conveniunt , in eo quo sunt , mancant statu.

De Censibus verò & Vectigalibus magna erit quæstio , qua ratione poterunt ordinari & exigi ex æquo. Nam si in Scotia minus exigatur , quam in Anglia (nescio autem utrum sic res se habeat) hoc sequetur inconveniens , quod Mercatores Anglicani exoneraturi sint naves in Scotiæ Portibus ; & inde hoc in regnum merces importaturi ; unde Majestatis Vestræ vectigalia fraudem patientur.

Quæstio autem illa , an Scotici Mercatores debeant peregrinorum solvere vectigalia , dependet ex jure civitatis donando , de quo supra.

Sic Majestati Vestræ exhibui breve nudumque compendium Articulorum magnum hoc negotium concernentium ; eo solum tendens , ut Majestatis Vestræ Ingenium , eorumque , qui ad illud vocabuntur , excitetur : non enim præsumo suadere quicquam aut dissuadere , vel obtrudere opinionem meam. Verum potius facem accensam à Majestatis Vestræ directione expecto , utpote cui semper meum submitto judicium , & addico. Precor etiam humillime Majestatem Vestram

stram, in eo quod præstiti, tegere errores meos vel bonæ intentionis meæ, atque desiderii, quo urgeor inservire Majestati Vestræ, & implere fiduciam de me conceptam; quam ex benigna præprimis Majestatis Vestræ & gratiosa acceptatione intelligo.

O R A T I O

FRANCISCI BACONIS

in inferiori Domo Parlamenti,

anno JACOBI quinto, de articulo generallem Scoticæ gentis ad jus civitatis in Anglia admissionem, respiciente.

PLaceat Vobis, *Domine Prolocutor*, Præfatione nulla utar, benigna vestra de me opinione fretus, quam meritis meis multo superiorem semper deprehendi. Nec ambiguo vos sermone detinebo, celans quid locuturus sim. Verum in ipso principio declarabo mentem meam esse, suadere *Domui* huic Scotos civitate donandos esse. Unicum tantum à vobis petendum mihi est, tanti momenti, ut putem, omnia quæ dicturus sum, ab hoc efficacissime dependere. Illudque idem est, quod *Demosthenes* plus simplici vice in arduis rebus ab *Athenarum* incolis flagitavit; *ut cum calculis suffragiorum sumant Magnanimitatem Reipublica*. Vide licet, ut sumentes in manus suas calculos, per illos suffragia sua edituri (hic enim fuit

mos eorum) elevent cogitationes suas, depouendo considerationes illas, quas privata vocatio & status suppeditare possent; & fovendo ejusmodi mentem, quæ decet dignitatem, honoremque Reipublicæ.

Etenim ut opportune & acute *Alexander Parmenioni* regessit, suadenti, ut ingentia illa, quæ *Darius* offerret, acceptaret, dicendo: *acciperem ista, si Alexander essem*: in ipsum retorquendo sententiam; *Et ego, si Parmenio essem*. Ita & in hoc negotio, si honestus Angliæ Mercator (non nomino viros istos contemptus gratia, nam semper hac in *Insula* magno honore fuerunt præditi; sed tantum ut exemplum hominis privatæ conditionis) si inquam mercator Anglicanus dixerit, *Profecto ulterius in hac unione non procederem, si ego Rex essem*: summa cum ratione regei posset, *Neque Rex auderet plura, si mercator esset*. Idem de Nobile domi suæ moranti dici posset, sit licet inclytus & dives admodum: vel de Jurisconsulto utcumque prudente & docto: vel de alia quacunque persona in hoc regno. Nam profecto si vir aliquis ea unice seu primario pensitet, quæ privata ejus conditio & status ipsi suggerunt; non autem penitus cognoscat vera & magna Politiarum momenta, nunquam idoneus erit ad danda consilia aut admittenda hoc in negotio. Petitio igitur meo concessa, putabo causam me obtinuisse.

Verum procedendum mihi est ad ipsam rem. Omnes consultationes quæstiones examinant comparativas. Nam quæstio de

vero

vero simplex tantum est, Veritas enim tantum una est. Quæstio verò de *Bono* ut plurimum comparativa: sunt enim diversi gradus *boni* & *mali*, hinc quod ex Bonis optimum est, præferendum est & eligendum: quod verò ex malis pessimum est, declinandum & evitandum. In ejusmodi igitur quæstionis tractatione non expectari potest ad omnes inconvenientias propositas absolutissima responsio. Nam illud, ad quod in specie responderi nequit, potest nihilominus tolli & deprimi iis, quæ majoris sunt momenti. Idcirco quod nunc proponere animus est, hanc in tres partes distributionem sponte admittit.

Primo Responsionem ad illas inconvenientias, quæ dicuntur hanc civitatis donationem, si eam concedamus, subsecuturæ. Puto enim eas non fore tantas, quantæ fuerunt depictæ; Verum *multas ipsis adjectas fuisse scorias, augendi ponderis gratia.*

Secundo conflictum cum illis inconvenientiarum reliquiis, ad quas proprie responderi nequit: exhibendo insimul majora incommoda, quæ incurremus, eos ad jus civitatis non admitturi.

Tertio conflictum itidem sed alterius naturæ, h. e. ex utili atque lucro, quod hauriemus, trahemusque ex ipsorum admissione. Verum enim verò ad evitandam confusionem, quæ semper tractationem nimis generalem sequitur, necesse erit, ut antequam persuadere incipiam, distincte receptionis ejusmodi puncta seu partes enarrem: Meliorem autem vel aliam producere, quam
anti-

antiquam illam, nequeo : in *Fus Civitatis, Fus suffragii vel Tribus, & petitionis sive Honorum*. Nam omne quod homines possident aut cujus capaces sunt, est vel privatum commodum ex *Meo & Tuo* oriundum, vel publicum ministerium : hocque consistit primario vel in voto vel in officio. Jam verò primum est, *Domine Prolocutor*, de quo hoc tempore & loco acturus sum : reliquis duobus in commissionem rejectis, utpote majori distinctione, limitationeque egentibus.

Jam igitur aggredior Inconvenientias ab adversa parte objectas. Earum prima est, ex hac civitatis donatione orituram nimiam hominum multitudinem in Anglia, quæ creditur jam satis habere incolarum; ideoque adoptari non posse alienigenas sine diminutione fortunarum & statuum eorum, qui sunt indigenæ. Objectio, *Domine Prolocutor*, non levicula, verum quæ decet boni civis officium. Non enim procedit ex averso à *Scotis* animo, sed ex naturali erga nos ipsos amore. Illa virginum responsio : *Ne forte non sufficiat vobis & nobis*, non ex invidia proficiscitur, aut malignitate, sed ex provida sollicitudine & originaria illa charitate, quæ à nobis ipsis incipit. Fateri etiam cogor, verum dixisse Nobilem illum quod *Abraham & Loth* ob abundantiam familiarum suarum nimis arcte cohabitantes (licet fratres essent) ad similtates devenerint, in ea prorumpentes verba : *vade tu ad dextram, & ego ad sinistram*. Verum ego nunquam istud produxissem exemplum, videmus enim

quid

quid inde secutum ; separatio hæc ad *dextram* & ad *sinistram* ansam dedit captivitati alterius fratris , & periculoso , quanquam felici , bello alterius ad illum liberandum suscepto.

Verum ad hanc objectionem admodum prægnantem tres distinctas retribuam solutiones , unaquaque , quantum ego quidem capio , per se sufficiente.

Prima est ; Opinionem illam de Scotorum ingenti multitudine , quæ probabiliter hic se inter nos diffundet , magis in mente residere , quam in eventu metuendum esse. Nam ecce , *Domine Prolocutor* , plausibiles illæ similitudines de arbore feliciter succrescente , si in foecundius transferatur solum : & de ove aut jumento , quæ cum hiatum in sepe inveniunt , sterile relinquunt arvum , inque magis opima transeunt pascua : leviantantum sunt argumenta , neque habent genuinam relationem ad transmigrationem seu translationem familiarum. Nam , ut videmus , arbor vi naturali radices agit , quam primum in melius transflocatur solum , indeque suum nutrimentum trahit. Ovem quoque in pingua transientem pascua , quid prohibet saturari optimis ? sed plura requiruntur (quantum ego quidem judico) ad translocationem familiæ aut personarum singularum. Nam , *Domine Prolocutor* , si destituantur opibus , mediis , amicis , habitaculis , commercio , patrocinio & similibus ; spero , agnoscere vos sine dubio sic perituros etiam in medio opulenti pascui , multumque abtere à saturando se juxta beneplacitum suum. In

hac autem causa, quæ conjecturalis est, experientia optimus erit iudex. Tempus enim præteritum exemplar est futuri. Non puto, quenquam dubitare posse, *Domine Prolocutor*, S. R. Majestatis primum ingressum fuisse quasi largissimam scaturiginem ob confluxum introitumque gentis hujus in Angliam. Jam ergo doceri cupio, quot Scotorum familiarum intra hos quatuor annos, in quibus multos advolasse seu advenisse videmus, confederint in civitatibus, municipiis & oppidis regni hujus. Nam persuasus sum, plures quam paucos magnates circa Regiam Majestatem, hic in aula vel etiam Londini subsistentes, & paucos alios plebejos, ab illis dependentes, ad nos pervenisse. Certe si numerentur, exiguus admodum foret numerus illorum: submitto autem sententiam meam notitiæ vestræ, qua omnia, quæ inhabitatis loca, probe cognoscitis.

Jam, *Domine Prolocutor*, ut dixi: *si in ligno viridi ita sit, quid fiet in arido?* certus sum, non fore amplius ejusmodi maris æstum seu affluentiam. Dices quidem de multitudine familiarum *Scoticarum in Polonia*: & argues, si multiplicatur in regione tam distante, multo magis id fiet in regione vicina? Verum id fato cuidam necessario adscribendum est, aut tempori & loco, quæ Scotos ed trahunt. Nam evidens est, nec in *Germania*, quæ multo propior est, nec in *Gallia*, quæ ipsos privilegiis invitat, & quidem hac ipsa jure civitatis donatione, tantum eorum reperiri numerum. Ut igitur neque
loci

loci vicinitas, aut Personarum immunitates vera hujus ratio esse possint. Verum, dicamne quæ sentio? Ex omnibus in orbe locis siue prope siue longe distantibus, nullibi illud vitæ genus suscipient, quo in Polonia contenti degunt. Omnium enim gentium consuetudo est, malle paupertatem suam peregre fateri, quam domi. Nemo nobilium prodigalitate attenuatus, ideoque conditionem suam derelinquere coactus, domi subsistit, sed peregre potius abit. Scimus etiam Scotos ingenuæ mentis esse, & in aliis quibus nostri æmulos; non igitur inter nos vivent, nisi cum pares nobis esse potuerint. Haud itaque asserere verebor, contentionem hanc de ipsis admittendis fore similem illi inter *Equites & Populum Romanum* de admittendo *Plebejo Consule*; de qua cum deliberaretur, vehementissime agitata fuit; cum verò *Populus* eandem obtinisset, nunquam dein constituerunt *Plebejum Consulem*, nisi sexaginta annis elapsis. Et sic, ut mihi persuadeo, hoc erit negotium, quod in opinione magis residebit, quam in effectum deducetur. Hæc itaque prima mea sit responsio ad palmariam istam inconvenientiam, quæ erat incolarum nimietas.

Secunda responsio ad hanc objectionem est, quod liceat mihi dubitare, *Domine Prolo utor*, Angliam nondum satis repletam esse incolis. Nam certum est, *Galliam, Italiam, Belgium & aliquas Germania partes* in æque lato terræ spatio plures complecti homines, si per descriptionem singulorum capitum

tum numerentur. Non tamen persuadere mihi possum, regnum hoc illis regionibus fertilitate multo inferius ut est frequentia populi: unde conjicio nobis nondum satis incolarum esse. Præterea manifeste cerno signa penuriæ, non *verò nimietatis* hominum, qualia sunt, *arva inculta*, compascua, solitudines & alia, ad oculum probantia, quod quamvis hic circa *Londinum*, urbem præ aliis oculis nostris obversantem, tractus incolis sit refertissimus, regni tamen reliqua portio *raros habent colonos*. Quicunque etiam ruina & decrementsa veterum civitatum in hoc regno conferet cum erectione & incrementis novarum; non poterit non existimare, regnum hoc olim multo plures aluisse cives. Et hoc potuit fieri tempore Heptarchiæ, aut alio; nam ut plurimum regula illa vera est; *quo minor Respublica, eo frequentior, pro rata*. Sit autem hoc vel verum vel falsum, perpendamus saltem, quot nostrum huc convenimus & *soliciti sumus pro desolatis atque vastatis municipiis*. Et denique, *Domine Prolocutor*, qui maximas Rerum publ. contemplatur, videbit continentem terram, non *verò* maritimam posse timere populi nimietatem. Nam omnes Provinciæ maritimæ, & præter terram aliud quoque *habent elementum, in quo vivant*. Quam immensus enim numerus hominum potest ex piscatu sustentari, ex navigatione & mercatura? Hinc iterum arguo, nos penitus non abundare incolis. Si enim abundaremus, *neutiquam tam proficuum piscaturæ beneficium Belgis concedere-*

cederemus. Ut itaque dicere liceat nos æque in mari ac in terra solitudines habere: infallibile ergo manet argumentum, industriam nostram non excitari ad quærendum victum ex abundantia aut nimietate incolarum.

Tandem verò, non puto aliud regnum, quocunque viguerit seculo, commodiora hoc nostro habuisse media ad exonerandum se incolis, si consideremus vastum illud ac desolatum Hiberniæ regnum; quod (cum sit regio fere omnibus naturæ dotibus ditata, ceu rivis, portibus, sylvis, lapicidinis, fertili solo & climate temperato; nunc etiam sub Regē hoc serenissimo obediens facta) quasi continuo colonos à nobis poscit. Et sic etiam alteram meam responsionem ad objectam populi nimietatem finio.

Tertia hæc est: Quæro quinam pessimus sit effectus nimietatem populi subsequens? Introspeciat quicunque volet historias omnes, nec alium inveniet, quam *gloriosum bellum* cum exteris ad amplificandos limites suos, cum vident nimis anguste se cohabitare. Quod an inconveniens dici debeat apud gentem fortem & bellicosam, non novi? verissimum est dictum illud, quanquam alio sensu acceptum; *Omne solum forti patria*: revera quidem id dictum de patientia exulis; sed neque minus verum est de virtute bellicosæ gentis. Ac liceat mihi sine offensa loqui: si dignas nobis aleremus cogitationes, ut quandocunque justa offerretur occasio, vel ad recuperanda antiqua jura nostra; vel ad vindicandas nuper acceptas injurias; vel ad asse-

quendum Avorum nostrorum honorem; vel ad amplificandum posteritatis patrimonium aggredieremur ea; nunquam certe omitteremus de amplitudine aut magnitudine consultationes, & delaberemur ad altercationes de utili & computationibus, quæ magis privatos decent homines quam Parlamentum aut Regem. Et sic, *Domine Prolocutor*, dimitto primam hanc objectionem, tali, qualem audivistis, responsione contentus.

Secunda objectio est: Leges utriusque regni fundamentales adhuc esse diversas: imo jam decretum est, eas debere sic divisas manere, neque velle Reg. Majestatem in iis quicquam innovare: Inopportunos igitur esse, in civitatem recipere Scotos, ipsosque adeo donare juribus ac privilegiis nostris, quando legibus nostris se nondum submittant. Objectio, quod fateor, etiam ponderosa, & digna quæ bene examinetur, exactamque nanciscatur responsionem.

Erit autem responsio, quam dabo, ejusmodi. Opto ipsemet, ut Scotica gens nostris quoque gubernetur legibus. Existimo enim leges nostras, si aliquatenus reducantur, dignas esse, *quibus regatur mundus*. Sed quod dicere cupio, & à vobis observari precor, est, quod secundum status rationem veram, civitatis donatio debeat ordine præcedere *Legum unionem*, gradu inferior sit, & natura separabilis, non inseparabilis ab unione *Legum*. Civitatis donatio tantum dicit non alienam esse gentem, unio verò *Legum* pernitus esse nostram. Illa tollit separationem,
hæc

hæc distinctionem. Nonne videmus, *Domine Prolocutor*, in gubernatione mundi sub magno Monarcha ipso Deo, leges esse diversas. Alia est Spirituum, alia corporum: alia in regionibus cœlestibus; alia in Elementaribus? Et creaturæ tamen omnes unum constituunt corpus absque vacuo aut separatione? Nonne videmus pariter in Ecclesia ex omnibus populis linguis atque ætatibus esse *communio- nem sanctorum*? Nos omnes esse concives & jus civitatis Cœlestis Hierosolymæ adeptos esse? Nihilominus tamen diversæ sunt leges Ecclesiasticæ, status & Hierarchiæ; juxta sententiam inclyti illius Patris; *In veste varietas sit, scissura non sit*. Ideoque vinculum legum magis speciale est & privatum; Vinculum autem ex jure civitatis contextum magis commune & generale. Nam leges *sunt magis Figura Reipublicæ quam Formæ*; & potius *vincula perfectionis, quam integritatis*. Per experientiam igitur discimus in regimine nostro, Hiberniæ regnum non recepisse statuta nostra, adepto nihilominus civitatis beneficio. *Gersey, Garnsey & Insula Man*, leges nostras communes non receperunt, beneficio tamen civitatis gaudent. Nemo tamen dubitet, posse leges & consuetudines nostras intra tempus exiguum apud ipsos prævalere. Hic enim sedes regni est, unde supremæ statuum directiones emanant. Hic est Regis Persona & exemplum, de quo Poëta; *Regis ad exemplum totus componitur orbis*. Impossibile igitur non est, quod licet non solenni & formali statuum decretis, secreta

tamen

tamen succedentium temporum operatione nostris se submissuri sint legibus, & sic *dulcis tractus pari iugo*. Et hæc est responsio ad secundam objectionem.

Tertio objicitur quædam inæqualitas bonorum fortunæ inter has duas nationes Anglicanam & Scoticam; quorum si mixtio fieret, commodum illis, damnum nobis afferret. Bene autem hic observatur, differentiam hanc esse bonorum externorum seu fortunæ: nam fatendum est, quod bona animi aut corporis esse eos *Alteros* nos. Etenim quoad intellectum sunt ingeniosi, labore industrii, fortitudine eximii, corpore duri, strenui & formosi. Plura dici possent, sed revera illos laudantes nos ipsos laudamus: in una enim eademque continenti terra nobiscum vivunt: & si veritatem proloqui licet, participes sumus eorum & virtutum & vitiorum. Nam si observatum est, fuisse ipsos populum regimini minus subditum, non possumus certe absque vana jactantia nos ab eadem liberare culpa, utpote adhærente omni bellicosæ genti, ut cernimus in Romano aliisque populis. Similes ea de causa sunt generosi equis, qui licet præstantiores sint cæteris, difficilius tamen reguntur atque tractantur.

Ad hanc objectionem respondebo non auctoritate Scripturæ, quæ dicit: *Beatius est dare, quam accipere*: sed auctoritate formata ac derivata à judicio, tum nostro, tum Antecessorum nostrorum in casu simili. Nam, *Dōmine Prolocutor*, ex Regibus nostris omnibus

omnibus nemo majori laude dignus videtur quam Eduardus I. & inter bellicas ejus civileſque artes nulla majus meretur encomium, quam propositum debellandi Scotiam. Nolu- it apud externos acquirere magna, ſed firmare res ſuas domi. Hoc autem ipſum, ſi ſucceſſu non caruiſſet optato, non potuiſſet non inferre omnia illa incommoda mixtionis opulentioris regni, cum minus opulento, quæ nunc producantur. Nam neque armorum noſtrorum neque legum noſtrarum jugum mutare poteſt naturam climatis aut ſoli: neque mixtionis modus poteſt mutare mixtionis materiam. Si itaque, *Domine Prolocutor*, tam nobis bonum fuit ejusmodi quid tentare, certe & nunc erit; neque minus æſtimandum eſt, quod tanti non emerimus. Sed plenius ad objectionem hanc reſponſum dabo, cum venero ad illud de vadimonio & magnitudine.

Quarta obſectio non proprie eſt obſectio, ſed potius præoccupatio obſectionis ab adverſa parte formandæ. Nam verè opportune quæri poteſt: qua de re contendimus? Civitatis beneficium vi legis conceditur omnibus, quotquot nati ſunt aut naſcentur, ex quo tempore Regia Majeſtas conſcendit thronum. Adeo ut amplius non remaneat, quam ut *Ante-Nati* in ſtatum *Poſt-Natorum* collocentur, & homines adulti beneque meriti inferiores non ſint infantibus nondum quicquam meritis; & majores natu fratres pejori fortuna non gaudeant, quam minores natu. Liſenim noſtra verſatur circa

Quiddam non Quantum ; exiguum temporis spatium est, quod differentiam causatur, quantum scilicet una generatio distat ab alia.

Ad hoc respondent aliqui, Legem non sic interpretandam, sed *Post-Natos* æque alienos esse ut reliquos. Opinio cui non multum infistam, tum quoniam Nobilis ille proxime ante me locutus optime eandem declaravit: tum quoniam hoc in casu, hocque in loco dicere malo de congruo quam lege. Hoc tantum dicam, videri mihi opinionem hanc contrariam esse rationi legis, contrariam item formæ procedendi juxta legem, & denique contrariam authoritati atque experientiæ legis. Quod rationem legis attinet; videtur mihi prudentiam Legis municipalis Anglicanæ esse admiratione dignam in distributione beneficiorum & protectione legum, quatenus respicit diversas personarum conditiones in excellenti proportionem. Gradus sunt quatuor, iique bipartiti: duo respiciunt *alienos*, duo subditos concernunt. *Primus gradus* est *Alieni*, qui natus est sub Rege aut in Republica nobis inimicis. Si ejusmodi in nostrum veniat regnum absque salvo conductu; periculum subit: Lex enim nullam ipsi largitur protectionem neque corporis, neque fundi, neque bonorum: ita ut si occidatur nulla accusatio fieri queat ex parte ejus, licet nxor ipsius fuerit Anglicanæ gentis. Verum ex parte Regis in jus vocari potest homicida ob violatam pacem. *Secundus gradus* est *Alieni*, qui natus est sub Rege,

Rege, aut in Republ. nobis amicis. Tali majus lex concedit beneficium atque protectionem; veluti circa res personales, transitorias atque mobiles; qualia sunt jumenta, opes, contractus, & his similia, non verò circa liberam possessionem & hæreditatem; ejusque ratio est, quod possit inimicus esse, licet non sit. Respublica enim, cujus est subditus, potest adversus nos bellum suscipere: ideoque ut lex transitoriam tantum fidem ab ipso accipit, ita eidem transitoria tantum beneficia rependit. *Tertius gradus* est *subditi*, qui cum olim esset *Alienus* privilegio factus est *indigena*. Tali adhuc ampliora largitur lex beneficia: donat enim eum potestate acquirendi liberas possessiones & hæreditates, in suum proprium commodum; liberos quoque ejus post ipsius receptionem natos hæredes esse finit. Nihilominus tamen, haud potest derivare prosapiam suam à Majoribus eximæ dignitatis. Lex enim non judicat æquum ipsum in pari cum subditis natis ponere gradum, quoniam aliquando fuit alienus & sic potuit esse inimicus. *Et nemo subito fingitur.* Affectus non ita possunt imprimi mortalibus per beneficia, ut ingenerantur per nativitatem. *Quartus gradus* isque perfectus est ejusmodi hominis, qui neque est inimicus, neque esse poterit unquam, neque esse potuit olim; huic lex impertit plenum Civitatis beneficium. Jam ergo, *Domine Prolocutor*, si isti sunt veri legis gradus, nemo negare poterit, quod ille, qui sub Regis obedientia

natus est, *in nullo temporis puncto* possit esse inimicus: (Rebellis quidem esse poterit, inimicus verò neutiquam) ideo vi seu ratione legis est civitate donatus. Imo *jure naturalis* tenetur defendere hoc Angliæ Regnum adversus omnes invasores aut rebelles. Ideoque ut obstrictus est armis illud protegere tum perpetuo tum universim, ita dignus quoque est, qui gaudeat universo & perpetuo beneficio protectioneque legis, i. e. jure civitatis.

Quod *processuum formalitates* attinet, verum est illud ante dictum: scil. si quis alium in foro accuset tanquam alienum, necesse erit, ut non tantum negative & privative demonstret ipsum natum fuisse extra Regiæ nostræ Majestatis dominia & obedientiam; verum etiam positive seu affirmative, ipsum natum fuisse sub obedientia extranei Regis vel reipublicæ in specie, quod hoc in casu nunquam fieri poterit.

De Autoritate nihil dicam: omnes enim nostis, quid in *regis proclamatione* evulgatum fuerit. Quid experientia doceat, observare licet in *Hibernia* incolis: insularum item *Gersey* & *Gernsey*, quæ sunt partes Ducatus Normanniæ, in civibus pariter *Caleti* (cum Angliæ pareret) regni Gallicani portione. Verum, ut dixi, nolo *argumentum legis* evolvere, sed de *congruo* tantum loqui.

Ita ut mea quidem sententia, existimem omnes Post-Natos esse civitate donatos *ipso jure*. Non tamen puto superfluum esse, si id fiat Parlamenti decreto: ob eam præsertim

tīm maximam; quod *Principum actiones præcipue ad famam sint componenda.* In toto orbe celebrabitur amor noster erga eos, & concordia cum ipsis. Et hæ sunt, *Domine Prolocutor*, ponderosæ objectiones ex adversa propositæ parte, cum responsionibus meis. Librate eas sagacibus animis vestris. Sicque generalem illam partem finio.

Jam ergo juxta promissionem meam cogor alteram quoque libræ lancem implere, & exponere inconvenientias, quas incurremus, non procedentes ad hanc civitatis donationem. In his autem inconvenientiis illa, ex omnibus maxima, & si nullæ aliæ essent, sola, quæ me vehementer movet, vosque movere potest, est regula status ex historiis collecta, ita sonans: Quod ubicunque diversa regna, aut reipublicæ in unum supremum dominium coaluerunt, iterum separaverint se occasione data vel per rebellionem vel relapsum; nisi unio illa fuerit firmata ulteriori unitione, & quidem in specie per jus civitatis concessum, de quo nunc quaeritur.

Hujus assertionis primum exemplum dabo ex unione *Romanorum & Latinorum*, quæ duravit inde à pugna juxta lacum Regillensem usque ad Consulatum *T. Manlii & P. Decii*, quo tempore de hoc puncto, civitatis scil. jure, movebatur bellum illud dictum *sociale*, tum cruentissimum, tum perniciosissimum, in quo post innumeras pugnas, infinitas victorias, urbiumque oppugnationes Romani tandem superarunt La-

tinis. Sed quam primum gloriam belli reportarunt, & retrospexerunt ad quantam perniciem confusionemque delati essent, illico civitate donarunt istos. Loquimini de sanguinis receptione in jus civitatis, & ecce receptionem verè sanguinariam.

Propono vobis exemplum Spartanorum & reliquorum Peloponnesii incolarum; qui illorum fuerunt socii. Fastidiosa fuit Spartanorum gens & parca in impertiendo confederatis suis civitatis beneficio. Quis autem erat eventus? Postquam ipsis imperavit annis aliquot per confederationem quandam atque amicitiam, prima occasione data, (quæ fuit occupatio Thebarum Castellî, à quibusdam desperatis hominibus larvâ inductis, tentata) rebellio statim cœpit & defectio sociorum secuta est; quod ipsum ruina fuit Reipublicæ Spartanæ, postea non amplius restaurandæ.

Ex posteriorum temporum historiis ob oculos vestros ponam simile in Arragoniæ regno exemplum: Regnum hoc cum Castilia & reliquis Hispaniæ partibus unitum fuit sub Ferdinando & Isabella, & sic multis postmansit annis: ita tamen, ut tanquam separatum manserit regnum quoad privilegia, & in specie quoad hoc civitate donationis membrum & jus hæreditatis. Quid inde factum? Hoc factum est. Nuper, annis scilicet duodecim vix elapsis, ad vocem hominis condemnati, ex carceribus versus plateam clamantis *Fueros* (i. e. Libertates & Privilegia) periculosissima rebellio excitata fuit, qua suppressa

pressa & difficulter per regium exercitum coërcita, omnia eorum privilegia sublata sunt, ipsi verò reliquo Hispaniæ corpori inserti. Ad tantulam occasionem rumpebatur unio, quæ duraverat tam diu.

Idem dici potest de statibus *Florentino & Pisano*, quorum hic illi unitus, sed absque civitatis donatione, quam primum ab exteris adjutus est, tempore scilicet Caroli VIII. Galliæ Regis in Italiam exercitum ducentis, descivit: nunc autem denuo unitus, civitateque donatus est.

Idem cernimus in regnis maxime barbaris, quod argumentum est, esse hunc effectum naturalem. Videbatur senatui Constantinopolitano optimum fore, si tres provinciæ, *Transsylvania, Valachia, & Moldavia* ne vastarentur, (Constantinopoleos enim sunt ob summam rerum copiam promptuaria) in forma sua conservarentur sub Palatinis suis tanquam Vasallis & homagio obstrictis, non verò sub Bassis & aliis Turcici Imperii Provinciis. Sed videmus intentionem hanc bono caruisse effectu; defecerunt enim tres istæ Provinciæ, præeunte *Sigismundo* Transsylvaniæ Principe, Duce olim satis insigni: nec defectio ista penitus sanata. Nunquam autem audimus provincias illas desciscere, quæ imperio Turcico inseruntur seu incorporantur.

Ex altera parte, *Domine Prolocutor*, quoniam verum est Logicorum dictærum: *Opposita juxta se posita, magis elucescunt*, circumspiciamus & videbimus, quod ubicunq;

regna & respubl. coaluerunt, eaque unio firmata fuit vinculo mutux in civitatem receptionis, nunquam deinde, occasione licet præbita, se invicem separasse, aut descivisse. Id clare cernimus in diversis Gallix Provinciis, ac nominatim *Guienna, Provincia, Normannia, Britannia*; quæ non obstantibus infinitis tumultibus istius regni, nunquam divisæ fuerunt.

Idem observare licet in Hispanix regnis omnibus, quæ mutuo jura civitatis communicarunt: ut *Legio, Castilia, Valentia, Andalusia, Granada* &c. excepta *Arragonia*, quæ contrarium observavit methodum, ideoque etiam, ut diximus, contrarium nata est effectum. Et *Portugallia*, quæ nondum satis probata est.

Et tandem parem effectum in nostra gente videmus, quæ nunquam scissa est, postquam semel unita fuit: ita ut nunc vix sciamus, utrum Heptarchia sit historia, an fabula? Ideoque (*Domine Prolocutor*) quando penes me ista recogito, atque alia, in civitatem receptionis necessitatem, si defectio evitari debeat, ad oculum demonstrantia; & ex altera parte tot argumenta & scrupulos audio: in mentem mihi revocat priscum illum Episcopum, qui in disputatione quadam Theologorum Christianorum cum eruditis aliquot gentilibus, vehementer audiri flagitavit: Isti vero audire ipsum recusabant, scientes, quod esset indoctus, quanquam prudens alias & sanctus: tandem autem loqui permissus est, cumque sermonem inciperet,

argu-

argumentorum loco recitavit Apostolorum symbolum, eaque fiducia & constantia id præstitit, ut magis percelleret mentes se audientium, quam quod ullum antehac fecerat argumentum. Sic quoque ego, *Domine Prolocutor*, contra omnia subtilia ista argutaque argumenta dico, me credere, (& ægrè laturum, si verus hic invenirer propheta) quod, nisi procedamus Scotosque civitate donemus, futurum sit, ut (quanquam fortassis non hoc Rege regnante, qui utramque gentem sibi devinctam tenet, tamen) apud successores ejus regna isthæc in continuo versentur discrimine, aptaque sint ad divisionem & separationem. Jam ergo, si quis adeò negligens sit, velitque, ut *maneant nostros ea cura Nepotes*, aut adeo durus, velitque ut ejusmodi res cruentum experiantur gladium: firmiter credo, talem non ejusdem cum S. Paulo opinionis; qui affirmat, illum qui non providet familiæ suæ, infideli pejorem esse. Multo magis autem istam incurremus censuram, si noluerimus duobus his providere regnis, multas complectentibus familias, sed exposita periculis futurarum divisionum reliquerimus. Et sic exposui vobis inconvenientiam, quæ ut maxime prægnans est, ita & maxime me movet.

Nec tamen aliæ desunt inconvenientiæ, *Domine Prolocutor*, quarum effectus, ut metuo, non tam diu, ut illius, de qua nunc locutus sum, differetur. Consideret prudentia vestra, annon civitatis denegatio simultates & alienationem vel offensam inge-

itura sit: non quidem de jure sed de facto; rumore inter utramque nationem sparso. Annon contra nos excitatura sit omnes invidia, malitiæque plenos affectus ubicunque, (nunc quidem sopitos) & foris & domi, atque sic viam apertura variis machinationibus ad Rempublicam hanc disturbendam. Quod vero attinet alteram illam inconvenientiam, quatenus S. R. Majestas in hac actione concernitur, magis urgens est, quam ut de ea loqui necesse sit. Multoque melius in mentibus vestris ponderabitur, quam ore meo, aut alius cujuscumque; quoniam, ut dixi, nimium urget libertatem nostram. Igitur, *Domine Prolocutor*, ad tertiam generalem divisionis meæ partem pergo, de *Beneficiis* locuturus, quæ adipiscemur ex firmiori architecturique horum regnorum per communicatum jus civitatis conjunctione.

Duo autem sunt *Beneficia* illa, *Securitas* & *Magnitudo*. Quoad illam probe *Titus Quintus* de statu Peloponnesi locutus est, dicens: *Testudo intra tegumen tuta est*; sed ubi partes quædam apertæ sunt, reliquis omnibus periculum creant. Scimus equidem, quod licet nunc blanda fruamur pace, inimicus tamen olim noster fuerit *Gallus* & *Hispanus* nuper. Quisque eorum suam quasi habuit posticam januam ad nos infestandos. *Gallus Scotiam*, *Hispanus Hiberniam*; Hic enim duobus his inimicis patuit accessus, ubi etiam vires & animum resumserunt nos invasuri. Videmus vero nunc, Scotiam iis ademptam esse per istam regnorum unionem. Ut ergo
con-

constans ea sit & permanens curandum. Per Hiberniam accessus quoque præclusus est ob commodum Scotiæ Meridionalis situm, respicit enim Hiberniam Septentrionalem, ubi ulcus erat, quod subito sanatum, ita permanet ope hujus medicaminis: Sicque nulla amplius pars hujus Reipublicæ exposita est periculis aut tentaminibus insidiantium inimicorum, postquam omnes ipsis adempti aut præclusi sunt aditus. Non enim dubito, quin exteri illi minus fortunatis gaudentes successibus, cum istas haberent opportunitates, multo magis demissuri sint animas, nunc ipsis orbat. Et tantum de securitate.

Quod magnitudinem opinor, posse aliquem sobrie & absque jactantia dicere, quod hoc Angliæ regnum, postquam Scotia ei unita est, Hibernia subjecta, Belgium foederibus junctum & Navigationes vindicatæ sunt, sit inter maximas Monarchias, quæ extiterunt unquam, connumerandum. Revera etenim regna terrestria æquiparari possunt regno cælorum; quod Servator noster non magno nucleo aut nuci assimilat, sed exiguo grano, quod tamen crescit ac diffundit ramos suos. Et talem esse constitutionem regni hujus arbitror, si applicemus consilia nostra ad amplitudinem & potentiam, nec traducamus nimium ad utilitatem & opes. Nonne opinamini sanam fuisse responsionem, quam *Solon* dedit *Cræso*, opulento *Lydiæ Regi*, ostendenti sibi ingentem auri copiam, ad ostentandam magnitudinem atque potentiam suam: præter expe-

etationem dicens: *Si alius meliori, quam Tu, instructus fuerit ferro, omnis auri tui Dominus fiet.* Neque *Machiavelli* autoritas rejicienda, qui adagium illud politicum, primo ex *Muciani* sermone depromptum, quod *pecunia sit belli nervus*, castigans dicit, non alios belli nervos esse, quam nervos in fortium virorum brachiis. Præterea quicumque aspicit seminaria initiaque Monarchiarum, reperiet in paupertate fundata esse. Persia sterilis est atque egena respectu *Medie*, quam devicit. *Macedonia* ignobilis regio fuit & mercenaria usque ad *Philippi* tempora *Amyntæ* filii. Romæ origines fuerunt pastoritæ & tenues. *Turca Scytharum* in Sarmatia cohors fuerunt, qui tanquam vagabundi invaserunt eam Asiæ partem, quæ *Turcomannia* appellatur. Exque iis post varios fortunæ casus *Ottomannica* surrexit familia, nunc orbis terror. Sic novimus *Gothos*, *Vandalos*, *Alanos*, *Hannos*, *Longobardos*, *Normannos* aliosque septentrionis populos invasisse Romanum Imperium; non autem venisse ut vagabundos, prædam auferentes & abeuntes, sed magno numero subsedisse in optimis ditissimisque provinciis, ubi non solum eorum nepotes, verum etiam nomina ad hunc usque remanent diem, ut testis est *Longobardia*, *Catalonia*, verbo ex Gothis & Alanis composito; *Andalusia* nomine ex *Vandelicia* corrupto. *Hungaria*, *Normannia* & alia. Nec Helvetiorum fortuna prætereunda, qui (in sterili montosæque regione siti) non ita multis abhinc annis primi *Burgundiæ*

CIVITATE DONANDIS. 61
gundiæ Ducem illum pessunderunt, qui
omnem pene Galliam vastaverat, quo tem-
pore post pugnam ad *Granson* pretiosissima
Burgundiæ gemma, multis millibus æstima-
ta, paucis denariis vendita fuit ab Helvero
plebeio, qui non magis ac *Æsopi* gallus
æstimare scivit gemmas; Deinde eadem gens
contemptum ultura, *Regis Gallia* negotia im-
pedivit in Italia, *Ludovici* scil. XII. Hic
enim Rex aliquantulum morose sollicitatus à
Legato Helvetiorum, ut eorum pensiones
augeret, in ista iracundus prorupit verba;
Quid isti Montium habitatores; num tribu-
tum mihi imponent pro lubitu? verbis his
perdidit Mediolanensem Ducatum & ex Ita-
lia ejectus est. Omnia ista, *Domine Prolo-*
cutor, confirmant *Solonis* dictum, quo do-
minium ferri super aurum asseritur. Si igitur
quod sentio dicere licet, videtur mihi,
quod dedignari nos deceat, Hispanos (qui
licet nunc imperent, olim tamen servierunt
multis seculis, primo *Carthaginensibus*,
deinde *Romanis*, post *Saracenis*, *Gothis*, aliis-
que) nupere eos sumsisse spiritus, ut de Mo-
narchia in Occidente somniaverint; juxta il-
lud, *Video solem orientem in Occidente*: ea tan-
tum de causa, quoniam apud ferum iner-
memque populum minas aurique gazas de-
prædati sunt. Nos verò è contra in hac Bri-
tanniæ insula adeo populosa & viris repleta,
optimoque, ut arbitror, ferro instructa, (i.e.
optimis militibus) nihil cogitare aliud, quam
rationes & computum, & *Meum & Tuum*,
& nescio quid non.

Sic, *Domine Prolocutor*, videor mihi omnia pertractasse, quæ proposui. Si autem cuiquam videar *Placebo* cecinisse; sciat ille, non adeo me hospitem in orbe esse, ut ignorem æque privatam conditionem meam decere, *Tacebo*. Verum ex intimis cordis mei penetralibus locutus sum, secundum illud: *Crédidi, propter quod locutus sum*, feci quod fuit officii mei, Judicium penes vos esto. Deus aurem dirigat in finem optimum.

O R A T I O
EQUITIS FRANCISCI
BACONIS

In inferiori Domo Parlamenti, Occasione Quæstionis.

D E

U N I O N E L E G U M.

PLaceat vobis, *Domine Prolocutor*; si esset nunc optandi tempus, æque ac consultandi est, nemo me promptior foret aut vehementior in illo voto: ut S. R. Majestatis subditi in Anglia & Scotia iisdem gubernentur legibus; idque multis de causis.

Primo infallibile hoc foret argumentum; nunquam posthac gentes istas divisum aut separatum iri.

Secundo *dulcis tractus pari jugo*, si nobis maxime

maxime incumbit onus, jūguū verò ipsos non premit, inæqualitas est.

Tertio, Qualitas & (ut loqui libet) Elementa Legum apud ipsos ejusmodi sunt, ut in compositione excellentem promittant temperaturam: nam si Prærogativæ hic nimis definitæ sunt, fortassis libertates apud ipsos nimis laxæ erunt. Si leges nostræ & processus nimis prolixi sunt, nimisque formalitatibus intricati; eorum fortassis nimium informes erunt & summarii.

Quarto, Quantum ego quidem capio, nulla in hoc opere magna erit difficultas. Ipsorum enim leges, quantum cognovi, nostris comparatæ, similes sunt ipsorum linguæ nostræ collatæ. Hæc namque easdem cum nostra habet radices, adscitis paulo pluribus ex Latino Gallicoque sermone vocabulis; Ita Leges & consuetudines eorum, eadem cum nostris habent fundamenta, receptis paulo pluribus ex *Lege Civili & Gallia consuetudinibus*.

Ultimo, medium ad hoc opus non est ignobilius ipso opere. Nam si amborum Leges uniendæ sunt, necesse est, ut in præparatione ad unionem hanc revisio atque collectio legum nostrarum instituatur; quo facto, mea quidem opinione in hoc pacis ævo, S. R. Majestas vix Republicâ dignius aut utilius suscipere potest.

*Pace data terris, animum ad civilia vertit
Fura suum, legesque tulit justissimus
author.*

Continua autem legum accumulatio, citra
dige-

ar
dij

digestionem, chaos tantum constituit atque confusionem; ipsasque leges sæpenumero in laqueos convertit populo, ut in Scriptura S. dicitur: *pluet super eos laqueos.* Jam verò non sunt pejores laquei, quam laquei legum. Ideoque opus hoc judico esse vere Heroicum. Atque sic quoad hoc bonum votum pro uniendis legibus in totum consensio. Puto etiam cognoscere vos ex iis quæ dixi, me hac in re non accedere aliorum opinionī, sed dudum me in hac fuisse sententia. Verum ut hoc moveor Zelo, ita videor mihi intempestivè moveri. Sic enim solent fervidi affectus: feruntur homines ad finem, ita ut ad media minus attendant. Nam si opportunum hoc tempus est de eo consultandi, erit vel ideo, quia negotium absque illo succedere nequit; vel quia tempore aut ordine hoc, quod tractamus, debet præcedere; vel quoniam commoda quædam perdemus ad hunc effectum valde desideratum tendentia, si qua cœpimus methodo pergemus. Sed neutrum horum meo judicio verum est; ideoque affectus iste, ut dixi, intempestivus.

Primo, quod non possit esse civitatis donatio absque legum unionem, defendi nequit. Ecclesiam aspice ejusque unionem. Videbis multas Ecclesias unam tenentes fidem, baptismum (res spirituale civitatis jus complectentes) sæpe differre politia, constitutione, & consuetudine. Ideoque Patrem aliquis insigne quiddam observavit ex duobus mysteriis, altero Evangelii, ubi
Chr isti

Christi tunica dicitur fuisse absque fissura; altero psalmi, ubi vestis reginæ versicolor asseritur. Ita concludens: *In veste varietas sit, scissura non sit.* Sic in hoc casu faciamus Monarchiam hanc esse unum corpus, non unius coloris. Aspice denuo exteras regiones, & quæ proxime nobis adjacet Galliam, videbisque hanc ibi divisionem, *Pais du Droit Escrit, & Pais du Droit Coustumier.* Nam Vasconia, Languedocia, Provincia, Delphinatus, regiones sunt liberæ, seu textu Civilium legum scripto gubernatæ: Verum *Insula Francia, Turonia, Bituricum, Andegavia* &c. cum omni ferè Britannia atque Normannia, consuetudinibus reguntur, quæ fere sunt quasi leges municipales. Legem autem Civilem pro fundamento tantum habent, neque utuntur ad decidendos novos rarosque casus, Jus civitatis verò ad omnes pertinet.

Secundo, quod unio legum debeat præcedere civitatis donationem, aut pari passu progredi, difficulter quoque demonstrari potest: contrarium potius evincitur. Hujus sententiæ meæ, ut multas possem dare rationes, ita quoniam tantum esset digressio, ideoque brevitatem eam decet; unum tantum proferam, idque paucis planisque verbis. Legum unio longum requirit tempus, tum ad colligendum, tum ad confirmandum eas; si igitur interea illa extraneorum nota maneat; metuo ne inducat ejusmodi alienationis habitum, qui magis sit impedimentum, quam præparatio unionis.

Sapiens ille fuit, qui dixit; *Opportuni magnis conatibus transitus rerum.* Et in ejusmodi casibus *non progredi, est regredi.* Ut in tabula necesse est prius delere, antequam inscribatur aliud, & porro ut quod scribitur, per litteras sit sigillatim; quod verò deletur, simul expungitur. Ita nunc circa tabulas humani cordis occupamur, in quas frustra laborabit spontaneam acceptionem legum nostrarum inscribere, quicumque non prius expunxerit omnes hostilitatis & extraneæ conditionis notas. Expungendæ autem sunt istæ *simul & semel*, non gradatim, illa vero imprimenda seu insculpenda distincte & per gradus.

Tertio, cum opinentur quidam communicationem beneficiorum & privilegiorum nostrarum esse sat firmum vinculum, quo trahi possint ut se nobis submittant: probabiliter tantum arguitur, multiplicemque responsionem admittit. Nam primo Intentio seu Scopus non recte intelligitur: is siquidem non est, veluti persuasus sum, ut ipsi penitus se legibus nostris subjiciant; verum ut gens utraque ad unam aliquam Legum uniformitatem perducatur. Porro cogitare, quod contractus per certos articulos & pacta conventa sit ineundus; ita ut receptis legibus nostris obtineant privilegia nostra, res est ob politicas rationes minime expectanda: neque enim plebeius homo ad eas descenderet conditiones; imprimis si verum illud Senecæ; *Beneficium accipere, est libertatem vendere.* Alia est Methodus quam Politici præscribunt:

Vin-

Vincere ipsos beneficiis & moribus. Videmus omnes creaturas ab homine primum pasci, deinde domari. Et cum regna primum formarentur, reges populum devinciebant beneficiis atque protectione, antequam iugum ipsis imponerent. Et quoad mores, quod Poetæ vocant, *imponere morem*, quis dubitat, sedem regni & exemplum Regis, hic existentia, illico mores nostros illuc translatura, viamque legibus nostris paratura?

Et denique civitatis donatio nunc proposta ejusmodi limitationibus determinata est, ut multa relinquantur, quibus velut adamante imposterum uti poterimus ad alliciendo illos ulterius juxta desiderium nostrum. Ut igitur concludam, sententia mea est, consilium hoc de unione legum dignum esse consideratione nostra, & a bonis suppeditari animis, huic vero tempori minus congruere.

Quod igitur attinet illud de quo quæritur; aliud non est, quam utrum differentia constituenda in civitatis concessæ privilegio inter *ante-natos* & *Post-Natos*; non intuitu legis (hoc enim aliter definiretur) sed tantum intuitu convenientiæ; (ac si nunc denovo lex sancienda esset.) In hac quæstione duas tantum removebo objectiones, duobusque tantum utar argumentis, & vestro permittam judicio.

Prima objectio fuit: quod si differentia admittenda, in favorem Ante-Natorum ea sit constituenda: sunt enim isti homines me-

ritis, servitiis atque speciminibus variis conspicui. Post-Nati autem sunt infantes, qui ut Scriptura loquitur, lævam à dextra dignoscere nequeunt.

Bona hæc esset ratio, *Domine Prolocutor*, si quæstio foret de in civitatem receptione aliquot personarum per diplôma privatum: nullam verò gerit proportionem ad generalem casum. Nunc enim non considerandi respectus aliquibus proprii, sed omnibus communes. Jam verò annon imaginari poterimus illos, qui eo tempore lucem aspexerunt, ex quo hæc felix unio, Regiæ Majestatis Personæ adhærens contigit, magis fore fidos, amoreque regni hujus spirantes, quam illi, qui olim extranei fuerunt? Nam *nemo subito fingitur*. Mentes non æque cito ut tempora convertuntur. Imò in *Gratiæ* effectibus, quæ multum Naturæ opem antecellit, videmus S. Paulum distinguere inter Neophytos, h. e. nuper christianismo adscriptos, & illos qui in fide educati fuerunt. Et ita videmus juxta Ecclesiæ leges Christianorum liberos baptizari ob parentum suorum fidem; cum Ethnici proles baptismum suscipere nequeat, donec intelligibilem fidæi suæ confessionem edat.

Altera objectio fuit; debere nos magis attendere, quomodo coërcendi sint post-nati, quam ante-nati: Nam durante R. Majestatis ævo, utpote Principis; probatæ sapientiæ atque judicii, non egemus melioribus cautelis, quam fiducia in ipsum reponenda: In securis autem succedentium temporum impè-

riis,

riis, cautela nostra versabitur circa rem, nec personæ poterimus acquiescere Regis.

Ad hoc regero, quod uti non possumus dehinc expectare regem minus erroribus obnoxium, quoad iudicium: ita neque expectare possumus Principem æque excedentem (si ita loqui fas est) in isto benefaciendi opere erga nationem hanc quoad occasionem. Quandoquidem enim omnes principes, hominesque devinciantur vel meritis vel conversatione, nulla est verisimilitudo aliquem ex R. Majestatis posteris posse habere alterutram istius beneficentiæ causam in tam amplo gradu. Et istæ sunt objectiones duæ, præ reliquis ponderosæ mihi visæ, quare Post-Nati magis liberi debeant relinqui, nec iisdem cum Ante-Natis restrictionibus coerceri. Responsiones quoque audivistis.

Rationes duæ, quas è regione dare volui, sunt sequentes: Altera ex communi sensu petitur: altera politica est. Videmus, *Domine Prolocutor*, tempus nativitatis in plurimis casibus primario respici. In Natura plantationis tempus diligenter observatur. Astrologos videmus præsumere vaticinia de fortuna hominis ex nativitate ipsius. In legibus non incommode casus legitimationis applicabimus ad casum in civitatem receptionis. Verum quidem est Jus Canonicum commune Ante-Natos & Post-Natos in eodem gradu ponere. Ast cum in Parlamento Angliæ ista moveretur quæstio; *Barones una voce responderunt, nolumus leges Angliæ mutare.* Et quanquam negari nequit, Ante-Natos
& Post-

& Post-Natos in eodem esse gradu respectu dignitatis; non tamen sunt respectu *capacitatis*. Nemo enim dubitat Comitum vel Baronum filium ante electionem ad istos honores natum, æque hæredem esse paternæ dignitatis ac postea genitum.

Verum hominis convicti filius ante convictionem natus non erit hæres uti ille, qui postea genitus est, nec quicquam obstante privilegio veniæ.

Ratio politica est: unamquamque restrictionem circa Ante-Natos esse temporariam, & expirare cum ista generatione. Si verò idem circa Post-Natos ageretur, nihil aliud esse quam perpetuam separationem.

Hæc in Materia autem, *Domine Prolocutor*, brevis fui, quoniam non expectavi dubium aliquod circa Convenientiam: ideoque multum ibi occupari nolo, ubi magnam contradictionem non prælagio.

COGITATA

DE

COLONIIS IN HIBERNIAM DEDUCENDIS PROPOSITA.

S. Reg. Majestati 1606.

Videtur Deum reservasse Majestatis Vestræ ævo duo opera, quæ inter Regia eminent maxime. Unire regna & habitatoribus

toribus replere. Licet enim eximia fortuna sit, si Rex liberare seu eximere possit regnum suum diuturnis calamitatibus; attamen iudicio eorum, qui distinxerunt honores summos, illi cæteris omnibus præferendi, qui sunt Fundatores Rerum publicarum aut Regnorum. In artibus & scientiis majus est, invenire, quam illustrare aut amplificare: & inter opera Dei major est creatio quam conservatio; in naturæ etiam operibus generatio ac nativitas dignior est quam vitæ continuatio; ita in regnis prima fundatio seu coloniarum deductio majoris dignitatis est atque meriti, quam omne id quod sequitur. Foundationis autem duo tantum sunt genera; alterum, quod unum ex pluribus facit, alterum quod ex nihilo aliquid producit. Hoc creationem mundi æmulatur, *de nihilo ad quid* procedentem, Illud ædificationem Ecclesiæ, *de multiplici ad simplex* vel ad unum. Placuit autem Divinæ Providentiæ speciali erga Majestatem Vestram gratia utrumque hoc foundationis vel regenerationis genus, Regiis Vestris committere manibus. Unionem scilicet Insulæ magnæ Britanniæ, & repletionem incolis ingentium neque ignobilium in Hibernia regionum: Quæ facta feliciter tandem peracta, illud merebuntur quod optimus Oratorum versu pessimo elocutus est: *O fortunatam natam me Consule Romam*: jure æquiori Majestati Vestræ applicandum: *Natam Te Rege Britanniam; natam Hiberniam*. Improperie enim loquebatur de liberatione
atque

atque conservatione , in his verò Majestatis Vestræ actionibus magis proprie ea accipi possunt verba. Nam *Unio & Coloniarum deductio* revera dici possunt Nativitates regnorum. Excedit etiam Majestatis Vestræ fortuna aut differt saltem ab antiquis ejusdem speciei exemplis. Plurimæ regnorum uniones aut exordia sanguinis effusione cœperunt, Majestas autem Vestra *solo puro & area pura* superstruet, neque opus habebit sanguine ab expiatoriis sacrificiis ; ideoque omni procul dubio majori certiorque cum Benedictione. Quare ut ausus fui, tum cum minus cognitus, minusque obstrictus essem Majestati Vestræ, quam nunc ob immeritam teneor gratiam, scriptitare quædam de unionem, Majestasque Vestra eadem acceptare non dedignata fuit ; ut & quæ posthac quantum quidem valui, non solum per sermones, verum etiam actiones, suppeditavi. Ita his audentior factus, paria circa colonias deducendas præstare allaboro. Confusus Majestatem Vestram ex infirmitate virium mearum cognituram robur affectus mei, ingeniumque & fervens desiderium videndi Majestatis Vestræ Personam, Nomen & ævum esse plus quam Antecessorum benedictum atque exaltatum. Eoque magis ad hoc inducor, quoniam recorder, quod cum Banci Regii Justitiarius defunctus, *Popham*, hoc sustineret munus, quo nunc ego fungor, & postmodum in *Arturnati* officium evectus esset, varia tentaverit de coloniis in *Momoniam* deducendis, teste scripto eum in finem propo-

proposito. Videtur tamen illud plus lucis sparsisse indicando errores, qui vitari debeant, quam directiones tradendo, quas amplecti deceat.

Primo igitur aliquid dicam de *Excellentiâ* operis, & postmodum de Mediis ad efficiendum illud. Circa *Excellentiam* quatuor illustres indicabo effectus. Primus est *Honor*; de hoc autem satis ferè jam jam locutus sum: Veruntamen *Hiberniæ Lyra* in mentem mihi revocat insigne illud Hieroglyphicum, quod prudens Antiquitas hujus generis opera delineavit. Finxerunt Poëtæ *Orpheum* virtute & suavitate *Lyræ* suæ convocasse congregasseq; feras & aves, natura sua immanes ac indomitas, adeo ut starent coram ipso, tanquam in theatro; oblitæ quasi suas proprietates, id est, fævitatem, lubidinem & rapacitatem attendentes è contra sono ac harmoniæ *Orphei*. Et paulo post convocasse pariter lapides atque arbores, ut relictis locis suis ordine ipsum circumstarent. Fabulam hanc interpretati sunt veteres de regnis domandis atque plantandis; quando scilicet populus eo adducitur, ut mores suos terros deserat, nec amplius sanguinem atque vindictam fiat, neque exerceat furtum aut rapinam: attendat verò eruditis legibus, & regimini sapientum; sequitur enim postea immediate convocatio lapidum ad extruenda domicilia, arborumque ad fabricandas domus, hortos plantandos & septa erigenda, aliaque.

Hoc jam opus præ aliis insigne, est nunc in Majestatis Vestræ manibus, præsertim si

Davidis Lyra ad ejiciendos superstitionum dæmones jungatur Orphei Cytharæ, ad abigendam desolationem atque barbariem.

Secundus operis hujus effectus est *Evitatio inconvenientia*, communiter felix ævum insequentis, estque malus bonæ causæ effectus. Ætatis hujus revolutio videtur ut plurimum in istis partibus inclinare ad pacem; Majestatis quoque Vestræ maxime Christianæ ac virtuosæ propensiones eandem promittunt, istis præsertim regnis vestris. Effectus pacis in fœcundis regnis (ubi populus nunquam attenuatus aut imminutus bello, continuo multiplicatur augeturque) est tandem nimietas incolarum, ac tanta quidem, quam ut eam ferre possit regio: quæ sæpenumero inducens communem necessitatem aut defectum mediorum apud omnes ordines, externam pacem in tumultus internos atque seditiones convertit. Jam verò quam nobilis occasio, hanc avertendi inconvenientiam Divina Providentia suppeditata fuit Majestati Vestræ, per hanc Hiberniæ culturam? in qua tot familiæ sustentari poterunt; & quarum ex Anglia Scotiaque exitus varia futurarum turbarum semina prævertere valet? Eriquet hoc simile homini, meditantī quæ ratione à loco, cui superædificaturus est domum, aquam abducatur; & postmodum inito consilio, deducat illam in lacus aut rivos, vel voluptatis, vel commodi gratia. Sic Majestas Vestra duplicem ex hoc opere fructum metet, hic evitabitur nimietas, ibi supplebitur defectus populi.

Tertius effectus est ingens securitas Reipubl. hinc enascens. Irritæ erunt omnes exterorum machinationes, quos debilitas regni hujus olim invitavit. Non autem opus est, ut rei hujus rationes petam è longinquo, siue generaliter, siue specialiter. Ad generalem pertinet, manifesta illa illius Romani de Peloponneso dictio: *Testudo intra tegumen tuta est*: exserens verò membrum aliquod, non solum illud periculo exponit, verum & omne corpus reliquum. Et sic videmus in armatura, si aliqua pars remaneat inoperata, integer homo periculo est expositus. Et in ipsissimo hominis corpore si aliqua pars sit infirma, aut male affecta, rheumata & malignos humores attrahit, ad interrompendam integri alias corporis sanitatem.

Quoad specialem, nimis recens est exemplum, docens infirmitatem regni istius fuisse continuam turbarum & statum nostrum infestandi opportunitatem. Et quamvis Majestatis Vestræ Excellentia timorem hunc quodammodo dissipet, attamen fieri nequit, quin cum incremento Potentiæ Vestræ etiam crescat invidia.

Quartus isque ultimus effectus est eximius usus ac robur, omni procul dubio emergens & regno Vestro hanc ejus rudem partem excolendo accrescens. Majestas autem Vestra (virilem vivens ætatem) annuente benigna Dei omnipotentis gratia, plus quam primitias inde capere poterit, posterì verò crescentem vividamque opum ac potentiæ potentur venam. Hæc enim insula altera

Britannia existens; ut Britannia alter orbis, tot naturæ dotibus referta est. (si consideremus solî fertilitatem, Portus, Flumina, Piscationes, Lapidinas, sylvas, aliaque ad ædificationem apta, & in specie genus, robur, dexteritatemque incolarum) ut difficulter, imo ne quidem in continente tanta opum affluentia reperiatur, si opera hominum jungatur naturæ operi. Media quibus hoc efficiatur, Majestati Vestræ suppeditabunt viri experti industriique, ibi jamdum regia perficientes ministeria. Prudens quoque hic & sagax suggeret senatus; cognoscunt enim hi palpitationem cordis, i. e. populi, viasque norunt, quibus magnæ actiones sunt gerendæ. Ut taceam illum, qui omnes superat, sapientiæ omnigenæ fontem in sacratissimo Majestatis Vestræ pectore. Quamquam in ejusmodi negotio, tam universali, vitio verti nequeat Majestati Vestræ, si varias audiat opiniones. Nam ut Demosthenes bene dixit; *Bonum Principis vel Reipubl. fatum aliquando bonam sententiam in stulti buccam ponit.* Puto igitur, media huc tendentia in duobus primario consistere. Primum est Invitatio ac incitamentum ejusmodi hominum, qui illud aggrediantur opus. Secundum, Ordo ac Leges ab his observandæ. Nam ut in omnibus instrumentis est aliquid, quod motum & robur confert, reliquum autem illud ipsum gubernat ac dirigit. Sic res se habet in istis rerum publ. instrumentis seu machinis. Primum quoad: certe, post Providentiam atque Digitum Dei,

Dei, nobile hoc atque excellens desiderium, tabulis seu Regio Majestatis Vestræ cordi inscribentem; Authoritas atque benigna Voluntas Vestra est *Primus Motor* hac in causa: Ideoque quò firmitus & plenius Majestas Vestra declarabit voluntatem suam, eo efficacior erit progressus. Actio enim est, quæ ut dignitate sua geritur, ita indoles ipsius requirit, ut excellentia quadam existimationis perficiatur: Digna quæ mihi videtur ut tum pulpita, tum Parlamenta, omnesque loci de illa resonent. Nam illud quod vanitas est alicubi, (intelligo autem famam) admodum hoc in casu efficax est.

Deinde ad inferiores descendurus sphas atque quid cooperari queant subditi, quibusque mediis incitari, traditurus, plano eoque certissimo fundamento innitatur. Omnes homines ad agendum impelluntur *Voluptate, Honore & Utili.* Sed antequam de his tribus loquar, merito inferenda mentio de Qualitate eorum; qui hoc aggressuri sunt opus. Et hic opinio mea est, quod si Majestas Vestra, eas Hiberniæ partes, quæ habitatoribus replendæ sunt, voluerit tanquam mercedem, aut præmium egenis exponere, utpote qui probabiliter præ aliis illam quærent: Vix fieri poterit, ut coloniis adæquate sufficiant, sed deficiant potius in opere medio, & ut Tacitus inquit, *progre-
diantur acribus initiis, sine incurioso.* Tendent id potius opulenti, non vero sustentent se hic indigiti. Nam isti ad hoc opus idonei sunt, qui possunt successiones redimere macras,

cras, etiam post mortem usum fructum sperantes, aut tales qui expendere possunt pecuniam, sero eandem recepturi.

Non tamen puto, quod qui opus hoc agredientur, non habituri sint inter se duces quosdam & servos securitatis ergo; verum in genere loquor de ipsorum statu, voloque ut sint opulenti ac divites.

Jam igitur sponte sequitur de causis impulsivis sermo. Nunc enim apparet quam necessarium sit allicere homines, quandoquidem ad illud qui sunt prompti, minus sunt idonei; qui verò idonei sunt, minus prompti erunt.

Voluptatis in hac regione nihil est; non enim ibi sunt hyemes tepidæ, aut Aurantia poma, aut feræ seu volucres peregrinæ, vel alia tum curiosa, tum delectantia, ut in India, alibique. Vix igitur quicquam aliud circa voluptatem dici potest; quam ipsum Novitatis desiderium atque experimentum apud ingenia summa esse voluptatem. Ideoque reliqua duo ab Honore & Utilitate petita argumenta erunt quibus unice insistendum est.

Circa Honorem Majestati Vestræ proponam; annon prudenter fieret, si ad illustrandum illum Comitatus Ultoniæ adderetur Principis Titulis? Docuit id Eduardus I. Rex, ad coercendos Walliæ incolas ejusmodi artificio usus. Et Hispaniæ Rex videtur eodem fine assumisse Provinciam in Neapolitano Regno. Aliosque puto idem fecisse: est enim illud

magnum in ejusmodi opere ordiendo incitamentum.

Amplis etiam illis territoriis consideratis fortassis placebit Majestati Vestræ nobilium ordinem ibi constituere. Quod si fieret tantum novorum titulorum aut dignitatis gratia, absque relatione ad vetera: absque conjunctione etiam multorum agrorum in una manu; aut tandem absque oneribus aut legibus multis, non video posse oriri inde aliquod periculum; ut econtrario personæ illustres divitesque allici possent ad promovendam Hiberniæ culturam, sumtusque suppetendos.

Ordo tandem Equestris viris collatus plebejis, vel Equestris ordo cum aliqua differentia nova aut Præcedentia, plurimos certe movere poterit. Si verò putet aliquis, ea quæ propono, esse *aliquid nimis*, secundum proportionem operis hujus; palam fateor, Majestatem Vestram, si voluerit revera & feliciter effectum assequi, non posse nimios solares radios eo demittere; *Nam Luna radiis non maturefcit botrus.* NB. Tantum de Honore.

Utile tribus constat partibus. Prima sit exiguus census, quem Majestati Vestræ ab istis colonis exigere placeat.

Secunda Libertas, quam Majestati Vestræ iisdem permittere libeat. Quando autem de libertatibus loquor, non intelligo immunitatem à jurisdictione, ut Comitatus Palatini, aut similia: (circa quod ut videtur erratum est in antiquis donationibus & coloniis

istius regni) sed intelligo saltem libertatem exempli gratia, exportandi merces in terra noviter culta enatas ; importandi hinc omnia ipsis necessaria ; immunitatem à telonio ; licentiam lignorum aliarumque rerum ex Majestatis Vestræ Sylvis & similibus.

Tertia est , sumptuum allevamentum , ne scilicet ii à privatis solummodo fiant .

Priores duas mitto , quoniam in illa designatione , quam diligenter prudenterque conscriptam exhibuerunt Majestati Vestræ Ministri in illa regione constituti , mea quidem sententia optime pertractatæ sunt .

Circa tertiam verò non dubito , quin Angliæ Parlamentum intelligens , Actionem hanc haud esse inane fulgur , verum solidum & firmum propositum , subveniet operi tam sacro , necessario & utili . Distributio autem sumptuum (si bene observemus) proprie in tria dispecitur membra , quorum unumquodque peculiari sua gaudet scaturigine . Nam ut ex Majestatis Vestræ Liberalitate ac Munificentia agrorum donatio aliarumque rerum manat , una cum privilegiorum indultu ; & veluti sumptus privatorum ædibus extruendis , fundorum provisioni , com meatui & aliis rebus, ab his impendendi erunt, qui hoc in se suscipient opus ; ita omne quod publicum est, ut ædificatio templorum, civitatum munimenta , publica que earundem ædificia, pontes, regiæque viæ & simil. non adeo à privatis exigenda, quam ex æra hujus regni publico haurienda, utpote cui pari-

parilem opus hoc afferet gloriam, robor atque commoda.

De designatione ipsa tanto minus dicam, quanto exactius Comitatum Tyronensem consideravit. Ideoque circa illa tantum occupabor, ad quæ vel addam aliquid, vel dissensum meum ostendam; sunt autem quinque. Primo mentionem faciunt commissionis circa colonias has instituendæ. Hæc ante alia est necessaria, tum ad dirigendas, tum ad sedandas controversias & similia.

Huic duo appono. Prius est, quod fortassis & ab ipsis intenditur, non autem exprimitur; quod Commissarii debeant aliquamdiu residere ac manere in civitate quadam Hiberniæ populosa, propinqua tamen locis illis, qui excolendi erunt; ea de causa ut eo citius exequi possint officium suum. Probabile etiam est, quod attrahendo plebem atque opifices ad civitates istas, cultores novæ terræ poterunt ab ipsis accipere tum auxilium, tum alia sibi necessaria. Et denique commodus erit ejusmodi locus, in quo tuto recipi atque asservari poterunt ea, quæ illic exponi deponique colonorum intererit.

Posterior est, ut Majestas Vestra commercium literarium sanciat inter Commissarios illic & Senatum coloniarum hic institutendum. Hoc suadere audeo ad exemplum Præsidis in Senatu de colenda Virginia constituti. Opus mea quidem opinione tantum ab hoc differens, quantum *Amadisius Gallicus à Cæsaris Commentariis* distinguitur. Sed quando de senatu coloniarum loquor, intelligo so-

lum personas quasdam , quarum labor sit, referre , i. e. præparare ac recensere ista negotia Consilio status intimo. Nam licet Majestas Vestra prudentem idoneumque senatum in Hibernia habeat , à quo ut Commissarii adjuventur atque dependeant necesse est, id tamen nondum rei satisfacit, de qua loquor. Nam , quia circa animadversiones tum Commissariorum , tum Senatus in Hibernia multæ se offerent occasiones directionum à Majestate Vestra petendarum , à Consilio autem status intimo , plurimis negotiis occupatissimo , celerrime expedientur & feliciter scribentur directiones seu responsa, si res in antegressum consideratæ fuerint ab his, qui continuam earum gerunt curam. Erit id quoque solatium atque remuneratio quorundam præcipuorum novæ terræ colonorum , si in hunc admittantur senatum.

Secundo clausulam ponunt , qua opus hoc aggressuri , ipsi adiguntur ad illud perficiendum : ab hac dissentire cogor , si firmas esse volo propositiones jamjam recitatas. Verisimile enim non videtur quod homines opulenti , ac multis bonis abundantes ipsi suscipiant iter , ejusque incommoda ac pericula subibunt : Sed potius auguror , quod portiones quasdam sibi eligent , providentes liberis suis minoribus natu , aut consanguineis : vel expectantes suavissimum aliquod inde lucrum , cum tandem effectum fuerit opus istud. Ideoque probabile est , quod huic negotio adhibebunt filios , cognatos , servos vel inquilinos , ita tamen ut lucrum ad ipsos redun-

redundet. Fieri quoque potest, ut conjungant aliqui opes suas & sumtum societatem ineant, ita tamen ut ex consensu alteruter tantum iter hoc ingrediatur.

Tertio videtur mihi aliquid in designatione asseri, quod neque facile quis exequi poterit, nec proficuum erit. Idque est, quod ædificia debeant *sparsim* extrui in unaquaque portione, & Castellum seu primaria domus debeat prædia, locatasque ædes postmodum sibi jungere tanquam villas: Civitates autem tantum quatuor esse debeant, opificibus atque Mercatoribus concessæ.

Opinio mea hac de re est, ut omnia ædificia sint in civitatibus æquæ ad officinam, quam agriculturam constituenda. Rationes meæ sunt:

Prima, Quando homines veniunt in regionem desertam, ac omnibus ad vitam necessariis destitutam, si in uno aliquo loco confidebunt, tanto facilius egestatem suam supplere poterunt mutuo. Opifices omnis generis continuo absque jactura temporis suas exercebunt operas; nam deficiente labore hoc in loco, in alio prope adjacenti is suppeditari poterit. Merces portatoriæ leviores erunt, si ad certas sedes seu oppida merces deferentur, quam si ad multas dispersas solitariasque vehendæ erunt ædes. Infinita quoque alia subsidia & levamenta, vix cogitatione apprehendenda sequentur vicinitatem atque societatem populi. Quod si vero unusquisque (ut designatum est) seorsim ædificabit, necesse erit, ut suum habeat cor-

nucopiæ, i. e. omnes res necessarias pro se. Quod non potest non multum causare difficultatis atque sollicitudinis.

Secunda, Extrahet hoc ex habitatis Hiberniæ partibus commeatum, & non solum ad victum, verum etiam ad alia necessaria, spe divenditionis: cum si dispersa erunt habitacula, unusquisque tantum ea providebit, quæ secum ferre potest, ut apud navigantes in usu est.

Tertia, sumptus in sepimenta circa unumquodque Castellum aut domum erogandi, servari poterunt, si habitationes in oppida coalescent.

Ultima: Erit hoc medium ad conservandam regionem adversus rebellionem atque defectionem. Nam levi munimento, quod nec magnos sumptus requireret, omnes prædonum assultus præveniri possunt. Ejus omissio seu neglectus in Momoniæ cultura effecit, ut operæ multis annis absolutæ, essent aliquot tantum dierum deprædationes. Si verò aliquis putet, hac ratione Colonos nimium, procul à solo excolendo divisum iri; Judicandum est, quod civitates quoque multiplicandæ sint; & ita extruendæ, ut quasi in medietate terræ colendæ sitæ sint. Nam & in quibusdam Angliæ districtibus, ubi in urbibus junctim non verò sparsim habitant, insolens non est, duobus ab urbe milliariibus exire ad arum sollicitandum aratro. Duo autem milliaria in circuitu sat amplum terræ spatium suppeditabunt.

Quarto, Dissentio à designatione in re qua-

quadam, magis circa quantitatem & proportionem, quam circa materiam. Conceditur his, qui opus hoc in se suscipient, intra quinquennium præfixum alienare, tertiam partem prædii, & elocare alias ad annos quadraginta. Hoc puto, truncabit portiones, eritque doli occasio, quo ex duabus tantum partibus lucrum capi possit. Contraria autem mea est opinio, quod quo magis primus adstringetur Colonus ad retinendos agros, eo felicius opus hoc sit processurum. Nam primo, Persona huic regno subdita culturam aggrediens, est Colonus immediatus: Secundo, quo magis lucrum ipsius ex annuis succrescentibusque redditibus dependet, eo suavius allicietur ad colendos exercendosque agros; ideoque verisimile est, ipsum eo majorem navaturum operam: Tertio, quandoquidem indigenæ excluduntur, non video, quomodo hinc allici possint homines istius conditionis, sunt enim quasi jacturam facientes, cum domos extruunt. Persuadeo enim mihi, quod homines eo trajicientes erunt nobiles, eorumque servi; operarii etiam & vernæ, non vero gens rustica locuples. Ideoque sumptus ad extruendas domus, quæ elocentur, aut prædia erigenda, aut ædificia splendida, certe ab iis faciendi erunt, qui principes sunt in hoc negotio: compensabuntur autem sumptus isti abunde & cum insigni lucro, si non tarde vel sero terminaturos conficiant locationum codicillos. Hic igitur articulus aliquo modo ut mutetur necesse erit.

Quinto, Dicerem fere necessario requiri, ut viri istius regni statum habentes cognitum speciales quasdam rationes colligant summum, commeatus aliarumque rerum, ad Colonias deducendas requisitarum: cum in finem, ut provideri queat de omnibus atque suppeditari his, qui eo proficiscuntur: decet enim, ut privatæ industriæ publica sollicitudo ac ordinatio subveniat.

Sic exposui Majestati Vestræ rudes istas atque infirmas cogitationes, quas mecum ipse hac de materia alui, circa quas verò etiam humillime Vestræ Majestatis precor veniam atque benignam acceptationem affectus mei probæque intentionis: Regulam enim esse existimo, quod Monarchis non solum à fidelibus ministris suis debeantur officii tributa, verum etiam læti cordis oblationes. Sicque Omnipotentem obtestor, ut ingens hoc opus beet sollicitudine Majestatis Vestræ, sollicitudinem autem felicissimo successu.

LEGUM
 ANGLICANARUM
 COLLECTIO ET EMEN-
 DATIO PROPOSITA

Sacrae Regiae Majestati

A

FRANCISCO BACONO
 EQUITE.

Quandoquidem S. R. M. Vestrae Gratia in sanctius me adscivit consilium, ut tamen insimul & in *Attornati Generalis* perseverarem officio (quod hocce non contingit seculo) non ita interpretor, ac si desinendo causas tractare forenses, ferias nunc agere mihi liceat; Sed quo integrius meum Majestatis Vestrae servitiis consecrare debeam otium, minusque negotiis distrahi aliis. Ideoque in largo hoc temporis, quod lucratus sum, spatio, debitum meum esse existimo, non solum Majestatis Vestrae propere exequi mandata, functionisque meae munia; sed & meditari atque excogitare sponte, quomodo, vel me ministrante, Majestatis Vestrae virtutes in subditorum possint derivari commodum: subditi quoque reddere grates amorisque incrementum. Postquam autem varia expendi, nihil, me judice, inveni magis Majestatem Vestram, tanquam Dominum, neque me, ceu vernam, decens, quam Le-

gum Anglicanarum Collectionem inque ordinem digestionem.

Rex est Majestas Vestra prole beatus, tales autem Reges æternitatis felicissime student operibus. Non enim linquunt ea sobolis loco, verum transmittunt cum profapia etiam merita sua ad generationes futuras. Magnus injustitia iudicioque artifex est Majestas Vestra, dolendumque esset, si hujus virtutis fructus una cum Majestate Vestra emoreretur. Imperat Majestas Vestra in ætate doctissima, vel sola Regis eruditione, ipsiusque literarum patrocinio clara: & quoniam ea fuit eruditorum operum infelicitas, ut secula minus docta prævaluerint in ea; id nunc fiet neutiquam. Ego Legem profiteor, eique debeo plurima. Potest esse, quod & exigua aliarum scientiarum subsidia fuerim adeptus: ast ea saltem formam suppeditant materiæ. Collocavit me Majestas Vestra in eminentem locum, ubi in opere, quod plurimum indiget opera, coadjutores possum nancisci. Ideoque ne detineam Majestatem Vestram præfatione longa circa illud, quod nihil minus, quam vanum sermonem esse judico, rem aggrediar ipsam, quæ tamen seipsa flagitat, ut breviter præmittantur quædam ejus dignitatem, securitatem & congruentiam demonstrantia: & deinde ad opus ipsum accedatur, i. e. doceatur, quomodo sit perficiendum; quod etiam juxta ostendet optime, vastum non esse, nec speculativum opus: sed reale & tractabile. *Calisthenes*, qui *Alexandri* sequebatur aulam, ejusque incurrerat indignatio.

gnationem, quod non æque tolerare posset
 Perficam adorationem, in cœna (quæ apud
 Græcos magna ex parte sermonibus transige-
 batur) tempore quodam jubebatur, elo-
 quens enim erat, differere; quod & præsti-
 tit, pro themate eligens *Macedonum laudes*.
 Id, licet ineptum videretur, in faciem lau-
 dare homines, tanto cum veritatis emolu-
 mento fecit, tantaque adulationis evitatio-
 ne, tantoque vigore, ut auditores exilien-
 tes, rosas ex fertis suis decerperent, inque il-
 lum congererent; is enim tum applaudendi
 mos erat. Alexander verò indignatus dice-
 bat: *Qui dictionis nactus est campum bonum,
 haud agre fit isthic eloquens. At ostende* (inquit
 porro Callistheni) *facultatem tuam vitupe-
 randis Macedonibus, quo emendentur au-
 ditis delictis suis, nec solum delectentur lau-
 dibus.*

Hinc ad retractanda illa priora tanta liber-
 tate disseruit, ut Alexander diceret: *Bonum
 Thema ipsum antehac fecit eloquentem, nunc
 autem malitia cordis sui ei suggessit talia.*

1. Domine mi. Ad neutrum horum dela-
 bar extremum, de legibus locuturus Angli-
 canis. Optime seipsas commendant iis, qui
 eas intelligunt, atque Majestatis Vestræ Ju-
 stitiarius summus laudavit eas non immerito.
 Revera sunt sapientes, justæ & moderatæ.
 Dant Deo, Cæleri & subditis, quæ ipsorum
 sunt. Verum est, mixtas esse, ut linguam
 nostram, & ex *Britannorum, Romanorum,
 Saxonum, Danorum, Normannorum* consue-
 tudinibus compositas: Verum uti lingua no-

stra eo est copiosior, ita & leges eo perfectiores: neque dedecori ipsis est, quod quidam objiciunt, non easdem fuisse semper omni tempore. Nulla enim arbor ab initio tam est bona, quam postquam translocata fuerit.

2. Nequo ad imitationem alterius extremi, reprehendere leges queo. Loquor tantum de earundem perfectione, quæ facillima est in rebus optimis. Ea quæ valde sunt depravata, ægre emendationem admittunt; quod verò jam habet aliquid, ei plura possunt addi. Præterea quæ proponam, non legum materiam, sed formam indicum, expressionum & traditionum respiciunt: adeoque potius lux affundetur eis, quam nova conferetur natura. Hoc cum ita sit, vix invenio dignitati operis hujus quicquam par. Nam firmiter Honorum regionum gradus, & satis rectè, constituti sunt, ut primum occupent Rerumpl. fundatores, secundum Legum latores, tum sospitatores, & ex diuturnis calamitatibus Liberatores. Postmodum Patriæ suæ Patres, qui sunt justi prudentesque principes: & denique Victores; qui tamen honoris gradus cæteris non annumerandus, nisi plurium regnorum additio fiat ad regnum, quod victis est melius. Ex his Majestati Vestræ majori cum veritate, quam assentatione, prius tribui potest, ob Britanniae unionem, ac in Hiberniam deductas colonias, quæ utraque fundatorem indigent. Hoc quod jam propono, secundum gradus titulum Majestati Vestræ acquirere potest.

potest. Legislatores appellati sunt *Principes perpetui*. Nam uti *Gardnerius Episcopus* malodixit sensu, velle se & centum post mortem annis Episcopum esse, intuitu præceptorum, quibus instruxerat suos, sic Legislatores etiam post mortem imperant & regunt per leges suas. Verum opus hoc, cum per se splendeat, accensa non eget face. Quoad securitatem, congruentiamque ejus necesse saltem est, ad eas respondere objectiones, quæ in contrarium afferri possunt.

Obj. 1. Esse opus minime necessarium. Et legem, qualis nunc est, bene constitutam esse, etiam exterorum legibus æquiparari aptam. Neque possibile esse, ut hominis ingenium fragilitate sua impeditum, omnibus legis incertitudinibus, evasionibus, omissionibusque providere queat.

Respond. Vanum est de comparatione cum Legibus exteris loqui; non enim hic unquam consentient homines. Jurisperiti nostri pro lege municipali sententiam ferent: Civilis legis periti, & illi, qui peregrinati sunt, aliter statuent. Hoc autem verum est, leges nostras, uti nunc habemus eas, variis obnoxias esse incertitudinibus, opinionum varietatibus, dilationibus & evasionibus. Unde enascitur 1. multas & diuturnas esse lites. 2.) rixosos armis instrui, virum verò integrum defatigari & opprimi. 3.) Judicem magis esse absolutum, qui in casibus dubiis majori gaudet libertate & potentia. 4.) Fora magis frequentari, quandoquidem remedium sæpe obscurum est & dubium. 5.) Jurisconsultum

imperitum suam legis ignorantiam contegere dubiis tam frequentibus. 6.) Hominum possessiones esse incertas, quoniam contractuum libelli, testamenta & diplomata sæpe in quæstionem vocari & irrita reddi queunt: Ut alia taceam.

Egregia est regula (nam omnes secundum magis & minus incertæ sunt leges) isthæ: observa, num enata dubia sint tantum in casibus ordinariis, an verò extraordinariis & raris. Si primum, adscribe tantum fragilitati humanæ, quæ legibus suis ad omnes pertingere nequit casus: si vero posterius, persuasus esto, in lege defectum esse. Neque de hoc plura, præterquam istud, (ut unicuique suum tribuam) Nisi Eduardus Cokius recensuisset eam (quæ recensio licet erroribus scateat, iisque gravibus, contineatque resolutiones extrajudiciales, nec autoritate fultas: attamen & complectitur bonas decisiones infinitas, casuumque regulas) Lex hoc tempore esset fere instar navis absque saburra. Casus enim præsentium temporum longe diversi sunt ab iis, qui dijudicabantur olim. Hoc verò opus nullibi magis est necessarium, quam in *statutorum* corpore. Nam primo multæ ibi sunt illaqueantes poenariæ leges subditis incumbentes, quæ si temporibus iniquis resuscitarentur atque executioni darentur, omnino contererent eosdem. Eruditus quidam *J*Ctus illam Prophetæ maledictionem: *pluet super eos laqueos*: de multitudine poenaliū legum interpretatus est: magis noxia enim est, quam grandinis imber, vel
alia

alia tempestas pecudes feriens; hæc enim in homines cadit. Sunt quidem aliquæ ex legibus istis retinendæ, ast poenam infligunt nimiam: & semper observatum est, poenas nimias (præter acerbitatem suam) infringere legis executionem.

Deinde & inconveniens est, quod sint leges poenales obsoletæ; hoc enim inducit Gangrænam, neglectum & inobedientiæ speciem adversus leges sanas, continua praxi & executione dignas. Adeoque leges nostræ Mezentii experiuntur supplicium: *Vivi in mortuorum pereunt amplexibus.*

Denique tantus est statutorum cumulus circa materiam eandem, eaque tam perversa & intricata, ut legis certitudo vel in solo perdat acervo. Ut & ipsa Majestas Vestra est experta nuper, cum quæreretur: an novi fori incendiarius debeat sui cleri gaudere beneficio?

Obj. 2. Magnam esse innovationem, omnes autem innovationes esse, ultra quam prævideri possit, periculosas. *Resp.* Purgationes omnes & medicationes sive in naturali, sive in Civili fiant corpore, sunt innovationes. Adeoque argumentum hoc locus est topicus adversus reformationes præclaras omnes. Verum in eo versatur negotium, non debere opus hoc appellari haberi que pro innovatione malo sensu: nam innovationes evitandæ respiciunt conscientias, bona & fortunam privatorum. Hæc vero generalis cum sit constitutionis nullum lædit privatum, sed procedit *sine strepitu*. Præterea melio-

ris fortis est, allevat non premit: Et denique est potius ordo & explanatio, quam immutatio. Neque est sine exemplo in Rebus publ. antiquis.

Obj. 3. Hac legis statutorumque purgatione, multa etiam auferentur bona.

Resp. Potest fieri, quod in omni purgatione aliquantum humoris boni decedat: verum tamen hic defectus large compensatur eo, quod corpus à malis multis liberatur.

Obj. 4. Satiùs esset, si lex Angliæ communis fieret textualis, uti sunt statuta: & utraque certa methodo sub certis consignaretur titulis.

Resp. Nimis longum foret decidere, utrum *Lex scripta aut non scripta*, i. e. *Textus Legis* vel consuetudines in ordinem digestæ, cum receptis & approbatis fundamentis seu axiomatibus, actis etiam & definitionibus de seculo in seculum fideliter recensitis, melior sit modus ad declarandas confirmandasque leges. Erat Lycurgi institutum, ne aliqua ejus lex scriberetur: Consuetudines sunt leges vivis inscriptæ tabulis. Neque Ecclesia traditiones omnes rejicit: In omnibus scientiis prudentissimi sunt, qui specialibus presse adhærent. Certusque sum plura enasci dubia ex statutis nostris, quæ sunt lex scripta, quam ex lege communi, quæ scripta non est. Sed utcunque hæc decidatur quæstio, suadere non audeo, ut lex in novam redigatur formam. Opus quod intendo, est ut lex putetur & inferatur, non vero sulcetur planteturque de novo: hoc enim revera perniciosæ esset innovatio.

Obj.

Obj. 5. Judices, Jurisconsultos & Juris-
studiosos in scholam reducēt, jubebitque in-
quirere denuo, quod manu teneat, ac pro
lege recipiant: novamque denique causidi-
cis imponet necessitatem, alios coëmendi
libros.

Resp. Novus requireretur labor, si lex fie-
ret scripta: nam hic incipere oporteret eru-
ditos. Ideoque & hæc est ratio, ob quam
scribi dissuadeo. Sed illa ratione, quam nunc
proponam, integrum corpus & systema legis
permanebit; rejectis saltem otiosis, inutili-
bus aut noxiis materiis: illustrabiturque or-
dine, aliisque ad melius intelligendum, &
dijudicandum subsidiis. Quod verò novos
obtendant sumtus, quos facere oporteat, vix
loquela dignum est in re tam ardua: potuisset
idem adversus novam Bibliorum interpre-
tationem objici, & opera similia. Libri se-
quantur scientias, non scientiæ libros.

*Opus ipsum & Modus colligendi ac diri-
gendi Leges Anglicanas.*

Opus hoc (ut paucis expediam; non enim
facta multis egent verbis) ista perficiendum
ratione, duabus constat partibus: Digestio-
ne seu collectione Legis Communis & statu-
torum. In illa tria sunt præstanda; 1.) Fiat
liber de *Antiquitatibus juris*; 2.) reducatur seu
perficiatur *legis Communis systema*; 3.) conscri-
bantur *introductiones* & alia Legum studiis mi-
nistrantia.

Quoad primum necesse est, ut omnia mo-
numenta antiqua in arce Regia vel alibi, quæ
continent Parlamenti acta, Diplomata illu-
stria,

stria, Commissiones & judicia &c. conqui-
rantur, perlegantur & examinentur. Ex his
seligantur, quæ maximæ sunt dignitatis &
ponderis: & quidem ratione temporis, non
titulorum (ut eo melius Annalibus respon-
deant) collocentur, raro *iisdem verbis*, sed
cum iudicio excerpta, ne ulla pars prægnans
omittatur. Et ista adhibeantur, tanquam ex-
empla veneratione digna, non verò ut autho-
ritates constringentes.

Quoad secundum, quod est primarium,
fiat legis descriptio, secundum temporis se-
riem (annales vocamus) inde ab Eduardo I.
ad hunc usque diem: hic autem observentur
sequentia.

Primo casus omnes, qui hodie legem ma-
nifeste non constituunt, sed perpetuo con-
trariantur, eidem omittantur. Implent tan-
tum volumina, atque studiosorum acuunt
ingenium contra legem. Casus autem omnes
dudum solenniterque decisi, & de quibus
jam quæstio movetur nulla, ponantur ceu
res judicæ & definitæ absque argumentis,
quæ nunc solum pro frivolis habentur. In
gratiam tamen legisperitorum profunde do-
ctorum, ut videant, quomodo lex immu-
tata fuerit, indeque in commodum suum eli-
ciant quædam, suadeo, ut quam primum
casibus obsoletis apponatur memorandum,
legem hanc hucusque viguisse, sic fuisse ac-
ceptam, &c.

Secundo, *Homonymia* (ut Justinianus ap-
pellat eas) h. e. casus mere eadem removean-
tur, iique retineantur tantum, qui optime
sunt

sunt enarrati atque muniti argumentis. Sententiæ autem judiciales singulæ juxta temporum seriem apponantur, allegatis tantum locis, ubi fusius pertractatæ reperiuntur. Si verò in casu occurrat tum repetitio, tum materia nova, omittatur illa:

Tertio, Antinomias ut hi tollant Commisarii, majus est, quam quod eorum possit committi ingenio, nisi adsit sententiarum in contrarium hac ætate copia: Ideoque leges contrarias obsoletis annumero: de quibus ante hac. Hæ tamen contradictiones diligenter annotentur, colliganturque: cum in finem, ut dubia illa hæctenus controversa vel in congregatione omnium Ærarii Advocatorum vel Parlamento definiantur. Nam ut in quæstionem veniant sub nominibus fictis minime probandum. *Nil habeat forum ex Scena.*

Quarto, Quæstiones otiosæ, quæ sunt dubiorum semina omittantur: nisi dubium quoddam magni momenti exhibeant, bene expensum, non tamen ob difficultates suas decisum: dubia enim, etiam in argumentis explicationis ergo reperienda, satius est emori, quam in libris conservari.

Ultimo, Casus referantur brevissimis &c. i. e. evitentur tautologiæ & obscuritas. Quod verò attinet negligentem & minus intelligibilem relationem, quæ sæpenumero studiosos confundit: ea corrigetur obiter: primario autem si in relatione quicquam sit, quod documentis minime continetur, diligenter emendandum erit. *Methodo ergo*

hac recepta, in Majestatis Vestræ solum erit voluntate positum seligere quosdam eruditos prudentesque Jureconsultos, eosque honesto instruere stipendio, ut sint relatores temporibus futuris; & sic in omne id sancitum erit ævum.

Libri Legum studiosis subservientes sunt tres: *Institutiones*, tractatus *de regulis Juris*; & denique *de verborum significationibus*. *Institutionum* libros jamdum extare, eosque egregios, sat bene novi, præsertim *Littltoni* & *Fisherberti*, *Naturam brevium*; Verum nullatenus sunt ex *Institutionum* genere, quarum officium est, ut sint quasi claves & generalis præparatio ad Juris studium: duo enim præprimis debent habere propria: primo sint perspicua & clara quoad ordinem seu methodum: deinde late se extendant ad universa comprehendantque, ut studiosi uniuscujusque rei prægustum habeant: Sintque ceu delineatio domus extruendæ. Tractatum *de regulis Juris* præ aliis maxime momentosum esse statuo, inque eo legum versari salutem. Est revera quasi saburra in navi, ut omnia conserventur erecta atque firma. Verum pauca hoc in genere vidi, quæ mihi vel in nostra, vel in aliarum legibus satisfaciant. Regula sola seu maxima per se nihil efficit. Necessè est ut ad usum transferatur distinctionibus sanis, ampliacionibus & limitationibus autoritate bona fultis: quod tamen non fiat allegationes multiplicando, verum discursu & deductione in tractatu ipso. In hoc ipse tentavi quicquam, sed

sed ab initio cursim, deinde majori cum diligentia, & pergam, si Deus Majestasque Vestra permiserint. Assevero etiam Majestati Vestræ, me sperare, quod si Eduardi Coki Relationes, meæque regulæ & decisiones ad posteritatem devenient, tum (quidcunque nunc statuunt eruditi) quæstionem fore, quis major fuerit legis peritus. Liber de *verborum significatione* extat miscellus; opto autem ut habeamus diligenter collectum, qui non solum legis terminos exponat, sed & verba omnium antiquorum documentorum exemplorumque.

Deinde etiam opto, ut nemo compendiis utatur, nisi qui legis systema perlegerit. Sint ea eruditorum repertoria, non verò subito Juris-Consultum forment. Sed quoniam id fieri nequit, opto, ut bonum fiat compendium ex duobus illis quæ extant, meliorique instruaturs ordine: Et de lege communitantum.

Lex statutorum ut emendetur, requiruntur quatuor: 1.) abrogentur statuta obsoleta, qualia sunt de Judæis Lombardicis, Galliæ semidenario &c. 2.) abrogentur etiam illa, quæ licet non sint in usu, attamen illaqueant, aliaque in eorum surrogentur locum. 3.) plurium statutorum poena mitigetur, lex tamen stet firma. 4.) reducantur statuta sibi vicina ad legem uniformem & unicam: quem in finem tum Majestatis Vestræ jussu, tum suasu meo operam collocarunt egregiam Dn. Hobertus, Finchii, Noye, Hakvellus & ego ipse, quorum opera, quoniam

sunt vasta, haud decet Majestatem Vestram iis nunc morari. Hoc solum ex iis observare libet, vel hinc elucere, jam telam esse coeptam. Quoniam autem hoc opus ut Parlamento fiat authoritate necesse est, Parlamento autem solum methodus placebit, quam præscribet ipsum, & personæ, quas seliget; repetantur anno 27. Henr. VIII. & 4. Eduar. VI. sancita, Commissariisque circa Canonicum jus demandata, Commissariis item circa unionem duorum regnorum anno 1. Majestatis Vestræ, nominenturque Commissarii ab utraque domo, non tamen cum authoritate concludendi seu definiendi, sed tantum præparandi, ac Parlamento proponendi. Hæc puto optima erit via ad perficiendum opus illud illustre, cujus gloria ad Majestatis Vestræ pertinebit ævum, commodum autem ad secula futura.

Eadem Regi proponuntur.

Inter gradus seu actiones Imperatorii vel potius Heroici honoris, primus aut secundus Legislatoris personæ & meritis concedendus. Principes bene imperantes sunt Patriæ Patres. Ast si pater bene educaverit filium suum, beneque provideat ei, dum est in vivis, nihil verò moriturus relinquat, quo neque ipse, neque liberi ejus, filiorumque filii possint sustentari; næ imperfecta est cura pietasque paterna. Ita Reges unam seculi partem felicem reddentes bono regimine suo, nisi Testamento caveant (uti Deus omnipotens fecit) ut bonum sit perpetuum, mortales tantum sunt & transitorii benefactores. *Domitianus*

tianus paucis ante obitum diebus per for-
 nium vidit *aureum cervici suæ caput imposi-*
tum : idque denotavit ætatem auream per
 quinque ipsius successores continuatam. Re-
 ges subditis suis sanas leges dictantes, possunt
 (si volunt) ipsi ejusmodi caput aureum cervi-
 ci suæ inferere etiam post suam mortem. Imo
 possunt Nebucadnezaris imaginem, monar-
 chias referentem, facere auream à capite us-
 que ad talos. Ersi qui ex politicorum vulgo,
 pejora tantum cernere apti, existiment, le-
 ges saltem aranearum esse telas; bonos Prin-
 cipes absque iis posse recte agere, malos au-
 tem iisdem non coërceri, neque bene neque
 prudenter, loquuntur. Nam certum est leges
 bonas malorum Principum esse frænum &
 regiminis munimentum. Et licet Tyranni
 aliquando transgrediantur eas, attamen
 ipsam emolliunt tyrannidem, ut *Solonis* le-
 ges *Pisistrati* sævitiam : & eluctantur omni-
 no ævo meliore succedente. Alia, ad con-
 servandam Principum memoriam meritaque,
 media hoc sunt inferiora. Ædificationes
 templorum, tumbarum, Palatiorum, thea-
 trorum &c. honore dignæ sunt & apud poste-
 ros supersunt. Verum *Constantinus Magn.*
 recte insignivit opera ista, *Trajanum* multa
 ædificantem *Parietarium* appellans (nomen
 enim ejus parietibus innumeris erat inscri-
 ptum.) *Adriani* genius erat præstantior. Ejus
 enim mens erat decertare cum tempore : to-
 tumque Romanum imperium pervagatus,
 ubicunque offendit pontes, vias regias, rivo-
 rum alveos, & canales, muros, ripas defe-

cisse, illico reparari jussit. Innumera etiam privilegia & libertates concessit in solatia civitatum societatumque attritarum: adeo ut liberalitas ejus cum temporum contenderit ruina. Verum & hæc licet præclara esset intentio, attamen non nisi ad casus putaminaque Rerum publ. devenit; nihil hæc ad virtutem & vitium. Improbis æque ac pijs frui potuit beneficio & commoditate viæ pontisque reparati: mali etiam cives acquirere privilegia potuerunt bona. Certe meliora Æternitatis apud Principes opera sunt ea, quæ *interiora poculi purgant*: Et sunt fundatio Collegiorum & Lætionum, formandæ erudiendæque juventutis causa. Fundationes pariter & institutiones ordinum atque fraternitatum; Nobilitatis, honestorum ausuum, obedientiæ & aliorum causa. Verum & ista sunt quasi hortorum plantationes in paucis hinc inde locis. Non universum excolunt regnum aut fertile reddunt, ut bonarum legum constitutionumque confirmatio, quæ integram gentem facit esse instar collegii bene gubernati.

Hujus generis opus in temporum monumentis sat rarum est, eoque ipso ejus demonstratur excellentia. Veruntamen neque adeo rarum, ut & suspectum reddatur de impossibilitate, inconvenientia & periculis. Moses qui Hebræis præscripsit leges, (erat enim ipsius Dei amanuensis) meretur potius in honorem aliorum nominari legislatorum, quam annumerari iis, vel eorum ordini adscribi. *Minos, Lycurgus & Solon* thematum scholasticorum.

sticorum sunt exempla; nam homines senes & characteres veteres hodie repuerascunt; Quamquam illud *Pindari* verum sit: *res optima aqua*: nam res communes multoties sunt optimæ; & magis fastu contemnuntur, quoniam vulgares sunt, quam utilitatis intuitu. Verum est horum trium Legislatorum leges prærogativa insigni dotatas fuisse. Primo *Fama*, erant enim exemplar apud Græcos; Secundo *Duratione*, diutissime enim absque immutatione permanferunt: Tertio *Spiritu* resuscitationis, sæpe enim oppressæ sæpeque restitutæ sunt.

Inter septem Romanorum Reges quatuor fuerunt Legumlatores. Nam verum est, quod insignis quidam affirmat Politicus: *Non aliam Rempubl. in infantia sua melioribus involutam fuisse fasciis, quam Romanam, ob virtutem Regum primorum.* Atque hæc fuit causa admirabilis istius Reip. incrementi dein subsequenti.

Decemviri Leges accumularunt legibus, non autem finxerunt novas: inseruerunt Græcorum leges Romanorum legibus & consuetudinibus. Successus autem talis fuit, ut duodecim tabulæ, ab ipsis conscriptæ, essent legum primarium systema, quo vastum istius Reipubl. formaretur gubernareturque corpus. Diu etiam in usu fuerunt, cum supplemento quodam *Prætorianisque edictis in albo*: quæ respectu legum erant ceu pugillares respectu *Ænearum tabularum*; illi enim expungi, deque novo inscribi possunt, istæ verò permanent.

Lucius Cornelius Sylla Le-

ges Romanas emendavit. Tribus enim præ aliis fuit insignis Tyrannus iste : erat legislator : ab Equitum stabat partibus : privatam denique eligebat vitam , non metu sed confidentia.

Cæsar longo post intervallo quoad primum eum imitari dignabatur ; neque enim alias illum est imitatus : nam & quoad ipsam Potestatis depositionem recte inquit Seneca. *Cæsar gladium cito condidit , nunquam posuit.* Ipseque Cæsar Syllæ resignationem despiciere non verebatur , dicebat enim : *Sylla nescivit literas , dictare non potuit.* Legislator tamen esse voluit vel Cicerone teste : *Cæsar si ab eo quæreretur , quid exisset in toga ; leges se , respondisset , multas & præclaras tulisse.* Nepos ipsius *Augustus* iisdem institit vestigiis , præsitque profundius , nam diu regnavit tranquille. Hinc illud Poëtæ :

*Pace data terris animum ad civilia vertit
Fura suum , legesque tulit justissimus
Author.*

Ab illo tempore tanta impensa ingenii authoritatisque vis Commentariis decisionibusque Juris-Consultorum & Imperatorum editis , ut fere & leges & Juris-Consulti deficerent , defatigarenturque. Hinc Justinianus in unum aliquod systema congeffit leges tales , quæ observare deceret , easque non majori cum gloria quam virtute *adificium seu structuram Sacri Justitiæ templi* appellavit : conditum revera ex veterum librorum ruinis , tanquam materia , & novellis quibusdam ipsiusmet Justiniani Constitutionibus.

Athenis

Athenis (ut *Æschines* refert) sex virierant, perpetui Commissarii, attendentes quæ leges illi minus congruerent tempori, & quæ leges novæ adverterentur pristinis: atque sic *ex officio* proponebant, quæ abrogandæ essent.

Edgarus Saxonum Rex hujus regni leges in unum collegit fasciculum, cum antehac dispersæ jacerent. Idque majori ipsi cessit gloriæ, quam quod potenti cum classe hanc circumnavigavit Insulam: erat enim hoc ipsum (ut Scriptura loquitur) *via navis in mari*; i. e. evanuit: illud autem perdurat. *Alphonfus IX.* cognomento sapiens Castellæ Rex collegit Hispaniæ leges titulo *Siete Partidas*: insigne opus septennioque absolutum. Nam observante Tacito, uti Capitolium, licet in Romæ initiis conditum, suffecit ingenti illi Monarchiæ post subsecutæ; Ita hæc legum strues sufficit magno Hispanorum imperio inde subsecuto.

Ludovicus XI. intendit (licet non perfecit) unam conficere Franciæ legem, ex Romanorum Lege Civili, Provinciarum consuetudinibus, quæ sunt variæ, & Regum edictis, quæ apud Gallos sunt statuta. Næ insigne quid præstitisset, si, uti Coronam Franciæ (sic ipse dixit) liberavit à Pedissequi officio: ita & populum suum à cursoris munere: ne teneretur amplius hinc inde discurrere, atque in lege Civili, constitutionibus, consuetudinibus, curiarum decisionibus & Philosophorum denique disputationibus legem quærere suam; ut hodienum solet.

Henrico VIII. anno 27. à Parlamento permissum est 32. nominare Commissarios, partim Ecclesiasticos, partim seculares, qui expurgarent Jus Canonicum, Legique divinæ & regni hujus facerent conformem : Verum effectu caruit. Hujus enim Regis actionibus ut plurimum plus inerat famæ atque voluntatis, quam solidæ virtutis & efficacix. Verum existimo, errare me tot producendo exempla. Nam uti ad Cæsarem Cicero ; sic ad Majestatem Vestram ego dicere queo. *Nil vulgare Te dignum videri possit.* Neque enim hoc vulgare. Nam plurimorum regnorum statuumque Leges sunt quasi ædificia, ex partibus multis de die in diem coagmentata, prout tulit occasio, absque forma modoque omni.

Jam de legibus Anglicanis ut libere loquar, dico bonas esse eas, quoad materiam, non vero formam, & hanc iis inducere, nec non perficere, puto fore, maximam, qua hoc regnum donari possit, dotem. Sicuti autem opus hoc ratione Excellentix suæ Majestatis Vestræ decet actiones atque seculum, ita propriæ quædam circumstantiæ illud ipsum Majestatis Vestræ Personæ exigunt. Prole beavit Majestatem Vestram Deus. Reges vero, qui sobole gaudent, cura futurorum decet temporum, quo æque progenies regia ac subditi eorum participes fiant actionum præclararum. Majestas Vestra magnus in jure dicendo est artifex, deslendumque foret, si hic virtutis regix fructus ad posteros non pertingeret. Me quod attinet, legem
pro-

profiteor, eique debeo plurima. Nunc autem (Dei castigatione benigna, specialique providentia) otium sum nactus, per quod talentum meum vel semitalentum, vel quicquid tandem est, tradere mensariis ejusmodi licet, unde fortassis majus sperari queat lucrum, quam ex activa vita. Ideoque sicuti in calamitatis meæ principio Majestati Vestræ obtuli operam Anglicanæ Historiæ impendendam, legumque digestionem & Methodicæ collectionem: Ita perfeci primum (mea enim sola hic sufficiebat opera) quadantenus. Nunc humillima submissione posterius (quod aliorum exigit opem & auxilia) iterum Majestati Vestræ offero, si eidem visum fuerit hinc meo uti ministerio.

N O T Æ

IN

CONTROVERSIAS
ECCLESIAE ANGLI-
CANÆ.

Ignorantiæ est mirari, quod Religio, tempore præsertim pacis exerceatur fatigeturque controversiis. Etenim ut Ecclesiam militantem decet semper probari; ita cessante igneo examine, i. e. persecutionibus, succedit aliud, quod quasi contrariis Doctrinæ flabris hominum cribrat atque agitat fidem: probatque num rectè Deum cognoscant;

æque ac illud afflictionum examen reteggit, num vehementius ipsum diligant, quam mundum. Christus id ipsum prædixit; ait enim fore, ut in *ultimis diebus dicturi sint*; *Ecce hic est Christus, aut illic*: non enim intelligendum est, Christi ipsius Personam fore exhibendam aut repræsentandam, sed auctoritatem ipsius aut eminentiam, (quæ ipsa debet esse veritas) prætextum atque obtensum iri. Sic legimus impletumque vidimus illud: *Ecce in deserto, ecce in penetralibus*; quandoquidem alii quæsi veritatem in Conventiculis conciliabulisve hæreticorum & sectariorum; alii in externa facie atque forma Ecclesiæ; suntque seducti omnes. Sint ergo Controversiæ in Anglicana Ecclesia dividentes unitatem Spiritus, nec solum dissolventes vincula ejus, (vincula Pacis.) Nulla tamen occasio præbebitur ei, qui se Catholicum esse jactat, nos judicandi; neque profano homini, nos despiciendi: vel fideretur, eveniret nobis omne id, quod in usu est, i. e. *Obstinatio* ipsis, nobis autem Divinæ voluntati *submissio*. Jam verò contentiones nostræ ejusmodi sunt, ut necesse non sit generalem istum canonem, Christique sententiam proferre adversus hæreticos: *Erratis nescientes Scripturas & potestatem Dei*; sed tantum monitum S. Jacobi: *Sit omnis homo velox ad audiendum, tardus autem ad loquendum, & tardus ad iram*: nullatenus enim lethale vulnus est, nisi quatenus remediis nostris venenum ei affundimus. Habent autem priores illi exiguum causam musicum sibi

sibi concentum ex discordia nostra formandi. Ego potius spero firmiter, nemini nostrum adversum fore, quodcunque sincerè ac modestè proponetur ad sedanda dissidia illa. Nam si aliquem offenderet vox ista: *Vos estis fratres, quare rixamini?* nã ille præsumendus esset, esse ex illa parte, *qua injuriam facit fratribus suis.*

Controversias autem ipsas non aggrediar, utpote existimans morbum hunc quicquid potius, quam alia requirere remedia. Tantum apud omnes in confesso est, non versari ipsas circa summa Doctrinæ capita. Non concernunt mysteria fidei, quales olim exercuerunt Ecclesiam, multis post primam ejus pacem annis, cum hæretici subtiles invenirent quæstiones, & juxta peregrinam anatomiam dissecarent naturas personamque Christi: atque Orthodoxi Patres cogerentur sequi ipsos cum exactissimis decisionum, definitionumque argutiis, ad occludenda omnia ipsorum effugia, inque labyrinthis suis ipsos captivandos: adeò ut verè dictum sit: *Illis temporibus ingeniosa res fuit, esse Christianum.* Neque concernunt primarias partes cultus Divini, de quo verum illud: *non servatur unitas in credendo, nisi eadem sit in colendo:* ut fuerunt illæ Orientis Occidentisque de imaginibus lites; illæ etiam, quæ inter nos & Romanam Ecclesiam controvertuntur: e. g. de adoratione Sacramenti, & similia. Verum disputamus de ceremoniis rebusque indifferentibus; de externa Politia, seu Ecclesiastico Regimine. In quibus, si modo

recordaremur, antiquos & veros Unitatis terminos esse *Unam fidem unumque baptisma*, non verò unam ceremoniam, neque unum regimen, si modo observaremus fœdus illud Christianorum à Christo descriptum: *Qui non est contra nos, est pro nobis*. Si modo comprehendere possimus dictum illud, *differentia rituum commendant unitatem doctrine*, & illud: *Habet religio, quæ sunt æternitatis, habet quæ sunt temporis*. Et si tantum calleremus virtutem silendi, loquendique tarditatem à S. Jacobo præceptam; Controversiæ nostræ se ipsis finirentur aut coalescerent lites. Sed in specie, si arrogantes turbulentosque hujus ævi Spiritus deferemus, & resuscitaremus beatam illam Apostolorum, primitivæque Ecclesiæ Patrum procedendi methodum, qua in paribus, majoris etiam momenti causis, non assertiones positionesve dictabant, sed consilia tantum suppeditabant suadebantque, non certè alio indigeremus remedio; Si eadem consulis (frater) quæ affirmas, consulenti debetur reverentia, cum non debeatur fides affirmanti. Sufficiebat Paulum ita loqui. *Ego, non Dominus & secundum consilium meum*. Nunc verò facile dicunt homines, *non ego sed Dominus*, imò cum gravi denunciatione iudicii aptius injungunt, terrendo simplices, qui non plene illud Salomonis capiunt: *Maledictio immerita non adventum est*.

Quoniam igitur illa tantum, quæ his accidunt, perniciofa sunt, non autem res ipsæ natura sua; dignum est, ut remedia applicen-

centur manifestando, quæ sint ex utraque parte vulneri noxia, contrarietatem augentia, atque mentes hominum reddentia inidoneas ad unionem, vel in iis, circa quæ nulla existit criminatio. Verum existimo pacem optimè superstrui injuriarum repetitioni, & quod e. g. sapientissimi de *Concordia Ordinum* loquentes, non abstinuerint in sermonibus suis à revocandis in memoriâ extremis utriusque partis. Ita ut verum sit dictum illud; *Qui pacem tractat neque repetit conditionibus dissidia, is magis animos hominum dulcedine pacis fullit, quam aequitate componit.*

Et primo quidem magis quam tempus est, ut finis imponatur immodico illi deformique scribendi modo, nuper exercito, utpote quo Religionis causa stylo theatro pertractata est. Amara quidem & severa scripta non properè damnanda: non possunt frigide & absque affectibus homines contendere circa res charas atque pretiosas. Homo Politicus ex cerebro suo quid scribere potest absque omni sensu cordis sui, tanquam speculationes se non tangentes. Christianus vero sincerus verbis suis characterem Zeli amorisque imprimit. Posteriores hanc rationem, ut vellem omnes eam amplecti, cœu his temporibus propriam, ita & prior illa autoritate magnisque exemplis est confirmata.

Sed relinquere omnem devotam religionis famque erga mala compassionem, seu indignationem versus errores: Convertere religionem in comœdiam, vel Satyræ, inquirere

fere atque rescindere vulnera cum cachinno, miscere Scripturæ dicta atque scurrilia in unam sententiam: ab omni Christiana reverentia alienissimum est, & vix honestatem sobrii viri decet: non est major confusio quam ferii & joci. Majestas Religionis & contemptus atque deformitas rerum ridicularum ut maximè distant. Duæ principes Atheismi Causæ, quas semper cognovi, sunt injuriosæ controversiæ, atque prophanæ derisiones; Jam vero hæc duo conjuncta in una aliqua Secta, non exiguum facient progressum. Verum hic suspicio sapientiam atque pietatem Episcopi illius, qui primo famoso hujus generis libello respondens, consideravit respondendum esse stulto, non tamen ita ut ei similis fiat, materiamque solam respexit, de qua egit, non vero personam, cum qua egit.

Jobus Majestatem atque gravitatem judicis describens, ait de seipso: *Si quando videbam ad eos, non credebant*; ac si dixisset: si quando divertere atque subridere, læta cogitans viderer, mentes tamen hominum tanta erga materiam, quæ præ manibus erat, reverentia tenebantur, ut nequiverint id sibi persuadere. Multo minus id fieri debet ab Episcopis Theologisque circa res sacras disputantibus. Ideoque vehementer mihi displicet opinio illius, qui tanquam in egregia arte sibi complacuit, dicens, adversus homines istos propriis eorum armis depugnandum, atque ex eodem poculo, quo nobis propinant, vices esse reddendas. Æque ingenio-
sum

sum hoc ipsi visum est consilium, ac illud Cardinalis Sansovini, Julio II. suadenti, ut Concilium Pisanum per Lateranense concilium refutet. Vel æque justam provocationem ac illam Juelli, qua jactabundos Catholicos ex Patribus refellere annisus est. Ista vero imitatio excusari nequit alterius malitia. Contrarium in nobis esset illius, quod Cæsar dixit: *Nil malo, quam eos similes esse sui, & me mei.* Jam vero, *dum de bonis contendimus, de malis consentimus.*

Certè si quæstio institueretur, quinam horum magis reprehendi debeant, illud regererem proverbium: secundus colaphus bellum incipit: & dictum illud obscuri cujusdam homuncionis; *qui replicat, multiplicat.* Verum hac determinabo quæstionem sententia: *Alter principium malo dedit, alter modum abstulit.*

Verum ut miror illos Prædicantes, qui Reformationem cupiunt (tantum tamen absum ab afficiendo ipsos calumnia, quantum abstineo ab adjungendo eos derisoribus istis) non edere in publicum Declarationem aliquam, qua ostendant orbi, displicere sibi, quod causa ipsorum tam sollicitè tractetur; ita confido clericorum principes nullatenus favere ejusmodi libellorum famosorum scriptoribus, sed penitus improbare talem famæ suæ defensionem. Quanquam enim in aliquo eorum multas observo glossas, quibus Autor ipsorum favorem demereri voluit, attamen scio ex more id fieri, adulatoresque plurimos malè de illustrium virorum affectu omi-

nari, & sæpissimè *veneri immolari suem*; Grati ipsis esse volunt ea cum re, quam ad-
versantur maximè; Variis enim argumentis
fretus talia mihi persuadeo de Dominis meis
Episcopis, ut vel ex illo venerabili unius ex
ipsis scripto, cujus supra memini, colligi
potest. Verum libet hic observare non in-
differentem manum circa hos famosos libel-
los versari, nec immerito; Aliqui enim in
tenebris volitant; alii palam circumferuntur.
Quare adversam partem monere licet, ex
ingenioso scriptore, quod *punitis ingenis,*
gliscit Autoritas.

23. Et revera semper videmus accidere, quod
prohibita scripta existimentur esse infallibiles
veritatis scintillæ, in faciem resilientes illo-
rum, qui suffocare atque extinguere eas nî-
tuntur. Libri vero autoritate publica editi
putantur esse, *Temporis solum voces.* Ut vero
idicam quod sentio, æque libellos istos atque
hæc scripta supprimendos esse censeo.

Primo, quoniam ut illi regimen Ecclesiæ
in Episcoporum Prælatorumque personis la-
cerant atque conspurcant; ita hæc in con-
tentum religiosorum exercitiorum in perso-
nis variorum Prædicantium abducunt: adeo-
que excellentius quid destruunt, in personis
licet inferioribus.

Deinde video indistinctas periculosasque
amplificationes, ac si Respublica hæc ipsa,
seu civile hoc regimen, pariter enervaretur,
atque convulsioni constitueretur proxima,
utpote factionibus confusioneque refertissi-
ma; quod uti injustè assumitur, ita minus
fin-

sincerè affirmatur. Scio opinionem eorum esse, inferre indignam violentamque regiminis Episcopalis impugnationem, esse prodromum magis ampli contemptus. Largior etiam, esse Sympathiam intra duos status istos; non tamen tale quid in civili regimine reperitur, quod ejusmodi infamem censuram mereatur.

Tandem ut optandum fuisset, ne unquam talia scripta lucem conspexissent, sed periissent ab ortu; ita proximum est, ut jam luci exposita, ab omnibus (qui intellectu atque conscientia pollent) habeantur pro immoderatis excessibus levium aliquot personarum. Et porro ut attendant sibi homines (nisi velint omni se religionis sensu orbare, atque cor suum instar viæ regix sternere) sciantque quomodo hic versari debeant, ne scilicet hic delectentur, sed potius risum suum in pudorem convertant, atque quasi de brevi insania erubescere discant; quoniam in religionis negotio lulum atque facetias quæsi-
verunt. Verum hoc fortassis est ex illis erroribus, qui agnoscentur omnium primo; non obstante, quod sciam, aliquot nihilominus id dealbare atque excusare velle,

Verum ut exhibeam conspectum eorum quæ his controversiis accidunt, & quæ utriusque partis reprehensionem merentur, seu accusationem, reperio homines res Ecclesiasticas tractantes, in his, sive aliquot, sive singulis, offendere.

Primo præbent occasionem controversiis, & pariter captant inconsideratè, atque

que

qu

116 NOTÆ IN CONTROVERSIAS
que sine sufficienti litigandi fundamento.

Deinde extendunt atque multiplicant controversias, oppositiones etiam & contradictiones latius se diffundunt, quam ab initio, cum mentes hominum à partium studio adhuc alieni essent, videbatur.

Tertio, modi procedendi sunt affectibus pleni, & à fraterna charitate alienissimi, idque apud utramque partem, erga se invicem, ad diffamandum atque supprimendum se mutuo.

○ *Quarto*. Methodus illa, qua eos qui suæ sunt partis, firmitus sibi unire nituntur, nihil aliud est, quam ulterior integri corporis divisio.

Tandem indigna est & incongrua controversiarum propositio, publicatio, definitio: atque de istis, ceu vitiis maximè manifestis, jam aliquid dictum est; eorum enim miræ indoles recentissimusque abusus efficiunt, ut quam primum se hominum offerant animis.

Jam quod controversiarum attinet *occasionem*, negari nequit, quod imperfectiones in conversatione atque regimine illorum, qui primum in Ecclesia occupant locum, semper principes fuerint causæ Schismatum atque Divisionum. Quamdiu enim Episcopi & qui Ecclesiani regunt scientia atque bonis operibus abundant; quamdiu verè pascunt gregem; quamdiu cum Laicis agunt liberè atque audacter secundum Majestatem vocationis suæ, pretiosamque animarum curam ipsis injunctam; tamdiu Ecclesia quasi in montanis sita est, nemo in dubium eam vocat,

cat, aut secedit ab ipsa. Quando vero virtutes istæ in Patribus & Ducibus Ecclesiæ disparent, ipsique terreni fiunt, se ipsos amantes, atque hominibus placentes, tum homines quasi in tenebris palpant, ecclesiam quærentes: dubitant num isti sint Apostolorum aut Phariseorum successores: quanquam enim in Mosis sedent Cathedra, nunquam tamen loqui audent *tanquam Autoritatem habentes*, quoniam perdiderunt existimationem suam in conscientiis hominum, declinando pedes suos à via, quam aliis calcandam præcipiunt. Veluti igitur necesse esset, ut vox hæc: *Nolite exire*, continuo in hominum resonaret auribus, ita parati sunt ab Ecclesia recedere, si aliam quamcunque audiant vocem. Ideoque sapienter observavit, qui, ut homo politicus scribens, dixit: *Humilitatem monachorum multis temporibus sustinuisse Episcoporum Prælatorumque impietatem.*

Ista enim duplex est Spiritualis inimici astutia, ut vel vitæ sanctimoniam ficta errores confirmet atque persuadeat; vel corruptis moribus ipsam veritatem, resque legitimas, in dubium vocet. Hoc Dominos meos Episcopos attinet, quos me venerari, prout debeo, conscientia mea mihi testis est. Nulla contradictio abstulit à me reverentiam quam ipsorum debeo vocationi: neque ulla calumnia opinionem meam, de ipsorum personis, iniquiorem fecit: Novi quosdam, quorum existimatio maximè ejusmodi accusationibus læditur, esse magnarum virtutum viros; quan-

us
viros;
quan-
quon-

quanquam temporum malitia atque commercii defectus, multis modis sufficiant, ad reddendum irritos optimos eorum conatus, in ædificationem Ecclesiæ intentos. Reliquos autem in genere quod attinet, nullum damnare queo. Non sum iudex eorum qui ad tam excelsum pertinent Dominum: neque duos habeo testes. Prætereque novi, vere dictum esse de Fama: *Pariter facta atque infecta canebat.*

Non ab uno litore ipsorum censuræ procedunt; multos variosque habent inimicos; promptos ad inveniendas calumnias, promptiores ad exaggerandas, & promptissimos ad credendas eas. *Et magnæ mendacii credulitas est.* Verum si aliquis sit, adversus quem summus Episcopus habeat non pauca quædam, sed multa; Si quis charitatem suam primam reliquerit, si neque sit frigidus, neque calidus; Si quis nimia præsumptione offenderit ad limen, & hinc bene sedere nequeat, qui malè intravit; tempus est ut redeat, unde excidit, & confirmet quod reliquum est.

Ingens reatus est delicti illius; *Et eorum causa abhorrebant à Sacrificio Domini.* Ut ut verò sit, sine culpa non sunt, qui ipsos diffamare atque contemnere studuerunt.

Salomon præcepit: *Regenti ne detrahas;* imo ne quidem intra cogitationes nostras; benigna potius interpretatione actiones ipsorum explicandæ sunt. Sanctus Angelus non est ausus ferre iudicium blasphemix in calumniatorem, sed dixit: *Increpet te Domi-*

nus. Quanquam S. Paulus justè denunciasset iudicium divinum ei, qui sacram iustitiam tyrannica violentia polluerat, dicens; *Per-
cutiet te Dominus*; attamen putavit se appel-
lando ipsum *Parietem dealbatum*, excessisse
limites, ideoque retractavit: hinc eruditus
quidam Pater inquit: *Ipsum, quamvis inane
nomen & umbram Sacerdotis, expavit.*

Antiqua Concilia Synodique (ut in Eccle-
siastica observare licet Historia) deponentes
Episcopum, nunquam meminerunt crimi-
nis, sed perpetuò involverunt silentio. Cham
sola revelatione pudendorum Patris sui male-
dictionem meruit. Et majus adhuc pecca-
tum est, à personis ipsorum ad ipsorum ad-
scendere vocationem, eamque in quæstio-
nem vocare. Multi egregii patres rigorosè
atque severè de indignitate Episcoporum lo-
cuti sunt, ac si mox perderent, cessaretque
officium suum. Unus eorum ait: *Sacerdo-
tes nominamur & non sumus*; alius: *nisi bo-
num opus amplectaris, Episcopus esse non po-
tes*: attamen nihil minus quam Vocationem
eorum atque Ordinationem in dubium vo-
carunt.

*Alia Controversiarum occasio est, aliquot
hominum indoles: Nunquam in Ecclesia de-
ficiunt, qui Rabbi seu Magister dici amant,
non externi honoris causa, sed internæ opi-
nionis intuitu, qua autoritate sua hominum
mentes captivare intendunt, ut ex sententia
sua dependeant, atque in labiis suis scientiam
quærant. Isti genuini sunt Diotrephis succe-
ssores, illius scil. qui primatum amavit: non
autem*

autem sunt *Episcopi*. Ejusmodi Spiritus aliud hominum genus possident, his adhærens, quorum gloria in obsequio, rigidi imitatores, & vehementer zelosi in gratiam illorum, quos sibi in magistros elegerunt. Sunt autem hi ut plurimum, viri juvenes & mediocris intelligentiæ, autoritate personarum facile transverſim acti, aut bonorum nominum prætextuumque illecebris capti: *Pauci res ipsas sequuntur, plures nomina rerum, pluri nomina magistrorum.*

Generalibus his affectibus immiscentur etiam accidentales privatæque æmulationes, atque invidia, erumpentes tandem in contentiones ejusmodi, quæ aut veritatem, aut sobrietatem aut Pacem violant. Isthæc generalia semet ipsa applicant. Academix sunt sedes seu continens istius morbi, ex his derivatur in reliquas regni partes. Ibi homines nolunt amplius esse *e numero*: ibi alii separant se, antequam dignoverint dextram suam à sinistra. Ita verum est, quod dicunt: *Transseunt ab ignorantia ad præjudicium.* Neque unquam sano judicio litant: Sed ut sapienter observarunt: *Inter juvenile judicium & senile præjudicium omnis veritas corrumpitur.* Ob ætatis defectum, quando homines non sunt indifferentes, sed parti alicui addicti, judicium eorum est debile atque immaturum.

Quo tempore autem maturescit atque robur suum acquirit, jam præoccupatum est tam innumeris præjudiciis, ut plane inutile sit: adeoque inter hæc duo omnis veritas corrumpitur. Interea venerabilia Sinceritatis, Reformer-

Reformationis, atque Disciplinæ nomina frontem rugant seu occupant; adeo ut rixæ & perversus zelus attingi non possint, nisi cum opinione, quod etiam hæc Sancta lædantur. Quanquam igitur inferant, hoc industrium Pacis ecclesiasticæ studium ex carnali sensu minimè procedere, concludo tamen cum *Paulo Apostolo*: Cum sit inter vos zelus & contentio, nonne carnales estis? Et quanquam existiment controversiarum compositionem, humanam sapientiam politicæque artes minimè sapere; & putent, duci se sapientia superna: dico tamen cum *S. Jacobo*: Non est ista sapientia de sursum descendens, sed terrena, animalis, diabolica. Ubi enim zelus & contentio, ibi inconstantia & omne opus prævum. De hac inconstantia eruditus quidam Pater dixit: Procedere volunt, non ad perfectionem, sed ad permutationem.

Tertiam controversiarum occasionem esse observo vehementem & immensam alicujus antiquæ hæreseos detestationem, seu corruptelam Ecclesiæ agnitam atque condemnatam. Hæc erat causa efficiens hæreseos *Arrianæ*, in specie innixæ abominationi gentilismi; ne scilicet viderentur Christiani asserendo Christum, ceu DEUM, esse Patri æqualem, pluresquam unum agnoscere Deos. Detestatio *Arrianismi* genuit *Sabellii* hæresin: qui execratus opinionem *Arrii*, qua inæqualitatem introduxit in Trinitatem, tam procul ab ea discessit,

ut in alterum delaberetur extremum, atque distinctionem personarum negaret, diceretque esse tantum nomina diversorum officiorum atque œconomiarum. Imo plurimæ hæreses atque schismata ex hac pullularunt radice; hominibus sibi persuadentibus scalam, qua perfectissimæ confessionis terminos metiri deceat, esse longissimam distantiam ab errore nuperrimè damnato. Hi sunt *posthumi hæresium filii*, ex illarum enim cineribus surgunt, quæ jamdudum extinctæ fuerunt.

Opiniones hæc quadantenus multos hoc tempore occuparunt. Putant Lydium lapidem esse probare, quid malum bonumve sit, mensurando, num plus aut minus opponatur Ritibus Ecclesiæ Romanæ, sive id Ceremonias sive Regimen attineat; imo licet & alia sint majoris momenti. Perfectissimum illud esse debet, quod longissime remotum ab illa Ecclesiâ, illud autem semper pollutum atque reprehensibile, quod aliqua tantum verisimilitudine illa cum participat. Certè subtilis atque exitiosa hæc est opinio; apta nata ad imponendum ipsis, magis vero apta ad illudendum populo, aptissima vero ad calumniis afficiendos adversarios. Hæc certè opinio, (nisi manifesta ejus condemnatio ante oculos nostros versata fuisset) jamdudum eo nos deflexisset, ut denuo baptizassemus infantes, olim in Ecclesia Catholica, vulgo sic dicta, baptizatos. Video enim opus huic simile vehementer defendi, videlicet iteratam Sa-

cer-

cerdotum Ordinationem. Certe æquum est, ut caveant sibi homines ab opinione hac, intelligantque altioris esse sapientiæ atque sobrietatis considerare, annon potius in generali abditione Ecclesiæ Romanæ rituum, cum malo etiam aliquid boni, (ut imperfectæ sunt hominum actiones) destruat, quam purgetur Ecclesia, secundum mentem eorum, id enim est intestina vulnerare, uti jam cœptum est.

*Quarta eaque ultima Controversiarum occasio est partialis affectatio & imitatio Ecclesiarum exterarum (id quod & olim turbas in Ecclesia excitavit.) Nam multi nostrum persecutionis tempore & deinceps, apud exterarum Ecclesiarum commorantes, amplectentesque formam regiminis ibi institutam, omni conatu eandem in Ecclesiam nostram inferre studuerunt. Verum his ajo: Conso-
ciamus in eo quod convenit, non in eo, quod receptum est. Et quanquam Ecclesiæ illæ in meliori forma constitutæ essent, attamen multoties non quod optimum; sed e bonis quid proximum amplectendum est. Ecclesia nostra nunc non plantanda est; sed jam dum constituta atque confirmata est. Potest fieri, ut in Civili Statu Respublica melior sit, quam regium; prohibeat autem DEUS, ut regna legitimè constituta ad innovationem atque mutationem adigantur. Qui mala introducit, voluntatem DEI oppugnat, revelatam in verbo; qui nova introducit, voluntatem DEI oppugnat, revelatam in rebus. Consule providentiam DEI cum*

verbo Dei. Veruntamen nondum largior, ipsorum regiminis formam, quanquam possibile sit, meliorem nostrā esse, si quosdam abusus demas. Paritas æqualitasque ministrorum admirandæ confusionis res est; talis quoque est ordinarium regimen per Synodos, necessario enim unum sequitur alterum. In omnibus casibus, maximè autem in Religionis negotio, periculosum est, si numerentur vota, non ponderentur. Equidem (Sapiens dicit pater) *ut verè quod res est, scribam, prorsus decrevi fugere omnem conventum Episcoporum; nullius enim Concilii bonum exitum unquam vidi; Concilia enim non minuunt mala, sed augent potius.* Id vero intelligendum est non de Conciliis generalibus, sed Synodis ex more regiminis Ecclesiastici congregatis, ad deponendos Episcopos & similia. Hoc vero damnum fuasit constitutionem Archi-Episcoporum, Patriarcharum & Primatum; & istorum iterum abusus in causa fuit, ut jam displiceant hominibus.

Verum dicet fortassis aliquis; Aspice Fructus Ecclesiarum exterarum & nostræ. Huic respondeo; precari me Dominum, ut benedictionem gratiamque suam super istas Ecclesias in centuplum adaugeat. Veruntamen bonum haud est, quod numeremus eam. Potest esse, quod Pax nostra nos luxuriantes reddiderit. Potest etiam esse (quanquam illibenter honori istarum Ecclesiarum derogo, nisi id ad removenda scandala inserviret,) quod fructus earum sint, quasi

quasi faces in tenebris; quæ è longinquo videntur esse maximæ. Scio habere ipsas severas quasdam constitutiones ad reprimenda crimina varia. Sed quando aliquot hominum censuras considero æque homines in individuo atque Ecclesias stringentes, non possum non illud Platonici in mentem revocare, dicentis: *Certe vitia irascibilis partis animæ sunt gradu praviora, quam concupiscibilis, tametsi occultiora.* Id quod in priscis Episcoporum rixis affatim observare licuit: *Largiatur Deus*, ut possimus cum aliis Ecclesiis contendere instar vitis cum olea, quis nostrum optimum ferat fructum, non vero ut sentis cum carduo, quis nostrum minus inutilis sit. Atque tantum de *Controversiarum Occasionibus.*

Jam vero, ut breviter exponam incrementum atque processum controversiarum; observandum est, hic verum esse illud Salomonis: *In principio infringendum esse contentionis cursum, qui enim est caput contentionis, laxat aquas, difficulter postmodum revocandas.*

Considerandum est, illi parti, quæ reformationem urget, primo displicuisse ceremonias quasdam, tanquam superstitione infectas, querelas eam edidisse de stultis Presbyteris opulenta beneficia possidentibus, & denique invec tam fuisse oriosam, atque monasticam eorum commorationem in Academiis, qui in aliis locis, ubi residere debuissent, habuerunt beneficia sua, & sic in alios abusus. Inde progressa est pars illa, damnavitque Episcopale regimen, tanquam Hierarchiam ex corruptis

ptelis Ecclesiæ Romanæ residuam, nec assentiri voluit ritibus aliquot Ecclesiasticis, quasi à superiorum temporum pollutionibus non satis purgati fuissent.

Et tandem eò processerunt, ut definirent unicam aliquam perpetuamque Politicæ Ecclesiasticæ formam, quam non considerato utrum possibilis esset, neque prævisio, quanta pericula atque turbæ Ecclesiæ & Reipubl. inde imminerent, necessario volunt à Magistratu amplectendam esse & confirmandam. Hic subsistunt. Alii non valentes in tanto præcipio subsistere, ulterius pergunt, dicentes: assumendam eam esse atque à populo acceptandam suo cum periculo; non expenso, quod Magistratus eam autoritate sua stabilire debeat. Et sic interea temporis recusant communionem nobiscum, existimantes Ecclesiam nos non habere. Iste fuit processus illius partis. Paulo autem in genere; Scio enim aliquos, qui extremitates, non solum amant, verum etiam ad ea absque gradibus defiliunt, ad summa contendisse, vel statim ab initio.

Alteram partem, quæ regimen Ecclesiæ modernum defendit; nec eadem semper via incescit. Primo Ceremonias illas, quæ dicebantur depravatæ, defendebant tanquam indifferentes, opponebantque temporis tranquillæ exempta, cum provocarentur ob earum abusum in iuperis superstitionibus. Deinde sufficiebat ipsis agnoscere varias imperfectiones in Ecclesia, tanquam Zizania inter triticum succrescentia, quæ (juxta Salvatoris nostri

stri

stri consilium) non cum vehementia eradica-
danda forent, ne triticum evelleretur una,
sed simul crescere deberent ad messem usque.
Porro ad ampliorem defensionem omnium
in Ecclesia ordinum progressi sunt, atque
firmiter asseruerunt, nihil esse innovandum,
tum quia non necesse esset, tum quia labefa-
ctaret reliqua. Inde (accensi contentioni-
bus) delapsi sunt ad directam adversæ par-
tis condemnationem, tanquam Sectæ cujus-
dam. Imo etiam aliquot rudes ausi sunt in
publicis concionibus irreverenter atque sini-
stre de exteris Ecclesiis loqui & indicare. Id-
que in tantum, ut quidam nostrum (ut au-
divi) apud exteros ordinati, pro illegitimis
Ministris habiti fuerint. Ita vidimus initia
esse modesta, extrema vero vehementia.
Unde nunc eadem fere distantia est unius
partis à se ipsa, quæ fuit in principio unius
partis ab altera. Et vere quanquam (ut dixi)
scopus meus non sit ipsas aggredi controver-
sias, attamen moneo defensores Solipsius
Disciplinæ, ut serio considerent, quam pro-
pe ab his absint, cum quibus, quantum qui-
dem scio, communicare nolunt. Difficul-
ter affirmatur, Disciplinam, qua nos ca-
rere autumant, esse essentialem cultûs divi-
ni partem: nedum ipsum populum sub Dis-
crimine Salutis teneri ad eam accedere, quic-
quid sit de magistratu. Quæro, si aliqua
R^{epubl.} prædicationem verbi reciperet at-
que baptismum; interdiceret vero seu ex-
cluderet Sacramentum cœnæ: nonne homi-
nes tenerentur sub periculo animarum suarum

rum iis se adungere cœtibus, ubi huic communicare possit mysterio? neque contentos esse illis cultus divini partibus, quos Magistratus civilis publica permittit auctoritate? Hoc verò loquor, non ut alios vituperent, verum ut penitus semetipsos considerent. *Fortasse non redeunt, qui suum progressum non intelligunt.*

Porro Dominis meis Episcopis dico; difficulter ipsos reprehensiones effugere, (vel apud hominem æquissimum) quandoquidem adeò præcise defendunt, nihil omnino mutandum esse. *Leges, novis Legibus non recreata, accescunt. Qui mala non permutat, in bonis non perseverat.* Auferre abusus varios non tollit bonum ordinem, sed confirmat eundem. *Morosa moris retentio, res turbulenta est, aque ac novitas.* Bonus Paterfamilias semper in vinea sua putat, aut in agro, non certe intempestivè, aut imprudenter, sed quia facile semper invenit, quod agat. Nunquam vidimus Episcoporum in Parlamento libellos supplices; qui sine dubio ab iis profecti, ad quos ista pertinent, ab omnibus accepti fuissent. Propriæ ipsorum constitutiones atque leges parum ipsos reformarunt. Vel nihil male actum? Num aliquis defendere potest usum levis vilisve Excommunicationis in forma processus ad exigenda debita atque pensa? Certè est istud unum ex illis, quæ novissimum præcedunt diem.

Vel nulla est ratio educandi Ministerio aptos? (Nam licet Academias largiamur, in vanum id est, quamvis optimè sint ordinata)

tæ)

ra) educandi, inquam, non ut concionari possint, (nam id unusquisque facere audeat, sed ut sane concionentur, Scripturasque sapienter atque cum iudicio tractent?) Novi Prophetiam magnis abusibus contaminatam fuisse, & magis adhuc nunc contaminaretur, fervor enim contentionis increvit: Verum dico, unica abusu ratio erat, quoniam plebeja admilla fuit pangeyris, nec intra cancellos Presbyterialis conferentiae mansit. Alia plura dici possunt. Precor autem DEUM, ut Episcopis indat ardentem plebis amorem atque curam, ne urgeant adeo res controversas, quam extra controversiam positas, quæ omnium iudicio sunt bonæ atque gratæ. Et tantum de secundo.

Tertium succedit, minus fraterna procedendi ratio ex utraque parte. Directè intentioni meæ adversatur amplificare injurias: Sufficit annotasse easdem atque numerasse: quod eo fine facio, ut ad compassionem atque compunctionem moveam offēdentes, non vero ut animos addam provocantibus, & querelas apud alteram augeam partem. Hos autem (ut ratio dicat) primario illos ferit, qui plurimum valent. *Injuriæ potentiorum sunt.*

Injuriæ ab illis, qui regimen Ecclesiæ tenent, factæ iis, qui sunt ex altera parte, ægrè dissimulari aut excusari queunt. Accusarunt ipsos tanquam negantes tributum Cæsari, obedientiamque magistratui Civili, quam tamen semper præstiterunt atque

130 NOTÆ IN CONTROVERSIAS
docuerunt. Eodem gradu posuerunt, at-
que conjunxerunt cum *Familia Amoris*,
cujus hæresin & destruere & confutare stu-
duere. Faciles fuerunt ad recipiendas ac-
cusationes contra eos ab illis, qui cum ipsis
litigaverunt, tantum ob peccata & vitia
reprehensi. Accusationes eorum & inqui-
sitiones in eos fuerunt severissimæ, juran-
tibus quibusdam in *Chartas blancas* & ge-
neralia; non ad certas materias determi-
natas: quod parti juranti videri potuisset res
captiosa atque rigida. Adigere eos ad sub-
scriptionem articulorum suorum, est tan-
tum *laccessere & irritare morbos Ecclesiæ*; qui
ipsorum requirunt *industriam*. Non concessum
querit, sed *difficilium*; qui quod factis presta-
tur, in verbis exigit. Et verum est aliquos
(ut pnto) non facile offendere non confir-
mando, attamen hæsitare cum subscribere
debent. Sciunt hanc notam inconstantia at-
que defectionis ab eo, quod hætenus sta-
tuerunt, incapaces ipsos reddere ad perfici-
endum bonum illud, quod alias operari
potuissent: tanta enim quorundam est infir-
mitas, ut Ministerium eorum maculam in-
de contrahat. Silentium vero ipsis impone-
re velle in tanta Presbyterorum paucitate,
esset plebem, non ipsos plectere. Nonne de-
ceret (Episcopos intelligo) uno oculo at-
tendere ad bonum, quod isti perficiunt;
non vero utrumque defigere in malum,
quod existimant ab ipsis provenire? Certe
prohibeat Deus, ne permittatur iis licen-
tia concionandi, qui sunt immoderati, at-
que

que incorrigibiles; Sed debetne omne verbum inconsideratum, aliquando callide observatum, & ut plurimum violenter extorsum, esse exitiosum voci eorum atque prædicandi donis? Quod deinde particulares vexationes varias attinet, recitare dedignor. Anne ministro molestia creanda, quia in Baptismo dicit: *vosne creditis?* loco illius, *Tunc credis?* Num alius in jus vocandus, quoniam pro Rege orans, id sine titularum additione vel cumulo facit; cum ipsa precum formula in libro publicarum precum *Elizabetham DEI Servam* appellet, nec amplius quid addat. Num denique tertius accusandus erit, ista de Controversiis proferens verba: *Tollatur Lex & fiat certamen:* intelligendo legis præjudicia, atque ut iis remotis utriusque partis rationes inter se conferantur (ac si ad seditionem evocasset populum, dixissetque: *Tollatur Lex, & fiat virium certamen.* Si hæc & alia his similia vera sunt, ex rumore enim accepi, nec firmiter affirmare possum, deplorandum est, ipsos laborare inter nos tam exiguo cum solatio. Scio equidem severum regimen melius esse remisso; eique assentior, qui dixit, *melius ibi vivitur, ubi nihil licet, quam ubi omnia licent.* Non placet mihi, si leges cessent, aut immorigeri dimittantur impuberes. Verum Leges etiam uvis similes sunt, quæ nimium compressæ acerbum ingratumque præbent vinum. Et de his omnibus dicere cogor: *Ira viri non operatur justitiam.*

Alterius partis injuriæ sunt ictus inermes;

fervidæ atque impotentes invektivæ; & (in aliquibus stupidis hominibus) inurbani, atque indigni erga superiores gestus. Et postremum eorum inventum, quo risus istos exponunt atque per libellos ogganunt, non totius (ut confido) partis culpa est: nec alterum illud, magis odiosum atque à pessimis peractum, toti parti adscribendum, quod est, in subsidium mercenariam cohortem advocare, quæ impugnando Episcopos ipsorumque dignitates ecclesiasticas, sortia- tur deinde prædam ex beneficiis eorum at- que bonis. De his enim nimium severe lo- qui nequeo. Est communio pactumque in- ter incendiarios & prædones, isti ut incen- dant, hi ut expilent.

Quartum illos penitus concernit, qui præ- sens Ecclesiasticum Regimen impugnant, & licet ab Ecclesiæ communione nondum re- cesserint, certa tamen affectant insignia at- que discrimina, quibus inter se solummodo consentiant, ab aliis dissentiant. Et verè dictum est: *Tam sunt mores quidam schismatici, quam dogmata schismatica.* Primo, assumpserunt sibi nomina *zelotarum, sincerorum, re- formatorum*; ac si cæteri omnes essent *frigidi, sacra miscentes, prophani atque abusus aman- tes.* Imo sit aliquis egregiis virtutibus præ- ditus, nec in bonis operibus sterilis, istis au- tem non accedens, appellant ipsum, dero- gantes pietati ejus, civiliter atque moraliter pium, cum Socrate aliove gentiliū Philo- sopho eum conferentes; Cum sapientia Scri- pturarum nos aliud doceat, nimirum judica-

re atque denominare homines religiosos seu
 pios juxta opera eorum secundæ tabulæ:
 quoniam primæ tabulæ opera sæpe ficta sunt
 atque hypocritica. Sic S. Johannes ait: *In*
vanum gloriatur aliquis de amore DEI, quem non
videt, si non diligit fratrem suum, quem videt: S.
Jacobus etiam inquit: Religio munda est visita-
re pupillos & viduas. Adeoque quod ipsis est
 philosophicum quiddam & morale, Aposto-
 lorum Phrasi appellatur Religio vera atque
 Christianismus, & sicuti secundum affectus
 suos dictas zeli virtutes aliasque permutant,
 ita secundum notitiam suam tribuunt sibi lu-
 men atque perfectionem. Dicunt Ecclesiam
 Anglicanam tempore *Eduardi Regis*, atque
 sub initium *Elisabethæ Reginae* fuisse tantum
 in cunis; Episcoposque istis diebus præsti-
 tisse quædam tanquam in crepusculo: matu-
 ritatem vero hanc & luminis plenitudinem
 ab ipsis procedere. Sic *Sabinus Heracleensis*
Episcopus, qui & Macedonianus fuit hæreticus,
 dixit; Nicænos Patres fuisse tantum infan-
 tes atque indoctos, neque Ecclesiam ad tan-
 tos perfectionis gradus pervenisse, ut ma-
 jorem respueret maturitatem atque noti-
 tiam, quam temporum successus revelave-
 rat. Et sicut virtutum nomina pro civilibus
 atque moralibus tantum habent actionibus,
 sic viros verè ac pie eruditos, (qui vanitatem
 affectuum suorum probe introspiciunt) ha-
 bent pro merè politicè prudentibus, affir-
 mando, sapientiam eorum esse tantum car-
 nalem, atque humana redolentem. Sic etiam
 Presbyterum sollicitè atque præmeditatè

concionantem, (non autem loquor de vana scholasticorum concionandi methodo; sed sana illa, qua ordine digeritur materies pertractanda, ad succurrendum memoriæ, deducuntur porismata ad formandos mores, & confirmantur argumentis solidis seu auctoritate) censent, uti forma loquendi non decente simplicitatem Evangelii, & referunt ad reprehensiones S. Pauli, loquentis de *sublimitate sermonum atque humana sapientia*.

Jam vero quæ est ipsorum prædicandi methodus? certè bellè exhortantur, mentisque compunctionem procurant; eo etiam adigunt homines; ut quærant; *Viri fratres quid faciemus?* Verum istud non sufficit, nisi etiam resolvant quæstionem. Materias controversas leviter & obiter pertractant, & quasi coram populo, qui quodcunque acceptat. In morum doctrina præter generalia & repetitiones ferè exiguum restat. Verbum (panem vitæ) susque deque jactant, non vero frangunt: nulla porismata deducunt ad casus usque conscientiæ, quo homo possit circa omnes actiones suas edoceri, num licitæ sint vel illicitæ, neque revera multi eorum idonei sunt ad id præstandum, tum ob defectum eruditionis solidæ, tum diligentiae & oris. Compendiosa & levis res est, urgere Sabbati observationem, vel adversus illicita declamare lucra: Sed quæ opera licita sint in Sabbato, quæ illicita; & qui lucrandi modi justi sint, qui injusti? explicare & probatis distinctionibus decisionibusque exponere, res est magnæ notitiæ atque laboris, sedulam

lam quoque meditationem & diligentem Scripturarum lectionem, aliaque requirit subsidia, quæ DEUS ad eruditionem nostram providit atque conservavit.

Porro non æque sedulo informant populum de legitima libertate sua, atque de restrictionibus prohibitionibusque, putant enim non posse quempiam nimium exaggerare illud, quod vel speciem præcepti habet.

Obliviscuntur esse peccata æque ad dextram ac ad sinistram, & verbum esse gladium ancipitem ex utroque latere scindentem, æque prophanas transgressiones atque superstitiosas observantias. Quis dubitat æque illicitum esse claudere, ubi DEUS aperit, ac aperire, ubi DEUS claudit. Ligare quæ Deus solvit, ac solvere quæ ligavit. Apud homines communiter æque vitiosum est respuere gratiam, ac transgredi præcepta. In hoc fervore (exempli gratia) omne mendacium docuerunt, absque differentia esse illicitum, non obstante, quod obstetrices directè dicantur reportasse benedictionem propter excusationem suam. Rahab etiam dicitur fide exploratores celasse. Et Salomonis illustre iudicium simulatione nitebatur. Salvator denique noster, quo tanto melius corda duorum discipulorum feriret, sancta delusione simulavit, se velle prætergredi Emauntem. Deinde audiivi quosdam sermones de mortificatione, quos, ut puto, bona intentione ex propria experientia & exercitio formaverunt. Res si in privatis traderetur consiliis, non rejicienda, verum in

concione vix toleranda: est enim prædicantis tantum attentata sanctitas, aut quid minus, & magis apta est ad ingenerandas infirmas hominibus opiniones, facitque perplexos, imo ad desperationem magis adigit, quam ad filialem veramque ducit poenitentiam, quæ scopus est præfixus.

- Aliud etiam magnæ inconvenientiæ & periculi est, populo omnes controversias & omnis generis doctrinam proponere. Dicunt enim, nullam Consilii Divini partem esse supprimendam, seu plebem eâ privandam. Tollunt igitur distinctionem Apostoli inter lac & solidum cibum; ipsiusque præceptum, quo infirmos à quæstionibus & controversiis arceret, negligunt.

Sed præ reliquis suspecta est, tanquam semen plurimum inconvenientiarum, methodus tractandi Scripturas. Nam quoniam in res singulas expressa Scripturæ verba quærunt; & quoniam aliquatenus semet ipsos, Ecclesiamque privarunt insigni subsidio, cum Patrum rejecerunt autoritatem, delabuntur ad nuda exempla, fictas illationes, & coactas allusiones, quæ omnem in religione certitudinem subruunt.

Aliud extremum est nimia exaltatio illius, quod quidem per se est excellentis atque sanctissimæ originis, verumtamen suos quoque habet limites, ut alia omnia. Videmus, quod ubicunque in Scripturis invenerint aliqua dici de *Verbo*, ea ipsos exponere de *prædicatione*. Constituerunt fere essentiam Sacræ Cœnæ in eo, ut concio præcedat. Anni-

hila-

hilaverunt quadantenus Liturgiam, atque Divini cultus formulas; quanquam domus DEI denominetur ex præcipua parte, *Domus orationis*, non vero Domus concionis in-
spectemus vitam proborum Monachorum, Eremitarumque in primitiva Ecclesia, scio, quod damnabunt illum, tanquam ex media parte Pontificium, qui defendet eos, ideo solum, quia conciones audiverunt nullas. Interea temporis, quod sit concionari, & quis possit dici prædicans, non disquirunt: Sed (quantum ego quidem video) omnis homo, qui audet ex Cathedra loqui, est prædicans. Verum certus sum, non paucos illorum, qui Prædicans ministerium cupiunt mereri, ut omnium primo expellantur. Omnes errores suos atque per-
versos præcedendi modos firmant atque mun-
niunt, ea qua opiniones suas colunt, reve-
rentiâ, & impatientiâ, qua contradic-
tiones argumentave audire recusant: Imo novi
quosdam, qui putabunt esse tentationem Dei,
legere vel audire, quod possit contra ipsos
proferri, ac si posset esse præceptum illud,
quod bonum est, tenete; sine illo, omnia probate.

Et hæc sufficere possunt ad movendos
eos, ut ipsi secum cogitent considerentque
num in rebus istis benefaciant, an male? &
ut corrigant nec non evellant partium è suis
asseclis studium. Nam si aliquis hinc con-
temnere velite eorum ministerium, esset tan-
tum propria cordis induratio. Scio enim
ingens exhortationis opus apud istos prima-
rio residere vitos, & habere zelum atque
odium

odium adversus peccatum. Sed iterum caveant sibi, ne verum sit, quod aliquis eorum adversariis dixit: *Ipsis deesse tantum duo exigua; Scientiam atque charitatem.* Et sic etiam hoc membrum finio.

Ultimum, quod est iusta publicatio atque decisio istarum Controversiarum, longo sermone non eget. Mirus iste libellorum abusus jam dum excussus est. Sic etiam repeto, quod dixi: quod istas Decisiones magis deceat Amor, quam Zelus: Omnes enim argutiæ, quibus sive directè sive indirectè personæ perstringuntur, semper in ejusmodi causis fuerunt improbatæ.

Tandem quodcunque obtenditur, plebs congruus arbiter esse nequit; sed potius quieti, modesti & privati Eruditorum conventus, atque colloquia. *Qui apud incapacem loquitur, non disceptat, sed calumniatur.* Typographia atque Pulpitum liberarentur à contentionibus istis: neque promotio ex una parte, neque gloria & fervor ex altera, deberent fovere provocaciones istas, neque ut ludibrio exponant se invicem, permittere. Sed potius omnes concionatores, speciatim ejusmodi qui modesti sunt, habentque sapientiam cum conscientia conjunctam, deberent inculcare pacem, silentium atque cessationem. Neque metuant sibi à *Solonis* lege, quæ præcepit, ut in Factionibus unusquisque ex alterutra se collocet parte: nec inspidam neutralitatis calumniam exhorrescant. Sciant enim verum esse, quod sapiens quidam dixit; *quod illi, qui neutri sunt in con-*
ten-

tentione, vel meliores vel peiores sint, quam alterutra pars.

Hæc in integritate mea atque simplicitate proposui circa controversias, quæ nunc turbant Ecclesiam in Anglia: & quidem absque omni arte atque illecebris, ideoque fortassis ingrata utrique parti. Nihilominus tamen confido, id quod dictum est, illis placiturum, qui parti addicti sunt nulli & qui magis amant totum quam partem. Quare non despero de bono quopiam effectu; ad minimum, non pœnitebit me meditationum harum.

CONSIDERATIONES

quædam, expendentes meliorem

ECCLESIAE ANGLICANÆ

Pacificationem atque Ædificationem.

Dicatur S. R. MAJESTATI.

UNio Ecclesiæ Majestatis Vestræ, Cellissime Princeps, res est non minus pretiosa quam regnorum unio. Utræque enim opus est, in quo Majestatis Vestræ Felicitas cum Dignitate contendit. Postquam igitur ausus fui, nec sine gratiosa Majestatis Vestræ acceptione, aliquantulum de hæc dicere; incitor quoque ne de ista sileam: idque ea de causa eo promptius suscipio, quoniam

niam in hoc argumento jam antehac versatus sum. Verùm *Salomon* laudat *verbum opportunum*, & *Salvator noster* de discernenda temporum opportunitate, inquit: *Quum videtis nubem orientem ab occasu, statim dicitis, nimbus venit.* Sic *Majestatis Vestræ* ortus ad hanc *Monarchiam* in occiduis mundi partibus, promittit suavem fœcundumque imbrem multarum benedictionum super *Ecclesiam* hanc atque *Rempubicam*. Imber tanti influxus, ut primæ ejus guttæ jamdum sedaverint tempestates atque procellas orbis *Christiani*, *Universam Europæ* faciem ad pacem amoremque componentes. Sed ad rem.

Verum quidē est, materias istas *Ecclesiasticas* non pertinere ad professionem meam; neque tam fui temerarius, quin illud mihi objecim; sed quoniam multoties homo procul ab *area* seu planitie quadam distans, melius contuetur eam ac illi, qui stant in ipsa; impossibile mihi visum non est, posse me tanquam è longinquo intuentem, convertere oculos meos in aliquam, quæ ipsis actoribus (præsertim cum quorundam hic interesse versetur, alii ducantur atque addicti sint, alii jam in *arenam* descenderint) non essent obvia. Conscius etiam mihi met sum (Deo testimonium præbente conscientiaæ meæ) ea quæ locuturus sum, non procedere ex venatione plebejæ laudis, ostentatione, novitatis pruritu vel partium additione. Præ reliquis autem illud me incitavit, quod viderem has opiniones meas
(quas

(quas dudum tenui, atque amplexus sum, ut apparet ex eo, quod pluribus abhinc annis hisce de rebus, quanquam secundum proportionem infirmitatis meæ, scripsi) consentire cum eo, quod Majestas Vestra in publicum edidit, pro Christianissimo, sapientissimo atque moderatissimo sensu suo, hac in causa: & hinc orbi innotuit, pectori Majestatis Vestræ sacratissimo sublime illud axioma regiminisque fundamentum à Deo infusum esse: *quod Totum semper plus amet, quàm aliquam partem.*

Quis enim non videt multos ejus esse opinionis, talemque sententiam ferre, ac si nollent remove malum à bono, sed defendere malum per bonum? Alii loquuntur, ac si scopus eorum unicus esset, exponere quid sit bonum, non verò quid sit possibile; quod quidem optandum, non verò proponendum esset. Alii ita procedunt, ac si malent rescare, quam reformare. Sed quam ex utraque parte viri excellentes etiam ad extrema delabantur, Majestas tamen Vestra, ut sapiens, æquus & Christianus arbiter, idonea est ad inveniendam auream mediocritatem, & confirmandum id, quod salutiferum est; ad reparandum etiam quod corruptum est aut decrescens. Regio igitur Majestatis Vestræ judicio omni humilitate submitto, quodcunque proponam: idemque tanquam obolum offero Thesauro Majestatis Vestræ sapientiæ adjiciendum. Nam ut Astronomi benè observant, quod tria superiora lumina, quando in conjunctione

exi-

existunt, miros quosdam effectus producant; Sic in Majestate Vestra junctis lumini Naturæ, lumine Eruditionis, & quod supra reliqua eminet S. Dei Spiritus lumine; fieri aliter nequit, quam ut regimen Vestrum sit, quasi fortunata quædam constellatio super regna ista. Neque deest Majestati Vestræ quartum lumen, quod quamvis sit mutuum, est tamen etiam insignis efficaciz, magnique momenti, cæteris junctum: estque lumen sapientissimi beneque constituti Consilii; cujus venerabili & maturæ Sapientiz pariter submitto, quodcumque proferam: ea spe, haud necesse fore, declarare mentem, opinionemque meam esse, quod donec Majestas Vestra aliter determinet, atque præcipiat, omnis actualis plenaque obedientia Ecclesiasticæ jurisdictioni, qualis nunc viget, reddenda sit; & quando Majestas Vestra determinavit atque præcepit, omnis probus subditus debeat acquiescere, obedientiamque suam præstare Majestatis Vestræ Legibus, constitutionibus, mandatisque regiis. Neque placere mihi omnem immodicam acerbitem, peremptoriam præsumptionem, vulgarem tractationem, aliasque methodos rumori potius atque factioni inservientes, quàm bonum aliquem effectum, cum observatione officiorum, promittentes.

Verùm antequam aggrediar ea, de quibus controvertitur, videtur mihi (si possibile est) removendas esse opiniones duas, quæ directè reformationi opponuntur. Una
earum

earum eam reducit in nihilum, altera ad impossibile. Prima est; *Esse contra artes politicas aliquid in rebus ecclesiasticis innovare*; Secunda; *Omniem reformationem debere fieri juxta unicum exemplar seu formam.*

De prima præclare dictum est à Propheta: *State super vias antiquas & videte, quanam sit via recta, & vera, & ambulate in ea*: Non enim dicit: *State super vias antiquas, & ambulate in eis.* Nam in confesso est apud omnes sapientes atque moderatos viros, consuetudinem in tanta esse existimatione, ut sola sufficiat ad eos movendos, quo subsistant, inquirant & circumspiciant: non autem ut ab ipsa instar ducis agi atque duci se patiantur. Fundamentum præbet deliberationi, non verò directioni. Sed ex altera parte quis ignorat, tempus verè comparari cum fluvio, qui omnem puram dulcemque aquam ad falsum illud corruptionis mare defert, quod omnes humanas actiones circumscribit? Ideoque nisi homo industria, virtute atque prudentia sua adversus flumen illud inclinationemque temporis navigaret, omnia statuta atque leges quanquam maximè puræ corrumperentur, atque degenerarent. Verùm ne more topico materiam istam pertractem, quero saltem, cur status politicus integer conservatur atque restauratur bonis sanisque legibus singulis trienniis vel quadrienniis in Parlamenti consessu sancitis; & æque cito remedia quaruntur, ac damna tempus gignit, status verò Ecclesiasticus è contrario perpetuò remanere debet in fecibus

temporum, neque ullam admittere renovationem in his quadraginta quinque annis & pluribus? Si objiceret aliquis, quod si Respublica tamdiu quoque neglecta fuisset, non futurum fuisse ingens crimen. Certè aliud testatur experientia in proximis tribus ad minimum seculis. Si autem dicatur discrimen esse inter causas ecclesiasticas atque politicas, æque possunt mihi regerere, templa & sacella non egere reparatione, castella autem & domus egere; nam communiter, si vera dicere fas est, cæmentatio interna atque spiritualis ædificatio Ecclesiæ Dei omni tempore æque necessaria est, atque externa & fabrilis. Certus sum quod ipsum Servatoris nostri Verbum & stylus reformationis: *ab initio non fuit sic*; ad res ecclesiasticas pertineat: illamque sublimem moralem legem concernat.

Verum enim vero ingratus & insipiens esset, qui negare vellet Ecclesiam Anglicanam imperante *Elisabetha Regina*, gloriose memorie, floruisse. Si conferre eam cum exteris Ecclesiis deberem, malletm ut collatio ista virtutes potius, quàm ut quidam faciunt, defectus concerneret. *Potius* dico; ut inter vitem & oleam, quænam sit magis fœcunda, quàm inter spinas & carduum quænam sit magis inutilis. Ea reverentia debetur Ecclesiæ, qua pii Noë filii usi sunt erga nudum parentem suum; i. e. ut retrorsum quasi accedemus ad succurrendum defectibus istis, ita tamen ut insimul dissimulentur. Agnoscere etiam debet, vix ullam Ecclesiam,

fiam, inde à primitiva, huic nostræ annis & territorii latitudine æqualem, plures dedisse insignes concionatores, scriptores illustres & pios rectores. Verum uti quoad disciplinam & statum Ecclesiæ multa & quidem primaria sancta sunt atque bona; ita si *S. Iohannes* Ecclesiæ Anglicanæ epistolam inscribere deberet, ut illis Asiaticis, certè clausulam quoque eam adderet; *Habeo adversus te pauca*. Nec plura de hac re, præterquam quod appendicis loco libet obviam ire objectioni illi, quæ de tempore non verò de materia formata, prætextit: reformationem, si necessaria foret, nunc non esse opportunam, sub primum Majestatis Vestræ ingressum: Sed *Hippocrates* ait: *Si quid moves, à principio move*: Et experientia plurimis exemplis docet, quod prudentissimi Principes, ut parcissimi fuerunt in removendis, seu mutandis servis & ministris, sub introitum suum; ita seduli fuerint removendo abusus & enormitates, reformando leges atque reipublicæ suæ statum, ut illustrarent, atque commendarent initia sua; Scientes primam impressionem apud populum diu vigere; & hominum mentes optimè formari, cum sunt in expectatione atque in suspensore tenentur. Ideoque sicuti mihi videtur, initium Naturæ (ver intelligo) commodissimum tempus esse, ad purgandum corpus nostrum, medicamentisque reficiendum, ita Regni initium maximè commodum tempus est, ad purgandum restaurandumque corpus politicum.

Restat adhuc obiectio ex suspitione potius, quam ratione profecta, veruntamen talis; quæ ut puto vehementer movet etiam verè sapientes beneque cupientes, & est hæc: *Si aperietur via mutationi, quanquam ea instituat ad abusum tollendos, ita tamen assuesciet hominum mentes mutationum dulcedini, ut subvertat etiam stabilitatem eorum, quæ bona sunt atque sana.* Hoc certe bonum atque verum axioma fuit in prius contentionibus atque divisionibus intra Populum Senatūque Romanum: cum res agerentur secundum beneplacitum multitudinis, quæ limites moderationis nunquam observare potest. Sed quoniam talia apud nos ordinariè aguntur moderante Rege, qui regia potentia instructus est, atque ingenio pollet, & æque mensuras rerum ac earum naturas habet cognitæ; supervacaneus certe motus est. Dubitare enim non debent, quod Majestas Vestra Senatusque sanctior dignoscet, quæ tanquam Zizania tritico immixta sunt; & radices adeò implexas tenent, ut unum absque alterius noxa eradicari nequeat: Et quæ tanquam paleæ cum tritico mixtae sunt, ac cribrum tantum ad separationem indigent. Tantum igitur de primo membro; Reformationem penitus nullam esse admittendam.

Alterum membrum, unicam tantum debere esse Disciplinæ formam in Ecclesiis omnibus; & quidem necessario impositam juxta præceptum verbi divini: Res est, de qua jam magna extant volumina, ideoque brevem redargutionem recipere nequit. Me
quod

quod attinet, fateor, quod cum legerim Scripturam S. nihil ejusmodi invenerim, verum quod Deus eandem Ecclesiastico regimini concesserit libertatem, quam Politico; mutari posse pro ratione temporum, locorum & aliorum accidentium, quæ nihilominus suprema ipsius atque Divina Providentia ordinat ac disponit. Omne politicum regimen alligatur à Deo generali Justitiæ morumque fundamento; sed forma relinquatur libera; adeò ut Monarchiæ & Regna; Senatus & Aristocratix; Democratiæ & Respublicæ sint licita: & ubi recepta sunt, inviolabiliter conservari debeant.

Sic in rebus Ecclesiasticis substantia doctrinæ immutabilis est, ut etiam generales circa regimen regulæ; Verum ritus & ceremoniæ, speciales item hierarchiæ, status atque disciplinæ ecclesiarum, libera ipsis relicta sunt. Ideoque bene foret, si ad antiquos Unionis terminos reverteremur, qui erant, *Una fides, unum baptisma, non verò una hierarchia, una eademque disciplina*: sique observaremus Christianorum fœdus, à Salvatore nostro scriptum, quoad doctrinæ substantiam: *Qui non est nobiscum, est contra nos*: quoad res verò indifferentes & circumstantias fœdus nostrum sit: *Qui non contra nos, est nobiscum*. In his igitur generales tantum observentur regulæ; ut grex Christi pascatur; Ut sit successio Episcoporum & ministrorum, qui sunt Novi Testamenti Prophetæ, ut recte & reverenter clavium potestas exerceatur; ut illi qui prædicant

Euangelium, ex Euangelio vivant; ut omnia ad ædificationem tendant; ut omnia fiant ordine & decenter: Reliqua committuntur sanctæ prudentiæ spiritualique discretioni tum superiorum tum inferiorum in Ecclesia Christi ædificantium; ceu elegans allusio Patris illius habet, qui observavit, *Tunicam Christi inconsutilem fuisse, Ecclesia autem vestem versicolore, ideoque regulam inde formavit: In veste varietas sit, [cissura non sit.*

In hac varietate tamen tuta prudensque methodus est, sequi bonorum exempla. Deinde in imitatione ejusmodi consideretur non tantum quid sit optimum, verum etiam quid sit probabilissimum; ut nominatim regimen Ecclesiæ in purissimo ævo primorum bonorum Imperatorum, qui fidem sunt amplexi. Nam tempora persecutionum, antequam Principes mundi fidem reciperent, nō excelluerunt quoad Doctrinam & mores, ita inepta sunt ad præbendum externi regiminis seu politiæ exemplar. Et tantum de hoc membro. Jam ad specialia Controversiarum, seu potius reformationis membra.

CIRCUMSTANTIÆ REGIMINIS EPISCOPALIS.

Regimen Episcopale, ego, non præjudicans presbyteris aliarum Ecclesiarum Reformatarum, statuo esse in verbo Divino fundatum, atque praxi Ecclesiæ primitivæ in seculis melioribus: item magis congruere

Re.

Regnis, quam ministrorum paritatem & regimen per Synodos. Verum porro hic considerandum est, Ecclesiam nunc non esse plantandam aut constituendam, sed purgandam & à corruptione præservandam, reparandam item atque à defectibus quibusdam reficiendam.

Observari meretur, quod Scriptura dicat: *Translato Sacerdotio, necesse est, ut & Legis fiat translatio.* Fieri nequit ob magnam arctamque sympathiam intra Rempublicam & Ecclesiam, quin mutatio tam grandis in Ecclesia discriminis plenum habeat in regnum influxum. Ideoque dignum est ut controversia hæc quiescat & sopiatur.

Sed duæ sunt circumstantiæ administrationis episcopalis, circa quas, ut, quod sentio, fatear, nunquam mihi satisfacere potui: *Una est solitarium Authoritatis suæ exercitium; altera Authoritatis suæ delegatio.*

Quoad primam; Episcopus solus ordinat; solus excommunicat; solus judicat. Hoc ferè videtur esse res sine exemplo in bene constituto regimine; ideoque verisimile irrepsisse ævo degenerare atque corrupto. Cernimus Reges maximos & Monarchas habere Senatum suum: Nulla in Anglia datur curia secularis superior, ubi unius acquiescitur Authoritate. Bancus Regius, Judicia communia, & Ærarium, judicia sunt ex certo Judicum numero constituta. Angliæ Cancellario duodecim in Cancellaria viri assistunt. Magister Tribuum habet collegas ex aula; Sic Ducatum Cancellarius. In ærarii

camera junguntur Domino Thesaurario Cancellarius & Barones. A supplicibus libellis semper plures sunt quam unus. Circulares Justiciarii sunt bini. Domini Præsides in Septentrione & Wallia suos habent assessores. Camera stellata est Confessus Consiliariorum Regis intimorum ex spiritualibus atque secularibus: Ut itaque in Curiis primaria persona semper habeat collegas vel assessores.

Idem & in aliis Respublicis bene constitutis reperitur, licet & jurisdictio magis adhuc sit dispersa, ut in curia Parlamenti Gallici, & alibi. Nemo negabit causas ad Episcopalem jurisdictionem pertinentes tanti esse momenti, ac illæ quæ civilem curiam spectant. Magis pretiosæ sunt hominum animæ, quam corpora ipsorum, vel bona; sic etiam bona existimatio seu fama. Episcopi suas quoque habent infirmitates, neque excipiuntur à generali ista maledictione *erga omnem hominem vivum prolata; Væ soli, nam si ceciderit &c.* Imo videmus primam in spiritualibus admonitionem directam ad plures esse: *Dic Ecclesiæ*; quod non ira se habet in temporalibus. Videmus etiam in generalibus causis circa regimen ecclesiasticum æque totius cleri fieri conventum, ac singulorum statuum in Parlamento. Unde ergo hoc jurisdictionis solitarium exercitium descendit? Certe suspicor, nec, ut puto, sine fundamento, quod *ab initio non fuerit sic*, & quod Decani atque Capitula fuerint consiliarii in sede Episcopali seu Cathedrali olim assistentes, seu quasi Presbyterium vel Consistorium,

rium, occupati non solum circa dispositionem reddituum, atque dotationum, sed multo magis circa jurisdictionem Ecclesiasticam. Sed verisimile est Decanos atque Capitula firmiter adhæsisse in rebus lucrum suum atque mundum spectantibus, neque deserere voluisse stationem suam, verum in rebus ad Jurisdictionem spectantibus (quod laboriosum esse atque ministerium arbitrabantur) permisisse Episcopis agere & ad se trahere quicquid libuit, hinc factum quod illud daret adhuc, hoc autem sit deperditum. Videmus etiam quod Episcopus Romanus (fas enim & ab hoste doceri, neque dubium, prima hujus Ecclesiæ instituta egregia fuisse) omnem Jurisdictionem ecclesiasticam tanquam in Consistorio exerceat.

Et ex quibus constituitur Consistorium hoc a nonne ex Presbyteris Romanis, qui se *Cardinales* appellant; à Cardinibus mundi; quoniam Episcopus vult esse totius mundi. Et hujus quoque reliquias videmus non paucas superstites: quales sunt, quod Decanus cum Capitulo Episcopum eligat, quod summum jurisdictionis est exercitium; quod Episcopus sacris ordinibus initiatus, Presbyteros, si forte fortuna quidam præsentibus sint, advocet, & secum imponere manus jubeat &c. Igitur videtur rationi, religionique congruere primariæque institutioni, ut Episcopus in magni momenti causis, & illis quæ spirituales discretionem requirunt; nominatim in ordinatione, suspensione, depositione Presbyterorum;

in excommunicatione (ad primum suum usum, ut in posterum dicetur, reducta) in sententiis ferendis de validitate conjugiorum, legitimatationibus; in judicandis criminibus, ut Simonia, incestu, blasphemia, &c. non solus procedat, neque sine assistentia. Potest autem hoc reformationis membrum, (quantum intelligo) sine omni strepitu perfici; eritque res quæ robur addet Episcopis, reverentiam inferioribus Prelatis vel ministris conciliabit, & meliorem denique successum causis parabit tractandis. Idcirco, veluti precor; ut robur hinc accedat Episcopis, ita indignum non est Majestatis Vestræ consideratione, annon congruum sit, ut generali etiam Convocato Clericorum (Domui scilicet Convocationis) robur pariter addatur: imminuebatur enim, cum Clerici in regno suspecti essent; ob homagium Pontifici Romano præstitum: nunc autem Clerici isti nulli cedent fidelitate atque erga Majestatem Vestram cultu.

23. Quoad secundam, quæ est Authoritatis propriæ delegatio; non video, certo illam inniti fundamento; ut pote alienam ab exemplis regulisque in regimine observandis. Episcopus exercet jurisdictionem suam per Cancellarium suum, Commissarium, Officialem &c. non videmus aliquas in Orbe Leges permittere, ut officia magnæ fidei atque prudentiæ, per delegatos administrantur; nisi id in ipso diplomate expressum fuerit; & hoc in casu permissum imo necessarium

cessarium est. Ut exempli gratia nunquam in Anglia constitutus est Cancellarij Delegatus; neque in aliquo iudicio iudicis Delegatus. Episcopus Iudex est, & quidem excelsus; unde autem, quod demandare alteri possit officium suum? nonne omnis fides atque fidei commissio (ut dixi) personalis est atque inhærens; neque potest, neque debet in alium transferri? Certè hic iterum ingeminandum: *Ab initio non fuit sic.* Verum probabile est, Episcopos nimium sectantes mundi gloriam, & in Magnates transformatos, in Senatum etiam Principum adscitos, deseruisse jurisdictionem propriam tanquam se minus dignam, atque magnitudine sua multo inferiorem; & deinde ad imitationem Regum Palatinorumque Comitum voluisse suos habere Cancellarios atque Iudices. Exempla verò ista Regum & Principum defendere eos nequeunt. Rationes enim, quare Reges qui supremi sunt Iudices, per alios Iudicium exercent, binæ sunt. Una est, quoniam Regia dignitas plerumque est hæreditaria: & regula est apud omnes, officia hæreditaria respicere potius commodum, quam fidem; quandoquidem etiam ad scæminas, infantes, lunaticos, idiotas aliosque ad iudicium exercendum incapaces, devenire possunt. Ideoque officia ejusmodi semper per deputatos exerceri administrative potuerunt. Altera est amplitudo eorum Jurisdictionis; quæ tanta est, quantum ipsorum jus civitatis ab antecessoribus suis acceptum, & jus

gladii à DEO ipsis concessum. Igitur si Moyses, cum regeret populum non magnum, eumque in castris præsentem, nec in provinciis dispersum, seu oppidis, essetque spiritu extraordinarie præditus, haud sufficeret ei judicando; sed juxta consilium Jethronis, à Deo approbatum, substitueret sibi seniores ac judices, quanto magis aliis id licebit Regibus Principibusque.

Dari etiam potest ratio tertia, quanquam non multum huc faciens. Eaque est, quod Reges vel respectu Reipublicæ, vel ob amplitudinem patrimonii sui, plerumque sint altera pars in causis forensibus; & tunc judices eorum, quasi indifferentes existunt, inter ipsos, ipsorumque Subditos. In hac vero de Episcopis materia, nulla harum quicquam valet. Nam primo officium eorum ex electione pendet, & quoad vitam conceditur, nec hæreditarium est. Officium, quod solam fidem scientiam & aptitudinem respicit. Quoad secundam rationem, verum quidem est, amplam esse Jurisdictionem eorum; & tempus eorum dividendum esse secundum labores, ut tam verbo atque doctrinæ, quam gubernationi & jurisdictioni vacare possint. Verum nihilominus existimo (supponendo Episcopi curiam esse incorruptam, nec aliqua perversa methodo multiplicare lites, ad augendas sportulas) posse Episcopum ipsum satis commode res magni momenti audire & decernere. Videmus enim unum Angliæ Cancellarium totius Regni lites secundum æquitatem

tem decidere; quod non adscribendum excellentiæ viri illius, qui nunc eo fungitur officio; nam semper sic fuit, quanquam minus magisque radosum Actori id fuerit juxta capacitatem Cancellarii. Et si, quod superius dictum est, assumere libet, Episcopi laborem in verbo debere primariam temporis ipsius partem sibi vindicare; sic iterum dicere possum, negotia status ut plurimum semper occupasse Cancellarii otium; fuerunt enim maxima ex parte personæ ejusmodi, à quibus Reges nostri consilia desiderarunt. Nullum igitur est dubium, quin Episcopus, cujus districtus tam amplus non est, neque causæ natura sua tam ad multiplicandum aptæ, ope relationum & certicatoriarum literarum ad personas idoneas & ab eis, ut tanto melius maturescant lites in ordinario suo processu, & ejusmodi aliis subsidiis Jurisdictioni competentibus, sat benè sufficere possit officio suo. Attamen & illud superest adminiculum. Nam materiæ coram ipso ventilatæ sunt istæ: *Decimæ, Legatæ, administratio variique Testamentorum casus, causæ matrimoniales, Presbyterorum accusatio, tendens vel ad eorum suspensionem, vel privationem seu degradationem; Simonia; incontinentia, hæresis; blasphemia; Sabbathi violatio, alique scandalorum casus.* Ex his duæ priores meo judicio à reliquis differunt, i. e. *Decimæ & Testamenta.* Sunt res lucri, adeoque seculares; quanquam favore & coniventia judiciorum civilium ecclesiasticis judiciis permissæ: altera in gratiam Cleri,

ut ejus causam ex quo sustentatur, coram
sua partis iudice agere queat: posterior res-
pectu pietatis & religionis, quæ voluntati
mortuorum perficiendæ videbatur debita.
Et certe ab his Episcopi se, juxta opinionem
meam, liberare possint, si ea ordinario Ju-
dici permittant. Puto etiam controversias,
quæ circa eadem aguntur esse plurimas. Re-
liqua autem, quæ spirituales requirunt
scientiam atque discretionem, respectu na-
turæ suæ vel scandali, rationi, ut mihi vi-
detur, consentaneum foret, si nemo præ-
ter Episcopum audiret, assistentibus ipsi
quibusdam, ut supra dictum. Necesse
etiam esset, ut adesset ipsi Cancellarius,
aliique officiales Leges civiles edocti,
ad informandum ipsum in formalitati-
bus, & judiciorum processu. Hoc si fie-
ret, minus necesse esset officialis forum
erigere, de quo tantæ nunc sunt querelæ.
Item causis ab Episcopo ipso examinatis
multæ frivolæ levesque reprimerentur lites,
atque gravis incorruptusque processus illis
acquireretur causis, quas hoc decet forum.

Est & tertium, quod reformationem me-
reretur, scilicet non jurisdictio ipsa, verum
processus formæ, idque vel ideo, quoniam
adversatur legibus & consuetudinibus regni
hujus, quæ licet non dirigant istos proce-
dendi modos, consuli tamen possunt ad me-
lius ipsos instituendos. Estque *Juramentum*
ex officio, quo adiguntur homines, ut se-
ipsos accusent; & quod majus est, quod
jurent in chartas blancas, non verò ad accu-
sationes

ÆDIFICATIO ET PACIFICATIO. 157
sationes palam prolatas. Anglicanæ leges
neminem obligant, ut seipsum accuset. In
maximis proditionis criminibus tormenta
adhibentur, ad detegendum, non verò ad
evidentiam. In delictis capitalibus à delin-
quente non requiritur jurata responsio, imo
nec permittitur. In criminibus, quæ capi-
talia non sunt, in Camera stellata dijudica-
tis, & in Casibus Conscientiæ in Cancellaria
examinatis, ut plurimum fidei atque
silentio innixis, requiritur juramentum à
litigante. Sed quomodo? Ubi est accusatio
& accusator, & quem vocamus, libellus
accusatorius (à quo accusator recedere ne-
quit, & extra cujus contenta accusatus exa-
minari nequit) fuerit judici oblatum, atque
more solito accusato traditus. Sed examina-
re hominem eumque ob famam ad jura-
mentum adigere, vel ad accusationes secre-
tas necdum manifestas; quanquam videri
possit congruere Legi civili, adeo tamen è
Diametro sensui ac methodo Legi communi
contrarium est, ut limitationem quandam
certò mereatur.

**DE LITURGIA, CEREMONIIS
ET SUBSCRIPTIONE.**

Liturgiæ magnus respectus est habendus
atque cura, ne contra *Mutum* Ministe-
rium declamando, debita ipsi auferatur
reverentia. Quanquam enim donum præ-
dicandi majus est quam legendi, attamen
liturgiæ Actus æque sanctus atque excellens
est

est ac sermonum recitatio. Dictum est, *Domus mea*, *Domus Orationis* vocabitur; non prædicationis: & quandoquidem Apostolus inquit: *quomodo invocabunt in quem non crediderunt? aut quomodo credent ei quem non audierunt? quomodo autem audient sine prædicante?* apparet, quod prædicatio sit causa efficiens, oratio vero finis, uti differunt semen à fructu; nam observatio Legis Divinæ est fructus legis prædicatæ; Et oratio, seu invocatio, seu cultus Dei, seu liturgia; (nam ista tantum nomine tenus differunt) est immediata Nominis Divini sanctificatio & primarium primæ tabulæ opus, & magni illius præcepti Amorem Dei præcipientis. Verum est Prædicationem Verbi Divini esse quasi seminis in terram projectionem: quasi serpentis ænei erectionem; fidei ministerium, & ordinarium salutis medium. Verum observatione dignum est, etiam optimas cultus divini actiones excessivè & superstitiosè quandoque extolli. Sic nimius Sacramenti cultus superstitiosum Missæ sacrificium enixus est. Nimius Liturgiæ precumque usus superstitiosos Monachorum ordines atque rosaria. Sic quoque extra dubium est, posse etiam Verbi prædicationem superstitiosè extolli atque magnificari: ac si totum divini cultus systema in aurem solum convertendum esset. Nullus, credo, fani iudicii homo derogabit Liturgiæ, si forma ipsius ex omni parte sit conformis Verbo Dei, primitivæ Ecclesiæ exemplo, & sanctæ illi decentiæ, à Paulo præceptæ. Ideoque primò sit forma

precum

precum statuta, non autem extemporaria, neque arbitraria; Secundò contemplatur æque Laudes, Hymnos & gratiarum actiones, atque petitiones, deprecationes atque supplicationes. Tertiò earum forma vivida reddatur atque jucunda precum hymnorumque brevitate & varietate, alternante subinde plebe & presbytero. Quartò admittatur temporum distinctio fiantque commemorationes præcipuorum beneficiorum Dei, tum generalium tum specialium. Quintò preces pariter respiciant diversos casus & status Ecclesiæ. Sexto sit etiam statuta verborum forma & Liturgiæ in administratione Cœnæ Sacræ, & denunciatione Censurarum Ecclesiasticarum, aliarumque sanctarum actionum & solennitatum. Ista, uti puto, non magnam movebunt controversiam.

Quod vero particulares adversus Liturgiam, qualis nunc existit, attinet exceptiones, puto multos concedentes esse eas justas, prægnantes tamen esse, pernegare: sic diversum ab iis sentientes, qui nihil in religione & pietate leve volunt esse, ipsis paganis quoque agnoscantibus, *quod etiam vultu sæpe leditur pietas.* Sacerdotis vocabulum haud amplius usurpandum esset, quoniam Ministri vox jam familiaris facta est. Sacra in translationibus regula est, nunquam eas in interpretatione confundi debere voces, quæ præcisè distinguuntur in Textu originali ad evitandas æquivocationes, & cavilla. Ideoque quoniam *πρεσβύτερος* & *ἐπίσκοπος* semper distinguuntur in Originali Textu, al-

teraque sacrificantem indicat, ministerum
verò vox altera; sacerdotis vocabulum, utri-
que commune factum (quacunque tandem
derivatione instituta) confundit eum Sacer-
dote ministrum. Proindeque perplacet mi-
hi accurata & exacta Rhemenfis Translatio
vel ea de causa, quod in Originali textu ver-
bum *αἵματι* reperiens, non verò *ἐξ*, semper
exposuerit per charitatem, non vero amo-
rem; ob indifferentem vocis usum & equi-
vocationem, qua etiam impurum indigitat
affectum.

De *Absolutione* considerandum est, annon
possit, incongrua atque non necessaria vi-
deri: Nam duæ tantum sunt Absolutionis
species obligationem præcedentem suppo-
nentes. Una sequitur excommunicationem,
estque religiosa & primitiva. Alia sequitur
confessionem & pœnitentiam, estque su-
perstitiosa, vel ad minimum positiva: Utra-
que autem est particularis non generalis. Id-
circo quandoquidem illa sublata est, hæc
autem proprium suum casum habet, quid
prodest generalis absolutio, ubi non præ-
cessit pœnitentia vel excommunicatio? Ec-
clesia enim nunquam solvit, nisi ubi liga-
vit: Ecce tẽ arbitror hoc olim fuisse con-
cessum aliquatenus cum spirituali discre-
tione; quoniam videbat Ecclesia, non posse
ram subito populum ab hac consuetudinaria
absolutione abstrahi, quoniam tam diu
fuerit in usu.

De Confirmatione videtur mihi, esse con-
troversæ statum; annon erretur in materia

& t. m.

& temporis immutatione, & annon illud judicetur nunc esse Baptismi subsequens, quod ante fuit ad communionem introductio: Nam cum in primitiva Ecclesia juvenes examinarentur, antequam admitterentur ad communionem, videri possit, temporis successu id immutatum fuisse, ac si scilicet recepissent confirmationem post baptismum suum.

Privatum Baptismum, à sceminis Laicisque administratum optimi penitus condemnant Theologi, neque audio in genere cum defendi. Et sæpe miratus fui, Librum, qui in præfatione ad publicum baptismum, agnoscit baptismum secundum praxin primitivæ Ecclesiæ fuisse anniversarium, certisque tantum temporibus adhibitum; quod docet, Primitivam Ecclesiam non tanti æstimasse ceremoniam, ut voluerit ejus causa externam generalemque legem transgredi: nihilominus postea privatum concedere baptismum; ac si ceremonia esset tantæ necessitatis, ut institutionis lex, quæ baptismum ministris solis commisit, transgredienda foret ob imaginariam necessitatem illam. Hanc igitur quæstionem puto, præ aliis omnibus fuisse concessam ob duritiem cordis.

In formulis circa sponsoꝝ benedictionem, vel vulgi opinione annulus non videtur sat gravis ceremonia; præsertim (ut verba indicant) si essentialis contrahendi matrimonii pars constituatur? Ut omittam alia verba minus decora & huc apta.

Quoad

Quoad Musicam nemo negat, Psalmos spiritualesque hymnos esse cantandos: sed quæstio est *de modo*? Hic autem, si quis attente considerare velit ordinem & observationem ejus, facile discernere poterit inter sapientiam institutionis, & horum temporum exercitium. Nam primo, non canit Chorus hymnos, seu versus, qui nondum innotuerunt Laicis per continuum usum, ut memoria eosdem teneant absque libris: Quare sonus intellectui non officit: illi autem qui legere nequeunt, sensum tamen capiunt & assequi possunt mente sua. Deinde concinnum visum est, ut post Verbi Divini lectionem fieret pausa, sacræ meditationis gratia, antequam ad reliqua divini cultus pergunt officia. Hæc autem pausa replebatur potius gravi sono, quàm muto silentio; indeque enata est ratio pulsandorum organorum post scripturas lectas. Et hæc omnia decenter fiebant ad ædificationem. Sed quæ solertes ambitiosique invexerunt musici, nullam habent cum *rationali Dei cultu* affinitatem, sed addita fuerunt iis temporibus, cum pompæ studerent Christiani.

Caputium & Superpellicium, quoniam sunt res natura sua indifferentes, ab aliis verò ut superstitiosæ rejiciuntur, & ideo quæstio versatur inter scientiam & conscientiam, videntur subesse regulæ Apostolicæ; *Ut fortior descendat cedatque infirmiori*. Differentia tantum est, quod dicetur, regulam spectare tantum privatum & privatum; non vero conscientiam privati respectu totius Ecclesiæ.

fiat. Verum quoniam permittitur quæstio, non connivendo, quod inobedientiam gignere posset, sed lege, quæ libertatem concedit; bene foret si consideretur, annon æquitas regulæ nunc allegatæ id requireret, idque eo magis, quoniam silentium ministris hac occasione imperatum, in hac prædicantium paucitate pœna est, æque plebem, quàm partem plectens litigantem. Subscriptio videtur mihi in natura sua esse confessio; ideoque magis propriè ligare ad unitatem fidei; & urgendam potius circa Doctrinæ articulos, quàm ritus, ceremonias, & externi regiminis formam. Nam utut Politicæ considerationes & ratio status uniformitatem requirere possint, attamen Christiana Divinaque argumenta primario unionem spectant.

DE MINISTERIO PRÆDICANTE.

DE Ministerio erudito locuturus, fateor Pastorum & Ministrorum dignitatem præ aliis religionis partibus esse maximè prægnantem: non quidem dico maximam esse simpliciter, sed maxime efficacem respectu aliarum. Quando autem, meo iudicio, Zelo fervidi hoc volunt accelerare, non advertunt, æque magnum, si non majus impendere sibi impedimentum, quàm illud, quod remove student. Nam quando increpant Ministerium mutum, facile & promiscue illos admittunt, quos prædicatores bonos esse existimant; non respicientes eorum erudi-

164 DE ECCLESIA ANGLICANA
 eruditionem & scientiam in illis artibus, quæ
 Theologiæ ancillantur: Neque satis ætatem
 considerantes præterquam in casu donorum
 extraordinariorum: neque satis expendentes
 ipsa dona, quæ sæpissimè plane nulla sunt.
 Nam avertat Deus, ut putemus unumquem-
 que, qui per integram horam in templo su-
 per Textum aliquem fari audet, pro mini-
 stro admittendum esse, quamvis intentio
 ejus sit quam optima. Scio magnam in donis
 esse latitudinem, & in audientium cœtibus
 congregationibusve varietatem: ita tamen,
 ut & illic sit *aliquid infimum*, infra quod de-
 scendere non decet. Nam potius permitten-
 dum est ut arca vacillet, si ita Deo visum fue-
 rit; quam ut ei admoveamus impuras ma-
 nus ad eam sustentandam: & quando in Dei
 templo sumus, jubemur *manus potius nostro
 imponere ori, quam offerre stultorum sacrificium*.
 Et certe non immerito existimare possumus
 inter multas Atheismi causas, quæ hac ætate
 miserandum in modum accumulantiur, ut
 schismata, controversiæ, profanæ rerum
 sacrarum irrisiones & alia, non postremam
 esse, quod multi Dei verbum indignè tra-
 ctent. Hic autem nolo quenquam opinari,
 evehere me curiosam & affectatam concio-
 nandi methodum, quæ ex altera parte æque
 rejicienda est; pariterque atheismum & scan-
 dalata gignit. (Quis enim non offendatur vi-
 dens ascendentem in pulpitu[m], quasi in thea-
 trum, suas tuiturum partes, aut lucri causa
 perorantem:) Neque etiam animum de-
 mittere quenquam volo, qui donis non
 con-

contemnendis præditus est.

Hinc tria resultant. *Primo* annon sit necessarium renovare probum illud exercitium, quod plusculis abhinc annis in Ecclesia hac fuit in usu; postmodum verò ab ipsa quidem Ecclesia abolitum, ob abusum quendam, illis temporibus indignum; verum contra sententiam & votum maximi gravissimique hujus regionis Prælati. *Prophetia* communiter appellabatur, & erat ejusmodi: Ministri in districtu quodam conveniebant die nefasto certo in urbe primaria, ubi erat venerandus aliquis minister in præsidem electus: auditores, qui admittebantur, erant nobiles aliique quibus suppetebat otium. Tum unusquisque ministrorum, incipiente illo, qui junior esset, unum eundemque Scripturæ locum pertractavit, aliquibus horæ quadrantem, aliis integram, & in universum duas horas insumentes. Sic exercitium cum precibus cœptum, iis cum finitum est; & præside textum in proximo conventu explicandum proponente, discessum. Et hoc, ut puto, duarum septimanarum exercitium fuit, optimaque mea opinione ratio, ad formandos Concionatores, ut Verbum Dei tractent prout decet. Videmus enim habere Oratores suas declamationes; Jurisconsultos causas suas umbraticas; Dialecticos sophismata sua. Imo omnis scientia practica habet exercitia, & initiationes, antequam ad perfectionem veniant discentes. Ars sola concionatoria, quæ dignissima est, & cujus defectus maxima ferunt incommoda, destituitur

tuitur exercitiis ejusmodi introductoriiis, estque audaculis exposita, qui præcipites feruntur in eam primis statim initiis. Ad hoc vero Prophetiæ exercitium duo ut addantur vellem: Primum est ut post exercitium hoc, quod est publicum, illico privatim conveniant iidem ministri, & fraterne alterum alter moneat; & in specie senior juniorem de illo, quod indecorum fuisset vel in doctrina vel moribus; & verbo, ut mutua ejusmodi consilia, instructiones, consolationes & incitamenta suppeditent, qualia requirit occasio; publicæ enim reprehensiones abesse debent. Alterum est, ut idem exercitium in Academiis frequentetur Theologiæ studioforum causa, antequam præsumunt concionari publicè. Nam in collegiis suis habent exercitium quoddam, quod appellant Locum communem, at nullatenus tam proficuum esse potest; cum sit tantum unius hominis sermo eo ipso tempore. Si autem metuendum esset, ne occasio hinc præberetur acuendis hominum sermonibus ad controversias, facile huic malo remedium afferri potest severa interdictione, ne controversæ materiæ quæcunque tandem ratione ad violandam turbandamque Ecclesiæ pacem inibi tractentur: nec opinandum est, interdictionem hanc irritam fore, Moderator enim seu Præses gravis esse persona supponitur.

Secundo considerandum, annon necessarium foret, ut accuratior ministrorum examinatio inchoetur; scilicet ne Episcopi ordinent soli, sed aliis adstipulantibus: Et tum
anti-

antiqua illa ordinum sacrorum conferendorum ratio reduci posset; qua Episcopi certis tantum quatuor anni temporibus ordinaverunt, quæ inde *Quatuor tempora* appellata sunt; nunc *Cinerum dies*: dignum enim visum fuit, ut tam excellentem actionem generale comitaretur jejunium, preces Conciones aliæque actiones religiosæ. Nomina etiam ordinandorum publicabantur aliquot ante ordinationem diebus; eum in finem ut exceptiones contra ipsos fieri possent, si justa subesset causa.

Tertiò considerandum est, quod si numerentur Ecclesiæ Parochiales (concessa unione illarum, quæ exiguæ sunt aut propè adjacentes) personæ item ministerio dignæ, accideretque ut plures sint Ecclesiæ quam Pastores, necessario alterum horum remedium admittendum esset: Vel enim beneficiorum pluralitas concedenda foret, (speciatim si permutatione beneficia possint magis compatibilia reddi) vel Concionatores magis amplam curam suscipere deberent, & alternatim parochias, concionatore destitutas, curare. Nam ut Ecclesiæ aliæ Pastore idoneo gaudeant, aliæ verò careant, videtur mihi esse contra Communionem sanctorum & Christianorum, itemque contra Primitivæ Ecclesiæ praxin.

ABUSUS EXCOMMUNICATIONIS.

EXcommunicatio maximum in terris est iudicium; in cælo enim ratihabetur, præceditque

ceditque magnum illud Christi iudicium in fine mundi habendum. Igitur irreverenter illud tractare, atque inordinarium permutare processum ad sportulas augendas, fieri nequit sine honoris Divini immiutione, atque Potestatis Clavium contemptu. Satis quidem ejus defensionem novi, sed est sine robore: dicunt; Excommunicantur non ob rem ipsam, sed propter contumaciam. Neutiquam nego esse iudicium hoc (ut supra dixi) ejusdem cum Dei iudicio naturæ, ejusque typum. Nam uti Divinum iudicium etiam minimum impœnitentis peccatum corripit; maximum verò pœnitentis peccatum dimittit: ita excommunicatio potest aliquando exferri circa minimam offensam, & non exferri circa maximam. Verum estne hæc contumacia, & talis quidem, quæ excommunicationem meretur? Contumacia enim debet esse ejusmodi, qua homo (quantum oculus & sapientia Ecclesiæ discernere potest) in damnationis & reprobationis statum conjicitur; ut ille qui pro hic & nunc finaliter impœnitens esse creditur. His observatis duo superstruo: unum est, ut censura hæc in primævam suam dignitatem & usum restituatur, qui est, ne adhibeatur nisi in causis prægrandibus & ne decretum excommunicationis feratur per deputatum aut substitutum Episcopi, sed Episcopum ipsum, neque ab ipso solo, sed assistentibus aliis.

Posterius est, ut foro Ecclesiastico ejus loco, ordinarius præscribatur processus,

cum

cum tanto vigore & coactione prout decet. Ut dignitate tam sublimis sententiæ servata, & defectu vilioris processus suppleto, Ecclesia revera pristinum suum vigorem & splendorem recuperet. Eum in finem, tum etiam aliis de piis sanctisque causis, Statutum Parlamenti conditum est anno vigesimo tertio Reginæ beatæ defunctæ, (quo tempore splendidissimum, quod unquam novi, celebratum est Parlamentum) à gravissimis etiam status consiliarius laudatum est inibi; Verum speciali Reginæ mandato, rebus in natura sua consideratis, inhibitur.

DE NON-RESIDENTIIS & PLURALITATIBUS.

Non-Residentia, excepto in casu necessitatis absentia, est abusus ex avaritia & pigritia ortus. Nam quod homo vivere debeat ex grege illo, quem non pascit; & ex altari illo, ad quod non ministrat; vix defendi potest: Et Pastoris officium circa verbum & doctrinam versans exercere per delegatos, res est sine autoritate, ut supra dixi. Quaestiones autem hic movendæ, versantur circa casus exceptionis & excusationis, quæ scilicet sint rationabiles & sufficientes, & quæ non. De Sacellanis loquar cum S. R. Majestatis venia, atque reverentia erga Magnates, aliosque in Autoritate constitutos, quorum Sacellani statutis sunt privilegiati. Existimo autem Sacellanos, qui in Majestatis Vestre aula sunt, in domibus

etiam & Familiis Dominorum suorum, iustiores posse esse causas, quare beneficium nullum habere debeant; quam quare duo possideant. Nam uti requiritur vi Christianæ Politicæ, ut ejusmodi ministerium nullatenus negligatur, ob ingens bonum, quod inde accrescere Ecclesiæ Dei potest, longe excedens labores illos, quos in quocunque alio, licet amplissimo cœtu, impendunt: ita rationi consentaneum foret, ut sustentatio eorum honesta & liberalis inde procedat, ubi operam navant. Neque desunt in Ecclesia dignitates & beneficia, cum animarum cura non conjuncta, quorum spe ejusmodi concionatores aulici ordinarii (qui debent esse, ut quoque maxima ex parte sunt, optimis donis præditi) possunt remunerari atque incitari ulterius. Ii vero qui extraordinarie in aulis ministrant, satis commode suis possunt frui beneficiis, & vacare officiis temporibus statis absque non residentie culpa in pastoralis sua functione. Jam quod attinet Academica studia, facile responderi potest: studia hæc tendere saltem ad praxin, ideoque deferere illud, cujus gratia aliquid fit, & est maximè principale; ei verò incumbere, quod est illi subserviens minusque principale, videtur esse contra rationem. Neque video male illos progredi, qui studiis suis praxin conjungunt; nec ab initio totos se studiis, postmodum autem pariter totos se praxi dedunt, & addicunt; sat bene enim beneficiis suis fruentes etiam studiis vacare possunt. Denique in casu extraordinariæ

ordinariæ functionis Ecclesiasticæ, quales sunt missio ad Generale Concilium, vel Synodum hic celebrandam, in casu etiam necessitatis, ut in specie si ægrotet quispiam, & similibus, nemo contradicit, posse tum alium ad tempus substitui. Sed generalis necessitatis casus est causa Pluralitatis, Pastorum paucitate, & sustentationis penuria introductæ. Posito ergo, quod ejusmodi minister fideliter & indefinenter labores Tuos inter utramque parochiam dividat, necessitas hæc in questionem venit; atque de ea loquar.

Si casus ita statueretur, ut Concionatores idonei suppetere, beneficiaque singula ad alendum pastorem sufficerent; Pluralitas nullatenus toleranda esset. Cavendum autem ne contraria desideremus. Sed desiderare ut unaquæque parochia suum habeat concionatorem, & insimul vel ut tollatur Pluralitas, est velle contraria. Quoniam impræsentiarum non reperiuntur idonei Concionatores pro unaquaque parochia, neque unaquæque parochia sufficientem victum pastori suo præbere poterit. Unde metra hinc enascitur impossibilitas. Remedia in rerum natura sunt tantum tria, *Unio, permutatio, & supplementum*. *Unio* ejusmodi beneficiorum, in quibus observationes non sint curtæ nimis, neque parochiam nimis magnam constituent, sed prope sibi adiaceant. *Permutatio* fiat beneficiorum ejusmodi, ut etiam illud quod magis opulentum est, dimittatur pro eo, quod propius est.

Supplementum fiat per concionatores stipendiarios; qui alicunde larga stipendia nacti, illos curent ceteros, qui pastore idoneo destituantur. *Ue Elizabetha Regina* inter alia Liberalitatis suae opera, constituit stipendia quaedam in Lancastria. Puto etiam Ministros Rectores, si opulenta possideant beneficia, adigi posse, ut aliquantum hunc in finem contribuant.

Quomodo sufficiens victus in Ecclesia parari possit.

Circa Ecclesiasticam sustentationem bene considerandum est, quid sit iure divino & positivo. Est legis Divinae constitutio, cui humanae leges derogare nequeant, quod gregem pascetes ex grege vivere debeant. Et huius constitutionis appendix est, ne ista sustentatio sit tenuis & parca, sed sufficiens & liberalis. Igitur ut omnia Ecclesiae officia ita sint dotata, quo singuli, secundum suos diversos gradus, honeste vivere queant, est Constitutio permanens & perpetua. Sed in specie, an beneficium debeat consistere ex Decimis, vel agris, vel pensionibus, vel mixtim, quaestio erit de congruo, non vero de necessitate praecise. Deinde quod Ecclesiae status talis sit, ut patrimonium ejus sit exiguum, in confesso est. Nam primaria ejus officia, ut Episcopatus, non sufficienter sunt dotata in quibusdam specialibus: ideoque per tolerantiam supplentur, ex Commendis, quae ex se ipsis semper male

audi-

audiverunt. De Pastorum beneficiis pariter manifestum est, esse eorum multa tenuia. Ex altera autem parte, fuisse tempus, quo Ecclesia opibus potius fuerit onusta, quàm egestate pressa, pariter notum est: Sed hoc fuit olim. Unde culpa est aliorum, & defectus in nos redundat. Iterum, optandum esse, ut impropriationes illæ Ecclesiæ restituantur, cum ipsius propriæ & genuinæ dotationes, omnes ferè consentient. Verùm impossibile esse, ad ipsarum restitutionem aut redemptionem nunc procedere, itidem manifestum. Nam qui eas nunc possident, acquisiverunt firmissima, quæ in Regno est, confirmatione, i. e. Parlamenti Decreto: Valor autem earum est, longe supra subsidia decem. Restitutio verò necessario ab iis decerni debet, in quorum nunc manibus sunt, vel quoad possessionem, vel quoad usum fructum.

Verum inferamus ex istis, quæ manifesta sunt, conclusiones quasdam. Primo, mea opinione & sententia (non sine reverentia tamen debita id loquor) omnia Parlamenta inde à vigesimo septimo, & trigésimo primo Henrici VIII. anno (qui passus est bona Ecclesiastica possideri à Laicis) videntur mihi in Conscientia erga Deum teneri, ut aliquid Ecclesiæ largiantur, ejusque patrimonium in id, quod competit, restituant. Nam quoniam Christi sponsam insigni dotis suæ parte privaverunt, dignum est, ut ipsi aliunde satisfaciant. Deinde asserere bona ecclesiastica Laicis concessa, in quæstionem cau-

tum vocanda esse, neque possibile, neque rationi congruum. Non possibile ob rationes superius indicatas: non congruum rationi, quia error est existimare ex aliorum accusatione nasciturum replicam imo duplicem, quoniam Decimas pendunt. Præter eundem enim non est, quod uti regnum concessit Ecclesiæ decimas, ita idem regnum ab Ecclesia abalienaverit decimas Regique addixerit; ita ut nunc octavum vel nonum pendant manipulum. Ideoque prior donatio irrita facta, non potest excusare homines, aut solvere perpetuum illud vinculum, quo Dei Ministros alere tenentur. Videmus ergo multos pios & divites, nulla ecclesiastica bona possidentes, augere suorum Concionatorum redditus; quod licet in lege sit tantum benevolentiae opus, coram Deo tamen est conscientiae oblatio. Porro negari nequit, bonorum Ecclesiasticorum Secularizationem aliquanto vehementius, quam alias obventiones, examinandam esse: tum respectu juris antiqui, quod Ecclesia in ea habet, intentionisque primorum fundatorum: tum quoniam eorum æstimatio inter virum & virum peracta est, atque minori pretio, quam jus illud Ecclesiæ in Conscientia coram Deo requirebat. Sed de hac materia, scilicet Ecclesiasticis obventionibus, nunc specialius nihil dicam, reservabo verò in tempus magis commodum.

Sic in omni submissione atque cordis sinceritate, secundum capacitatem intellectus mei Majestati Vestræ, Studiorum & Meditationum

rationum mearum tributum in hoc negotio sacro obtuli, tam apertè in Dei gloriam, Majestatis Vestræ honorem, pacem etiam & commodum Reipubl. Vestræ tendente, ut confidam, quod ipsi Pontificii opus habituri non essent legum severitate, si spiritalis gladius magis acutus redderetur, firmando authoritatem & supprimendo abusus in Ecclesia.

Concludo igitur, iterum humillime sapientiae Majestatis Vestræ Celcissimæ submittendo omnia ea, quaecunque dixi; veniam quoque precando erroribus hic admis- sis, quos eadem iudicii infirmitas, per quam erravi, detegere non permisit. Finio autem devote & ardens Deum invocans; Quod uti Majestatem Vestram fecit esse angularem lapidem in uniendis Regnis duobus, ita quoque eandem faciat angularem lapidem ad conglutinandas in Ecclesia Dei Divisiones. Et hujus cœlesti Gratiae, & nunquam erro- neæ Directioni committo Majestatis Vestræ Personam sacratissimam, omnesque ejus- dem actiones.

CONSILIUM REGI OBLATUM

circa Domini Suttoni Legatum.

Placeat Majestati Vestræ.

V Ideo positivum antiquæ legis præcep- tum esse; *Absque jale sacrificium ne offeratur.* Morale ejus (ceremoniale

omitto) esse potest : haud placere Deo *bonæ intentioni cadaver* ; nisi *spirituali* sit conditum *sapientia* atque *judicio* ; ne subita pereat corruptione ; l. immutetur. Sal enim in Scriptura sapientiam atque perpetuitatem denotât. Hoc in mentem meam venit occasione ejus, quod Dn. Sutton constituit. Videtur mihi esse absque fæle sacrificium. Est ibi materia intentionis bonæ, non verò asperguntur ejusmodi sanctiones & statuta, quæ illam à corruptione præservare possint, vel minimum, ne fiat insipida exiguique usus. Licet optimorum fidei committatur, attamen nec ipsi semper poterunt esse superstites ; & ipsa operis natura, intuitu vastæ ineptæque proportionis, malam gignet administrationem. Non ipsorum diligentia (nisi forte recedant à forma præscripta) ab adfuetis retrahet viis ; in quibus corruptæ fuerunt donationes hinc similes. Nam velle ut ædes magnificè extructæ, atque Principis habitatione dignæ, fiant nosocomium ; idem est ac si splendidam pretiosamque vestem porrigerem mendico. Et revera, tanquam quæ oculis cernuntur, manifestum est, ejusmodi ædificium cum sexies mille librarum obventionibus, si in nosocomium convertatur, brevi fore, commutatumque iri in beneficium illustris cujusdam personæ, quæ sit ipsius Rector, opima inde decerpens, egenis autem insipidas relinquens micas : quemadmodum id accidit variis in hoc regno nosocomiis, quæ nomina saltem retinent, reapse autem sunt opulentæ dignitates

tates iis, qui tanquam Rectores præfunt, cum pauperes qui sunt *finis propter quem*, exiguis inde potiantur. Talis etiam fors fuit iugentium apud Romano-Catholicos eleemosynarum, in lautis istis foundationibus: quæ cum cœpissent vana cum gloria & ostentatione, illud sortitæ sunt iudicium Divinum, ut corruptione & abusu terminarentur. Isthæc meditatus has ad Majestatem Vestram conscribere lineas audeo; quæ cum nil sint aliud quam vota bona, liberum esto immensæ Majestatis Vestræ sapientiæ, aliquo vel nullo eas habere loco.

Mens autem mea est: quod si Legatum hoc, (ut etiam est) sit perfecte bonum & legibus conforme; improbum esse, suadere Majestati Vestræ quicquam, usuram aut potentiam concernens inquam. Si vero defectus ei insint ejusmodi, quibus ex æquitatis foro afferri posset medela, opto ut sicuti S. Petri umbra sanavit ægrotos, ita ipsissima bonæ intentionis umbra medeatur hujus generis defectibus: Si vero hæredi jus & quidem innatum adhæreat, nullo æquitatis foro emendandum, Majestati Vestræ tamen submittatur, unde in regia Majestatis Vestræ potestate atque gratia erit positum, quicquid fiet: tunc voveo, ut massa hæc & boni operis chaos potius in solidum meritum atque liberalitatem continuam transformetur, quam ut sit vanæ gloriæ scintilla quæ parumper in hominum crepitabit sermonibus, & extinguetur subito.

Et hoc fieri potest, si observemus species

à Domino Suttono intentas, mutatis saltem individuis. Ad triplex, ut apparet, bonum collimavit; *Nosocomium*, *scholam* & *concionatoris sustentationem*: quæ individua ad ista tria referuntur genera; Pauperum sublevationem, Eruditionis augmentum, & religionis propagationem. Jam verò si Majestati Vestræ in tribus his generibus ostendero, quæ maxima ex parte deficient hoc in Regno, & quis probabiliter maximus ejusmodi munificentiae possit esse fructus ususque efficacissimus, atque minimæ corruptioni obnoxius: Non malam putabo fuisse laborum meorum metam, quanquam leviter eam fuerim assecutus: Nam si quæ offeruntur sint varia, optime tunc fit electio.

Quoad pauperum sublevationem existimo, nosocomia plura, redditibus congruis dotata, magis fote utilia, quam unum immense magnum. Hoc quidem magis videtur, illud autem sentietur suavius. Nam si Majestas Vestra extruat plura, præter regulam generalem; *bonum quo communius, eo melius*, seligi possunt oppida & loca illa, quæ iis egent maxime: atque sic remedium applicabitur, ubi morbus est. Porro ingens eleemosynarum summa, uno in loco accumulata, invitabit potius turbam mendicorum nimiam, quam recteabit pauperes indigenas: instar pharmaci male præparati, quod plus attrahit maligni humoris, quam evacuat. Sed innitat tantum rationi superius adductæ: quod in tanto Nosocomio obventiones trahent usum, non verò usus trahet obven-

obventiones, atque opum massam subito male immutatum iri. Si verò quis objiciat, duo grandia Londini nosocomia, minime male administrata: respondeo, Rectores ibi esse annuos & superiorum subesse curæ, eaque arte regi, quo ipsa Londinum: & præprimis redditus non esse certos, sed fortuitos & donationes liberrimas; quæ inhiberentur illico, si aliquando male cernerentur dispensari. Unde perpetuo ad æquam administrationem coguntur timore. Hic vero nihil istorum.

Deinde consideretur, annon hoc nosocomium intentum, ut anteit redditibus alia, ita etiam illis, qui inter pauperes sunt, meliores, sit concedendum: videlicet mancipiis, mercatoribus infortunatis, Patribus familias decrepitis, clericis emeritis, & similibus. Quorum conditio ut melior fuit antehac, meretur etiam, ut magis liberale nanciscantur ipsi stipendium, nec vilissimæ inferantur turbæ. Hæc consideratio autem licet speciosa, meo tamen judicio non præstaturum hisce temporibus nostris consequeretur finem. Nam revera quicumque in aliqua ante hæc constituti fuerunt dignitate, ejusque retinent memoriam, vix unquam eo descendunt, ut ex eleemosynis victitare velint, atque clarorum mendicorum societatem inire; sed eligent potius vitæ obscurum genus, atque apud amicos privatum. Erit ideoque hujus instituti finis, quod eriget receptaculum iniquissimorum, otio & lascivia torpentium, hominum cujuscunque

generis: fietque habitatio lusorum, fugitivorum atque belluorum, majori cum Reip. scandalo, quam fructu. Istius rei exemplum, quod scio unicum, præbent Equites Winsorix, eleemosynam captantes, imitatione nimis digni.

Optimus igitur nosocomiorum effectus esset, si Anglia inde eo frui posset privilegio; *ne postmodum supersit mendicis in Israele.* Istud enim hominum genus est onus reipubl. festuca in oculo, scandalum, semen exitii & tumultus: optandum igitur esset, ut non solum Beneficentia ejusmodi insignis solis provideat mendicis, sed etiam viris honestis, istorum colluvie hæctenus obrutis. Certe omnibus gratum foret, si publica manus eleemosynam distribuens, privatam à censibus liberet manum. Præ aliis igitur mihi placent ædificia; tum eleemosynas, tum correctionem, præbentia: hic enim effari sustentantur, & præfracti ad laborem adiguntur mendici: neque tamen isti traduntur otio (hoc enim velebrietati vacat vel immunditiei) sed ejusmodi adstringuntur operibus, quibus suffiunt: placent & illa in quibus nulla datur personarum distinctio, in senes atque decrepitos, infantes & vagabundos, sed promiscue recipiuntur. Hic enim licet suscipere quascunque & quales ubique terrarum repeniuntur. Atque sic pauperes omnes sua hic inveniunt alimenta, alii autem censuum levamentum. Jam verò si objiciatur, neque ergasteria ubique præfixum attigisse scopum, (in plurimis autem multum

multum profuisse, negari nequit) respon-
deo: multum differre ea, quæ per interval-
la agit Pacis Iustitarius, nec non ea, quæ
ordinarie fiunt atque statis Iustitancus visita-
tionibus; qualiter hic fieri potest. Præterea
communiter defectus illi ex materialium, qui-
bus labor impendendus est, inopia orti
sunt; hic verò suppeditari ex poterunt
abunde.

Quoad scientiarum augmentum subscribo
opinionem prudentissimi atque excellentissimi
in hoc Regno viri. Trivia sat sunt multa,
prudenter igitur non additur, ubi est abun-
dantia. Ingens scholarum numerus & ege-
statem & copiam gignit; utraque est incon-
grua, altera autem & perniciofa. Inde defi-
ciunt servi colonis atque tirones opificibus;
ex altera verò parte, plures studiis innutriu-
tur, quam Respublica possit officiis præfi-
cere; activa verò hujus vitæ pars, non de-
bitò instructa apparatu, homines gignit
aliis rebus ineptos; atque inutiles etiam illi,
cui innutriuuntur statui. Hinc respubl. egenis,
desidiosis & lascivis plena est hominibus, qui
tantum sunt *materia novarum rerum*.

Opto igitur ut Domini Suttoni intentio
ad altiorem evehatur gradum, & loco illius
quod in juvenum legavit pædagogos, id Ma-
jestas Vestra in virorum conferat. Præcepto-
res. Nam vetus mea fuit opinio & observa-
tio, quod in Régni hujus Academiis (quas
ex Europæis optimas esse statuo) nihil magis
deficiat, ad florentem scientiarum statum,
quam honesta & opulenta salaria Professori-
bus.

ribus. Certe Lectores in Cathedra sunt scientiarum Patres, merenturque non inferiores esse liberis suis praxin amplectentibus. Alias enim nemo diutius in Cathedra morabitur, quam donec melius adipiscatur beneficium; sic fiet, quod Virgilius inquit: *Et Patrum invalidi referent jejunia nati.*

Si enim Lectores ob stipendiorum tenuitatem erunt saltem leviter docti, atque quasi in transitu fungentes professorio munere, scientiæ maximè primaria & solida carebunt dimensionis parte, quæ est *profunditas*, & fient egregii compendiosique ad praxin adaptati habitus. In utraque igitur Academia vellem, ut stipendia Professorum in Theologia, Jurisprudentia nec non Medicina, ut & Philosophia, Linguis & Mathematica ad centum augerentur Libras. Quanquam enim & hoc minus sit, quam alibi in eruditissimos; etiam ab exteris accersitos, erogatur Professores, potest tamen aliquatenus sufficere erudito & bene merenti viro; si etiam contemplativæ deditus sit vitæ, quæ maximè Lectorem decet. Sic eruditio quodammodo provehi poterit in Majestatis Vestræ regno. Eruditio, inquam, quæ Majestate Vestra imperante, cœu eruditissimo Rege, aliquem elevationis gradum poscere videtur minime inepte.

Quoad Religionis propagationem tria Majestati Vestræ proponam: nulla tamen de meo consilia; nisi quod approbaverim ea semper: duo autem jamdum sermonibus sunt ventilata: tertium verò jam etiam actum.

Primum

Primum est Controversiarum Collegium: ubi non amplius soli agemus, sed quasi duplicabimus res nostras, olim in conflictu ostendenda.

Secundum est receptio (displicet enim mihi *seminariorum* vox, ideo, quod eâ lubrica comprehendantur vota, implicita obedientia, aliaque ad Reipubl. eversionem tendentia) Profelytorum Reformatæ religionis, sive juvenes sint, sive alii. Nullus enim dubito esse in Hispania, Italia & alibi plurimos, qui depravatos ecclesiæ suæ mores videntes, meliorem apud nos esse salutis viam agnoscunt: quod divinæ gratiæ donum sæpe terrena egestatis meditatione suffocatur: ignorant enim istiusmodi homines ad quos confugere debeant atque victum nancisci. Hoc magnum meo iudicio esset pietatis opus & commodi, sic prudentes erimus in generatione nostra, nec non docebimus tacitam noctem, at vigilem, æque opportunam esse bono semini ferendo ac Zizaniis.

Tertium est imitatio religiosi atque monumentis dignissimi actus, quo Elisabetha Regina videns, aliquam Lancastriæ partem admodum pervicacem esse in religione suscipienda, beneficia autem impropriationibus absorpta, per decretum in Ducatu crexit stipendia quatuor, centum librarum singula, Presbyteris numeranda, qui promoverent messem: unde commodum plurimum enatum sis in partibus, ubi locarunt operam. Neque defunt hoc in regno loca alia simile extraordinarium requirentia subsidium.

Ita

Ita breviter Majestati Vestræ meam exposui opinionem de usu charitatis hujus, quæ ista divinarum massa, quæ apud possessorem parum melior fuit quam fimi accervus, super universum dispergi possit regnum, & fruges proferte innumeras, si Majestas Vestra plantaverit, atque rigaverit, Deus autem dederit incrementum.

OBSERVATIONES IN LIBELLUM

Hoc anno 1592. publicatum, quæ inscribitur Declaratio, quæ causæ sint Genuinæ Magnorum in Regno mortuum, & existimatur esse adversus regnum Angliæ conscriptus.

Iustum esse atque honestum, si bellum gerentes Principes, quantumvis lites suas atque controversias armis, omnibusque hostilitatis artibus prosequantur. Imo licet etiam bella sint ejusmodi, ut totalem ruinam atque perniciem, tum exercituum, tum rerum publicarum, incendant, ita tamen lenirent affectus suos, ut ista duo sacra & inviolata, conservent, mutuo, *i. e.* *Vitam & Famam*. Bella enim interneciones non sunt, neque confusiones, sed tribunalia summa, quando Principes & respubl. superiorem in terris non agnoscunt, justitiæ divinæ se committunt, ita ut decendantur controversiæ ipsorum ex successu, quem illa

illa largiri alterutri parti decrevit. Et sicut in processibus privatorum omnia secundum civiles leges agere decet; Sic in bellis non decet agere quicquam contra gentium legem aut honestatis: Leges enim istæ homines illos, quorum alii in Principum necem conspirant; alii ipsorum nomen bonum traducunt, damnaverunt, tanquam communis societatis hostes, & neque apud inimicos fovendos esse sanxerunt. Nam in exemplis temporum adhuc minus corruptorum, reperimus, quod, si quando in acerrimis dissidiis bellisque perniciosissimis obtulerunt se adversariis sicarii, & proditores Principis, non solum rejecti fuerint, verum etiam detecti. Similiter, si quando minus honesta Principis mentio facta fuit coram inimico, ab illis, qui placere ei studuerunt, aversum & alienum se ab eis exhibuit, promptæque honorem adversarii sui vindicavit. Juxta hanc nobilem atque magnanimam procedendi rationem semper egit Regina Celsissima cum Hispaniæ Rege, ex quo sublata ab eis est amicitia. Nunquam Regina ipsa vel ejus ministrorum aliquis intendit, vel consensit in mortem dicti regis. Neque politicum Scriptum seu declaratio, imo neque liber publica Autoritate evulgatus est, in quo honor ejus, si unicam Ambitionis notam excipias, læsus fuit. (Illam enim inferere seu excipere libet, cum ipsa S. Majestatis Regiæ approbatione.) Idcirco nemo dubitare debet, bellum hocce, quoad Reginam inniti justis honestisque causis, quandoqui-

doquidem videt, id tam justè & honestè geri. Difficilius enim est, postquam bellum orsi sunt Principes, revereri se mutuo, nec affectibus transversim agi, quam moderata & justa in principio capere consilia.

Jam verò si alteram adspiciamus partem apparebit, quod magis (ut existimo) sollicitatione perfidorum (quæ unicum virus & pestis omnis honesti belli est inter gentes exterarum) aut præsumptione ministrorum & delegatorum, quam intentione ipsius Regis, conspirationes iniuræ & attentatæ, aut minimum promotæ fuerint, erga sacram Reginæ personam. Iis tamen omnibus miraculose detectis, ostendit divina benignitas, quam arcta preciosaque custodia dignetur Reginæ vitam & salutem. Deinde mirum est, quod tot libelli infames & scripta, multa varietate, arte & versutia contra Reginam ejusque regimen concinnari, per orbem in omnibus linguis volitarint: aliquando ecclesiasticarum historiarum auctoritatem & veritatem induentes, ut fidem invenirent; aliquando remonstrationes animadversionesque circa Statum politicum exhibentes, ut attentionem conciliarent: aliquando tragicædiarum induentes scenam, tanquam persecutiones Catholicorum recenserent, ut misericordiam moverent: aliquando ut Satyræ prodeuntes, ut risum cicerent: ita ut nulla sit figura, in quam non transfigurarint se socii isti, imo neque affectus seu passio in homine sit, quem tentare ausi non fuerint, hac intentione, ut insinuent propinentque
orbi

orbi fraudes suas & fucum. Verum intendat huc aliquis mentem suam & cognoscat, fuisse hæc tantummodo mendacia, quæ diluerunt solæ temporum locorumque circumstantiæ, contradictiones innatæ & testimonia hominum innumerabilium, qui adhuc vivunt & negotium totum exactius cognoverunt. Affirmant quidem tam avidè, ac si illo mentis laborarent morbo, quem prudens scriptor istis describit verbis; *Fingunt simul creduntque*, vel ac si primarium in seminariis suis esset præceptum statutumque; *Audacter calumniare, semper aliquid hæret*: vel ac si ex prisco illorum genere essent, qui miraculosis mendaciis instruere partem suam sueverunt. Sed quando quis considerat, quod ex regno hoc excedunt multi studiosi impotentes & inquieti, quos tumidus turgidusque genius suus adigit, ut exteros visitent; & quod deinde innutrientur potius novellarum attentioni & susurris, quam studiis honestis: postmodum autem, quando ipsorum egestas vel ambitio impellunt eos, consilia ineunt, quomodo amorem eorum demereri possint, à quibus sustentantur; unde semper, quando aut malè apud exteros principes audiunt, aut pensiones suas agre recipiunt, aut ad quoddam beneficium & promotionem adspirant, ex templo ejusmodi prodit libellus ad incitandos animos eorum, qui hoc in regno regimini adversantur (qua in re æque prudentes sunt, ut ille qui ignem suscitare vult in frigidos cineres sufflando) quando, inquam, hoc

hoc quis considerat fundamentum, hancque copiosam libellorum suppellectilem, mirari desinet; concurrunt enim hic æque feminis natura, & cultura agri, imo temporis opportunitas ad producenda virulenta ista zizania.

Verum & hic impletur Servatoris nostri dictio: *Non est discipulus super magistrum*: nam uti Reginae calumniati sunt gubernationem, ita non obliiti eadem ratione ferire primarios ipsius ministros & consiliarios. Putantes forte, quod sicuti immediatæ in Reginam editæ calumniæ, optime exterorum malitiæ satisfaciunt; ita eadem in primarios Consiliarios prolata, optime attritura sint animis quorundam in regno existentium malevolorum. Opinantes etiam quod hic magis liberisque dissipari possint, minusque exoræ futura sint exteris, qui non penitus alteri sunt addicti parti, atque affectibus indulgent, sed vulgo detestantur subditorum in Principem suum proprium diffamatoricos cufos libellos.

Inter alia autem hoc 1592. anno prodiit Scriptum malitia & mendacis nulli secundum stylo tamen & Descriptionis acumine aliis cedens. Autor Lucianum vult imitari, sed infelicitet & istud præstitit. Titulus libelli est: *Declaratio quæ sint genuine magnarum turbarum causæ. & suspiciuntur esse contra Angliæ regnum.* Et videtur dirigi contra actiones veterani illius & dignissimi Reginae Consiliarii Domini de Burghley, cujus opera & studio 34. pene annis ula est, in his periculosis

loſis temporibus & variis prægrandibusque negotiis, tanto etiam cum ſucceſſu, ut Regina adverſariis nihil præter ejusmodi char-
tacea conamina relictum ſit: & cujus me-
moria in hoc regno vigebit, quando horum
libellorum deleta erit, juxta ſcripturam:
*Memoria juſti cum laudibus, at impiorum no-
men putreſcet.* Verum etiam plus ſatis inno-
teſcit, autoris malitiam & S. R. Majeſtatem
ipſuſque gubernationem ferire: quod vel
inde apparet, quod non accuſet eundem Dn.
Burghley de actione aliqua privata vitæ (tam
valida eſt veritas) licet libelli de aliis Conſi-
liariis compoſiti id primario egerint, ſed e-
juſmodi objiciant actiones publicas, quæ,
cum ipſe fungeretur officio, geſtæ ſunt, &
male eos ipſi adſcribat effectus, qui ſecuti
ſunt. Revera in Reipubl. bonum Regina-
que honorem; quanquam enim aliquando
ſic excitari ſoleat malitia perveracium & in-
corrigibilium ſubditorum: eorum tamen in-
ſimul infringitur potentia & adimuntur quic-
quam perficiendi media.

Poteſt autem vir iſte omnia iſta convitia
contemnere, tum propter manifeſtum men-
dacium, tum vilem obſcurumque autorem.
Nihilominus tamen, ſecundum moderamen,
quod in omnibus utitur rebus, nunquam alias
Autoritatem ſuam vendicans; quando ta-
men quaſtio eſt de ſatiſfaciendo orbi: per-
miſit nunc aliquid, ne omnino res involvatur
ſilentio. Quare ego, ſpeciali ratione ipſi
devinctus, inter alios qui eundem veneran-
tur & amant, atque diligenter opera ipſius
confide-

considerant, zelo etiam erga veritatem ductus, observationes quasdam, dictum libellum legens, collegi; non quidem in forma plenæ responsionis; Sic enim in illud impingerem, de quo Salomo loquitur: *Ne respondeas stulto juxta stultitiam suam, ne efficiaris ei similis.* Sed ut denudem malitiam ostendamque mendacia, & manifestè convincam.

Sunt autem quæ in lectione hujus libelli observavi sequentia.

1. Autoris Scopus.
2. Præsens hujus Regni status; num verè dici possit prosper vel afflictus. p. 193 - 226.
3. Morem procedendi adversus Catholicos ita dictos, an ille sit violentus vel moderatus? p. 226 - 232.
4. De tranquillitatis, qua status Christiani fruuntur, perturbatione; quibusnam hæc imputanda causis. p. 232 - 262.
5. De Autoris artificio, quo malitiosas suas in Reginam & rempubl. calumnias contegit, sub prætextu quod solum Domini Burghley actiones reprehendat. p. 252 - 254.
6. Certe generales notæ in Actiones Domini Burghley. p. 254 - 257.
7. De diversis mendaciis specialibus & cavillis per totum librum dispersis. 257 - 266.
8. De summa horum hominum impudentia in publicandis asserendisque mendaciis, recensendo specialia quædam, ut sint instar exemplorum. p. 265 - 268.

1. Scopus Autoris

Bonum est consilium in actionibus cum malitiosis

malitiosis atque versutis hominibus, quorum sermones semper longinqui seu profundi sunt, inquirere, quæ ipsorum sit sententia. *Non quid dixerint, sed quo spectarint, videndum.* Certè peregrina in auribus Anglorum vox est: Calamitates Angliæ præsentès excedere pristinās quascunque. Fortassis illico aliquis quæreret; Creditne istud quod loquitur? vel non credens id ipse, putabitne possibile esse, ut nos credamus? Certè meo iudicio neutrum ita se habet: sed scopus ejus sine dubio fuit, vellicare aurem Pontificis Romani & Hispaniarum Regis, narrando fabulam Angliæ incolis. Solent enim istiusmodi libri in alias transferri linguas: neque puto adeo ineprum fuisse autorem ut cogitaret, posse se persuadere Anglis contrarium illius, quod sentiunt atque vident. Verùm existimavit, optimè se posse illudere exteris, si sermonem suum dirigeret ad eos, qui evidenter eum convincerent, si falsa scripisset, juxta id quod Livius inquit: *Atolos magis coram quibus verba facerent, quam ad quos, pensi habere.* Ita hunc socium non puduit apud Anglos mendacem audire, modo decipere possit Hispanos & Italos. Et observationem meretur, jamdudum communem horum hominum fuisse morem, quod laboraverint exteris persuadere luxatam esse & interitui proximam Anglicanam Rempubl. & quod magna pars promptè se Invasori adjungere velit: ex altera vero parte etiam pravis Angliæ subditis persuadere, magnas apud externos fieri ad bellum instaurationes & omnia ad invasionem

vationem parata esse. Et sic utramque fallunt partem. Hunc igitur puto primum ejus existere scopum. Deinde etiam modum excedit & incredibile est imaginari, omnia decreta & Actiones Reipubl. quæ Regina Imperante prodierunt seu actæ sunt, uni soli Consiliario adscribi posse; & quidem tali, qui nunquam imperiosus fuit, aut ambitiosus. Dicere autem, quod, licet non ipse gesserit omnia violenter, attamen suadendo perfecit, vix aliquis admittet: nam quicumque judicio pollet, & præsentia contemplatur tempora, facile dignoscet, prudentes nunc nimium esse callidos, adeo ut nemo invisibiliter inter ipsos versari queat. aut totum orbem instrumenti loco usurpare. Quare neque hic locutus est, ut sensit Autor: Vidit saltem calliditatis imputationem gignere suspicionem; magnitudinis vero & Autoritatis encomia, invidiam. Ideoque cognoscens, qui sibi maxime resisteret, & cujus sagacitate experientiaque plurimis conspirationibus suis obex poneretur, scopus ejus ad quem collimavit, fuit, tentare, utrum feriendo Domini Burghley autoritatem, suspectum eum Regina reddere posset, vel exosum toti regno: Sat bene sciens non tantum Zelo agi principes, verum etiam revolutiones in ipsorum esse mentibus, adeo ut rara virtus apud optimos sit principes, ad finem usque constantes perseverare in propositionibus suis atq; negotiis. Et rursus sat bene sciens, quod invidia semper magnitudinem sequatur, sit, licet quis optime promereat,

reat, & quod Dominus Burghley candide semper & intrepidè egerit, & uti nunquam ostentatione sua vel pompa excitaverit invidiam, ita neque suppresserit eam auræ popularis affectatione vel conversatione plebeja. Hicque sine dubio secundus ipsius fuit scopus. Tertius erat tentamen, utrum posset supplantare aut deicere (violenta hac diffamandi ratione, omniaque viro huic imputando) animum & constantiam ipsius, & ut postmodum timidius procedat, neque tam integrè atque vehementer contra eos agat, sciens esse hunc virum sagacem atque magno gaudere pignore, quo privari possit.

Tandem ne artes Socii hujus detegendo, sapientiores ipsum reddam, quam nunc existit: arbitror magnam hujus libri partem affectibus deberi: *Difficile est tacere, cum doleas.* Animus enim horum hominum cum sit infirmus atque impatiens, vehemens atque ferox est, cum spes ipsorum decollavit eos. Et certè liber iste ex omnibus aliis, qui antehac scripti sunt, infimi generis est, ac si ab opifice conscriptus esset: variis enim repletus est turpibus cavillis & frigidis amplificationibus aliisque contemptus indicibus, vacuus autem omni judicio & ornatu.

2. *De presenti regni hujus Statu, num vere dici possit prosper vel afflictus.*

Beneficia omnipotentis DEI, regno huic ex illo tempore, quo ex speciali providentia quasi manu duxit & constituit Auxillam suam

suam Elisabetham Reginam nostram, concessa, tanta sunt, ut mercantur non jactabundè aut arroganter, sed ob Sancti Ipsius Nominis gloriam considerari & deprædicari; imo & in perpetuam memoriam consignari. Veruntamen animus non est panegyrica methodo moderna extollere tempora. Sufficiet homines illos, qui cordis sui felle & amarulentia gustum ac judicium perdiderunt, & DEUM sua gloria, nos vero sensibus nostris orbare volunt, affirmando statum nostrum esse miserabilem atque plenum indiciiis iræ & indignationis Divinæ, reprehendere paululum.

Si igitur verum est: *Nemo est miser aut felix nisi comparatus.* Atque (ut intra insulam nostram nos contineamus) retrospicimus ad pristinum ævum; vel hac ipsa ætate alias in Europa Respubl. contemplamur; reperiemus, nos haud coactum iri cedere felicitati vel Antecessorum nostrorum vel vicinorum. Si enim quis omnes Reipubl. partes ponderet, Religionem, Leges, Justitiæ administrationem, Regimen, Mores, Urbanitatem, Eruditionem & liberales Scientias, industriam atque opificia, arma & belli apparatus, tum maritimi, tum terrestris, Thesauros, mercaturam, agriculturam, incolarum frequentiam, honorem & existimationem: apparebit quod his omnibus junctim acceptis, nunquam gens hæc in majori flore constituta fuerit.

Facile in memoriam revocari possunt Angliæ Reges, olim maxima felicitate frucentes, præter

præter Reginæ Patrem & Avum, qui felicissimo usi imperio, in recenti adhuc permanent memoria. Sunt autem *Henricus I. II. & III. Eduardus I. III. & Henricus V.* Omnes fuerunt principes regis præditi virtutibus, admodum felices & perennis Famæ. Vere autem affirmari potest, nihil his Regibus dictis derogando, quod quidcunque tandem in libellis istiusmodi narretur, non vero in Chronicis Anglicanis, nunquam Rex, rebus omnibus in unum collectis, tanta cum felicitate regnaverit, quanta Regina imperavit. Nam ex tribus istis *Henricis*, *Primus* nimium cito post insulæ debellationem imperare cœpit, *alter* nimium cito post usurpationem: & *tertius* nimium cito post confœderationem seu bellum Baronum; adeo ut vix potuerint securi & contenti regnare: *Henricus* etiam *Primus* inhonestum gessit bellum cum fratre suo *Roberto*, in quo multi Nobilium cæsi: tædiola cum *Wallis* gessit bella, neque omnino liber fuit à seditionibus & molestiis ut magnæ Prælatorum disceprationes docent. *Henrici Secundi* felicitas vehementer interrupta est. Filii ejus rebellione & aliorum liberorum, postquam illum regni fecisset consortem. *Henricus Tertius* præter continua cum *Wallis* bella post quadraginta quatuor annorum regnum, variis motibus intricatus fuit à Baronibus suis, ut videre est ex vesano illo Parlamento Oxoniæ convocato, actisque seu decretis ibi cælis. Filius ejus *Eduardus Primus* magis floruit, quam qui ipsum præcesserunt. Regnum cepit ætate maturus & magna

cum existimatione ob expeditionem in Palæstinam: amabatur etiam vehementer & morigeris imperabat subditis; bella magno cum judicio gerebat: *Wallia* incolas subactos ad certa admisit fœdera, & prope absuit quin Scotiam uniret. Veruntamen existimo majorem deberi honorem Reginæ, quod tam grandem Scotiæ portionem in manu sua habens, tanta dimiserit justitia, quam Regi isti tribueretur dignissimo, si tam prorupte hanc subegisset gentem. *Eduardi Tertii* imperium multis morbis atque cladibus fuit affectum; ita ut tres ipsius ætate sive clades sive pestes numerentur; prima anno 22. secunda 32. & tertia anno 43. regni ipsius. Et licet alias frequens extiterit victor, vixitque feliciter, harum una calamitate magis afflictus est; quam aliis prosperitatibus suis exhilaratus fuit.

Præterea difficulter orsus est imperium & deinde juxta versum, *cedebant ultima primis*. Nec tam felix fuit exitus ipsius. *Henrici* autem *Quinti* regnum ut mirè fortunatū fuit, ita diuturnum non fuit: obiit enim post decimum in regno annum, in primo fortunæ suæ flore.

Jam vero circa Reginam omnium primo considerare libet prosperitatis ejus diuturnitatem, utpote quæ caruerunt reges isti. Est autem non solum favor DEI in principem, verum etiam beneficium in subditos. Nam illud Scripturæ dictum: *Misera natio, cum multi sunt principes ejus*: non solum explicatur de divisionibus multis, verum etiam de mutationibus

tationibus in successione frequentibus: quoniam mutationes ejusmodi maximæ subditorum parti ob expensas varias acerbæ sunt, & ingratae. Apparet igitur, quod in serie quadringentorum & octoginta annorum, in quibus viginti duo regnaverunt reges, Regina jam sedecim ex his 22. DEO ipsius prolongante vitam superaverit: atque cum hujus anni exitu (quem felicem esse Deus jubeat) duos pariter æquatura sit. Interea ipsa regnante quatuor decesserunt Imperatores, totidem Galliarum Reges, bis quatuor Romani Episcopi, imò unaquæque inter Christianas Respubl. præter Hispaniam, suas passa est vices. Rex autem Hispaniæ adeo infirmus senio factus est & secessit, ut de morte ipsius rumor quovis tempore novellarum sit materies. Regina v. (gratiæ sint DEO) nullam sanitatis aut virium imminutionem passa, nunquam magis apta fuit ad sustinendum negotiorum suorum pondus; atque, quantum ipsius regiam Majestatem decet, continuo videri potest, ad ingentem consolationem animique voluptatem subditorum suorum.

Secundo incolumitatem consideremus totius populi, qua sub illo caruit Rege, qui alias secundus inter felices numerandus fuisset. Est autem ea benedictionum divinarum apud unamquamque gentem, maxima. Tria siquidem sunt flagella DEI: bellum, fames, pestis: & Tria è regione bona, pax, victus abundantia & sanitas. Uti igitur regnum hoc variae olim afflixerunt pestes, (ut

sudores & contagia) ira fatendum quidem, Regina imperante, ab initio exseruisse se morbos quosdam pestiferos intra Junium & Februarium menses, verum in metropoli tantum, nec ad omnes se diffudisse regni angulos. Et licet magna appelletur pestis, non tamen æquat illas, quæ sæpius diu sævierunt, sed gerit tantum nomen hoc respectu incolumitatis, qua utimur hætenus, hæcque tam continua fuit (præsertim hisce diebus) ut inciperemus disputare, quibusnam causis adscribenda foret; donec DEO placuit docere nos, unicè misericordiæ ejus asserendam esse; siquidem nos hoc præsentī anno tetigit manu sua, sed admodum leniter, & jam removit à nobis eandem. Sed certum est tot annis continuis non obstante turba in ædibus suis decumbente, peregrinorum multitudine & variis in mari navigationibus (quæ singula pestem causantur) valitudinem populi in genere nunquam tam firmam fuisse.

Tertium bonum, quo omnes felices & prudentes pristini reges caruerunt, est Pax. Non enim aliquis extraneus imperante Regina aut invasione aut momentanea incurusione pedem in hoc fixit regno. Unica tantum rebellio extitit, & talis quidem, quæ intra septem reprimeretur hebdomadas, neque in tantum vastavit regnum, quantum vel unius destructio oppidi causatur. Bella vero externa si annumeremus Leethense & novi-Portus, secundam in Scotiam expeditionem, cum Hispania bellum, quod ab anno 86. aut 87. computo,

computo, (ante quod tempus neque Hispaniæ Rex legatum suum, hic residentem, avocaverat, neque Regina in protectionem suam receperat Belgium fœderatum) & subsidia Gallis missa non insumserunt tertiam temporis, quo Regina regnavit, partem: Neque duabus exceptis aliquam nobilem peremerunt familiam, ex quibus alteram Gallia, Belgium altera absumsit, & pauci præterea vel genere vel fortuna insignes perierunt: Vix incolarum nimietatem sustulerunt. Verum igitur est, Reges supra dictos aliosque Reginæ prædecessores fuisse victores in bellis suis; variasque insignes & memoria dignas expeditiones peregrinationesque fecisse in diversas orbis partes, & Reginam ex adversa parte mox ab initio firmiter sibi proposuisse, se contentam intra dominii sui limites vivere velle, atque pacem cum vicinis colere Principibus; quam sententiam quoque hucusque (non obstantibus opportunitatibus commodissimis, titulis justissimis & prætextibus, magnis quoque & potentibus mediis) manu tenere volupe ipsi fuit. Verum si obijciatur hanc minus honoratam esse fortunam, respondeo, quod semper etiam apud gentiles, qui tanti non æstimarunt sanguinem, quanti Christiani æstimare debent, tam vehementer *Augusti Caesaris* tranquillum Imperium fuerit deprædicatum, quam *Fulii Caesaris* victoriæ: & quod titulus *Pater Patriæ* æque fuerit insignis ac *Propagator Imperii*. Hocque porro addo, quod durante tot annorum interna pace, in bellis his nunc di-

ctis, qua Regina, vel ad sui defensionem, vel ad iustam & honestam opem ferendam gessit, expeditio nunquam talis fuerit, quæ ostenderet, milites hic longo pacis tempore degenerasse; verum quæ omnimodè antiquam Anglorum in bellis gloriam demonstraret.

Quartum bonum est Copia victus seu abundantia. Et primo quidem quoad frumentum, non potest evidentius argumentum proferri quam hoc: Cum Anglia soleret ex aliis regionibus, orientalibus præcipue victitare, nunc sibi & aliis sufficientia alimenta præbet: Sæpius etiam exteristransmittimus, neque tamen unquam tantus in regno fuit populi numerus, quam nunc, ad ea ipsa hic consumenda. Aliud argumentum esse potest, quod frumenti præstantia, & aliqualis ejusdem concessa venditio, hisce diebus invitarent excitarique homines ad magis sollicitandam terram, & novam aratro sulcandam, quod antehac nullis pœnis multisve poterat impetrari ab agricolis. Tertium argumentum, frumenti alimentorumque pretia nunquam antehac fuisse æquiora. Jam vero quoad divitias quocunque respectu, consideremus sequentia.

Nunquam tantus fuit numerus pulchrarum & magnificarum ædium, quam nunc, incipiente Reginae regno, constructæ sunt, penitus novæ: adeo ut in districtu non admodum magno, nemerentur triginta tres, omnino integræ nunc ædificatæ, & quarum

minimæ

minimæ plus, quam bis mille, insumptæ sunt libræ.

Nunquam tot amænos vidimus hortos, pomaria, ambulacta, stagna, vivaria, qualia nunc ferè unamquamque nobilem domum exornant.

Nunquam tot fuerunt illustres & pretiosissimi tumuli ac monumenta in diversis Ecclesiis in perpetuam defunctorum memoriam gloriæque erecti.

Nunquam tantum argenti, gemmarum aliarumque pretiosarum rerum & suppellectilis in regno extitit.

Nunquam tantum terræ incultæ & desertæ agricolæ sollicitaverunt, domarunt & mansuefecerunt.

Nunquam tam diligens exercita fuit agricultura, uti nunc omnis generis fundos sepiendo, stercorando, aliisque frugalis agriculturæ operis.

Nunquam felicius urbes repletæ fuerunt ædificiis & incolis: neque primaria munditiæ unquam melius frequentatæ.

Nunquam tam commodè & facilè rivi in novum deducti sunt alveum, tum ob Pharos exstructos, tum ob aquam hinc inductam.

Nunquam tot artifices clarissimi neque opifices extiterunt, neque tot novæ in regno merces, ut zacharum, papyrus, vitrum, cuprum, sericum varium & similia.

Nunquam tantus equorum numerus, tantus armorum & legum bellicarum apparatus.

Quinta benedictio est, maxima familiarum multitudo durante Reginæ regno admodum auctarum: ut probant Ediæta publica circa Londinensium ædificationes: inhibitiones inquilinorum apud civitates diversas: limitatio casarum per Parlamenti decretum: aliaque nimietatis incolarum indicia.

Præter ista regiminis à DEO benedicti effecta, in quibus populi conditio felicior fuit, regnante Regina, quam regnantibus Prædecessoribus ejus, sunt & alia, de quibus non dico, quod iis usi fuerimus ampliori gradu & proportionem, quam priscis temporibus (ut in istis accidit nunc recensitis) sed sunt ejusmodi, quæ quoad substantiam ignota fuerunt hætenus. Ex his primo est Religionis puritas, beneficium inæstimabile, illisque superiorum principum, usque ad Reginæ Patris glor. mem. tempora, inauditum. Ex hac religionis puritate hætenus præter primarios veræ notitiæ & cultus divini effectus, hæc alia magni in republica momenti fluxerunt.

Primo ingentium opum intra regnum detentio, quæ olim Romam delatæ fuerunt. Deinde dispersio & distributio illorum redituum (tertiam eorum partem constituentium, qui ex universo colliguntur regno) quique optimi ditissimique sunt generis, & inutiliter dilapidati fuerunt in monasteriis, atque in ejusmodi manus traditi sunt, à quibus regnum nunc robur atque ministeria lucratur, multæque magnæ ædes constructæ sunt

sunt atque reparatæ. Denique restitutio atque redintegratio dignitatis Regiæ, liberatio à Superioritate extera. Quæ singula cœpta quidem à Regiæ Patre, continuata etiam ab ejusdem Fratris, nihilominus quasi post Eclipsin restaurata atque stabilita fuerunt in Regina.

Secundo. Monetæ puritas: Nam sicuti discernendo à religione inquinamenta, cœlestis thesaurus communis fuit Regiæ & Patri & Fratri. Ita removendo monetam vilem, thesaurus terrestris unice pertinet ad Regni tempora. Quare moneta nostra valori, quem præ se fert, respondens, unumquemque opum suarum certum facit, atque à fraudibus damnisque immunem, quæ aliis in locis subditos vexant, nunc augendo, nunc minuendo monetæ prætia.

Tertio. Navalis potentia & navigationis incrementum; quæ publicis constitutionibus ad promovendam piscaturam; ut & incitamentis atque adminiculis illorum, qui novas terras detegunt & mercaturam in mari exercent, in tantum excrevit, ut Insula hæc (prout situs ejus meretur) Domina maris facta sit.

Jam in Comparatione temporum, ad locorum comparisonem transibimus: inveniemusque apud exteros res publ. quasdam, requirentes misericordiam nostram, nullam autem cui invidere, seu quam æmulari queamus. Conditio enim nostra, benignitate divina, nulli est inferior.

Gallia regnum, quod ratione Sedis imperialis

rialis in occidente, reliqua Europæ regna præcessit, ad eas nunc devenit calamitates, ut juxta Prophetæ verba, *in planta pedis usque ad verticem, non sit in eo sanitas*. Divisiones tam multæ sunt & intricatæ Protestantium & Catholicorum, Regiorum & Ligistarum, Bourboniorum & Lovainistarum, Patriotarum & Hispanorum: ut videatur, Deum magna in gentem istam machinari. Imo separata est nobilitas à tertio statu, & Civitates à provinciis; & singulæ calamitates, ut verum loquar, videntur ab Hispania & Hispanorum factione ortum cœpisse.

Belgii Provinciæ, quæ intra juvenis ætatem & ditissimæ & incolis refertissimæ & elegantissimis ædificiis ornatissimæ in Europa fuerunt, in ejusmodi nunc versantur statu, in quo solet regio, quæ triginta annis belli fuit sedes. Et quamvis mari adjacentes provinciæ cito per navigationes ditantur, attamen non nisi lugere nunc possunt, ob præsentem suam à reliquo suo corpore divisionem.

Portugallia Regnum, quod hisce temporibus per mercaturam suam atque in India Orientali territoria ad immensas excrevit opes, nunc tandem post infelicem in Africam expeditionem in eum devenit statum; ac si esset regio ab extraneo subacta, & quidem ab ejusmodi extraneo, qui titulum sibi vendicat, tanquam Portugallus natus; & quoniam aliquando in possessione fuit, æmulatio ejus necessariò increfcit; per ipsius vero æmulationem etiam regni oppressio, quod apparet ex migratione multarum nobilium familia-
rum

rum ex natali suo solo, exilium libere ingredientium. Hæ tres sunt Christianismi partes afflictæ: reliquæ vel gaudent prospera vel mediocri conditione.

Regnum Scotiae, quamvis nunc prudenter imperante rege pace fruatur, attamen inde à pace nostra sensit calamitates non exiguas, & plenum est fervidis turgidisque animis; verisimile tamen est; quod rege dicto senescente, reprimuntur.

Regnum Polonie nuper demum ex magnis circa electionem bellis convaluit. Et quoniam est electivum; extraneumque potius, quam indigenam eligit; florescere raro potest.

Sueciae Regnum præter externa cum sanguineis suis Moscovitis & Danis bella; multis etiam tumultibus intestinis, mutationibusque, ut Historiæ testantur, fuit obnoxium.

Daniæ Regnum tranquilla vidit tempora, præsertim bene regnante rege nuper defuncto, qui Evangelium amplexus est: in multis tamen cedit Angliæ, cæu climate, opibus; fertilitate, aliisque tum honorem, tum robur concernentibus.

Italiae Principatus; qui Hispaniæ non parent, tamdiu ac nos pace gavisi sunt; si excipiamus illud, quod cum Turcis ipsis intercessit; inque eorum cessit honorem atque commendationem.

Veruntamen adeo frænantur atque terrentur ab Hispano, primaria duo ipsorum membra possidente, & quidem in duabus extremis partibus, ut similes sint illi, qui terræ portionem possidet,

inter potentes vicinos: tranquillitas eorum non solum æmulatione mixta, verum etiam limitatione restricta est.

Status Germaniæ ut plurimum pace usi sunt. Cedunt tamen Angliæ, non tantum ob honorem regię dignitatis (ipsi enim inferioris gradus sunt) verum etiam ob alias considerationes tum opum & Politię.

Sabaudia Ducatus sub priscis Ducibus in prosperitate vivens, deinde non obstante cum Hispania fœdere, cujus intuitu insolenter aliquam Galliæ partem occupare satagit, sed turpiter à Genevensi obsidione repulsus est, sæpè afflictus fuit à privato Delphinatûs Nobile: Et usque in hunc diem Sabaudia Dux in Pedemontio ejusdem inimici sentit molestias, qui nuper conclusit se Sabaudiam inter & Pedemontium.

Adeoque manifestum est, nos æque ac alias nationes, devinctos esse misericordiæ Dei: præsertim si consideremus, quod dissensionum & oppressionum flammæ in aliis Christianitatis partibus vice luminum esse possint, quæ nostram nobis ostendant felicitatem: & quod felix aliarum status, de quo ipsis congratulamur, ejusmodi tamen sit, qui non contamineat, neque excedat nostrum, sed potius aliquid relinquat, in quo ordinariam Dei benedictionem agnoscere possimus.

Tandem non invidemus Hispanis magnitudinem & gloriam suam, qui non solum excluderunt religionis puritatem, verum etiam muniverunt se adversus eandem, In-

quisi-

quisitione adinventâ: hæc enim est propugnaculum veritatem arcens divinam. Acquisiverunt quidem Portugalliam, sed magnam antiqui sui patrimonii partem in Belgio amiserunt: (unde majora ipsis commoda & robur) vel minimum ex parte id possident, ita ut maxima propriarum opum pars illic infumatur: Difficulus nuper leniverunt potius & suppresserunt, quam sanarunt & composuerunt in Arragonia motus. In Gallia seminarunt potius turbas, quam messuerunt fruges certas. Ex Anglia tentatâ, inglorius ipsos manet contemptus. Italiæ Statibus potius sui suspicionem, quam amorem aut timorem ingessit. In Germania & alibi multa quidem audet Hispanus, æst vera non gaudet amicitia: non enim tam claram successionem ostendere potest, ut aliis nationibus incertitudinem ejus objicere possit: & tandem acquisivit famam ambitionis potius quam justitiæ: & in prosequenda ambitione sua plus ostendit temeritatis, quam fortunati successus, inque temeritate sua plura opibus & expensis præstitit, quam fortitudine & robore.

Postquam igitur Lectori Angliam respectu & in comparatione pristinorum temporum, statuumque exterorum exhibui, descendam quoque ad libelli hujus famosi proprias divisiones: & apparebit vel ipso mundo judice, quam facile & pure atramentum hoc, quo faciem conspersit nostram, abluetur.

Prima calamitas, qua dicit Angliam affligi, est magna mira que confusio in Statu, ut
ait;

ait, Ecclesiastico: & hæc in duas subdividitur partes; quarum prior est persecutio Catholicorum: posterior, divisiones & lites inter nos ipsos. De illa in specie tractavi, & claram ingenuamque contexui narrationem, reipublicæ procedendi modum adversus hujus generis subditos exhibentem: hic obiter addo, duo in republ. esse circa causas fidei & Religionis extrema, seu permissionem plurium religionum exercendarum: alterum est periculosa earundem tolerantia & indultus: alterum, conscientiarum humanarum coactio & in eas imperium, quando nullum apertum dant scandalum, quod rigorosa & violenta est inquisitio. Assero autem procedendi methodum adversus Catholicos ita dictos, fuisse ejusmodi, quæ intra hæc duo extrema constiterit. Demonstrationem vero asserti ad prædictam & hic subsequentem differo tractationem.

De Ecclesiæ nostræ divisionibus Autor affirmat, Protestantium Calvinismum (sic enim ipsi lubet bona cum gratia nominare religionem legibus apud nos stabilitam) contemptibilem redditum esse atque suspectum Idololatriæ, hæreseos, & variorumque superstitionum abusum à purificatis quibusdam professoribus ejusdem Evangelii. Et hanc contentionem adhuc magis intricatam fieri à tertio quodam Evangelicorum genere, quod *Brounistas* appellant: qui magno Spiritus impuri fervore agitati, expressè docent Protestantium in Anglia Ecclesiam non collectam esse in nomine Christi, sed

An-

Antichristi: & populum posse, si Princeps vel Magistratus nolit aut differat ejus reformationem, absque ipsius consensu eandem suscipere. His addit fanatica *Hacketi* gesta. Et hæc est summa accusationis ejus in hoc membro.

Respondeo primo, Ecclesiam DEI omni tempore contentionibus schismatibusque divexatam fuisse. Zizania sparsa non fuerunt, nisi post triticum prius seminatum. Christus Servator noster dicit malum esse indicium externam pacem, ait enim: *Cum fortis armatus custodit atrium suum* (Diabolum intelligit) *in pace sunt ea, quæ possidet.* Ecclesiæ conditio est, frequentia subire examina: quæ duo sunt, persecutionis & scandali seu contentionis: & cessante uno succedit alterum. Imo vix una Epistolarum Paulinarum ad Ecclesias sine reprehensione non necessariarum & Schismaticarum controversiarum, legitur. Sic etiam imperante *Constantino Magno*, postquam pacem Ecclesia nacta fuisset & persecutiones cessassent, illico quæstiones & Controversiæ, non nisi de essentialibus fidei partibus & sublimibus Trinitatis mysteriis, ortæ sunt: Sed ratio docet in ignorantia & fide implicita facilem esse consensum, ita scilicet, ut in tenebris nulla est colorum diversitas. Si regio aliquo in Atheismum propendeat; raræ agitantur quæstiones; fastidio enim homines habent religionem atque vix dignam putant, cuius gratia disceptatio instituat: adeoque infirma est Theologia, quæ controversias, malum esse

in Ecclesia signum, statuit.

Verum est, homines quosdam inconsiderata omnium ceremoniarum & ordinis, quæ apud Ecclesiam Romanam fuerunt in usu, detestatione commotos, (ac si omnia pariter superstitiosa & polluta essent) atque studiosa imitatione regiminis in Ecclesiis Protestantium exteris, allaborasse & Scriptis & Concionibus indiscretè, aliquando etiam indebitè, ut mutationem in externos Ecclesiæ ritus atque politiam subintroducerent, Neutra tamen pars hujus controversiæ fundamenta circa fidem versari docuit. Neque controversiarum continuatio invaluit generaliter, neque earum tractatio excessit naturam levis contemptus, ita ut procul abfuerint ab hæresi & seditione. Ideoque plus tantum offensionis, quam periculi crearunt Reipubl. vel Ecclesiæ.

Brouniste vero qui, cum florerent maximè, pauci fuerunt stupidi vilesque homunciones hinc inde dispersi; nunc autem (DEO gratia) bonis remediis extincti sunt, ita ut nequicquam de iis audiatur. Neque unquam fuissent cogniti, nisi *Brounius* ipsorum primipulus libellum scripsisset famosum (à multis lectum) in quo, pro modulo suo magis invecus est in Logicam & Rhetoricam, quam Rempubl. seu Ecclesiam: ac nisi *Barrovius* (nobilis ex illustri familia oriundus, sed Londini inter plebejos vivens, atque inter mensalia colloquia controvertendi artem discens, ideoque tum in civitate, tum extracam inclarescens) saltum fecisset à varia
disse-

dissolutaque juventute ad præcisiuitatem in
 summo gradu; (nam hæc admiranda mu-
 tatio effecit, ut multi de ipso loquerentur)
 secta ista evanisset dudum. Hic autem in-
 regritatem atque modestiam Autoris obser-
 vo, vix alibi deprehendendam: Non im-
 putat nobis *Familistarum* sectam. Nam ante
 annos duodecim irrepsit in regnum hoc
 grandis quædam hæresis, apud Germanos
 orta, & ut dictum est, vocitata: Sed beni-
 gno DEI favore & Ecclesiæ nostræ robore
 eradicata est & extincta. Videmus itaque
 morbos, quos Ecclesia nostra sensit, quod-
 cunque tandem homines isti garrunt, vel
 malignos non extitisse seu exitiosos non fuis-
 se: vel ulcera fuisse in exigua ignobilique
 quadam corporis parte, mox sanata atque
 sublata. Talis etiam fuit phreneticus & fan-
 tasticus (nam decidere nolo quæstionem) *Hac-*
keti conatus: nam omnino pro exitioso ha-
 bendus est hæretico, qui plures duobus disci-
 pulos non acquisivit, eosque in suo ipsorum
 cerebro pereuntes: & pro violento rebelle,
 qui in tam magna frequentique civitate,
 qualis Londinum est, non nisi hos ipsos duos
 sibi associare potuit, à plebe magis derisos,
 quam quid dicerent aut facerent, observatos:
 Verum itaque fuit, quod pia, ast pauper
 dixit scæmina, ex fenestrâ cernens *Hacketum*
 ad mortem rapi infamem: *Prædictum est, quod*
in novissimis diebus venturi sint multos decipientes;
Tu autem miser paucos seduxisti.

Deinde manifestæ veritati adversatur,
 quod Autor dicit, nullam subiisse pœnam,
 qui

qui aliqua ratione modo dicta, leges transgressi sunt, atque Rempubl. Ecclesiamque turbarunt; gladii vero aciem in Romano-Catholicos solum vibratam fuisse. Exemplâ eaim præstant plurima, in quibus videre est, non neglectam, sed inflictam fuisse pœnam juxta naturam & gradus offensionis.

Et istæ sunt confusiones illæ magnæ, de quibus nostram accusavit Autor Ecclesiam; & quas à partibus alienò sapientique Lectori offero, ut judicet, quam veræ sint. Intentio mea non est, dealbare aut excusare aliquem Ecclesiæ nostræ errorem; neque ex altera parte recensere, quam eleganter floreat in magnis eruditisque Theologis; aut quam laboriosa sit & excellat in Concionatoribus. Suscipiant homines culpam illius, quod malè fit, Deum verò decet gloria ejus, quod bonum est. Et tantum de calamitate prima.

Circa Calamitatem secundam grandia loquitur de robore atque multitudine inimicorum regni hujus; declarando, quam malis conditionibus atque amicitiiis cum exteris vivamus, & quam destituti simus amicis atque confœderatis: & subdubitans, quomodo hæc sua de calamitatibus nostris præsentibus assertio possit probari, conatur ad minimum demonstrare, quod prosperitas, qua fruimur, amarulenta sit reddita per terrores varios & metus. Hinc descendens ad considerationem securitatis, in qua non ingenio nostro, sed benigna DEI vivimus pro-

providentia; video ejusmodi esse securitatem, de qua *Iphicrates Atheniensis ad Spartanos*, pacis tractandæ gratia missus, audiensque ex altera parte, multas securitatis conditiones proponi, dixit, ipsos interpellando: *Unicam tantum esse securitatis, cui Athenienses acquiescere possent, rationem; scilicet, si Lacedæmoniorum Legati manifeste declarare possent, quod his & illis omnibus dimissis Lacedæmonii impostero sibi nocere minimè possent, etsi vellent.* Ita nobiscum res se habet. Sicuti enim nullius odium reipublicæ provocavimus, ita nunc non video, quænam possit nocere nobis, quamvis vellet.

An vero justam belli causam præbuerimus in articulo quarto disquirendum veniet; ubi de veris causis, quæ tranquillitatem inter Christianos interruperunt, differemus; in quantum decet tam excelsæ Principis actiones vindicare occasione tam levi, qualis hoc in libello traditur. Sed jam quod robur & exercitus cujuscunque hostis attinet, reperio Angliam aliquando torvo aspexisse oculo Galliæ cum Scotiæ confœderationes; hac in eodem continente nobiscum sita, atque gignente militem robustum & audacem, haud multum nostro dissimilem: illa valde divite existente, ideoque idonea ad gerenda bella, quamvis admodum sumptuosa; illustres præterea nobiles alente, nobisque vicina. Nihilominus ex fœderibus istis nulla alicujus momenti offensa provenit. Nam Scotia Gallus magis usus est, ut diverteret Anglos se invadentes, quam ut inde com-

modè

modè Angliam invadere vellet. Largior quoque, Hispaniam in se unitam & Galliam pariter integram, si fœdera pepigissent, potuisse nobis esse terrori. Jam vero evidens est, ejusmodi in Gallia esse Statum, qui talem confœderationem reddat impossibilem. Restat igitur ut Hispania cum Scotia, vel Hispania sola nos bello aggrediatur. Verum Scotia (DEO sit laus) adco suaviter nobis adhæret, & Principes inter se vivunt, religionis consensu, sanguinis affinitate & continuis amicitiz officiis connectuntur, ut ipse Hispanus in conspiratione sua putaverit, facilius mutari subvertique præsentem Scotiz Statum posse, quam ab Angliz amicitia retrahi. Hispaniam igitur solam timebimus, quæ ob ampla sua dominia possit nobis videri superior. Verum hoc in mentem mihi revocat antiqui Physici similitudinem, qui cupiens persuadere medico, ne dubitet aliquando purgantia propinare ægro, quamvis admodum sit infirmus, distinguit infirmitatem in eam, quæ est animi & corporis: harum posteriorem comparat homini, alias robusto, sed magnam ferenti sarcinam & quidem se duplo majorem, ideoque vel digito in terram sterni apto. Hæc similitudo & distinctio aptè ad Statum applicari potest politicum: nam aliz respubl. debiles sunt ob mediorum defectum, aliz vero ob oneris excessum. Huc refero Hispaniam, quæ sui ipsius mensuram excedens, & minus ferax militum regio existens, admodum etiam decrescens, imo incolis orbata, coloniis in
Indiam

Indiam missis, bellisque continuis, & quoad divitias seu thesauros, ære alieno obstricta jam illo tempore, quo in Gallia quicquam ausa est (ideoque multo magis posthac) vix hostis est timenda genti optimè sitæ, numerosæ, instructæ & gubernatæ, qualis est Anglicana.

Neque hoc ex conjectura loquor sed experientia, quæ nupero Hispanorum adversus Angliam ausu sat manifesta est, inque recenti hæret memoria; illo enim tempore omnes illæ optimæ naves, in hac expeditione perditæ, erant adhuc integræ: illo tempore omnes in Belgio exercitus, nunc ad quartam usque partem deleti, erant pleni atque integri: illo tempore non innexi detinebantur Galliæ moribus, sed subsidia potius quam impedimenta inde ab amicis suis expectare poterant, præsertim cum adhuc vigeret foedus illud, Duce Guisio vivente: & nihilominus magnus hic ad bellum apparatus tanquam somnium evanuit. Invincibilis illa classis 1588. neque lintrem nobis abstulit neque in terram ascendere ausi sunt milites, sed postquam apprime fuerunt profligati atque fugati in septentrionalem Oceanum exspatiati sunt ingentium suarum navium naufragiis littora varia clara reddentes, & denique revertentes domum majori cum derisione, quam exiverant cum expectatione.

Non igitur opus habebimus confœderationibus multis aut auxiliis (quæ deesse nobis putat ad resistendum invasioni Hispanicæ.) Imò licet Hispanus in Britannia pedem fige-

ret & Gallos supplantaret, atque portus quosdam ibi occuparet (à quo tamen adhuc procul abest) attamen nunquam tam aptus erit ad opportune nobis nocendum, quam si Belgium rerinisset: nos vero ipsum timebimus sub forma litigiosi vicini, qui subinde lædere poterit errantes quasdam nostrorum naviculas, non veto sub forma invasoris. Quod vero attinet confæderationes, largitus est nobis DEUS tum media, tum mentem, aliis ad succurrendum. Fædera igitur nostra sunt potius honoris quam indigentiae ex parte nostra. Et tamen Apostata Hugonottaque in Gallia ex una parte (ita appellat universos Galliae nobiles, quorum magna pars ejusdem cum ipso confessionis est, manifestum & irreprehensibile legitimi Regis sui jus contra seditiosam plebem defendens) & Zytopæj cum copinaris in Hollandia & Zelandia (ut ipsi appellare eos lubet) ex altera parte, omnes fere inter se deleverunt Ducis Patmentis exercitus. Existimo etiam quod in Indiam expeditiones desinent, aut certe alterum deficiet, recuperato alio.

Porro nec meliores desideramus confæderationes & pacta quam ipsi Hispani nobis præpararunt. *Non enim verbis fædera confirmantur, sed iisdem utilitatibus.* Novimus quam multis regnis exosus atque suspectus sit Hispaniarum Rex: nos vero nullius iram, illud injuria afficiendo, in nos concitavimus, neque invidiam ambitione nostra quod juxta Politicæ regulas, firmissimos constituit contractus.

* Zythopæj & Zythopæta. een Bierbrouwer. Et Zyth & Zythum. potus ex fructibus opheins. sperta, corbis.

Ethæc sufficiant responsioni ad objectionem, de multis inimicis exteris, ubi tamen mens mea non est felicitatem nostram prudentiæ nostræ politicæ asserere, vel tumidam in nobis alere securitatem. Sed spero nos juxta in DEUM fiduciam, vigiles fore: & tum apparebit, quem finem fictitii tumultus isti sortientur.

In tertio de Angliæ calamitatibus membro, Prophetam agit, uti in reliquis poetam egit, & magno conatu vult prædicere ingentes turbas, in quas Regnum hoc post Reginæ obitum ruet. Ac si is qui insigni mentiendi dono, quoad præsentia & præterita, præditus est, nihilominus extraordinario dono annunciandæ veritatis circa futura instructus sit: vel ac si Pontificalium maledictionum in Anglos effectus, mutato in melius consilio ad illos dilatus sit dies. Verum quidem est, ingentem fore miseriam (quandocunque id tandem fiet) ejusmodi orbari Regina: sed hoc in casu acquiescere nos decet, benignæ DEI voluntati. Est igitur iniqua Autoris accusatio, cum id quod Reipublicæ accidit, vitium in regiminè esse dicit.

Placet DEO, vel ea de causa, ut homines ex se pendeant, aliquando eo magis celare ipsos claram futurorum cognitionem, atque sinere ut persuadeant sibi admodum incerta esse, quæ tamen certa & manifesta in fine cognoscuntur: Et aliquando ex altera parte hominum spem irritam reddere, atque difficultatibus magnis illud obruere, quod sibi tanquam facillimum & certissimum

mum imaginati fuerant. Neque novum est, successionis in Monarchias jura, nunc magis, nunc minus, nota esse.

Rex Portugallia *Sebastianus* ante expeditionem suam in Africam nullum declaravit successorem. Cardinalis, quamvis admodum senex esset, à Rege, etiam Hispania vehementer sollicitaretur, beneque nosset sex vel septem competitores, nihilominus stabilivit potius, nescio quod interimisticum regnum, quam ut decidere vellet successionum titulos, aut certum designare successorem. *Ferraria Ducatus* post obitum Ducis nunc viventis, certo destituitur successore: neque Scotia regnum successorem declaravit. Imò in hæreditariis regnis raro solet vel Statuum decreto, vel recognitione aliqua, vel populi juramento ex collateralis linea, denominari successor. *Aurelianensis Dux Carolo VIII.* in Gallia successit, quamvis isto regnante, successor designatus non esset. *Dominus Inculismensis* huic quoque successit, sed absque designatione. Ipsi regum filii sæpenumero ardore regnandi, & accelerandi tempus suum, parentibus ipsis fiunt exitiosi: quanto magis Patrucles aliquantum remotiores? Licitum sine dubio est & honestum, si casus requirat, cum Principes certum quid decernunt: Sed ut dixi, raro id in collateralis linea factum.

Trajanus Imperatorum, qui apud gentiles fuerunt, optimus, illo tempore, quo Cæsares designarent successores suos, non adeo ut successionum incertitudinem evitarent, quam

7. v. 11. 12. 13. 14. 15. 16. 17. 18. 19. 20. 21. 22. 23. 24. 25. 26. 27. 28. 29. 30. 31. 32. 33. 34. 35. 36. 37. 38. 39. 40. 41. 42. 43. 44. 45. 46. 47. 48. 49. 50. 51. 52. 53. 54. 55. 56. 57. 58. 59. 60. 61. 62. 63. 64. 65. 66. 67. 68. 69. 70. 71. 72. 73. 74. 75. 76. 77. 78. 79. 80. 81. 82. 83. 84. 85. 86. 87. 88. 89. 90. 91. 92. 93. 94. 95. 96. 97. 98. 99. 100. 101. 102. 103. 104. 105. 106. 107. 108. 109. 110. 111. 112. 113. 114. 115. 116. 117. 118. 119. 120. 121. 122. 123. 124. 125. 126. 127. 128. 129. 130. 131. 132. 133. 134. 135. 136. 137. 138. 139. 140. 141. 142. 143. 144. 145. 146. 147. 148. 149. 150. 151. 152. 153. 154. 155. 156. 157. 158. 159. 160. 161. 162. 163. 164. 165. 166. 167. 168. 169. 170. 171. 172. 173. 174. 175. 176. 177. 178. 179. 180. 181. 182. 183. 184. 185. 186. 187. 188. 189. 190. 191. 192. 193. 194. 195. 196. 197. 198. 199. 200. 201. 202. 203. 204. 205. 206. 207. 208. 209. 210. 211. 212. 213. 214. 215. 216. 217. 218. 219. 220. 221. 222. 223. 224. 225. 226. 227. 228. 229. 230. 231. 232. 233. 234. 235. 236. 237. 238. 239. 240. 241. 242. 243. 244. 245. 246. 247. 248. 249. 250. 251. 252. 253. 254. 255. 256. 257. 258. 259. 260. 261. 262. 263. 264. 265. 266. 267. 268. 269. 270. 271. 272. 273. 274. 275. 276. 277. 278. 279. 280. 281. 282. 283. 284. 285. 286. 287. 288. 289. 290. 291. 292. 293. 294. 295. 296. 297. 298. 299. 300. 301. 302. 303. 304. 305. 306. 307. 308. 309. 310. 311. 312. 313. 314. 315. 316. 317. 318. 319. 320. 321. 322. 323. 324. 325. 326. 327. 328. 329. 330. 331. 332. 333. 334. 335. 336. 337. 338. 339. 340. 341. 342. 343. 344. 345. 346. 347. 348. 349. 350. 351. 352. 353. 354. 355. 356. 357. 358. 359. 360. 361. 362. 363. 364. 365. 366. 367. 368. 369. 370. 371. 372. 373. 374. 375. 376. 377. 378. 379. 380. 381. 382. 383. 384. 385. 386. 387. 388. 389. 390. 391. 392. 393. 394. 395. 396. 397. 398. 399. 400. 401. 402. 403. 404. 405. 406. 407. 408. 409. 410. 411. 412. 413. 414. 415. 416. 417. 418. 419. 420. 421. 422. 423. 424. 425. 426. 427. 428. 429. 430. 431. 432. 433. 434. 435. 436. 437. 438. 439. 440. 441. 442. 443. 444. 445. 446. 447. 448. 449. 450. 451. 452. 453. 454. 455. 456. 457. 458. 459. 460. 461. 462. 463. 464. 465. 466. 467. 468. 469. 470. 471. 472. 473. 474. 475. 476. 477. 478. 479. 480. 481. 482. 483. 484. 485. 486. 487. 488. 489. 490. 491. 492. 493. 494. 495. 496. 497. 498. 499. 500. 501. 502. 503. 504. 505. 506. 507. 508. 509. 510. 511. 512. 513. 514. 515. 516. 517. 518. 519. 520. 521. 522. 523. 524. 525. 526. 527. 528. 529. 530. 531. 532. 533. 534. 535. 536. 537. 538. 539. 540. 541. 542. 543. 544. 545. 546. 547. 548. 549. 550. 551. 552. 553. 554. 555. 556. 557. 558. 559. 560. 561. 562. 563. 564. 565. 566. 567. 568. 569. 570. 571. 572. 573. 574. 575. 576. 577. 578. 579. 580. 581. 582. 583. 584. 585. 586. 587. 588. 589. 590. 591. 592. 593. 594. 595. 596. 597. 598. 599. 600. 601. 602. 603. 604. 605. 606. 607. 608. 609. 610. 611. 612. 613. 614. 615. 616. 617. 618. 619. 620. 621. 622. 623. 624. 625. 626. 627. 628. 629. 630. 631. 632. 633. 634. 635. 636. 637. 638. 639. 640. 641. 642. 643. 644. 645. 646. 647. 648. 649. 650. 651. 652. 653. 654. 655. 656. 657. 658. 659. 660. 661. 662. 663. 664. 665. 666. 667. 668. 669. 670. 671. 672. 673. 674. 675. 676. 677. 678. 679. 680. 681. 682. 683. 684. 685. 686. 687. 688. 689. 690. 691. 692. 693. 694. 695. 696. 697. 698. 699. 700. 701. 702. 703. 704. 705. 706. 707. 708. 709. 710. 711. 712. 713. 714. 715. 716. 717. 718. 719. 720. 721. 722. 723. 724. 725. 726. 727. 728. 729. 730. 731. 732. 733. 734. 735. 736. 737. 738. 739. 740. 741. 742. 743. 744. 745. 746. 747. 748. 749. 750. 751. 752. 753. 754. 755. 756. 757. 758. 759. 760. 761. 762. 763. 764. 765. 766. 767. 768. 769. 770. 771. 772. 773. 774. 775. 776. 777. 778. 779. 780. 781. 782. 783. 784. 785. 786. 787. 788. 789. 790. 791. 792. 793. 794. 795. 796. 797. 798. 799. 800. 801. 802. 803. 804. 805. 806. 807. 808. 809. 810. 811. 812. 813. 814. 815. 816. 817. 818. 819. 820. 821. 822. 823. 824. 825. 826. 827. 828. 829. 830. 831. 832. 833. 834. 835. 836. 837. 838. 839. 840. 841. 842. 843. 844. 845. 846. 847. 848. 849. 850. 851. 852. 853. 854. 855. 856. 857. 858. 859. 860. 861. 862. 863. 864. 865. 866. 867. 868. 869. 870. 871. 872. 873. 874. 875. 876. 877. 878. 879. 880. 881. 882. 883. 884. 885. 886. 887. 888. 889. 890. 891. 892. 893. 894. 895. 896. 897. 898. 899. 900. 901. 902. 903. 904. 905. 906. 907. 908. 909. 910. 911. 912. 913. 914. 915. 916. 917. 918. 919. 920. 921. 922. 923. 924. 925. 926. 927. 928. 929. 930. 931. 932. 933. 934. 935. 936. 937. 938. 939. 940. 941. 942. 943. 944. 945. 946. 947. 948. 949. 950. 951. 952. 953. 954. 955. 956. 957. 958. 959. 960. 961. 962. 963. 964. 965. 966. 967. 968. 969. 970. 971. 972. 973. 974. 975. 976. 977. 978. 979. 980. 981. 982. 983. 984. 985. 986. 987. 988. 989. 990. 991. 992. 993. 994. 995. 996. 997. 998. 999. 1000.

quam ut curarum Participes impræsentiarum haberent; vastum enim & ingens eorum erat imperium; quo tempore etiam adoptiones in usu erant, ipseque adoptatus esset, nullatenus tamen successorem designavit, sed Testamento scripsit; quod & ipsum suppositum fuisse creditur ab uxore ejus *Plotina* in favorem *Amasii* sui *Adriani*.

De hoc certi esse possumus, quod nihil in præjudicium juris factum sit; Unicum vero tantum jus esse potest. Hoc autem mihi persuadeo, quod nullus Hispaniarum Rex, neque Romanus Episcopus arbiter erit, aut beneficiarium seu feudatarium Regem, prout intenderunt quidem, in thronum collocabunt, vel adhuc vivente *Scotia* Regina, cujus fautores ac promotores se exhibuerunt. Nec retorquebo successionis materiam in Hispaniarum Regem, sed ea utar modestia atque reverentia, quæ Majestatem decet tanti Regis, quamvis inimici. Et tantum de membro tertio.

Calamitatem quartam dicit esse Nobilium ruinam & populi oppressionem. Quanquam autem verbis his possit fortunam, exterorum ignorantia illudere; attamen Anglo, vel alii, cui præsens Angliæ Status cognitus est, videbitur nimium temerarius & dignus, cui quodcumque defendendum tradatur paradoxum. Et certe si velit necessario statum Angliæ in genere nunc esse deformem, debuisse potius, si prudenter agere voluisset, monastica declamandi methodo adversus divitiarum excessum & delicias ævi hujus in vehi,

quam urgere miseriam, paupertatem & devastationem terræ, ut sufficienter ex dictis apparet.

Veruntamen vestigiis hujus viri insistam. *Primo de nobilitate* certum est, olim fuisse nobiles tum ditiores, tum majori autoritate, tum satellitio instructos, quam impræsentiarum. Unam ex rationibus existimo esse, quod nunc certi sumptus & expensarum rationes (ut in vestes, ludos & pedissequas & simil.) magis nunc vigeant, quam priscis temporibus. *Alia* etiam ratio est, quoniam nobiles nunc æquius dividunt inter minores natu filios quam olim; unde primaria stirps magna patitur decrementa. De mandatis largior quoque, non tanti jam fieri ut olim, sed temporis opportunitas id potius suavit, quam ut aliud quicquam in causa sit. Solent enim homines seditiosè à Nobilibus dependere, & inde variæ partes divisionesque, nequicquam Justitia eas compescente, natæ sunt, quoniam Magnates annisi sunt defendere illos, qui suæ se commiserant clientelæ. Hinc dudum Reges nostri videntes, hoc mandatorum genus apud nobiles regno esse noxium, & populo onerosum, limitarunt illud, certas illi præscribendo leges. Inde Statutum in *Retentores* conditum est, hominesque à solo dependent Rege & Legibus. Et hoc etiam temporicongruit, ut videre est aliis in regionibus, nominatim Hispania, ubi Magnates jam non sunt adeo potentes atque absoluti Domini, ut fuerunt antea. Aliàs verè affirmari potest,

potest; jura & præminentias nobilium, nunquam firmitus & accuratius conservata fuisse, quam Regina regnante. Quod juniores Baronum filii præcedant Equites, non in pœnam ex Cancellaria constitutum est, sed ob literas. Nemo jurato respondet, sed vi seu fide honoris sui: præter innumera alia privilegia in Parliamentis, curiis, & territoriis concessa. Sic neque in locotenentiis, Commissionibus, officiis, nemo unquam majora & honorabilia concessit nobilibus, quam Regina & Respubl. nunc gratiosè indulserunt. Neque unquam aliquis fidelius & exactius speciales istas præminentias recensuit: Neque diligentius inquisivit aliquis, & descripsit ipsorum prosapiam, pacta, & omnia honorum momenta, quam ille vir, quem accusat, tanquam nobiles pessundisset; quia pauci quidam immoderatis expensis semetipsos subruerunt, juxta morem sæculi, cujusmodi etiam nec in propria resistere potuit familia. Quod vero de convictione affert, sciendum in triginta quinque annis non nisi quinque ex aliqua Nobilitate fuisse convictos, & ex his duos saltem executionem passos, ita tamen ut alter prosapie restitueretur in liberis. Imo omnium illorum præter Westmerlandium vel legum favore, vel Reginæ benignitate, hæredes aut possident aut possidere poterunt maximam bonorum suorum partem; & tantum de nobilitate.

De oppressione populi quatuor recenset. 1. Imminutionem populi bello factam. 2. Ne-

gotiationis attenuationem. 3. Justitiæ corruptionem. 4. Tributorum immensitatem. Verum ad singula hæc refellenda longo sermone haud opus est. Quoad *primum* gratias DEO agimus, quod benedictio illa, *crescite & multiplicamini*, nondum infirmata fuerit hoc in regno; sed immensus incolarum numerus supplere queat detrimenta in bellis nuperis accepta, adeo ut vix observentur vel in urbe vel in pagis. Legimus quod Romani populum suum numerantes, ubi cives singuli descripti fuerunt tum ab initio, tum in fine belli, aliquando viderint tertiam numeratorum partem defuisse. Verum evolvantur nostræ censuum tabulæ (illæ scilicet, quæ uniuscujusque provinciæ milites indicant) vicesimi Regiæ anni, quo præter cohortem exiguam in Belgium missam, nullum hominem bello impendimus, & hoc tempore denuo, apparebitque exigua diminutio. Multa nunc signa habemus, nimium multos esse regni incolas; nulla autem, vacuum illud esse aut incolis destitui, ut supra probatum. Deinde certum internæ pacis indicium est, si gens quædam bello minus exitiōso apud exteros alicubi exerceatur, quam si omni ejusmodi exercitio careat; effœminat enim ad arma inepti redduntur, si occasio subnascatur: neque exiguum regno robur præbet, si in ejusmodi bellis exercitii causa suscepris, non periculosis, multi ex incolis nostris detenti, & multi ex nobilibus equitibusque nostris eruditi fuerint, ut nunc eximios præbeant Duces, tum mari,

tum

tum terra. Quod vero objicit, nos haud providere militibus quando redeunt; quamvis id non penitus neglectum fuerit, attramen cordicitus precor, ut largius ipsis provideatur, quam impræsentiarum fieri solet: quoniam audiui & legi, quod apud omnes gentes dimisso & exauctorato milite, multi ad egestatem devenerint.

Circa mercatura decrementa peto, ut evolvantur vectigalium rationes consignatæ, uti antea desideravi, ut censuum tabulæ introspectantur. Illæ enim neutiquam fallent, ostendentque, nulla hic decrementa animadverti, sed potius incrementa. Scimus multos Londini & alibi locorum per mercaturam intra breve tempus divites factos esse; & unusquisque vere affirmare potest, quod lucrum ex mari acquisitum omnia alia superaverit.

Circa justitiam regni hujus verum est, quod astutia & opes multas seruerint lites & forenses disceptationes. Sed consideremus id paululum. Integritatem & Eruditionem illorum, qui judiciis apud Reginam præsunt; Leges bonas regnante Regina adversus informantes & delatores sancitas, ut & pro reformandis examinibus; Exemplum severitatis, qua in Camera stellata opprimuntur violentia & fraudes; Diligentiam & animi magnitudinem, quibus Assisarum Judices obviam eunt omni temeritati & subterfugiis, autoritate & prudentia sua ea reprimendo; magnum favorem erga clientes, & qui ex scripto seu consuetudine aliquid possident,

cum antehac ex solo nutu & misericordia Domini penderent; nunc autem continuo ab injuriis potentiorum in Cancellaria, aliisque æquitatis judiciis defenduntur. Hæc & alia precor quispiam considerare velit, & necessario honorifice de Anglorum justitia sentiet.

Jam quoad collectionem & distributionem pecuniarum quam exactionem appellat; primo non erubuit sat frigide mentionem facere collectionis pro S. Pauli Basilica & Sortitionum quisquiliis. Illa enim spontanea fuit collectio, nec unquam ad tantam excrevit summam, quæ suffecisset operi, quod intendebatur. Ideoque puto, in alium cessit usum, non dissimilem illi pecuniarum collectioni, quæ ad fortificandam Parisiorum urbem designabatur: præterquam quod hæc (ut audiui) majorem, quamvis non competentem, constituerit summam. Quod vero Sortitionem attinet, erat novum quid, à paucis privatis inventum atque congestum, à republ. vero tantummodo permissum instar lucri, quod audaces venantur. In his, si aliquod extitit lucrum, ideo factum est, quoniam homines majori spe decollatos, puduit minutias repetere. Deinde mentionem facit mutui & Sigilli secreti; sed magnam hic suam ostendit ignorantiam & impudentiam, quoniam solutiones insecutæ fuerunt optimæ & certissimæ, atque in eximium Reginæ honorem vergentes. Verum quidem est, quod aliorum Regum ætate id in usu non fuerit; ast licet nomen adeo gratum

tum non sit, usus tamen ejus hac ætate nostra sine magno subditorum onere extitit. Recenset etiam nova ex pannis vectigalia, ex vino pariter: verum circa pannum errat; nam hujus vectigalia non ab Elisabetha, sed Maria, Romanæ confessionis fœmina, aucta sunt, & vulgo sic ab Elisabetha sunt requisita: nisi fortassis intelligat computationem ulnarum superfluarum, quæ stricto semper respondet juri; quanquam error nuper demum innotuerit, aut potius tolerantia dehinc sublata est. Ex vino autem vectigalia, quod est merx extranea & delitiis tantum inserviens, eorum præsertim, qui carere eo possunt, aucta quidem sunt; ita tamen ut vinum sit carius, mercator vero ea de causa non fiat pauperior. Tandem quoad subsidia liberalissima, verum est, quod Regina intuitu magnorum sumtuum, bellis suis tum maritimis, tum terrestribus, adversus tam opulentum Hostem, qualis est Hispaniarum Rex, impendendorum: cum nullas habeat Indias, nec aurifodinas, & obventiones Angliæ ejusmodi sint, ut minus subditos rodant seu lædant, quam in ulla alia Europæ republ., assentiente Parlamento, varia juxta veterem hujus regni morem, à populo suo receperit stipendia, quæ ut defendendis & conservandis subditis infumta sunt, non splendidis ædificiis, neque immodicis donationibus, non triumphis aliisque voluptuosis actionibus, pecuniæ dissipandæ ergo adinventis, multisque Regibus adamatis; ita liberrimo cum assensu tradita fuerunt &

hilaritate, ut apparet ex aliis quoque benevolentiae actibus in Parlamento præstitis, quos tamen Regina nullatenus in consuetudinem perpetuam transformavit, seu annuos fecit. Æstimati etiam sunt cives & in censum descripti tenerâ & verè benigna manu; quæ pepercit ipsis in quantum fieri potuit: ut vel inde apparêt, quod Regina, ut parceret subditis suis bina vice suos divenderit agros proprios. Qui vero alias contemplabitur regiones, & considerabit quæ vectigalia, tributa & variorum generum exactiones ubique in usu sint; videbit Anglum ut plurimum esse census sui arbitrum, atque minimum inter omnes Europæ gentes in suis lædi divitiis. Imo hoc ipso tempore, quo Hispani in Indicis occupantur aurifodinis, Jesuitæ cuniculis oppugnant eorum loculos & specie exhortationis spiritualis, maximam, quæ unquam in usu fuit, exercent exactionem.

Et tantum ad has calumnias de præsentî Angliæ Statu annotare volui, cujus architectus quicunque is etiam, post benignam DEI providentiâ, sub moderamine & virtutibus Reginæ fuit, ut et tubescat, necesse non est.

3. *Meibadus procedendi adversus Catholicos ita dictos: An illa sit violenta vel moderata.*

V Ideo Regiæ rationem procedendi duobus insistere principiis, quorum alterum est.

Quod

Quod conscientia non debeant cogi, sed
lucri fieri & reduci veritatis virtute, tem-
poris auxilio, & omnium proborum ad In-
structionem & persuasionem inservientium
mediorum.

Alterum est, quod conscientia casus,
quando limites suos excedunt & factionibus
materiam præbent, naturam suam perdant;
& quod Summos Principes oporteat punire
præxin seu contemptum, quamvis religionis
seu conscientia prætextu involvatur.

Secundum hæc duo principia Regina ab
initio Imperii sui, penitus improbens Ec-
clesiæ Romanæ tyrannidem, quæ terrore &
rigore mandata hominum fidei & conscien-
tiis præscripsit; quanquam ut Princeps exi-
miæ prudentiæ & magnanimitatis, unius
tantum religionis exercitium permetteret;
adversus Pontificios magna lenitate usa est,
bonum quidem affectum obstetricante tem-
porum decursu inde expectans.

Ideoque non renovavit leges ann. 28. &
35. Patris sui sancitas, quibus licuit Supre-
matus seu fidelitatis juramentum juxta Re-
gis beneplacitum à quocunque subdito exi-
gere, quamvis conscientiam suam eodem
lædi quam modestissime assereret: qui autem
præstare illud non vellet, absque aliis cir-
cumstantiis perduellionis reus credebatur.
Sed è contrario Regina, haud cupiens fen-
stras apponere hominum cordibus & cogita-
tionibus secretis, nisi earum abundantia
exundaret, atque se manifestis actionibus
verbisque proderet, ita temperavit leges
suas,

suas, ut refranaret inobedientiam manifestam, qua impugnaretur & consultò ambicioseque ipsius summa potestas traduceretur, extranea vero jurisdictio defenderetur atque extolleretur. Ipsum quoque juramentum à Regina in formam magis acceptam transmutatum est. Ingratam *Supremi Capitis* appellationem & nomen sustulit, & pœnam ejus qui jurare nollit, constituit incapacitatem alicujus promotionis seu officii gerendi: ita tamen ut restitui posset, si aliquando præstare juramentum illud vellet.

Sed postquam pluribus annis multi Papistæ seditiosi tolerati essent, & Pius V. excommunicasset Reginam, ac Londini publicata esset excommunicationis Bulla, qua Regina quadantenus proscribebatur, omnesque subditi ejus sub damnationis pœna ab ejus obedientia avellebantur, & quod dehinc, tanquam principalem causam moventem seu præparantem sequebatur in Septentrione rebellio; attamen, quoniam multi ex malè affectis rebellionem hac emendarentur, nullamque ipsa exterorum invasionem timeret, & multo minus cujuspiam in regno tentamina, exterorum auxiliis fulti, satis esse putavit, si conderet legem adversus hunc specialem inferendi in regnum seu publicandi ejusmodi bullas & similia scripta casum. Et huic annectebatur prohibitio, non sub perduellionis pœna, sed alia leviore mulcta, inferendi Agnos DEI, rosaria, aliasque similes Romanorum merces; quæ, ut bene notum est, non habentur pro essen-

tiali Pontificiæ Religionis parte, sed tantum usurpantur ut amoris insignia, ad incantandum & abstrahendum plebis affectum à legitimo suo Magistratu. In cæteris omnibus Reginæ lenitas eadem semper permansit.

Sed cum circa vigesimum regni sui annum intellexisset, velle Hispaniæ Regem invadere regna sua, & primarium in hoc negotio fuisse, ut incolarum animi præparentur ad adhærendum ipsi; Seminaria quoque protulisse, seu emisisse quotidie Sacerdotes & professes, qui voto in confessione peccatorum facto, alienarent subditos suos à se; imo multis injungerent Sacratissimam Regi-næ tentare vitam, adcoque veneno hoc latius serpente inter Pontificios plurimi mutarentur, & jam non confessione tales essent, sed factione perduelles; novæ leges constitutæ sunt, ad puniendos eos, qui reconciliare aut renunciare obedientiam vellent. Nam sciendum est, quod hæc reconciliatio in confessione, ejusdem sit naturæ & efficaciarum cum Bulla excommunicationis, hac tantum differentia, quod cum Bulla omnes subditos simplici vice ab obedientia solvat, hæc idem sigillatim faciat; ideoque est tum magis secreta, tum magis efficax, inque conscientias penetrantior; jungitur enim absolutioni à mortali peccato. Quoniam igitur perduellio erat tenebris involuta & admirabili silentio tecta, raroque deprehendebatur: Et quia nulla præsumptio adversus eos major erat, quam ex eo, quod recusarent ad divinum convenire cultum: De-

cretum enim apud ipsos est: *Ingressi templum ante reconciliationem, esse Schisma: Ingressi vero post reconciliationem esse absolute heresim atque damnabile.* Novæ igitur addebantur leges Recusantibus mulctam irrogantes; non ad vim inferendam conscientis, sed ad debilitandos illos, qui indifferentes & dubii erant, utrum reconciliati essent, vel non? Extra dubium enim est, quod si lex recusantium (quæ admodum rigorosa esse dicitur) ita formata esset: *Quod omnis recusans qui vel quæ liberè veniet atque juramentum præstabit, se nunquam fuisse reconciliatum vel reconciliatam, immediate à mulcta & confiscatione legibus irrogata immunis esse debeat,* minus certè laudaturi fuissent mitigationem istam, sed potius criminaturi eam, tanquam ad illaqueandum eos conditam. Cum autem non obstante omnium provida cura venenum hoc adeo clam spargeretur, ut nulla restarent mediæ, præterquam ut coererentur mercatores illud afferentes, Lex denique sancita est, quæ ejusmodi seditiosi Sacerdotes novæ hujus sectæ in exilium missi sunt; illi autem qui tum temporis hic morabantur, transfretare jussi sunt, atque accessu seu reditu prohibiti sub pœna perduellionis.

Iste fuit Processus adversus homines ejusmodi, mixtus tamen non solum variis Regiæ Gratiæ exemplis erga eos, quos secundum prudentiam suam scivit esse Pontificios conscientia, non factione; sed etiam insigni mitigatione erga delinquentes in summo gradu & legibus convictos, si modo prote-

staren-

starentur: Quod si quando regnum hoc invaderetur ab externo exercitu Pontificis Summi autoritate pro fide Catholica (ut loqui amant) velint adherere Regina, non verò inimicis ejus.

Quod autem dicit, nullum Sacerdotem negotiis Politicis se immiscuisse (præter Ballardum) apparet falsum esse ex ipsius Ballardi confessione, & aliorum Sacerdotum, confitentium, quod in genere omnes tum temporis Sacerdotes cognitam habuerint invasionem, tum designatam, & postea ad effectum deductam: mandataque acceperint, non tantum excitare in plebe mutationis spem, verum etiam adigere ipsam ad vora promissionesque, quod in vasori adjungere se velit: in tantum ut unus ex primipilis in sua foria jactaverit de se epistola: *Esse negotium quod Angliæ Senatus ne per somnium quidem cognoscet: Quis imaginabitur, quod cum aliquot Nobilibus tractaverint, ut se in factionis suæ Duce[m] eligant, licet solummodo cum plebe egerint, & tam sigillatim, ut unusquisque existimare possit, non posse se ad alium præter se ipsum provocare, si Sacerdotes excipias, qui, ut sibi persuasit, nihil ob confessionis sigillum detecturi essent.* Tam innocens erat illustris hæc & Sacerdotalis functio, quam vir iste pro Conscientiæ negotio vendidit, & putat debere ipsi per universum regnum liberum permitti exercitium.

- # 4. *De tranquillitatis, qua Christiani Status fruuntur, perturbatione, & quibusnam ea imputanda sit Causis.*

QUæstio est non exigui momenti, (quam qui Rerumpubl. negotia introspiciunt, sæpe agitari norunt, quamvis Author noster videatur ipsam non nosse) an potentioris Reipubl. ambitio, vel debilioris Reipubl. æmulatio sublatae amicitiae rea sit. Cujus ut plura dantur exempla, ita unum succurrit admodum præsentì negotio congruum; & quamvis multis abhinc contigerit annis, at tamen videtur horum temporum esse imago, & præsertim negotiorum Angliam inter & Hispaniam intercedentium.

Respubl. autem his respondentes sunt Macedonum, atque Atheniensium. Considera igitur parallelismum inter duos Philippos Macedonem & Hispanum. Ille adspirabat ad Græciæ Imperium, uti hic ad Europæ monarchiam, sed magis apertè quam ille, quoniam intentio hæc jam in parente ipsius Carolo V. innotuit, ipsique tanquam hæredi relicta est: cum Philippus Macedo primus fuisset inter suæ gentis Reges, qui tam grandia in pectore suo fovit consilia. Methodus qua Macedo usus est, non erat in exercitiis & invasionibus reposita, (quanquam nec istis destituebatur, cum occasio requireret.) Sed astutia, serendo factiones in rebus publicis & devinciendo sibi magnates. Illi autem, qui ambitioni ipsius resistebant, erant soli

foli Athenienses, uti nunc Angli Hispano adversantur. Nam Lacedæmonia & Thebæ infirmæ erant, uti nunc Gallia; reliqui vero Græciæ Status & potentia & territoriis multo inferiores iis erant. Athenienses vehementer pacem cupiebant, & expensis erant exhausti. Verum illud in quo præ reliquis comparatio versatur, est, quod Oratores, qui quasi consilarii in Republ. Democratica erant, & quidem acutissimè introspeciebant intentionem & dilatacionem Imperii Macedonici, (semper addubitantes, annon ignis vicinas consumens respubl. opportunitatem seu viam aperiret & sua corripiendi territoria, dexteritate tanta, ut illi resistere haud sit possibile futurum) semper accusarentur tum declarationibus Macedonum Regis, tum imputatione illorum Atheniensium, qui corrupti erant, de factionibus, ac si ipsi turbas excitarent, pacem item & fœdera rumpere. At uti pars isthæ, apud Athenienses nimis potens erat, ita ut irrita redderet sana oratorum consilia, atque sic istius reip. ruinam promoveret, & Philippi hujus finem acceleraret: Sic sperandum est, quod in Monarchia, ubi melior est harmonia atque consilia, quam in Democratia, conspirationes istæ, prout jam detectæ sunt, ita porro reprimuntur & enervabuntur.

Verum sequamur autorem in propria semita, & summam illius, quod tradidit circa imputationem tum interruptæ amicitiae Hispaniam inter & Angliam, tum pacis
 univer-

universalis inter Christianos sublatæ; Anglis enim ista fert accepta, non vero Hispanorum ambitioni: ad tria autem referri possunt.

1. Videamus quomodo Hispania & Anglia se gesserint erga vicinas sibi respubl.
2. Quomodo Hispania & Anglia se gesserint invicem.
3. Videbimus articulos & conditiones, quos ipsi lubet in Anglorum gratiam conscribere atque proponere ad transigendum & acquirendam pacem universalem.

In primo revelat Hispaniarum Regem nunquam lacecivisse Italiæ Principes, quibus conterminus est respectu Neapolitani regni & Mediolani; neque Germaniæ Status, ad quorum confinia pertingit Burgundiæ pars atque Belgium; neque Portugalliam, donec ad ipsum devolveretur hæreditatis jure, ipsi etiam Hispaniæ conterminam. Sed è contrario magni semper æstimasse inter Christianos pacem, omnemque suam vim bellicam in Turcas convertisse. Fatetur saltem, quod Rex exigente ipsius Zelo, secundum quem conatus est æque Christianissimum ab hæresibus purgare ac dilatare eundem adversus infideles; semper promptus fuerit ad Galliarum Regi succurrendum adversus Hugonottas, præsertim cum ipsius proprii sint subditi. Angliam verò dicit è contrario non solum disseminasse turbas & dissensiones in Gallia & Scotia, sed actu etiam utrumque invasisse Regnum. Nam
quod

quod Belgium attinet, ad secundam partitionis membrum pertinet.

In responsione ad hoc considerari meretur, quomodo DEO placuerit unum hujus Regis affectum altero intervertere: & speciatim illum qui potuisset toti Europæ exitiosus esse (ambitionem intelligo) alio, qui ipsi soli tantum noxius erat, & subditis ejus, iram intellige & indignationem, in subditos suos Belgas. Nam postquam in regno suo confirmatus & aliquo modo à Turcarum timore liberatus fuisset, revolvendo Patris sui intentionem, qua ad totius Europæ Monarchiam adspiravit, duo præsertim valida regna, Galliam & Angliam intuens, & recordatus quomodo Pater ejus sibi olim promiserat illius debellationem, & quomodo ipse conubii jure nuper hanc possideret; vidensque religionum diversitatem infecisse regna ista, & Galliam subesse Principi infirmo & minorenni, Angliam vero à femina regi, de qua non tantam speraverat prudentiam; magnanimitatem, & felicitatem, qualem nunc expertus est: Conclufit (Hispanorum more, qui haud gravatim tempus expectant, & consilia sua profundè examinant) ex duobus assertis: quorum prius est: Prætexere seu profiteri singulare patrociniū atque defensionem Romanæ religionis; opinatusque est habiturum se in utroque regno partem sibi adhaerentem; in Anglia partem, directè adversus rempubl. insurgentem; in Gallia partem, quæ quidem ejusdem cum Rege esset religionis, ideoque primo intuitu in-

epta videri posset ad adhærendum extraneo; verum sat benè prævidit, Galliarum Regem (ut saltem pacem atque obedientiam retineret) coactum iri, in aliquibus condescendere ad illorum desideria, qui essent à fide Romana alieni, atque sic sine dubio Pontificios servidos & violentos alienatum iri. Quæ præparatio in plebe, addita Ambitione Guisiorum (quàm instrumenti loco aluit) tantum ipsi partem seu factionem contra Regem acquirere posset, uti nunc experientia docuit & dudum fieri potuisset; ut apparet ex mentione Ligæ & associationum in Gallia jam ab his 25. annis facta.

Alter ejus medius terminus fuit; quod Belgium suum esset portibus & navigationibus aptissimum, respectu Angliæ; etiam respectu Franciæ quoad situm, multa adversus hanc habens fortalitia, conterminum præterea Germaniæ, unde peti & recipi possint auxilia, ad utrumque regnum oppugandum. Sed impediebatur hic inclinatio-
ne populi, qui insignem ex utroque regno commerciorum commoditatem accipiens, & præsertim ex Anglia, multis abhinc annis fædere nobis junctus, homagium etiam aliquando Galliæ præstans, nulla ratione ad bellum cum regno alterutro adduci potuit. Hoc igitur cognoscens, annisus est ad Monarchicum eos reducere Imperium, par illi, quod in Neapolitano regno & Mediolanensi Ducatu stabiliverat: sed defecerunt Provinciæ istæ, cum viderent suppressi libertatem suam. Circa idem tempus Reforma-
mata

mata religio in eas provincias inuenta fuit. Ideoque Rex cernens vim, qua se opposuerunt primæ intentioni; & non valens deserre alterum suum principium, ut aliquid Religioni innovatæ indulgisset, ac omnino brevius leviusque sibi spondens opus, quam revera expertus est; vehementer affectavit insulæ hujus expugnationem, cum ingenti pecuniæ exercituumque dispendio. Et hæc est genuina, si quis penitus consideret, causa, quæ ex Hispano tam bonum fecit vicinum; nimirum, quod adeo fuisset in oppugando Belgio distractus, ut aliud quid audere non potuerit. Cæterum si Italiam aggressus esset, Sedis Romanæ tonitru metuendum erat, cum qua arctam semper quæsit unionem. Potuisset etiam ex eo Turcæ reditus occasio dari. Quoad Germaniam vero, recens ipsum Patris exemplum terruit; Hic enim illam dominiis istis, quæ & ipse possidet, jungens, succubuit ejusmodi conatibus: utpote advertens, nimis validam esse gentem hanc, nec posse à se subigi. Quanquam non multis abhinc annis satis ipsi esse potuisset, si Orientalem Emdæ regionem occupasset. De Portugallia observandum primo, Reges ejus morigeros fuisse Sedis Romanæ filios: deinde non habuerunt causam rixæ vel prætextum: tertio officiosi erga ipsum fuerunt: attamen si Genuensi fides, (qui alias multa in honorem & commodum Hispaniæ Regum scribit) videtur satis intendisse, parare sibi ad hoc regnum accessum: quandoquidem (ut ille refert) callide

de juvenem Regem Sebastianum in expeditione Africana detinuit, casum illum, qui sequutus est, expectans.

Quoad intentionem vero ejus circa oppugnandos infideles & Turcas, in mentem mihi redit, quod *Franciscus Guicciardinus*, prudens Historiarum Scriptor de Ave ejus loquitur, tanquam Historicus de ipso judicium ferens: Quod solitus fuerit colorare & contingere ambitionem suam devotæ & piæ intentionis erga Ecclesiam & publicum bonum fucis. Parens ejus quoque Gallie Regem captum esse audiens, prohibuit campanarum pulsationem, festivos ignes & alia lætitiæ signa, dicens: *reservanda ista esse victoriis ab infidelibus repertiis*; contra quos bellum gerere, ne quidem cogitavit. Crucem prædicare sæpenumero ipsi & prædecessoribus ejus Romanus Pontifex eo fine induxit, ut plerumque tantum sanguinem Christianum isti effuderunt exercitus. Et hoc anno exercitus in Germania clanculum pro Gallis scripti, sub prætextu belli adversus Turcas colligebantur; quod Germaniæ Principes intelligentes, non tantum dissipaverunt conscriptos milites, verum etiam Commissariis minati sunt suspendium, si quisquam id porro auderet. Est ergo dissimulandi hæc methodus Hispaniæ Regibus familiaris, & quasi hæreditarius.

Auxilia Gallie Regi suppeditata adversus Protestantos, comitatus est perniciosus consiliis, quæ semper illi suggessit, ut infringeret edicta sua, & nullam pacificationem admit-

admitteret, sed persequeretur subditos suos internecino bello, promissis interim subsidiis: quæ tamen cum promississet ex parte tantum potuit submittere, & sic assuefecit Galliæ incolas, (vehementes præsertim pontificios) ut ab Hispania dependerent. Et tantum de Hispaniæ Regis procedendi methodo, adversus alias nationes.

Jam quod nos attinet, & primo quidem quod ait, nos esse barbarum autores in Scotia Galliaque: apparebit illi, qui rerum harum ignarus non est, quod horum regnorum turbæ revera ab una eademque Guisiorum familia fuerint excitatæ: Familia (ut ex parte jam dictum est) speciali ratione nunc multis abhinc annis Hispano adhærens, veluti Jesuitarum societas. Nam extraordinariè nunc florens ob excellentes aliquot paucarum personarum virtutes, quarum tamen ambitio nullatenus virtute earum inferior fuit; & cum fuerit Domus, quæ Principes Sanguinis in Gallia pro alienis habuit, ad eam aspiravit magnitudinem, quæ major esset quam civilis, & proportionata causæ suæ, quandocunque autoritate valeret. Sub prætextu igitur consanguinitatis & religionis in Scotiam invexerunt anno 1559. absentibus Rege & Regina Gallicos exercitus magno numero: quare avita Nobilitas regni istius, cernens imminens damnum reducendi Regni sub Extraneorum Tyrannidem, desideravit (freta utriusque regni Prisca amicitia) Regiæ, tanquam vicinæ, exercitus. Et sic verum est, quod Actionem hanc, cum admo-

admodum iusta & honesta sit, susceperit Regina; extraneos ejecerit, & restituerit Nobiles in dignitates suas pacemque publicam.

Deinde cum certi Scotiæ Nobiles de Guisiorum factione, Regis ætate abuterentur juvenili, in eum finem ut Scotiam colliderent cum Anglia; iterum Regiæ exercitus desiderati sunt ab ipsius Regis optimis fidelissimisque servis anno 1582. & cum occupassent Edenburgi castellum, primarium istius Regni fortalitium, reddidit illud Regina exemplo, omni cum honoris sinceritatisque documento, postquam Regem fidei concedidisset manibus. Et sic deinceps semper in omnibus intestinis motibus, quibus natio hæc assidue inquietata fuit, omnia possible amicitiae officia Regi præstitit, quæ quoque ipse agnoscit.

Eadem Guisiorum familia sub sœderis prætextu imperante Francisco II. & annuente Regina matre; quæ ipsa regnare cupiens cum Carolus IX. adhuc minorennis esset, Guisiis istis usa est contra sanguinis Principes; magnam in Galliis acquisivit auctoritatem: ideoque civilia bella movit religionis prætextu; sed revera ad suppressendos nobiles avitos regni hujus: Adversa pars ex regio sanguine consistens & primariis regni ministris, opposuit se solum eorum insolentiae, & in auxilium advocavit suum Regiæ exercitus, quibus securitatis causa Neoportum tradidit: quem, postquam Regiæ intuitu pax constituta esset, prout ipsa vellet Guisiis inimica

inimica pars, desideravit eadem reddi sibi, non observatis, in quas consensum erat conditionibus; nam certè vi tenebatur, & diu sic mansisset, nisi intercessisset, quam DEUS in nostros immiserat contagio. Post illud tempus adeo aliena fuit Regina à serendis turbis, ut continuo sollicitata per Legatos suos Regibusque Carolo IX. & Henrico III. persuadere conata fuerit, ut servant & manteneant edicta sua Pacificatoria, & conservent auctoritatem suam per unionem subditorum suorum. Quæ consilia, si tam felix obsequium nacta fuissent, quam prudenti & sincero de pectore processerant, Gallia hodie florentissimum esset regnum, uti nunc miseriæ Theatrum existit. Jam vero tandem, postquam ambitio ejusdem Guisianæ familiæ ad eam pervenit maturitatem, ut majus adhuc robur ex infirmitate & sinistra Henrici III. educatione collegisset, ideoque Dux Guisus ad Blesense castrum absque ceremoniis ullis perimeretur; tot tamen viri conscii fuerunt & complices in conspiratione illa, ut flamma ejus nullatenus videretur sopita; & Rex ad incitas redactus, cogeretur nova ab Angliæ Regina petere auxilia; quæ, licet nequaquam his litigiis implicaretur, neque Regis beneficiis obstricta teneretur, dedit tamen: Ante adventum autem harum copiarum Rex à Monacho in castris suis prope Parisiorum urbem interemptus est; nihilominus advenientes, & opportune quidem opem tulerunt Regi, qui nunc imperat. Cujus litigiorum justitia, una cum

diu continuatâ amicitia & necessitudine cum Regina intercedente movit eandem quocunque tempore ipsi succurrere: Ita tamen ne unquam desideraret, ut sibi aliquot traderetur oppidum vel territorium. Judicet igitur Lector, cujus procedendi methodus magis justa & honesta fuerit, atque ab ambitione & affectatione aliarum rerum publ. magis aliena? Num Anglorum vel Hispanorum? Sed jam examinemus, quomodo se gesserint invicem.

Regina thronum conscensa invenit regnum suum Gallico Scoticoque bello intricatum, cum proximis scil. vicinis suis. Bella hæc solum Hispanorum litigiis inuicebantur, & in processu eorum perdidit Anglia Calerum, quod inde à 21. Eduardi III. anno Angliæ Reges possederunt. Congressus fiebat prope Burdigalam in postremis Mariæ Reginae annis, Commissariorum ex Gallia, Hispania & Anglia, & quædam pacis conditiones proponebantur, sed interruptæ benevad articulum de restitutione Caleri. Post Mariæ Reginae obitum Hispania existimans se jam posse hanc difficultatem evitare (quamquam honoris titulo nunc non minus ad hoc teneretur, quam antehac) resumpsit Pacis tractatus, in quibus etiam Regina concurrebat, ita ut Commissarii Principum dictorum, in Castello Carmeracense convenirent. In progressu horum Tractatum Commissarii Hispanici ab initio quidem vehementer Caleri restitutionem desiderabant, sed dignoscebatur postmodum,

dum, Regis intentionem fuisse, post ceremonias aliquas & perfunctorias ad illam instantias, particularem cum Gallia inire pacem, exclusa Angliæ Regina; & sic deferre ipsam, quo suam sola pacisceretur pacem; quanquam Regiæ exercitus Regis istius confecerent bella. Hanc callidam tractationem cum sagaciter animadvertisset Regina, noviter Regnum orsa, amore etiam tranquillitatis publicæ inducta, pacem accepit iis conditionibus, quibus ipsi visum erat. In hac tamen dissimulatione Hispaniarum Rex tantum emolumentum cepit, ut Regina cogeretur specialem cum Gallo pacis tractationem suscipere: quare aliquis non omnia, quomodo gesta sunt, cognita habens consilia & pacificationes, putare posset Reginam libenter in id consensisse absque Hispani voluntate, cum revera ipsi non aliam concederet optionem. Et istæ erant primitiæ seu pignus Regi huius erga Reginam amoris seu affectus.

Circa idem tempus, cum à Rege desideraretur renovatio illorum fœderum & tractatum, inter utrumque Hispaniæ & Angliæ Regnum intercedentium, per Dominum *Cobham*, qui mittebatur ad ipsum, Mariæ Regiæ mortem denunciaturus, & postmodum per Nobiles *Thomam Challenor*, & *Thomam Chamberlain*, qui successivè Legati erant in ipsius Belgio residentes, & in mandatis habebant, diversis temporibus durante ipsorum functione proponere pacis condiciones non solum Regi, verum & viris Principibus

assistentibus ipsi; Et tandem cum hæc pacis desideria sine effectu essent, per Vice-Comitem *Montacutium* & *Thomam Chamberlain* Equitem anno 1560. in Hispaniam missos, non aliud à Rege obtineri potuit responsum; quam Tractatus quocunque respectu æque bene vigere, ac si per ratificationem innovarentur: Responsum ab illo tempore alienum, sed optimè actionibus ejus modernis congruens; quæ fortassis jam tum in pectore ejus pensitabantur. Nisi enim jam tum temporis clanculum avertisset mentem à Regina, & hostilia cogitasset adversus eam, ignorare sapientia sua nequivisset: Quod renovatio & ratificatio tractatum, Principes inter & Respubl., magnum addant vigorem & robur, tum fidei ambarum partium inter se, tum existimationi earum apud alios: ideoque necessarium vulgo visum esse, renovare eosdem & confirmare.

In legatione Vice-Comitis *Montacutii* exorabatur etiam Regis consilium & auxilium secundum veterem amicitiam in detegenda conspiratione *Guilianæ Familæ*, quo regnum hoc liberaretur mediante *Scotia*. Sed tam obscure ad ista fuit Regis responsum, & frigidum, ut inde nihil potuerit cognosci, donec ipse exponeret per expressam prohibitionem, ne arma ex Belgio deportarentur ad obsidionem *Leithæ*; gens enim nostra inde debebat accipere ea; Et sic in omnibus negotiationibus cum Rege hoc intercedentibus nihil vidit Regina, quæ ipsi satisfacere possent, verum quæ magis magisque

gisque suspecta, & malevolæ mentis indicia essent.

Paulo post, cum illa consilia detegerentur, antequam Rex statueret tollere libertates & Privilegia Belgarum vetera, atque Mareschallum ipsis præficere; quod populus dives & fortalitia inhabitans, tum arte, tum natura munita, ferre nequivit, ideoque defecit: in his actionibus, inquam, quæ maximæ fuerunt illarum, Hispaniam inter & Angliam gestarum, Regina tam justam se ostendit, & tot honoris erga Regem dedit documenta, ut nullo affectu se abreptam fuisse, imò ne inhonestis artibus uti velle, abunde declaraverit. Nam primo in motuum principiis fideliter & sincerè indicavit ipsi, atque suasit, quomodo componi possent; & expressè monuit tum ipsum, tum illos, qui præcipua in illis provinciis obirent munia, durante bello, de periculis oppido insculturis, si pergerent graves esse incolis: possent enim extraneo se facile tradere. Cum vero adeo obfirmatam inveniret Regis mentem, ut omnia aspernaretur consilia, lenem procedendi modum & gratiosum suadentia: non deseruit tamen Regina honestam intentionem suam: (quæ erat, ut reconciliarentur provinciæ istæ Regi suo: & si hoc fieri non posset, ne extraneo se unirent Domino, Gallo scilicet, cum quo multa pacta erant; & apud quem Belgii invasio pro remedio sopiendorum civilium tumultuum habita est.) Sed patienter expectavit, quæ temporum decursus sit producturus. Quan-

do autem ad incitas vidit redactos Belgas, desperationi vicinos, atque sic paratos, uniuscujusque extranei oblatum acceptare dominium; suppeditavit Regina pecuniaria subsidia, & permisit, ut aliqui exercitus ipsis succurrerent: quo ejusmodi violenta interrumpere consilia. Interea non destitit Regi honesta & gratiosa pacificationis dare consilia, quibus semper obtinere potuisset & emolumenta atque auctoritatem, qualia iusto titulo desiderare unquam vauisset, vel Princeps moderatus ambire. Et huic institit, per vices amisa & lenire Regis iram, & Belgarum desperationem, donec post Andegavensis Ducis mortem (cujus imperio juxta Regine præladium, non autem votum se permisissent) urgentibus inimicis, Provincie Belgii sœderati Regine protectionem amplecterentur; idque factum illo tempore, quo Hispaniarum Rex non tantum demonstraverat, esse se non solum Dominum Belgarum implacabilem, verum etiam hostem Regine apertum, & jam Hiberniam invaserat, atque adversus Angliam paria designaverat. Observandum enim est, quod eadem Regine tum fuerint proposita, quæ dudum antehac: sed quamdiu aliquam de constituenda inter illos pace spem aluit, aut suam cum Hispano conservare voluit, non acceptavit quicquam. Etiam nunc denique Regina singulare & evidens justitiæ & moderationis sœ argumentum orbi præbuit; recusando hæreditariam insignium istarum Provinciarum possessionem, quam Status

ab eâ arripi obnixè contenderunt : & quæ, si acceptasset, vehementer placuisset tum suo, tum illorum populo: Sunt enim situ, opibus & negotiationis commoditatibus, affectu erga gentem nostram, obedientia subditorum (probè usurpata) maxime aptæ, quæ Angliæ regno uniantur: unumque inde idemque studium erga Hispaniam se defendendi, eamque oppugnandi, fuisset. Veram Protectionem solam & libertatum defensionem in se suscepit Regina: quæ libertates & privilegia ejus sunt naturæ, ut justè pro conditionatis Regis Hispaniæ subditis haberi possint; & quidem magis quam Arragonia; Regiæque etiam in mentem revo-cent antiqua cum Burgundia pacta & tractatus, quæ potius cum populo, quam cum Ducum Prosapia sunt constituta; quoniam nunquam absoluta fuit Monarchia. Ut igitur in summa dicam, quod res est: Regina ita se gessit in magnis his actionibus, ut quæfiverit primo Belgas unire Hispaniæ, deinde ab extraneo illos præservare Domino, nunquam autem sibi subdicere.

Sed omni hoc tempore eundem se gessit Hispaniæ Rex erga Reginam; magis indices injuriis & contemptu se exerens. Subditi ejus in Hispaniam mercatum venientes exusti sunt; aliqui ad triremes damnati, in carceribus alii extincti; nullius criminis rei, quam occasione litium circa religionem, quam hic domi exercent. Aliqui mercatorum ejus in direptione Antwerpæ spoliati sunt, atque ad se redimendum adacti, quan-

quam convinci non potuerint, quod parti
cuidam adhaerint: neque ad intercessionem
Doctōris Wilſon & Eduardi Horſey Equitis
quicquam ipsis reſtitutum eſt. Arreſto ge-
nerali detinuit Dux Albanus Anglos, eorum-
que bona, ſub prætectu, quaſi naves quæ-
dam Genuenſium, mercibus & pecunia onu-
ſtæ, & ad Regem ſuum pertinentes, in An-
glia detinerentur: quæ tamen pecunia &
merces ad aſſem denique reſtitutæ ſunt &
redditæ; cum è contrario noſtri cives nihil
reciperent. Doctōr Man Reginæ Legatus va-
rias, durante Legatione ejus, paſſus eſt of-
fenſas, ipſeque Madrito cedere coaſtus eſt,
atque in villa degere; ut ſolet fieri cum Le-
gatis Æthiopum. Filius quoque ejus & fami-
liæ præfectus coaſti ſunt aſſiſtere ad Miſſam,
cereos manu geſtantes; alias contumelias
prætermitto. Verum ſpoliatio mercatoris,
vexatio ſubditi, Legati contemptus, erant
potius indicia male affecti Regis, quam
actus, ſi comparentur cum illis, quæ in pu-
blico egit, tum ipſo, tum miniſtris ejus ſa-
tagentibus regni hujus ruinam. Ut cum an-
no 1569. rebellio in ſeptentrionali Anglia
erumperet: nonne Dux Albanus (tum Vice-
Rex in Belgio) & Dominus Guerres de Eſpes
tum Legatus, hic detegebantur, quod eſ-
ſent Autōres ejus, cum Duce de Norfolk
conſpirantes; ut probabatur in condemna-
tione ejusdem Ducis, & quod exercitus
20000. ad Harvitium exponi deberet, in
auxilium factionis illius, quam intra Re-
gnum Dux ille aſſociaverat, & in quam jam
dum

dum 150000. coronas expenderat.

Non autem contentus assistere Rebellibus in Anglia; tentavit eadem in Hibernia, armis instruens mittensque illuc anno 1529. archi-rebellem indigenam Jacobum Fitz Morriæ, antehac profugum. Et ut verum loquar, omnes molestiæ in hoc Regno Reginam exercentes, ab Hispanis excitatæ & fomentatæ sunt: Sed omnium maxime id apparuit anno 1580. cum invaderet Hiberniam Duce Italo San-Josepho, sed Hispanicis copiis, quasi tantum prænunciis majoris potentiæ, quæ post pacta inter ipsum & Pontificem subsequi debuit; sed ob subitanam illarum deletionem non advenit. Et hanc invasionem ipsius Regis mandato susceptam, probatum est ex literis Secretarii Escovedo & de Guerres ad Regem: ex aliis item Epistolis, in quibus speciales conferentiæ inter Cardinalem Riarium, Pontificis Legatum & Regis delegatum in Hispania consignatæ extabant, imò etiam belli Dux, hominum numerus, pecuniæ promissio & modus in actum deducendi hoc propositum: innotescebat etiam ex confessione quorundam, qui primarii erant inter captivos apud Castellum in Hibernia captos. Hoc igitur cum sit actus apertæ hostilitatis, superioribus annumeratur injuriis, accedentibus etiam favore, receptione & subsidis, quibus admittendo, sumtus erogando, & instruendo juvit prædiores & fugitivos tum Anglos tum Hibernos, quales fuerunt *Westmerland, Paget, Englefield, Baltinglasse, &* alii

alii innumeri : sufficienter etiam declarat, justam fuisse vindictam, quæ (vel in depredatione Carthagenæ & Sant Domingo apud Indos per Drakium, vel in suscepta protectione Belgii per Leicestriæ Comitem) postmodum secuta est. Nam ante hoc tempus Regina, quanquam in sui defensionem vigilaret vi justæ vindictæ, à rege hoc variis injuriis causatæ, attamen nihil offensive contra ipsum egit. Nam & voluntarii exercitus, quos Don Antonio hic conscripserat, expresso mandato prohibiti sunt : & oblata fuit Legato Hispanico ejus Thesauri restitutio, si probatum fuisset, injustè fuisse ablatum. Dux etiam Andegavensis, (quantum quidem permittebant conditiones nuptiarum, cum Regina tum contrahendarum) abstraheretur à Belgii invasione.

Sed finiam hoc membrum : cum aliquot annis post invasio & expugnatio hujus insulæ, dudum designata, sed ob varias calamitates & impedimenta dilata, anno 1588. tentaretur ; Regina minimè sui oblita eodem tempore de pace tractavit ; non ignara, quis ipsius ad bellum apparatus esset, (nam dudum hoc cognoverat) neque timida, ut apparet ex articulis in tractatione illa à Regina propositis, sed tantum ut parceretur sanguini Christiano, & ostenderet, malle se pace quam victoriis inclarescere. Ideoque pacem sincerè quæsit, ipse vero (ut apparuit) ludibrio nos habuit : intendens nos improvidos aggredi. Parmensis itaque Dux cum nollet in ejusmodi causa instrumen-

tum

tum esse ob honorem suum specialem, scilicet
pius inter tractandum dixit: Esse mentem
Regis sui pacem armata manu acquirere.
Examinet nunc quicumque indifferens est,
Angliæ & Hispaniæ actiones; & videat quis
in aqua turbida piscari amet: Pacem Chri-
stianorum abstulit; & omnia consilia san-
guine scripsit.

Sequuntur hic Articuli Pacis universalis,
quos libelli Autor tanquam Commissarius
Anglis proposuit, & sunt.

1. Ut revocet Hispaniæ Rex exercitum
illum, quem ex amplo erga Gallos af-
fectu, illuc misit, quo defenderentur
contra Hugonortam relapsum.
2. Ut permittat rebelles suos in Hollandia
& Zelandia quiete possidere, quæ te-
nent loca; sibi etiam associant, quod
est in Belgio reliquum; ita tamen ut
Angli retineant, quos possident por-
tus, cum aliis civitatibus innumeris.
3. Ut piratis Anglis Hispanorum in In-
diam quoque liceat secure navigare, &
inde Regis auferre thesauros cum ditio-
nibus ipsius.

His articulis, si assensum fuerit (ait Autor)
sequi posset pax illa omnem exuperans (er-
sum: ut per ironiam & blasphemiam appellat
pacem illam, qua fideles fruuntur cum
DEO, per reconciliationem Christi sangui-
ne partam. Sed revera erronei sunt articuli
isti, corrigi itaque sic possent.

1. Ne impediatur Galliæ Rex in reducendo ad obedientiam rebelles suos.
2. Ut Belgis permittatur vivere juxta antiquas libertates suas & privilegia; & sic exercitus peregrini Anglici æque ac Hispanici abducantur.
3. Omnibus gentibus permittatur in Indiam Orientalem & Occidentalem navigatio, imo liceat omnibus detegere ejusmodi terras, quas Hispani actu non possident, nec ipsorum subsunt dominio, non obstante Pontificis Romani donatione.

5. *Artificium Autoris, quo malitiosas suas in Reginam & rempubl. calumnias contegit, sub prætextu, quod solas Domini Burgley, actiones reprehendat.*

Non quidem verè hoc possum dicere artificium in Autore, sed tantum voluntate esse artificiosum; est enim revera sine arte & judicio. Nam videns consuetam & facilem seditiosorum methodum esse, reprehensiones suas & clamores non in Principem ipsum dirigere, sed in illos, qui ejus fruuntur gratia & Autoritate fulciuntur: hic noster perversè & infeliciter usus est eruditione sua. Nam istud aliqua cum ratione fieri videtur contra illos, qui in summa gratia sunt, noviter ad officia elati, & subito consiliarii facti: quando autem tale quid agitur in illum, qui diu ante Reginam Consiliarius

filiaris fuit, omnesque in Europa Confiliarios officii diuturnitate superat, qui certè magnus fuisse necesse est; vel solum quod tam diu in honoribus vixerit, licet in alio nullo excelluerit: qui per omnes dignitatum ascendit gradus multo labore & temporum intervallis longis, quæ semper invidiæ extinguunt scintillas, nisi quando extremæ jungitur malitiæ: Videtur apertè esse levem tantum ausum, per Confiliarium ferire Principem atque diffamare. Et revera admodum rudes sunt, qui hâc ratione orbi imponere satagunt; nam etiam pueri norunt ex fabulâ, quod Lupus non irascatur pastori: sed cani ejus. Verum quidem est, mutasse viros istos vocem suam bis aut ter; cum de connubio Ducis Andegavensis ageretur, mel locuti sunt Reginæ; fel vero omne adversus Leicestriæ Comitem eructarunt: cum autem animos sumerent sperando invasionem, mutaverunt verba, & omne venenum in Reginam immediatè evomuerunt. Quæ vero spes suaserit ipsis, Simonis uti voce, & docere Trojam quomodo salva esse possit; dicere nequeo. Interea tamen magno Dominum hunc afficiunt honore; nam quo vehementius in ipsum invehuntur, eò magis Regina ipsi confidere potest, Respubl. honorare debet. Malum solet esse signum, si inimicus regionem vastans omnem, aliquot solum virorum domos & campos relinquit intactos: malè enim fœderati esse cognoscuntur.

6. *Certe generales notae in actiones Domini
Burgley.*

Mirabile est quod Autor dicit Dominum hunc fuisse Primum mobile in omnibus operibus sine distinctione; quod ei Regina teneatur rationem reddere actionum suarum: quod respectu ejus Leicestriae Comes & Secretarius Walsingham, viri magnae auctoritatis atque prudentiae, sint tantum quasi instrumenta: cum satis notum sit, quod nullus tam senex fuerit Consiliarius & Reginae magis annuens in resolutionibus, Principe dignis, quam iste, qui semper conatus est, post fideles propositiones atque demonstrationes, idque optimis verbis & gratissima methodo, acquiescere ejusmodi conclusionibus, quas ipsa definivit Regina; & quam optimè exequi eas. Tam procul absuit à pertrahendo Reginam ad voluntatem suam. Quod vero attinet praedictos consiliarios, aliosque cum quibus Dominus hic societatem inuit ad perficienda Reginae ministeria; verum potius est, quod ipse excellentia experientiae & prudentiae suae, temperamento item naturae suae, omnes difficiles & extremas actiones communiter mitigaverit, in quantum Reginae obsequium, Reipubl. securitas, & propria functio sine aliorum comministrorum laesione permisit. Et tam procul absuit ab incitandis aliis, aut jungendo se iis in hoc rerum genere: Verùm magis adhuc mirum est, quod vir iste tam absurde mali-

malitiosus sit, & non tantum omnes Domino huic imputet actiones publicas, verum etiam errores & vitia temporis, ut cum curiositas & æmulatio controversias quasdam produxerunt in Ecclesia; quanquam (gratiæ sint DEO) nonnisi circa externa versentur: cum divitiæ & astuta ingenia multiplicarunt in judiciis causas: cum voluptatum excessus atque magnificentia una cum servorum perfidia, nec non divitum avaritia Nobilium attenuarunt patrimonia, & alia, quæ singula ipsi imputantur, qui, quantum quidem decuit officium ejus, religiosus & prudens extitit rerum Ecclesiasticarum moderator, ad servandam unitatem; justitia summa omnes decidit querelas, ad ipsum delatas; & de se ipso dicere potest, quod pauci asserere possunt, sed aliquando dixit *Cephalus Atheniensis* in Platonis operibus celebris, qui prope centesimum attingens annum & in continuis vivens negotiis atque occupationibus, tamen affirmavit, *quod neminem unquam in jus vocaverit, nec ab aliquo in jus vocatus fuerit.* Qui virtute muneris sui multas insignes familias à ruina præservavit, succurrendo in minoremuitate sua circumventis, & persuadendo aliis, ut sobriè & parcè vivant. Imò ut ulterius probem, quam contentè vixerit ab omnibus actionibus iniquis & avaritia immunis, observare libet, quod sicuti neminem in jus vocavit, ita nunquam auxit pensiones, neque ejecit pensionarios ex suis bonis, neque permisit, ut simile quid cum Regine locata tenentibus fieret: actiones dili-

diligenter hac ætate observandæ.

Verum quanquam bonus iste socius tanquam per speculum, quod deformem ostendit faciem alias pulchram, exhibeat Domini Burgley actiones; attramen examinet quis eas (actiones enim sunt ipsius) sine præjudicio, & recordetur non fuisse eum violentum aut inflatum, sed modestum semper & alios respicientem in negotiis publicis, nunquam fuisse durum & infensum contradicentibus, sed mansuetum & placabilem; neminem despexisse vel illulisse, sed certum semper extitisse & fidum: nunquam autoritate sua restitisse Legum justitiæ, sed cursum eidem permisisse semper: nunquam fuisse arrogan-tem & superbum, sed urbanum & affabilem omnibus, in negotiis suis onus potius sustinuisse, quam honore & lucro fruitum esse, vix aliquantum temporis curandæ valetudini suæ impendisse, & curis itineribusque furrupuisse; neque pro se neque pro liberis suis desiderasse vel tantillum agrorum aut bonorum, ad illos pertinentium, qui aut criminis læsæ Majestatis aut aliorum facinorum rei fuerunt; nullum ambiisse beneficium, ex confiscatione consequendum: nunquam imperiosè se gessisse, & homines, cum quibus vincere Reginam posset, allexisse; verum semper exhibuisse reginæ uniuscujusque merita & capacitatem: nunquam inquietasse aut offendisse reginam, imò ne irritasse quidem; verum semper studuisse ipsi placere, ejusque mitigare iram: semper se reverenter gessisse, & vixisse absque scandalo.

dalo quoad religionem, etiam sine criminis nota in privata vita sua. Consideret aliquis, ajo, absque malitiæ affectu ista singula, & videbit æquum esse, quod licet non in sanctorum numerum referatur Romæ, attamen pro Patre Patriæ habeatur in Anglia: & quamvis crimentur eum fugitivi, attamen innumeri orent pro ipso fideles subditi. Et tandem, quantumvis invidia ipsum feriat viventem, attamen mors ejus deplorabitur aliquando. Reverà multi Principes varios habuerunt servos fidelitate, gloria & capacitate insignes; sed ubi præclaræ mentis fuerunt dotes, absuit temperamentum affectus: apud quos fuit capacitas & moderatio, defuit diligentia atque industria. Ubi omnia tria fuerunt, ibi defuit aliquando fidelitas atque integritas. Ubi aliqui pauci hæc quatuor possederunt, defuit ipsis tempus & experientia. Sed ubi hæc singula concurrunt, mirum esse nequit, si Princeps judicio pollens, constanter tali utatur ministro, eique confidat.

7. De diversis specialibus mendaciis & cavillis per totum librum dispersis.

ORdo cui homo hic insistit in libello suo, ejusmodi est, ut videatur intendisse excerptare collectanea quædam de rebus Anglicis, & inferere (quicquid tandem de ipsis fieret) innumera scommata, quæ putavit alias peritura; neque nihil minus voluisse, quam tractare materias propositas secundum Ordinis regulam, atque distinctum scriptio-

ius genus. Postquam igitur in primariis membris, secundo scil. tertio & quarto, disposui dissolutum ejus & oberrantem discursum, inque eum redegei ordinem, quo Lector erudiri potest, satis erit, si nunc colligam quædam ex *marginibus* & extravagantibus mendaciis ac breviter censuræ subijciam.

Pag. 9. inquit: quod Dominus Burghley neque magnitudine rosarii sui, ad crucem accedendo, neque externa devotionis specie coram altari magno, invenire potuerit ad dignitates accessum, Maria regnante. Quæ singula meta sunt figmenta: Nam Maria Regina in magno eum habuit honore, quoniam jura sua defendit semper, ideoque desideravit, ut perseveraret in officio suo, quod ipse recusavit: interea tamen omnibus, quæ tempus illud concessit, usus est libertatibus, & favore; præterquam quod Reginae persuaderetur periculosum esse, si permitteret ipsi Regno excedere: fuit enim rerum agenda- rum pericillimus, illustrique functus erat officio; quod tamen nihilominus cum Cardinali Polo facere tandem permissus est.

Pag. eadem inquit: quod Nicolaus Bacon Eques, qui fuit Sigilli custos, fuerit homo admodum callidus, indicatque se haud probè cognoscere homines, convitia enim sua minus æque eructat. Universus namque orbis novit, fuisse Dn. Nicolaum Baconum vitum apertum, integrum & constantem, absque calliditate ulla seu fraude: & credidisse, quod homo quicumque, tum in privatis suis actionibus & bonis, tum in publi-

cis.

eis negotiis debeat inniti integritati & virtuti rationis suæ, non vero dolosæ alios circumveniendo præxi: juxta illud Salomonis. *Vir prudens advertit ad gressus suos, stultus autem divertit ad dolos.* In tantum ut Episcopus Rossensis, vir subtilis atque Sagax de eo dixerit, non posse se prævalere apud eum quicquam verbis & esse impossibile elicere ex illo, quoniam nunquam se vendider. Et mater Regina Gallix, admodum prudens fœmina de ipso dixit: Dignum eum esse, qui in Hispania esset *Consiliarius*: solere enim quæ occurrunt contemneré, & acquiescere primo intentis. Si hoc est callidum esse, difficile erat dictus, quis sit prudens.

Pag. 10. inquit: Quod Dominus Burghley pro stabilienda religione, cum Regina regnare inciperet, adinvenerit compositionis rationem; cum forma illa ante quinquennium & quod excurrit, regnante Eduardo hic recepta fuerit. Ita ut judicaverit satius esse, si tanquam Christianus, Politicus & consiliarius sequeretur exemplum, quam innovaret quicquam: elegit autem exemplum domesticum præ extraneo.

Pag. 41. inquit: Quod Catholici vitam nullius magni ex aulicis viri tentaverint, ut *Burcherius* (quem Puritanum appellat) fecit, vulnerando Nobilem, quem *Christophorum Hatten* fuisse putaverat; Sed quod magna virtute sua, modestia atque patientia demonstraverint, se multum ab hoc hominum genere differre. De *Burchero* notum, ipsum fuisse delirum, ut apparet non solum

ex insano ejus errore, sed etiam ex violentia, qua erga custodem suum usus est: & evidentissimè ex gestibus ejus, cum supplicio afficeretur. Sed de Pontificiis (de perfidorum genere loquor) dicere aliquis posset, quod Cato de *Caesare* effatus est: *Eum ad evertendam Rempubl. sobrium accessisse*. Et communiter non Consiliarios intendunt, sed ipsam Reginæ sacratissimam personam (quam DEUS clementissimè protegat) ut apparet ex conspirationibus *Pommerville, Parry, Savagde & aliis*, imo defendere voverunt in thesi, esse id Legitimum.

Pag. 43. infit. Quod Dn. Burghley, quem Archi-Policum appellat, fraudulenter constituerit, ut Sacerdos accusatus, multis odiosis oneretur. Sed hic magnam ostendit ignorantiam, si non malitiam; Leges enim non permittunt variationem in antiquis accusationum formulis, Ex. gr. licet quis bona quædam auferat ratione maxime quietâ, attamen formula habet: *Quare vi & armis*; etsi aliquis in alterius fundum eat, nec amplius quicquam faciat: Actor ait: *quod herbam suam ibidem crescentem, cum Equis, bobus, porcis & bidentibus depastus sit, conculcavit & consumpsit*: neque hoc absurdum est: nam in omnium legum praxi formulæ paucæ sunt & certæ, nec mutatæ ad casus particulares quoscunque. In actione vero criminis læsæ Majestatis, non tam longinque petitur, ut in aliis delictis. Lex enim semper in perduellione præsumit intentionem

nem subvertendi Rempubl. & lædendi Majestatem Regiam.

Pag. 45. Et alibi de Pontificiorum persecutionibus locutus, semper meminit exenterationis & combustionis viscerum humanorum: ac si essent tormenta nuper inventa; cautè enim & malitiosè supprimit, quod Lex & consuetudo regionis hujus ex longo tempore irrogaverit pœnam hanc perduellibus, nec permiserit aliam: Est autem pœna, magni quidem terroris, attamen ratione citæ mortis, minoris tormenti, quam vel cruri-fractio per rotam, vel exustio per forcipes, imò simplex combustio.

Pag. 48. ait: Angliam confœderatam esse Turcis: ubi, si id concludit ex eo, quoniam mercatores nostri habent Residentem Constantinopoli, quid respondebit de omnibus Galliæ Regibus, inde à Francisco I. qui boni fuerunt Catholici? de Imperatore, de ipso Hispaniarum Rege? De Venetorum Senatu & Rebuspubl. aliis, quæ diu in aula illa suos habuerunt Legatos; Si vero exinde, quod Turca speciali affecit honore Legatum nostrum (si ita eum appellare libet) tenemur ea de causa Hispaniarum Regi. Honor enim quem acquisivimus ab eo, nos ipsi opponendo, conciliavit nobis magnam in orbe existimationem. Si vero existimat propensum in nos esse Turcam, ob imaginum abolitionem, consideret posthac, quam (scandalosa res) sit in Ecclesiâ imago: fuit enim inter alias causas principes, quibus Mahumetismus introductus est.

Pag. 65. refert: quod Cardinalis Alben, nuper parum à Papali dignitate abfuerit: & vult Catholicis hic pertuadere, quod aliquando, intra quinque vel sex annos (nam communiter Papa diutius sedere non solet) possit obtinere, quicquid nunc consuetum non esset. Hoc verò aperte falsum est; Certum est enim ex conclavibus omnibus inde à Sixto V. qui Galero hunc donavit, quod nequidem sit verisimile: imò Rex Hispaniæ, qui Romani Ecclesiæ patrocinator est, ex quo in Patronum verum assumptus est: ita ut ad Sedem hanc præsentet, quemcunque vult; nunquam tamen ausus est, pro ipso ambire Dignitatem hanc: neque nominavit ipsum in inclusivo narrationis suæ. Illi autem, qui perspecta habent conclavis negotia, norunt, non esse ad Pontificatum aptum. Primò enim est Ultramontanus, qualis in his quinquaginta annis nemo factus est Pontifex: Deinde quoniam est Cardinalis elemosynarum Hispaniæ, ideoque Regi huic dicatus in totum. Tertio, quia præsumitur insumpturus Papæ thesauros atque beneficia Anglicis negotiis, & subsidii atque promotionibus fugitivorum ex Anglia, egenorum conterranearum suorum: Nimirum igitur de simplicitate Lectoris sui præsumpsit Autor.

Pag. 55. & 70. ait: Dominum Burghley voluisse nepoti suo Wilhelmo Cecilio connubio jungere Dominam Arbellam: quod verum est figmentum, & absque ullis circumstantiis id comprobantibus: nisi quod
ambo

ambo sint cœlibes, & ætate pares: non aliud igitur meretur hoc responsum. Verum quidem est, Dominum Burghley non Stoicum, neque affectibus erga liberos suos vacuum, (nam *Charitas Reipub. incipit à Familia*) & annisus est, ut illis honestas atque probas desponsaret Familias, adeo tamen non intendit se altiora, ut privatus ex Northamtonia nobilis semper ruri vivens, sponsis illustrioribus elocaverit filias suas, quam ipse. Nec innotuit, quod vellet unquam seu affectaret liberos suos sanguini immiscere regio. Prudentia ejus, quæ tamdiu in colligendo occupata fuit, docuit ipsum, satius esse relinquere posteritati suæ securitatem, quam pericula. Miror etiam, ubinam sint combinationes, illæ cum viris illustribus, populares etiam & plausibiles methodi, quæ ejusmodi comitantur actiones, de quibus loquitur Autor; ideoque connubium hoc ejusdem est rationis cum illo, quod inter eandem Dominam Arbellam fingit, atque Leicestriæ Comitem, cum esset unius anni infans.

Pag. 70. inquit: quod Dominus Burghley continuo sollicitet Reginam, ut filius ejus maximus natus, Hiberniæ Pro-Rex constituatur. Ac si hoc tam egregium esset officium: nam omnes Pro-Reges seu Delegati, ex quo Regina imperavit (præter Comitem Sussexiæ & Dominum Grey) fuerunt viri multo inferiores, quam Thomas Cecilius Eques: & omne quod hoc munere acquiritur, est conservatio propriarum opum, durante

rante illa dignitate seu ministerio ; quæ opes etiam forassis servantur, cum aliqua gratiæ regiæ in reditu iactura.

Pag. ead. inquit: quod evexerit ad Consiliarii munus filium suum secundo genitum Robertum Cecilium, omnis ingenii atque experientiæ expertem. Quod æque verum est, ut alia in hoc libro minime vera. Fautentur enim in Anglia omnes qui norunt hominem, esse excellentissimi ingenii & singulari disferendi atque applicandi dono præditum: sive in continuo sermone, sive negotiis intercedentibus, sive in scriptione, sive in referendo, sive discretè considerando circumstantias & concinnè deducendo ad scopum: hisque omnibus juncta est indoles optima, atque erga omnes humanitas, quotidie magis magisque enitens. Quoad experientiam vero ejus; facile colligere licet, quod ejus educatio & subsidia tantam jam fecerint, quantam alii longo ministerio non assecuti sunt. Si igitur verum est: *Qui officium digno dat, omnes obligat*, non solum parens ejus, verum etiam respubl. tenetur Regiæ, quoniam ejusmodi idoneum & dignum elegit ministrum.

Sunt præterea & alia stulta absurdaque in hoc libro, quæ si eloquens Scholasticus in manibus haberet, non solum odiosum, verum & contemptibilem & ridiculum propinaret orbi. Sed prætereo ea; & ista quæ dicta sunt, non ob Autoris, sed rerum dignitatem prolata sunt: tractavit enim thema supra captum suum.

3. *De Summa horum hominum impudentia in publicandis, afferendisque mendaciis, ita ut recenseantur specialia quedam, quæ sint exemplorum instar.*

Homines isti singularem genium atque facultatem mentiendi & illudendi mundo nacti sunt: & talem quidem, ut cum teneantur redimere speciales dispensationes aliorum peccatorum, habeant dispensationem continuam mentiendi pro catholica causa: quod movet me, ut Lectori præbeam mendaciorum prægustum, qualia hic inseruit, nec admodum sunt rudia atque palpabilia: desiderans, ut ex propriis ipsorum scriptis, si quando ad manus ejus perveniant, augere eorum catalogum velit, ad minimum in memoria sua. In Calendario nostro non alia conservavimus festa, quam illa, quorum mentio fit in Scriptura: ideoque in honorem Virginis Deiparæ recipimus tantum Annunciationis & Purificationis festa; omittentes conceptionis & nativitatis, quorum hoc die octavo Septembris celebrari consuevit: in cujus vigiliis fortè fortuna incidit nativitas Reginae nostræ, quam licet pro sancta non habeamus, attamen solemus in die illo diversa civilis gaudii atque gratulationis solennia perficere: ut sunt Campanarum pulsatio, luminum accensio, & similia: & sic mentionem ejus in calendario nostro facimus. Hinc propalarunt: expunxisse nos Virginis Beatae nativitatem, atque inseruisse na-

tivitatem Reginae nostrae : & praeterea , quod cantemus in ejus honorem hymnos certos , *Deiparae* cani solitos.

Accidit , ut occasione sanguinis effusi in S. Pauli templo , juxta Jus Canonicum apud nos adhuc vicens , templum praedictum interdiceretur , atque per dies aliquot ejusdem occlusae essent januae ; inde propalarunt , quoniam templum illud est locus , in quo populus deambulare solet & confabulari , Regiam ad imitationem Tyrannorum veterum prohibuisse omnes conventus & populi congressus ; ideoque ex suspitione infensissima jussisse claudere templi Paulini portas.

Porta Londinensis (*Ludgate* vulgo dicta) cum ruinae proxima esset , dejecta fuit , & reedificata , atque ex altera parte posita fuit Regis *Lud* imago ejusque filiorum duorum ; qui , quia nomen dederat portae , fundator ejus fuisse existimabatur ; ex altera vero parte Reginae effigies posita fuit , quoniam porta haec reedificata fuit , ea imperante : Inde in publicum ediderunt , Regiam post omnes Sanctorum imagines dejectas , nunc suam erexisse in primariâ urbis porta , omnesque transeuntes cogi reverentiam ei exhibere ; ordinasse enim , ut miles ad eam excubias agat. Juellus Sarisburiensis Episcopus , qui ut in vita ejus refertur , placidâ mortē obivit , atque patienter se gessit ; morte imminente illa hymni verba ingeminavit : *In Te DEUM speravi , non confundar in aeternum* : haec ultima , suppressis reliquis , publicarunt

carunt verba, asserentes hæreticorum hyperaspistem in ultimis exclamasse; se confusum esse.

In libello recognitionis primo, quo jus ad Regnum à Parlamento agnoscitur in Regina esse (cujus simile Maria regnante factum est) verba limitationis sunt: *In Regina & hæredibus naturalibus ex utero ejus, & legitimis successoribus*: hæc verbum *naturalibus* malitiosè & deperditè interpretantur, videlicet fuisse Parlamenti intentionem obscuris verbis conferre Regnum ad quameunque Regine sobolem, etiam illegitimam. Cum hæredis vocabulum apud nos adeo necessario importet Legitimum, ut indecorum sit & impudens aliter loqui de Principis proge-
nie.

Ediderunt quondam librum cum imaginibus & figuris persecutionum adversus Pontificios, in quo non solum recensent historias ante 50. annos actas, ad supplendum paginas, sed etiam inserunt persecutiones primitivæ Ecclesiæ sub Imperatoribus paganiis, rebusque in Anglia gestis applicant. Ex gr. Sacerdotes pellibus urforum infutos & à canibus disceptos & simil.

Concludo igitur nescire me, quid ex istis mendacijs asseris, conficere debeam, nisi quod in Choro suo intonare possint: *Linguam nostram magnificabimus, labia nostra nobis sunt; & quod illi, qui perdidit verbum DEI, quod est Lydiis lapis, nunc cogantur apprehendere eorum, & quod postquam cecidit ætus, mentitorum miraculorum*

columna, nunc cogantur fulcire se mendacibus calumniis, ita ut libelli famosi succedant Legendis fabulosis.

VERA RELATIO CONSPIRATIONIS AB OMNIBUS

à Roderico Lopez, Doct. Med. in Regina Sacratissimam Personam Designata, quam, pecunia ab Hispaniarum Rege corruptus, veneno tollere fategit, cum certis circumstantiis & in adornando & detegendo eam observatis.

Scripta, cum Regina adhuc in vivis esset.

Hispaniarum Rex videns ex illo, quod anno 1588. attentaverat, difficile Angliam invadi posse; ab illo tempore Gallorum motibus se immiscuit (quod facilius erat negotium & magis præparatum) seposuitque aliquandiu adversus Angliam tentamina sua per vim apertam; Scit enim esse media sua utrique adversus Angliam & Galliam actioni imparia. Ideoque eligens quod facillimum esset, omnem vim in Gallos convertit, interea defensiva solum in Belgio

Belgio se gerens. Ast iterum videns auxiliares copias, à Regina Galliarum Regi submissas, impedire & infringere inibi potentiam suam, & suo resistere proposito: nuper intendit omni conatu turbare hic aquam, & moliri aliquod opus, quo citra diversionem, aut adhibitionem magnorum exercituum, auxilia nostra arcere possit à Gallis.

Juxta propositum hoc tentavit primo innovationem quandam in Scotia; non tam spe abstrahendi Regem ab Amicitia Reginae, quam ardore constituendi factionem adversus Regem ipsum, quae impelli possit, ut in auxilium vocet Reginae exercitus. Deinde sollicitavit hujus regis subditum, (hominem praeclaræ nobilitatis) ut arma susciperet, bellumque adversus Reginam gereret: quod ille idem Nobilis pro fidelitate & prudentia sua detexit. Et tandem (potius, ut judicare fas est) instigatione perfidorum hominum, qui à nobis ad exteras fugerunt nationes, & pessimorum Consiliariorum aut Ministrorum, quam indole propria aut inclinatione, ad illud devenit, quod est contra omnem honestatem, societatem & humanitatem, DEO hominibusque exosum, ab ipsis etiam gentilibus abominandum: scilicet Reginae adimere vitam (quam DEUS clementissime servet) vel violentia vel veneno. Et posset probari, hoc non esse solum ejusmodi facinus contra omnes Christianismi regulas & religionem, verum etiam contra naturam, Gentium leges, armorum honestatem, civiles leges, Morum & Politicarum regulas; & denique

denique esse maximè damnandum, barbarum ferinumque, quàm imaginari licet, actum; imò (supposito lites & hostilitates inter Principes, nunquam adeo lethales esse atque exitiosas) nisi esset probrum seculi, atque negari posset olim, nunquam certe defendi posset. Permitto igitur facinus hoc censuræ, quam Titus Livius in simili casu de *Perseo* ultimo Macedonum Rege, cum liberis à Romanis capto, & in triumphum ducto, pronunciat; *Quem non justum bellum gerere, regio atimò; sed per omnia clandestina grassari scelera, latrociniorum ac veneficiorum cernebant.*

Porro certum est, circa hoc ipsum tempus subornatos, & in hoc regnum missos esse multos, tum Anglos, tum Hibernos, pecunia & promissis corruptos, qui constituerunt & juramento à Sacerdotibus adacti sunt in confessionibus, exequi maximè execrandum & horribile illud factum. Sed alii qui ex iis capti atque puniti, asserunt venia concessa, quoniam vehementer cum dolore confessi, hanc suam intentionem, atque detestati sunt se subornantes. Et si conpicere liceat, quæ sit causa cur maledicta hæc actio, tam fervide & diligenter fuerit tractata, exitio factum fuisse, quoniam res Gallicæ maruerunt, & Rex Hispaniæ paratus fuit in Gallia merere, quæ dudum sevit; Videbatur enim divisum in confederatos, quoniam eorum Primarii Regi reconciliati essent, & tumultuosi alii, capite destituti, videbantur se permissuri Regis Hispaniæ ar-

mis, atque alienaturi à regno magni momenti partem; quanquam ex isto, quod Rex in Parisiorum urbem receptus sit, colligi potuisset, quod etiam Ligistarum vehementissimi, sub conditionibus æquis se submissuri sint Regi suo legitimo, taliter proficiendi robore & existimatione: atque Hispaniæ Rex secunda initurus sit consilia, antequam de novo aliquid adversus Galliam tentet. Verùm sumamus res, ubi erant antequam hoc inopinatè accideret, in specie respectu Consilii Hispanici durante hac expectata messe sua, certe Consiliarii ejus rationem habuerunt optandi, ut hinc non disturbarentur; existimarunt enim, quod si Regina sublata esset (in cujus Personam continuet DEUS specialem custodiam suam atque providentiam) confusionem hic fore miram, quam ali posse à se exiguis tum summis, tum exercitibus, donec magis feliciter juxta inveteratam malitiam suam possint inducere hujus regni ruinam.

Inter omnes verò execrabiles hujus consilii executores, nulli plus Magnates illi confisi sunt, quam huic Medico *Lopez*, neque (ut verum fatear) alius ipso ad id perficiendum magis fuit aptus: siue consideres instrumenti aptitudinem; aut subtilitatem, aut quam secretè egerit, aut astutiam & elabendi modum, quem paraverat, si forte in quæstionem veniret. Nam primo cum alijs difficultates innumeræ obveniant, antequam opportunitatem tam execrando facinori justificando reperire possint; & præterea non

nisi mortem præsentissimam cernant & certissimam: ideoque necesse est, ut sint quasi diris devoti, qui id suscipiunt: homo iste, quoniam ad Reginam intime admitteretur, non tantum media ad illud perpetrandum, verum etiam ad concelandum habuit: potuitque metere beneficii sui fructum absque periculo manifesto. Complices vero ejus cum essent Portugalli, Regis *Antoni*, Hispaniæ Regis infensissimi hostis, ministri; nequidem in suspicionem pervenire potuerunt; miserunt ergo in Hispaniam receperuntque literas minime suspecti, tanquam Domini sui commodum hoc epistolarum commercio in ista regione intendentes. Elabendi vero modum Lopezius ejusmodi præparavit, ne, nisi factum exactissime perquireretur, deprehendi posset: statuit enim dicere, voluisse se tantum imponere Hispaniarum Regi absque mala in Reginam voluntate: hac ratione fere similis Parricidæ peritissimo atque fraudulentissimo perduelli.

Nihilominus actio hæc, summa DEI bonitate incidens in manus honestorum atque peritorum hominum, tanta nec indigna diligentia fuit pertractata, ut hic personarum atque transfiguratarum perduellionis Proteus, tandem in sua propria apparuerit forma & coloribus, qui turpissimi & monstruissimi omnium visi sunt. Nam quidam ex Reginæ Consiliariis dudum existimarunt: quod satellites Antonii Regis, (de quibusdam loquor) hoc perduellionis genus probabiliter designaverint, exules enim fuerint miseri,
de

de Domini sui fortuna desperantes, ideoque forsā intendentes reconciliare sibi patriam per ejusmodi scelus. Hinc Consiliarii isti diligenter observarunt eos. Et prudens hæc sagaxque præsumptio, juncta iis, quæ ab exteris cognoscebantur, atque industria, prima fuit causa (post DEI benedictionem magnam, qui Principibus fidos dat Consiliarios: Consiliariis autem cogitationes sapientes, & ingenium prudens) revelatæ & detectæ proditiōis, quæ eo ordine & modo, qui subnectitur, designata fuit.

Lopez natione Portugallus, religione autem, ut putabatur Judæus, quamvis hic se tanquam Christianum gesserit) diu in hoc regno medicinam exercuit; cujus occasione (erga omnes vere officiosus, & in conversatione perquam acceptus, hoc respectu magis, quam eruditione sua) in aula etiam innotuit atque gratiam assecutus est, aliquot abhinc annis juratus apud Reginæ domesticos Medicus constitutus, & Reginæ liberalitate, à qua varia acquisivit dona, apprimè insignia, sat opulentus factus est.

Insinuaverat se etiam in Antonii Regis favorem, (ejusdem cum ipso nationis) cujus causam se hic promoturum, obtendit, præsertim cum aliqua fortunæ ejus spes affulgeret, & à quo (tanquam omnes labores suos pecunia vendens) 50000. coronatorum in Portugallia persolvendorum, assignationem acceperat. Sed quoniam erat corruptissimæ & tantum mercenariæ indolis, atque spem suam ex illa parte vidit esse incertam, fixit

oculos in eum, qui plus tar-
gi posset, at-
que clam obtulit servitia sua Hispaniae Regi;
perscripsitque ei, quae hic agerentur, &
Regi Hispaniae nosse multum intererat:
multum enim ex continua in aulam admissi-
one, quae magni essent momenti didicit.
Haec autem communicavit cum *Bernhardino
Mendoza*, *Antonio Vega*, *Roderico Marquez*
aliisque.

In perferendis literis, atque oblatione
servitiorum suorum Hispaniarum Regi,
usus est inter alios *Manuele Andrada*, Pot-
tugallo, qui à Don Antonio Rege deficiens,
atque Regi Hispaniae adhærens, putabatur
fuisse author mortis Antonii, atque tradi-
disse *Bernardino Mendoza*. Huc veniens homo
iste ex literis interceptis cognitus, eadem de
causa apprehensus est, atque in carcerem
conjectus. Sed jam ante illud tempus aliae
interceptae erant epistolae, in quibus *Andra-
da* dictus *Mendozae* scripserat, se pertraxis-
se Doctorem *Lopez* ad Regis servitia. *Lopez*
igitur, hoc percipiens adiit *Andradam* ei-
que persuasit, ut assereret, se, quod de *Lope-
zio* scripserat, finxisse, quo fidem sibi coli-
cillare posset apud *Mendozam*, ei-
que suam approbare industriam & obsequium. Ut au-
tem moveret *Andradam Lopezius*, promisit
ipso, si ita se excusaret, liberationem ex
carcere; cum si pergeret accusare, nullum
liberationis superesset medium. *Andrada*
igitur examinatus, respondit ut à *Lopezio*
edoctus fuerat: *Lopez* etiam sic à suspitione
liberatus *Andradæ* intercessor factus est,

callide asserens; posse cum magno usui esse Antonio Regi: & sic assecutus est quod voluit. Andrada è carcere dimissus, in Hispaniam etiam proficisci permixsus est, sub prætectu (ut ferebat) Domini Antonii commoda observaturus; sed revera continuaturus Lopezii negotia & literaria cum Hispaniæ Rege commercia; quæ etiam tam feliciter pertractavit, ut rediens in magnum Lopezii solatium attulerit ei à Rege præter gratiarum actiones, adhortationes & consuetas testandæ Gratiæ regiæ formulas, monile variis pretiosis gemmis exornatum. Monile cum acceptasset Lopezius, astute secum cogitavit; quod si offerret illud Reginæ, non accepturam esse; & posse eam hac ratione securam reddi, quo circa majora non diffidat sibi, juxta illud: *Fraus sibi fidem in parvo præstruit, ut in magnis opprimat*; quod etiam præstitit cum magnis fidelitatis suæ asseverationibus. Regina autem Princeps magnanima, neque timere apta neque suspicari, reddidit ipsi multa gratiosè præfata.

Postquam sic illussisset Reginæ Lopez & fidelitatis specimina vidisset in Andrada, collocuti sunt (incipiente Andrada, nuper ex Hispania reverso) de Regina veneno tollendâ, assensitque Lopez quanquam vidit in literis regiis nullam ejus expressam mentionem fieri, neque posse inde magnam ab Hispaniæ Rege mercedem sperari, talem scilicet quæ opulento homini, qualis ipse erat, grata esse queat. Perficit igitur, ut Andrada denuo in Hispaniam mittatur æque ad indicandum & asseverandum facinus hoc Regi, tum mini-

stris ejus (& nominatim *Comiti de Fuentes*,
 Assistenti Generali Exercituum Hispanico-
 rum in Belgio) ac ad paciscendum de merce-
 de certa. Andrada, recipiens instructio-
 nem suam, & pecuniam à Domino Anto-
 nio, procurante Lopez, qui in istius servi-
 tiis occupari putabatur, Caletum ivit, ibi-
 que remansit, qui continuo hinc ad Lope-
 zium iret rediretque; per hunc etiam (ut
 tanto melius fucum faceret operi suo) per-
 scripsit ad Lopezium nova, ut inter ipsos
 convenerat: jussit enim Lopez ut scriberet
 nova quæcunque obvia. Hinc deinde ad
 Comitem de Fuentes perscripsit Lopezii
 promissum atque postulatum: quam episto-
 lam cum accepisset Comes, paulo post in
 Hispaniam missurus atque responsum
 accepturus, jungit sibi Stephanum Ibarra,
 Consilii bellici Secretarium in Belgio, & vo-
 cat ad se Manuelem Ludovicum Tinoco,
 Portugallum, Antonii quoque Regis quon-
 dam ministrum; de cujus fide certuserat ex
 eo, quod jam duos literarum fasciculos sibi
 attulerat, ab Antonio Rege ipsi commissa-
 tos, ut in Galliam deferret. De hoc Ludo-
 vico primo juramentum exegerunt solenne,
 manus ejus suis implicant, quod revela-
 turus non sit, quicquid ipsi nunc manifesta-
 turi essent; & quod nunquam detecturus sit,
 licet apprehenderetur & examinaretur. Hoc
 facto ostendunt ipsi Andradae epistolam,
 mandantque ut Caletum transiens loquatur
 cum ipso, atque ad Lopezium in Angliam
 eat; diriguntque porro ad Stephanum Fer-

rera de Gama, indicantque Lopezio (quasi Regis nomine) quod non confidat Andradae, ceu homini minus ad tantum opus idoneo; ideoque valde se mirari, quod hac de re nihil à Ferrera audiverit, qui Regi asservisset officiosam mentem ejus. Fuit autem Ferrera hic prœdives antehac in Portugallia homo, perdideratque opes suas adharendo Antonio Regi; & videtur fuisse homo ingenii sufficientis atque rerum agendarum peritus; verum aliquot abhinc annis pertractus erat ad Regis Hispanici servitia, non quidem hinc inde transiens; sed in Anglia residens, ceu ejus Client.

Manuel Ludovicus his cum instructionibus dimissus, omnibusque à Comite ad Lopezium amoris contestationibus, literis etiam ad Ferreram iter ingressus est, primo Caletum versus, ubi cum Andrada collocutus est, ab eoque majorem adhuc informationem, ut & brevem fidei tesseram, quod esset vir, cui Lopez absque omni hæsitatione fidere possit, consecutus, in Angliam deinde venit. Ferreram primo adiit, indicavitque ei, quod esset negotium suum; Ferrera autem jam ante hoc tempus Lopezio declaraverat, se non ignarum esse rerum, quæ agerentur ipsum inter & Andrada; (Andrada enim indicaverat eas aliquatenus Ferreræ.) Lopez igitur ad Regis mandatum & ministrorum ejus desiderium communicavit cum Ferrera, quæ cum Andrada inceperat, atque aperte cum ipso se acturum simulavit. Callide itaque abstinuit à colloquio cum

Manuele Ludovico, jussitque ut Ferrera sit quasi canalis suus, & per ipsius manus dirigerentur omnia, existimans se hac ratione fore invisibilem.

Deinde judicavit haud tutum esse uti opera Manuelis Ludovici, qui rei hujus conficius factus erat; tanquam maleficus tabellarius: Epistolas etiam cyphris scribendas esse, quæ non literas alphabeti, sed verba designent; & expositæ vehementem non gignant suspicionem. Manuel igitur Ludovicus reverti jussus est cum responso brevi. Lopez vero elegit quendam vilem Portugalium, cui nomen Gomes d'Avila, sibi habitatione vicinum, ad ferendas epistolas suas. Hoc tabellario electo, Lopez & Ferrera consenserunt, ut scriberet ad Comitem de Fuentes & Secretarium Juarra Ferrera, ipse etiam signaret epistolam (Lopez enim astute à descriptione abstinuit) sed dictaret de verbo ad verbum ipse Lopezius. Contenta fuerunt: Lopezium paratum esse exequi hoc Regis servitium, de quo antea fuerat tractatum; requirere autem præmii loco 50000. coronatorum, atque certitudinem de iis.

Epistola hæc (ut videtur) obscure consignabatur & quasi terminis mercatoriis: & cum Ferrera adversus hanc obscuritatem exciperet, respondit Lopez, nosse illos mentem suam, ex eo, quod antehac actum esset. Ferrera scripsit etiam ad Manuelem Ludovicum, sed præcepit Gomezio, ut traderet ei literas istas præsentem Juarra: ut & Epistolam

stolam ad Juarram præsente Manuele Ludovico. Epistolæ igitur hæc Gomezio d' Avila tradita sunt ut Bruxellas deferret; salvi conductus literas acquisivit ei Lopez atque sumptus suppeditavit. Ferrera autem, ut approbaret industriam suam, bina vice scripsit, semel per Emanuelem Palacium, conscio Lopezio, ad Christophorum Moro primum Regis Hispaniæ Consiliarium, significans Lopezium pertractum ad Regis Hispaniæ partes, promptum esse ad audienda mandata ejus: recepit etiam responsum ab eodem Christophoro Moro ad alteram harum epistolarum, ostenditque illud Lopezio. Interea Lopez quamvis, ut videtur, obtusi ingenii homo fuerit, extitit tamen revera callidus, ut qui rerum gerendarum minime esset ignarus; & præterea tam astutus, qualem timor & avaritia facere possent: providere sibi voluit de plurimis (ut etiam supra dictum est) elabendi rimis; si quicquam hominum detegeretur. Primo opportunitatem paravit per verba quædam generalia Regina indiguitandi, ut per quæstionem illam: *An decipientem non liceat decipere?* ad quam Regina, (non existimans quod verba hæc decernerent conspirationem ejus horrendam congere, sed indole suâ ad integritatem & sinceritatem prona) illegitimum id esse, sique displicere ostendit. Deinde putavit se ignum confecisse mysterium summam obo. Coronatorum polcens, respondit illi, quam ei Don Antonio donare votat; imprudenter & frustra fugiens, posset, si

se, si acciperet eam pecuniam, excusari, quasi Rex Hispaniæ restituisset; quæ perdidisset ab Antonio deficiens: & dignum esse ut Hispaniæ Rex non permittat eum sic perdere quicquam. Tertio cum collocutus cum Ferrera quæreretur, qua ratione propinare velit Reginæ venenum, regessit: in Syrupo; apprime sciens, non solere Reginam Syrupo unquam uti: & hoc posse se justificare, si quando institueretur inquisitio.

Interea prædæ cupidus, quam spe jamdum devoraverat, importune apud Ferreram responsum urisit ultimum; & moræ impatiens iteravit asseverationes suas ac promptitudinem ad parandum illud, si de pecunia sua certus esse possit.

Jam vero antequam Gomez d'Avila reverteretur in Angliam, hic Stephanus detegebatur, tanquam consilia cum inimicis communicans; ita tamen ut particularia negotiationis ejus non apparerent. Videbatur tantum magni esse momenti, quodcunque tractaret. In carcerem igitur detrudebatur. Paulo post advenit d'Avila, affertque literas à solo Manuele Ludovico, sub nomine Francisci de Thores; quoniam (ut videtur) Magnates illi alieni in hoc à Lopezio fuerunt, neque per tam abjectum tabellarium scribere voluerunt, sed perseverarunt in fide atque ministerio Manuelis Ludovici, qui fortassis tam diu ibi detentus est, donec plenum ex Hispania adveniret responsum, quod post duos demum menses subsequutum est. Gomezius hic apprehendebatur cum appelleret,

& c.

& epistolæ reperiebantur apud eum (ut supra dictum) ciphris, verba significantibus, scriptæ, idcirco suspectæ quadantenus, ut ex his verbis apparet. *Harum lator indicabit Tibi precium, quo æstimantur margaritæ tuæ, & quid statuimus de exiguo Musco & ambra, quæ emere cupio.* Verba enim hæc, ipso Manuele Ludovico postmodum fatente, sic interpretati sunt. *Margaritarum licitatio* denotavit, acceperat Comitem de Fuentes & Secretarium libenter quæ Lopezius de interimenda Regina promiserat; *Ambraæ vero & Musci emptio* denotavit, Comitem brevî expectare Hispaniæ Regis voluntatem de arduo negotio, i. e. combustionem navium Anglicanarum, & rebus aliis, quibus animum suum vindictæ cupidum lenire possent.

Cum autem hujus Epistolæ sensus ambiguus permaneret, nec aliquid in specie Ferrera confiteretur, neque inefficiens rigorosi examinis causa daretur, adest Manuel Ludovicus Regis sententiam ex Hispania afferens, sed audiens Ferreram in carcere detineri, ignarusque quantum hac de re jam innotuisset; ut fucum faciat, simulat se allaboraturum, ut quædam detegere queat, & sic salvi Conductus litteras acquirit. Sed admissus nil plane revelavit, sed ut illuderet, alia ratione studuit. Cum autem sic lumen adhuc intra nubes detineretur, schedula reperta est à Ferrera in carcere scripta, qui Lopezium concelare atque à periculo præservare cupiat, atque sic omnes ultiores in-

quisi-

quisitiones præcludere. Lopez igitur hinc primo in quæstionem vocatus est.

Sed tandem cum omni conatu atque sagacitate magis magisque inquireretur, acquisitæ sunt primo à Manuele Ludovico Epistolæ à Comite de Fuentes & Secretario de Juarræ ad Ferreram scriptæ; in quibus ambabus mentio de Reginæ morte facta erat. In Comitæ epistola sub termino *Commissionis*, in Secretarii autem, sub voce *Magni servitii*, unde universale beneficium, toti mundo proficuum, enasci posset. Sic etiam Cambii epistolæ à Gonzalo Gomez scriptæ, ad Petrum de Carrera una, ad Joannem Palladium altera; quibus permissum fuit Manuelli Ludovico sub fictitio nomine Fr. de Thores recipere pecuniam sine limitatione, ita ut videri possit quamcunque summam ipsi fuisse concessam. Literas has Comes de Fuentes ipse tradidit Ludovico, jussitque Lopez ostendere, quod de mercede sua certus esse possit. Hinc enim certitudini innitebatur solius Lopezii facinus. Atque tanto præcipitio insistebat Reginæ vita, ab avaritia in malitiæ & ambitionis manus vendita, sed extraordinarie conservata à *Custode illo, qui nunquam dormit*. Hi ipsi Emanuel Ludovicus, & Stephanus Ferrera, quorum alter foris hæc tractavit negotium, alter vero hic residens, & omnia perscribens, nunquam autem congregientes ambo; postquam reversus esset Emanuel, seorsim examinati absque tortura aut minis lubentes tandem & aperte omnia sunt confessi, uti hic

hic narrata sunt. In Confessionibus suis etiam confenlerunt atque idem asseruere: non tantum quoad substantiam, verum etiam in singulis membris & circumstantiis: quæ confessiones extant vernacula ipsorum lingua, munitæ manuum propriarum subscriptione, atque in publico confesſu cum accusaretur Lopez in Curia aſſata confirmatæ sunt ab ipsis; atque comprobatæ in Lopezii faciem: extant etiam ipsæ literæ authenticæ à Comite de Buentes, Secretario Juſſæ & reliquis scriptæ.

Lopezius quidem pernegavit facinus in prima apprehensione & examine; imò horrendis cum execrationibus omnia cum Andrada vel Ferrera colloquia pernegavit: & quæſitus, quid dicturus eſſet, ſi probare huius adverſus eum? reſpondit, ſe faſſurum, totum ſe eſſe quoad intentionem. Verum cum adverſus ipſum adduceretur Ferrera, conſtanter id aſſerens, atque in memoriam revocatis ſe tempora & loca colloquiorum, tandem confeſſus eſt ſcelus; ut apparet ex confeſſione ejus ſcripta, propriaque ipſius manu ſignata. Deinde autem ad hoc leve delapſus eſt effugium; quod voluerit ſolum dolo hoc Hiſpaniæ Regi pecuniam extorquere; & hic aſſertioni acquievit convictus, licet primo ſuam retractaſſet confeſſionem; & eandem interrogatus, an tortura vel veniæ omiſſione adductus, Confeſſionem iſtam liderit, aperte teſtatus eſt, nihil illorum verſus ſe adhibitum fuiſſe.

Aſt nullam eſſe excuſationem hanc; quæ
unus-

unusquisque perfidus uti potest, tribus evincitur argumentis. Primo quod nunquam indicaverit hoc negotium Reginae, ad quam ipsi aditus semper patuit; neque cuidam Status Consiliario, ut permissionem acquireret ad alliciendum illos ulterius, cum quibus tractavit, si ita videretur congruum: habuisset enim fortassis hac ratione opportunitatem grata præstandi officia, in detegendis machinationibus eorum adversus Reginae vitam. Secundo nimis sero ad hoc devenit effugium, jamdum enim prodiderat Conscientiam suam fontem, pernegando negotiationes illas & colloquia, neque prius hoc adinvenit, donec illa evidenter & manifeste contra eum probata essent. Tertio collocutus cum Ferrera de modo quo mercedis suæ certus esse posset, satius ipsi visum est, si esset pecunia in manu mercatorum Antwerpiensium, quos ipse nominaret; quam ut in Angliam afferretur: statuit enim post facinus peractum, statim Antwerpiam fugere, ibique morari aliquandiu, ac postea Constantinopolin adire, ubi morari dicitur Don Salomo Judæus, Lopezii consanguineus. Hinc ergo patet, quod Lopezius ordinaverit res suas, supponendo facinus peractum.

Sic apparet, quam justè Lopezius sit condemnatus ob maximum læsæ Majestatis crimen, & quomodo Divina benignitate Regina fuerit conservata. Revera etiam si ingenuè consideretur, difficile dictu erit: utrum DEUS majora fecerit per eam, aut pro ei.

Si observes ex una parte, quomodo beaverit DEUS ejus gubernationem, ita ut possit frangere & evertere injustam duorum potentium Dominorum ambitionem, Regis scil. Hispaniæ & Episcopi Romani, nunquam alias tam arctè inter se unitorum; & ex altera parte, quam potenter Deus protexerit ipsam, tam adversus exterorum invasiones, quam internos motus; & in specie adversus secretas in vitam ejus conjurationes, ostendens palam, velle, se revera conservare instrumentum illud, quod magnificavit. Sed mirum in modum corrupta sunt tempora ista, cum bella, quæ suprema sunt judicia inter Principes, (qui superiorem non agnoscunt Jurisdictionem) atque omni cum honestate geri debent, inficiuntur atque infamantur ejusmodi detestandis & non humanis actionibus. Si autem hic Regis mentio facta fuit, civilis legis regula, (quæ etiam sanæ rationis axioma est) in memoriam revocetur: *Frustra legis auxilium implorat, qui in legem committit.* Quicunque intendit violare Majestatem Regiam in summo gradu, non potest ejusdem Majestatis suæ præeminentiam obtendere, ac ab imputatione omni immunis esse.

APOLOGIA FRANCISCI BACONI,

adversus quædam ipsi imputata, in causa

COMITIS ESSEXIE,

Scripta ad Honoratissimum Benignissimumque Dominum suum Comitem Devonix, Vice-Regem Hibernix.

P *Laceat Dominationi Vestre. Non fugiam me;* neque negligere me deceat, quod vulgo infidus & ingratus erga illustrem illum, aut infelicem *Essexie Comitem* audiam: & satisfacere quidem huic rumorì possem, aut non adeo moror illum, quanquam enim bonum nomen amem, facio id tantum, quatenus honestari atque virtuti ancillatur. Ejusdem enim sum cum illo opinionis, qui lepidè dixit: *indecorum esse, ut apud eum, qui virginem ambit, amor ancilletur* ideoque alio fine communem sectari famam, quam ut sequatur honestas actiones, nec voluntas mea est, nec indoles. Sed ex altera deinde parte, non est in mundo mihi carius quicquam bona certorum hominum opinione: neque inter istos alius præter Dominationem Vestram, cui libentius satisfacere vellem. Nam primo amavisti, Gratiosissime Domine, *Essexie Comitem*, ideoque non

cris

eris iniquus erga me; idque est quod cupio: deinde quoniam semper exhibuisti Te mihi amicum verè honorabilem., ideoque non erit in fra me Tibi satisfaciendi studium; & denique quoniam novi Dominationem Tuam profunde eruditam, nosse genninas officiorum & virtutum regulas atque habitus, quæ hoc dijudicabunt negotium, cujus defensionem tantum brevem & ingenuam suscipio; traditurus, quæcunque ego feci, fecisse me ex observantia Reginæ & Reipublicæ debita, ostensurusque, me neque versutè egisse, neque timido in alicujus gratiam. Unusquisque enim recti cordis vir deferret potius Regem suum, quam DEUM suum, & amicum potius suum, quam Regem suum, & quæcunque terrena bona, imo & vitam suam, quam amicum suum. Existimo nondum excessisse mundo gradus istos, alias illud gentilium dictum: *Amicus usque ad aras* judicabit eum.

Si vero dicat quispiam, quod ingesserim memet in hoc negotium, quoniam non haberem officium ordinarium, posset id de omnibus dici actionibus; quæ ad Concilium Eruditorum, ad quod semper evocatus fui, his delatæ sunt temporibus, siue ex Rempubl. siue pecuniam concernerent. Ut enim nosti, Benignissime Domine, Regina tam bene sibi conscia fuit soboris sui, ut voluerit verba sua esse præcepta, & juxta morem clarissimorum Regum tantè ipsam, non semper in officio constitutis, obstringi de passa est, verum separavit aliquando ab offi-

officiis privatum favorem. Ego verò quamvis non adeo imperitus essem, ut ignorassem statum hunc esse invidiæ ac periculis expositum; nihilominus sciens, eam fuisse constantem in favoribus suis, atque finem sectatam esse, si incepisset, & in specie, quoniam me detinuit accessu extraordinario, aliisque fiduciæ gratiæque argumentis, statui perpeti illa, meliora insimul expectando. Est autem scopus & intentio mea, ut dignetur Dominatio Tua eam honestam habere patientiam, quæ requiritur ad cognitionem veritatis, in aliquibus actionibus in ea causa gestis, circa quam & ego versatus sum: atque ut cognoscat, quantam fidem approbaverim & Dominiæ meæ, & Patriæ meæ, & Nobili illi viro; tam bene de me merito, ac tam gratosè servitia mea suscipienti, & cuius sortem non sine acerbo dolore meminisse queo. Quicquid enim ipsius causa egi, adeo omnes vitæ meæ actiones antecellit, ut nullius majori cum confidentia, minorique conscientiæ morsu recorder; innotescet etiam Dominationi Vestræ, non solum non adversum me fuisse Essexiæ Comiti, sed etiam omnes ingenii mei nervos intendisse, & Regiæ in me favorem periclitatum esse, ut istum huic reconciliarem. Et sic integra perstiti fide atque industria usque ad ultimam ejus impatientiam (sic enim appellare lubet) post quod tempus nihil in ipsius commodum machinari licuit, quanquam idem meus affectus, haud potis in proprium agere objectum, in
alia

alia egerit, non sine omni fructu aliquorum, qui, ut existimo, potius id ignorant, quam non agnoscunt. Assevero etiam me nihil omisurum ex iis veritatibus, quæ vel inimicos concernunt; ex altera vero parte me multa oportere reservare me concernentia, respectu officii mei, quod supra famam reveor meam. Quodcunque autem proferam, ita verum esse confido, uti me gratiam divinam consecutum esse, spero.

In vulgus notum est, quomodo pluribus abhinc annis peregrinationes ac studia mea dedicaverim Essexiæ Comiti, non quidem quod istum mihi elegerim, tanquam maxime idoneum, à quo promotionem sperare potuissem, sed ductus opinione, quæ ex eo, quo ratione mea usus sum, tempore (sive id ex librorum bonorum lectione, sive in boni Patris imitationem, sive indolis seu genii proprio motu factum fuerit) magis amavi patriam meam, quam ut fortunæ congrueret meæ, & qua judicavi posse Comitem illam huic prodesse. Ei igitur me adjunxi ratione & modo, quem rarum inter mortales se existimo. Non enim gnauiter perfecit, & demandavit, sive consilium sive aliud id concernerent, sed negligendo & Regimini ministeria, propriam fortunam, & ipsam iadantenus vocationem meam, deliberando iis, atque omnes ingenii mei vim, conerationes & memoriam intendi ad ea, & ejus honorem, fortunam vel ministerium concernerent. Cumque paulo post *Franciscus Antonius Baconus* ab exteris rediret

terris, essetque talis, ut multi notitiam ejus & prudentiam in rebus politicis, præsertim exteros concernentibus admirarentur, & ipsum Comitis servitiis addixi. Præterire autem non licet ex adversa parte Comitis hujus in me propensum amorem & liberalitatem, qua donavit me agris, quos deinde octies & decies centenis librarum pondo Domino Rainaldo Nicolao vendidi, atque ut existimo carius vendi potuerunt; dedit autem mihi eos, ejusmodi tempore, & cum ejusmodi generosi affectus circumstantiis, ut modus ipsam videretur æquare actionē. Neque ignava dicatur hæc esse digressio; nolo enim brevis esse in commemorandis beneficiis ejus; ideoque nec Dominationi Vestræ referre donationis modum vereor: Postquam denegasset mihi Regina sollicitatoris officium, quod diu vehementerque pro me Essexiæ Comes ambiverat, dignatus est venire ad me Richmondio in hortum Twicknamensem, & fidem datam fefellisse narraturus, dixit: Domine Baconi, noluit Regina Tibi conferre hoc munus, aliique concessit: Scio autem, quod Tu ipse sis minima tuarum curarum pars, in eo saltem male agis, quod me in Patronum elegeris & à me dependeas; collocasti otium & cogitationes Tuas in meis servitiis; moriar (hæc propria ipsius fuerunt verba) ni faciam aliquid in Tui commodum: non recusabis acceptare agros, quos donare constitui: Responsio mea, quantum memini, erat, non multum referre, quæ mea sors sit: Comitis vero oblatam

latam donationem in mentem mihi revocare, quod in Gallia cum essem, de Guisio Duce audiveram; de eo affirmant, ipsum in tota Gallia maximum esse sceneratorem: omnia namque bona sua obligationibus permutasse; i. e. nihil sibi reliquisse, sed innumeros sibi devinxisse. Verum mi Domine (pergebam fari) nollem Te imitari illius methodum, multos enim invenires debitores malos. Ast non attendere ista jussit ipse, & ut acceptarem, urgit: dixi itaque, mi Domine, cerno, cogi me, ut suscipiam à Te Feudum, atque tuus sim subditus; scisne autem quo modo præstetur homagium? scilicet id semper fieri debet cum juramento fidelitatis Regi debito & cæteris ejus ministris; ideoque (ulterius dixi) mi Domine non magis esse Tuus potero, quam fui antehac, & fortassis cum antiquis reservationibus: Si autem dives fuero, annues, ut reddere quædam ex istis possim asseclis Tuis, nondum præmia consecutis. Sed redeo unde digressus sum, quod (licet nihil mihi arrogare queam, præterquam quod Comiti fidelis extiterim monitor) quamdiu ipsi adfui, fortuna ejus maxime profecerit florueritque. In duobus tamen magni momenti axiomatibus directè semper & contradictoriè dividebamur, quæ quoniam lucem sequentibus affundunt, exponam Dominationi Vestræ. Alterum erat, unicam cum Regina agendi rationem esse per obsequia & reverentiam: & recordor, quod sæpius spondere ausus fuerim, si constanter ea incessisset methodo, suaque obsequia se-

lectis approbasset actionibus: Reginam mox interrogaturam fuisse Ahafueri quæstionem; *quid faciendum viro illi, cujus honore Rex delectatur*: innuendo, bonitatem suam carere limitibus, si quis decenter ei obviam eat; nec falsum hoc esse ex indole ejus ominatus sum. Comes autem Eslexiæ huic adversam aluit opinionem, videlicet Reginæ nihil persuaderi posse, sed necessitate quadam & authoritate cogendam; & recordor satis bene, quod cum vi extorserit quædam ab ea, ex me quæsierit: Dic sodes, cujus principia sunt vera? Regessi autem: *Mi Domine, methodus hæc est instar aquæ calidæ quæ dolores mitigat; Si vero bibatur, corrumpitur stomachus, intendunturque dolores, aqua vero in fine nihil proficit*; aliaque præterea dixi multa huc facientia. Alterum axioma quod semper defendere conatus sum, erat, ne satageret ad sublimia scandere per militarem gloriam, aut vulgi applausum; posset enim hoc Reginæ excitare Zelotypiam, in ipso arrogantiam, atque in Republ. turbas; istaque communiter Icari assimilavi alis ex cera confectis, quæ cum iis nimium elevatus esset, defecerunt in summitate. Porro quoque dixi: *Mi Domine insistas pedibus duobus, non autem voles alis duabus. Pedes duo sunt bina justitiæ membra, commutativa & distributiva. Utere magnitudine tua, bene merentes & virtute præditos promovendo, liberando etiam ab injuriis & oneribus, nec alia opus habebis arte aut emergendi methodo.* Verum respondit,

proce-

procedere hanc opinionem non ex mente mea, sed ex habitu. Fateor quidem, quod ego, qui nunquam intendi mancipare me Essexiæ Comiti, neque alii cuiquam, magis quam è Republica fuit, omni conatu averterim ipsum (quanquam parum in ipsum potui) à bellicosa & populari aura. Videbam enim Reginam aut longius victuram aut morituram: si prius, tempora fore ut solent esse in declinatione cum senescunt Principes: si posterius, tempora fore, ut solent esse, cum novi reges regnare incipiunt; atque si Comes nimis subito emergeret, tempora ipsi pericula creare posse, ipsum temporibus. Imo recordor, quod tam confidenter ipsi locutus fuerim, ut in Insulas naviganti, & vere unoquoque ejusmodi actiones provocante, dixerim: Mi Domine, cum olim ad Te accederem, videbaris mihi Medicus, qui conatur sanare Reipubl. morbos; nunc autem videris mihi similis Medicis illis, qui delectantur ægrotorum infirmitate, quoniam ab ea lucrum expectant. Hanc sermonis mei audaciam non ægre tulit, habebat enim aures ingenuas, eratque veri *pacientissimus*, & assleveravit tantum, Regni statum id requirere. Existimo etiam hæc mea verba, & alia his gemina, sæpius repetita incitasse ipsum, ut eam conscriberet Apologiam, quæ in multorum est manibus.

Hæc autem opinionum diversitas tam prægnans, genuit tandem familiaritatis cessatio-

tionem (raro enim solemus actiones nostras ad eos referre, quibus minime probari sci-
mus) ita ut me nec accersere, nec consulere dignatus fuerit, per menses octodecim ante iter suum in Hiberniam; nisi quod circa hoc iter expressè & singulari modo meam expetierit sententiam & consilium. Non tantum igitur profectionem dissuasi, verum etiam obtestatus sum omni conatu, quod absentia ejus apta sit exulcerare Reginae animum, & impossibile ipsi fore, ut talem se gerat, qualem Regina velit; atque Reginae ut ita se erga ipsum gerat, quo sufficientem ab ea nanciscatur auctoritatem; idque male cessurum Reginae, ipsi, & Reipubl. Et quoniam nullum lubens prætermittere volui argumentum, actionis quoque, quantum memini difficultatem proposui; ostendens ex Historiis, Hibernos ejusmodi esse hostes, quales antiqui *Galli* vel *Britones* vel *Germani* fuerint olim; Romanos autem, qui nobilissima disciplina erudiebant militem suum, largissimis incitabant donis, & ex toto quasi mundo legabant, oppugnantes gentes istas, felicitatem suam tantum in libertate collocantes, & ab acie gladii expectantes, naturæ munimentis h. e. sylvis & paludibus fretas; comperisse maximæ id opus difficultatis esse: Statui igitur, Hibernorum aggressionem tali cum spe, qualem ipse sibi fecerat, conjunctam, posse imminuere existimationem ejus ob expeditionis tenuitatem; quæ conatibus minime respondere queat. Alias quoque rationes

rationes plurimas adduxi, ut certus sim, in nulla alia re me vehementius cum ipso egisse, & verbis, & epistolis, & aliis, quibuscunque valui, mediis. Tam clare enim expeditioni huic annexam ruinam ejus vidi, quam quidem possibile est homini; judicium de futuris contingentibus statuendi. Sed licet Comitis aperta esset auris, cor tamen ejus occlusum erat, nec patebat consilio, quo prævenire ruinam potuisset suam. Postquam igitur ingressus esset iter, videbam illicò, quam verus fuisset Propheta, respectu manifestæ mutationis, quæ naturaliter Reginae incesserat menti: ideoque advigilavi, quo opportunitatem nanciscerer exoptatam, cum pro infirmitate virium mearum, ex flamma, si possibile esset, retrahendi. Dabatur etiam paulo post, prompteque apprehendebam; & quoniam paucis innotuit, eo lubentius Dominationi Vestrae recensebo, etiam ea de causa quoniam fama fuit, Comite in Hibernia morante, revelasse me quædam in ipsius perniciem aut illis quid simile; quod tamen, ut mera fuit calumnia, ita omni colore non caruit. Regina die quodam paulo antequam (si bene memini) adveniret *Cusfejus*, mihi, qui tum in satellitio ejus essem, manifestavit displicere sibi admodum Comitis in Hibernia actiones, quasi infelices essent, absque judicio gererentur, contemptui exponerentur, nec sine privati commodi intuitu fierent; Placere tamen sibi asseruit apud alios, quibus confidebat mi-

nus. Ad hæc ego fretus axiomatibus meis, regessi, quæ in Comitibus commodum vergeret credebam, talia: Domina, ignoro actiones itatus particulares; illud autem scio, quod Principum actiones non oporteat habere periodos abruptas seu terminos præcisos; existimo igitur, quod si R. M. V. Essexiæ Comitem hic detineret, album gestantem baculum, ut *Leicestriæ* Dominum nuper, & continuo ad manum esset R. M. Vestræ, conversationis gratia, ornamento quoque esset Aulæ universæ in oculis populi, & exterorum Legatorum, inque nativo suo foret elemento: verum affligi eum permittere, ut M. V. fecit, & nihilominus arma atque vim manibus committere ejus, tentatio esse posset, qua durus & impotens reddi queat. Ideoque si velit R. M. V. *imponere bonam clausulam*, eumque revocare atque satisfacere ipsi dignitatibus à latere regio, si, inquam, hoc permiserint negotia vestra, (quæ ut dixi, perspecta non habeo) optimum id foret. Cognoscit Dominatio Vestra, methodum hanc, si acceptata fuisset, potuisse prævertere & contentum redeuntis Comitibus, & continuationem invidiæ ob expeditionem in Hiberniam, pristinumque ipsius splendorem, enata. Ast agendum proxima, quæ audiebantur, nova erant, advenisse Essexiæ Dominum, & domi suæ inclusum detineri, quoniam deseruisset Hiberniam, Regina non annuente: Hoc fiebat in Nonesuch, ubi (prout erat officii mei, veni ad Comitem, privatimque cum ipso per quadrantem.

drantem circiter horæ loquebar, & quæ-
 situs quæ mea esset, de ratione cum ipso
 procedendi, opinio, dixi ei: Domine mi,
nubecula est, cito transibit; ajo tamen, sursum
 si tendat nebula ista, mutabitur, ut solet,
 in pluviam, si deorsum, serenitas expe-
 ctanda. Ideoque mi Domine benignissime
 eò contende, ut omnem vel umbram dispi-
 centiæ à Regina auferas, & in specie si di-
 gnus judicor Consilium dare (ut olim habi-
 tus sum, & nunc haberi à Te, proposita
 quæstio docet) tria hæc observari volo. *Pri-*
mo eam ab armis cessationem seu pacem cum
 Tyronio pactam, ne dicas esse opus ministe-
 rii Tui, in quo gloriari queas, sed dilatio-
 nem actionis minus feliciter procedentis.
Deinde ne exhibeas Reginæ aliquam status
 rationem, qua intelligat se cogi, ut iterata
 Te vice in Hiberniam mittat: sed ipsius soli
 permittas iudicio. *Tertio* accessum quære-
 importune, opportunè, seriò, per jocum,
 omnique ratione. Memini patienter Do-
 minum hunc me audivisse, regessisse tantum
 pauca, & caput subinde movisse, quasi mi-
 nus prudenter loquerer; & certus sum deni-
 que, singulis his tribus axiomatibus egisse
 contrarium. Posthæc, cum in Regia de-
 tineretur Custodia Comes, sæpius Reginam
 adii, ut solitus eram in causis obventio-
 num & justitiæ: Et hujus accessus intuitu
 increbuit, occasione vulgarium aulæ blan-
 diciarum, me esse ex iis, qui Reginam ad-
 versus Eslexiæ Dominum instigarent. No-
 lo autem existimare, rumorem hunc ab

ipsa Regina, cujus memoriam reverebor
semper, prodiisse: veruntamen, si ema-
nasset ab ea; ajo quod apud DEUM nunc sit,
& *miserum esse ab illis ladi, de quibus non possis
queri.* De Domino Cecilio hæc igitur pro-
ferre lubet: quod aliquando in domo sua
apertè mecum egerit dixeritque: Agnate, au-
dio, non tamen credo, Te in Essexiæ Do-
minum mali quiddam machinari: quod me
concernit, mere passivè, non activè me ge-
ro, obtempero Reginæ, illibenter licet,
non sum illi suavor. Dominus Essexiæ ejus-
modi vir est, cum quo præ hominibus aliis
congruerem optime: Regina autem Domina
mea est, ego Clientis ipsius, non igitur de-
cet me perdere ipsius favorem. Vellem ita-
que eisdem insistas vestigiis. His auditis
demonstravi abunde, quam longe ab ejus-
modi abessem opinione. Et sicuti aliquando
accidit, quod hominum affectus se potius
in nugis manifestent, quam rebus seriis, ita
factum est, ut paulo ante illud tempus,
circa medium scilicet Michaelis termini,
Regina voluerit prandere in ædibus meis ad
hortum Twiknamensem; conscripseram
(Poeta cum alias non essem) circa idem tem-
pus Oden, directe huc alludentem, spe
pertrahendi Reginam ad reconciliationem
cum Domino isto: ostendi etiam alicui
Magnatum, qui & Comitis consanguineus
erat, laudavitque eam: hæc licet (ut dixi)
essent nugæ, manifestè tamen demonstrant,
quomodo erga Comitem affectus fuerim,
promptusque extiterim, non tantum præsta-

re ei servitiagrata, verum etiam palam docere, quod ab ejus stem partibus: neque unquam tanta ambitione incensus fui, quam cum anniterer aliqua à Regina favoris gratiæque indicia ad ipsum perferre, omnem intendens nervum, quo Reginam adducere potuissem, tum ut mitteret ad eum, tum ut ego mitterer. Nam quoad prius non verebar allerere coram ea, hanc in Comitem agendi rationem displicere vulgo, me igitur optare, ut quidcunque tandem agat Regina, ejus culpam declinet, aliisque imputari faciat. Necesse igitur esse, ut immisceat severitati huic aliquas gratiæ immediate à se procedentis notas, orbisque inde cognoscat, Reginam; ipsius indolem bonitatemque: subditi quoque non avertant mentem. Et his institi, sat bene sciens, quod si vel semel dignata fuisset mittere ad ipsum, seu visitare, fore ut istæ favoris demonstrationes evadent firma salutis documenta Comiti. Ut verò in me pertraherem negotium istud, suasi Reginæ, ut si quando DEUS moveret eandem ad recipiendum in gratiam Comitem, si ipsa hoc præstare nollit, ad minimum ejusmodi adhiberet virum, qui non posset partem gratiarum actionis sibi vendicare, velut illi, qui in authoritate existentes, putantur prævalere in ipsam, aut persuadere ipsi: adhibeat ergo talem, qui nonnisi canalis ejusdem bonitatis esse queat. Nunquam autem prævalui apud ipsam, quanquam, ut confido, sat clarè perspexerit, quorsum collimaverim; imo suspectus

circeddebar, quasi non candide cum ipsa agerem; sed clam adhaererem Essexiae Domino, & quidem magis, quam ut voluntas ejus & desiderium illo permittere viderentur tempore. Circa idem tempus responsio quaedam mea, in causa huic simili, circumferebatur, non tamen meo, licet à me profecta, sed alius nomine. Nam Regina vehementer succensens libro, Essexiae Domino dedicato, & Historiam primorum annorum Henrici quarti complectenti, putabat esse seditionis praeludium, ingerereque populo temeritatem atque dissidia, & dicebat, existimare se, contineri inibi laesae Majestatis crimina: quærebat igitur ex me, annon possem reperire in eo loca quaedam hoc demonstrantia: respondi autem: quod perduellionis crimen concerneret, nihil me reperisse, quoad furtum autem multa. Cum autem Regina extemplo percontari pergeret, quanam illa essent, respondi: furtum commisisse Authorem manifestum in eo; quod sententias ex Cornelio Tacito plurimas descripsisset, in Anglicum transtulisset, suoque inseruisset textui. Alio vero tempore cum Regina persuaderi nollet, esse librum illius, cujus gereret nomen, sed à magis pernicioso scriptore esse compositum assereret, magnaque cum indignatione asseveraret, velle se eum tormentis adigere, ut genuinum proderet authorem, reposui: neutiquam, Domina, Personam ejus tormentis subjice, sed stylum, est enim Doctor: habeat sibi pennam, atramentum, papyrus

papyrum & librorum subsidia, adigaturque ut continuet Historiam inde ubi desit; egoque in me suscipiam ex scriptiois genere dijudicare, utrum iste genuinus author sit vel non. Quoad ipsam vero rem ajo, quod quotiescunque Regina me interrogavit de Comitibus causa, eodem semper tenore responderim; dixerimque: Errores eos esse, qui in Lege fortean contemptus nomine venirent, esse enim transgressiones particularium Reginae mandatorum & instructionum: defendi autem posse ingenti gratia, qua frui ut apud eam reus, sublimitate muneris sui, & commissionis suae amplitudine: imo ipsius etiam actionis indole: bellum enim fuisse, quod arctis nequeat constringi mandatis, ob locorum distantiam, etiam Oceano disjunctorum, in quo quaestiones instructionesque venti & tempestatum subjectae sunt arbitrio: porro defendi posse authoritate Senatus Consilii Hibernici, quod actiones ejus comprobaverat, & denique intentione bona, quam pro se alligare posset, & quae, in quibusdam religionibus pro sufficienti limitatione seu dispensatione etiam circa DEI mandata habetur, nedum Principum. Omnibus his de causis iterum iterumque supplex Reginam oravi, ut deliberare dignetur, quomodo publica quaestio de Comite instituenda foret; imo perrexi asserendo Essexiae Dominum & facundum esse & eloquentem, & praeter haec naturae artisque dona pollere eloquentia accidentali, utramque illam superante, hancque

hancque esse misericordiam suorum auditorum; adeoque me non dubitare, quod si daretur ei eloqui defensionem suam, superaturus sit contra se disceptantes; idque inglorium Reginae fore. Optare igitur ut privatim intra ipsos lis terminetur, & Comes reddatur dignitatibus pristinis, cum additione quadam honorum novorum ad omnem tollendum animi angorem. Hoc tamen non negabo, quod in genere demonstraverim, non probare me iteratam ipsius in Hiberniam missionem, tum quoniam sic docuissem contraria priori sententiae meae, tum quoniam persuasissimus eram, neque Reginae, neque Reipubl. neque ei ipsi utilem hanc expeditionem fore: neque tamen dissuasi, sed in medio reliqui, ceu *locum lubricum*. Hic etiam recordor quod cum Dominatio Vestra denominaretur ad hanc functionem, non multo antequam transires, placuerit Reginae in aula alba mecum de hac nominatione colloqui, egoque responderim: Profecto, nisi voluerit Majestas Vestra eo mittere Essexiae Comitem, non alius certe felicius eligi poterit: pergebam etiam promere rationes quasdam, at interruptabat Regina sermonem magna cum iracundia: Essexius! (reponens) si quando illum in Hiberniam remisero, Tibi nubam, Tuque quod spondeo, audacter tum exige. Regessi: Sit ita Domina mea, relaxabo tamen sponsonem hanc, si ejus missio Majestati Vestrae proficua visa fuerit. Posthac immediate statuit apud se Regina (quod etiam

etiam factum est) publicare aliquid in Camera stellata, ad satisfaciendum orbi ratione incarcerationis Essexii, ipso tamen in Cameram non vocato, sed occasione saltem desumpta ex libellis famosis hinc inde dispersis. Hoc cum Regina mihi aperiret, contrarium penitus me sentire tradidi, inquiens populum dicturum, quod Essexiæ Dominus in tergore læsus sit, & iustitia orbata sit bilance sua; ea enim solet accusationem & defensionem librare. Hæc & alia verbis apprime acutis tum elocutus sum, adeo ut quantum memini, etiam dixerim, Comitem prævalere Regiæ in *foro fame*, ideoque optare me, ut privatim ista componantur. Sed revera offendi eam hoc tempore, quod alias raro facere solebam: ideoque cum diversis vicibus, ut in Terminis Natalitiorum Quadragesimæ & Paschatis adirem ipsam ob causas judiciales, videbatur mihi non eadem vultus serenitate, & sermonis ingenuitate me alloqui. Increpavit me etiam, quod à stellata Camera illo abfuerim die, quamvis excusassem me ægra corporis valetudine. Præter hæc omni illo tempore altum Regina tenuit silentium, nec quicquam mecum de Essexio locuta est amplius.

Sed Paschatos termino præcipite rupit silentium Regina, dixitque mihi, cognovisse se verborum meorum veritatem, nam quæ in Camera stellata acta fuissent, nullatenus profuisse, imo produxisse potius rumores factiosos, quam suppressisse; statuisse igitur procedere adversus Essexiæ Domi-

num in Camera stellata, per informationem *procretenus*, & permittere ipsi defensionem suam: ita tamen, ut, quemadmodum asseruit ipsa, quodcunque actum sit, vergat *Eslexio* in *castigationem*, non in *destructionem*: id quod saepius antehac dixerat. Tum ego: (penitus ut diverterem Reginam) Domina mea, dixi, si loquendum mihi est in hac materia, cogor repetere, quod Monachi Baconi Cranium, an Caput? dixisse fertur: *Tempus est, Tempus fuit, Tempus non erit amplius*: nam profectò, inqueiebam: jam elapsa est opportunitas, refriguit actio & nimis est dilatata. His iterum se esse offensam ostendit, surgens itaque me deseruit; inque eadem opinione perseveravit aliquamdiu: donec circa æstatis mediæ Terminum, ego ipsi assistens atque animadvertens adhuc firmam ei hanc hæere sententiam, (audiveram enim id & aliunde) cum de hac materia loqui ordiretur, non aliud cernens remedium dixi leviter: *Quid, Domina mea, si placet Majestati Vestræ necessario processum formare, fiat juxta illud Ovidii ad amantiam suam loquentis, Est aliquid lucis patente minus*: Pertractetur in Senatu, & imponatur finis. Hæc quoque verba ægre videbatur ferre, ast confido profuisse tum temporis, & impedivisse processum, per informationem in Camera stellata. Nihilominus placuit ipsi dehinc magis solenniter procedere, ideoque paucos post dies cum mandaretur examinari causa ejus in *domo Eboracensi* in frequentia Consiliariorum, Parium & Judi-

Jadicum, aliorumque virorum nobilium: accerferunt nos è Consilio docto, quidam ex Consiliariis primarii, nobisque Reginae aperuerunt voluntatem; unus autem illorum palam ad me dixit, nondum statuisse Reginam, an ego omittendus forem. Hinc fortassis emanavit alter ille sinister falsusque rumor, ac si fuisset contra Essexiae Comitem sollicitator. Nam verum quidem est, quod respiciens quæ Reginam inter & me intercesserant, & quantam ipsi occasionem dederim tum offensionis, tum diffidentiae, contradicendo opinionibus ejus, firmiter Essexio adhærendo; suspicatus etiam, fore stratagema ex speciali æmulatione enatum; scripserim ad Reginam verba duo vel tria officii contestandi gratia innuens, quod si placuerit ei præterire me in Essexii cognitione, intuitu devincti mei erga eum animi, velle me illud in maximis numerare benevolentiae signis; sin minus, præcatus sum eandem, ut expendat nosse me officiorum debitorum gradus, scil. nullum privatum amicitiae vinculum posse infringere aut elidere debitam illam observantiam, qua tenear obstrictus erga eam, paratusque sim exequi. Et hæc erat honesta illa sollicitatio, quam hominem prudentem omittere certe non decebat. Veruntamen & ulterius hic progressus sum, adverti fore hujus diei pensum exacerbationis, Reginam inter & Comitem, plenissimum: existimabam igitur, quod si in totum Reginae assentirer, (quod Essexiae Domino tamen præjudicare nequivit)

nequivit) posse me fidem meam approbare Reginæ, atque deinceps Essexio prodesse multis modis. Proximum igitur quod audiebam erat, nos omnes accersitos fuisse, & Reginam voluisse, ut singuli partem ageremus suam hoc in negotio. Magnates igitur distribuentes unicuique pensum, fors mea fuit, demonstrare quomodo Essexius indecenter se gesserit, occasionem præbendo & annuendo libello, ut dicebatur famoso, ipsi dedicato; liber autem erat supra memoratus, de Henrico IV. Ad hæc ego regessi Paribus: Vetustum hoc esse, nec ulla ratione cum reliquis cohærere accusationibus, quæ res in Hibernia gestas concernant: ideoque me, jam antehac rumoribus falsis oneratum, magis adhuc iisdem expositum iri, demonstrarem enim non inanem eam fuisse fabulam. Respondebant speciose, quod intuitu arctæ cum Essexio amicitiae, hæc mihi provincia demandata fuerit, utpote minus noxia; cum enim reliquorum operæ versari debeant in criminationibus & accusationibus, hæc tantum Cautelam & admonitionem respiciat. Ego his minime contentus, benignarus feliciter aliquem de propriis accusari facinoribus, quam de alienis moneri: in me tamen *volens nolens*, Reginæ voluntati acquiescens, suscepi spartam, qua si non ad votum functus fui (quamvis nemo ante me tam manifestè Comitem in læsæ Majestatis crimine immunem esse, ut ego feci, docuerit) adscribendum id erit illi, qua Reginæ teneor

teneor famam atque existimationem in publica defendere actione, pietati, nec non intentioni approbandi fidem meam eidem Reginæ, quo postea eo felicius subvenire Comiti possem. Nam quam primum hic præterierat dies, nullum omisi tempus, sed mox in sequenti die (si recte memini) adii Reginam, atque firmiter constitui (quantum quidem per infirmitatem meam liceret) adducere Comitem in aulam & Reginæ gratiam, & gnarus (ad minimum opinatus) quomodo cum Regina sit agendum, existimabam, adblandiri atque asserere, causam pridie pertractatam processisse optimè, esse viam, qua persuaderi ipsi queat, ut hic subsistat. Dixi igitur ad eam: Devicit Majestas Vestra duo, nec à maximis in orbe Heroibus subigenda: Famam & mentem excelsam. Puto enim nunc satisfactum omnibus. Comes autem eam erga Majestatem Vestram ostendit humilitatem, ut ipsum nunquam magis, quam nunc gratia dignum regia judicem. Ideoque, ni placeat corrumpere victoriam procrastinando, sed opportune uti ea & recipere Comitem indulgenter, convincar, omnia quæ acta sunt, in finem tendere optimum: His in verbis admodum sibi placere visa est Regina, sæpius igitur repetiit, mihi que in mentem revocavit olim dicta, scil. hanc procedendi rationem, ad *reparationem*, non ad *ruinam fore*, quasi annuendo, hoc esse tempus, quo cognoscere queam ejus Verborum Veritatem: jus-
fitque

utque ut describerem singula die illo peracta. Obtemperavi, paucosque post dies narrationem integram attuli, & ipsa attendente legi binis pomeridianis vicibus: quoties autem illa legerem, quæ Comitibus continerent defensionem, (quæ maximæ mihi fuerunt curæ) bene recordor, extraordinariè ipsam fuisse commotam, atque propensum in Comitem prodidisse animum; dicebat enim (inquiens, quam optime me Efflexi egisse partes) intelligere se jam, pristinum haud facile evanescere amorem, egoque regerebam illico, sperare me, quod in se ipsa hoc sentiat. Sub finem autem suasi, ut nunc plenè cognoscens causam integram ulterius eam provehi non sinat. Nam Domina mea, inquam, ignis, sat splendide flagrat, cur fodiendus? Præterea potest esse, ut apud se ipsam statuatur Majestas Vestra, quod congruum est hac in re: Nam siquidem expresse Majestas Vestra jusserit abesse scribas, qui consignarent Sententiam inque tabulas referrent, omniaque interdixit monumenta processus istius: Cur populariter id fieret, quod judicialiter M. V. fieri noluit? Assentiebatur his Regina, mandabatque ut suppresserem quæ consignaveram, nec memini ultra personas quinque illa vidisse unquam. Ab hoc igitur tempore per omnes ætatis declinantis dies, cum Aula esset in *Non-such & Otland* unicum meum pensum fuit, scopusque præfixus captare atque præbere occasiones ad restitutionem Efflexiæ Comitibus

Comitis in pristinum statum : hancque intentionem meam eidem indicavi, quam primum in libertatem assertus est, ubi sine periculo indignationis, à Regina metuendæ, poteram ad ipsum scribere; à Comite autem certior reddebar, benigne ipsum acceptare voluntatem & conatus meos; quare quoties Reginam adirem, sæpius autem illo fiebat tempore, tum hac intentione, tum aliis sub prætextibus, his institi: indicavi etiam continuo ex altera parte ipsi fideliter, quæ cognovissem, aut optassem. Conscripsi deinde nomine ipsius literas ad Reginam; quanquam enim scirem ingenium ejus atque stylum præcellere meo, attamen quoniam id à me desiderabat, obtendens se longo hoc intervallo absentem, quasi peregrinum factum esse, nec modernas Reginæ cogitationes habere cognitās: promptum me in hoc exhibui officio, certusque sum, quod intra sex hebdomadas subsequentes, aut bimestre tam bene successerit, ut quotidie sperarim restitutum iri cum in dignitates suas. Neque magis gratus Reginæ fui, quam cum plene audacterque pro ipso loquerer. Possem autem plurima recensere specialia, ast unum tantum vel alterum commemorabo Dominationi Vestræ. Aliquando dislerebat Regina de viro quodam promittente sanare, vel saltem lenire fratris mei Podagram; percontabaturque de successu medicamentorum: respondebam, quod ab initio bene se habuerit

buerit, postmodum vero haud melius imo
pejus. Regina deinde, dicam Tibi Baconi,
inquirebat, causam ejus. Horum medico-
rum methodus, maxime Empiricorum est,
eisdem adhaerere medicamentis, quæ ab
initio sunt apta ad educendos malignos hu-
mores, postmodum autem ignari, quo-
modo mutare medicamenta sua debeant,
adhuc applicant evacuantia, cum potius
confortantia adhibere deceat. Tum ego,
Bone DEUS, inquam, quam prudenter
Majestas Vestra & concinne dijudicat medi-
camina Corpori applicata, neque conside-
rat, quomodo eadem sit ratio medicamen-
torum animis curandis aptorum: uti nunc
in Essexii Causa videre est. Regium Maje-
statis Vestræ verbum erat, correctum iri
mentem ejus, non in ruinam præcipitatum
iri fortunam ejus. Confido scire Majestatem
Vestram abunde evacuatum esse humorem,
ideoque magis quam opportunum esset,
præbere ipsi confortantia atque robur. Isti
enim lenti gradus Majestatis Vestræ magis
apti sunt ad perdendam, quam corrigen-
dam mentem elatam. Alia vice mihi narra-
vit, scripsisse ad se Essexiæ Dominum ad-
modum submisse, seque epistola illa com-
motam esse, ast cum interpretata esset de
abundantia cordis, reperisse, esse tantum
petitionem circa renovationem prædii cu-
jusdam: ad ista ego: Hem Domina, quam
sinistre M. V. ista construit, ac si duo hæc
consistere non possent, licet natura eadem
omnibus indidit Creaturis. Duo enim tan-
cum

tum sunt Sympathiæ genera: alterum ad *perfectionem*, ad *præservationem* alterum tendens. Illius exemplum est ferrum ad magnetem tendens, hujus est vitis palo innitens, non amore pali, sed ut eo saltem sustentetur erigaturque. Ideoque ita decet Majestatem Vestram distinguere Essexii petitionem, ut desiderium inserviendi Majestati Vestræ sit tanquam concernens perfectionem ejus; hujus enim causa natum se esse arbitratur: desiderium autem obtinendi, quod petiit, est tantum quasi sustentatio. Ne itaque diutius detineam Dominationem Vestram circa alia plurima his gemina dico, quod illo ipso tempore binas conscripserim epistolas Comite conscio atque jubente, alteram tanquam à fratre meo exaratam, alteram autem responsionis quasi loco ab Essexio scriptam, in eum finem ut utramque clam Reginae ostenderem, ut ipse Comes Essexius in judicio meminit. Scopus epistolarum harum unicus erat, ostendere Reginae Essexiæ Dominum talem esse, qualem ipsa desiderare queat. Judicet etiam quicumque eas viderit, (nunc enim retrahiatque mutari nequeunt, vel per Fratris mei vel Comitum pedissequos dudum in publicum emissæ) præsertim si ignota ipsi Regina non fuerit, reperieritque apud se temporum istorum faciem; annon conscriptæ sint ab ejusmodi, qui studuit adducere Reginam, ut Comiti bene veller. Sed res ipsa hæc est, exitusque omnium actionum talis, Regina, Magnatum, ut existimo, tergiyersatione inducta,
indies

indies magis magisque ipsi infensa reddebatur. Deinde fortassis recordata quæ continuo, indetesse & confidenter locutus eram egeramque in ipsius commodum, penitus à me alienam se exhibuit, nec spatium trimestri ad minimum, quod intra S. Michaelis & Circumcisionis Festum accidit, me intueri dignata est; sed avertit faciem suam à me; ubicunque me adesse cognovit: & quidem illis vicibus cum ei locuturus essem de causis civilibus, semper accedere me ob rationes leves prohibuit, adeo ut immediate post Januarii Calendas desiderans alloqui ipsam, atque admissus, aperte indicaverim ei dixerimque: Video quod Maj. Vestra abstrahat gratiam à me suam, adeoque multos Regiæ Maj. Vestræ causa perdidit amicos; nunc quoque Vestro privor favore. In eum me Maj. Vestra constituit locum, in quo sunt qui à Gallis vocantur *Enfans perdus*, (perdites autem sunt equitibus præeuntes) nam invidiæ expositus sum, absque aliquo dignitatis gradu, vel etiam robore: scio etiam servum in ludo Schachico coram Rege stantem ab omnibus peti. Haud multi me amant, existimant enim adversus Essexiæ Comitem me egisse. Neque Maj. Vestra mihi favet, quoniam bene novit me ab ejus stetisse partibus. Nunquam tamen me poenitebit, quod secundum integritatem cordis egerim erga vos ambos, absque intuitu propriæ salutis meæ. Ideoque *vivus vidensque pereō*. Si me præcipito, facio illud ad imitationem Doringtoni, qui in Ecclesiæ muris aliquot circumiens

cumiens diebus, aspexit contemplatusque est locum, in quem decidit. Sic & ego, Domina mea, non adeo sum ignarus ne praevideam ruinam meam: hoc tantum volo sciat Majestas Vestra integritatem, non stultitiam meam me huc præcipitasse. Et sic pro Majestate Vestra orare non desino. Ad verba hæc mea, quæ non sine vehementia proloquebar, admodum movebatur Regina, accumulabatque innumera humanitatis gratiæque erga me verba: ac jubebat ut acquiescerem illi: *Gratia mea sufficit*: addebat etiam alia favoris indicia, ita ut præterea desiderare quicquam non possem. Quod vero concerneret Essexium, *ne verbum quidem*. Abivi deinde apud me statuens, huic non amplius interesse negotio, videbam enim, posse me eo destrui, nullatenus autem Comiti prodesse. Et sic intermisi fiduciam meam aut temeritatem, hacque vice ultimo vidi Reginam ante octavum *Februarii* diem, Essexio fatalem seu luctuosum: ideoque posthæc nihil contra eum agere potui, uti nec antehac egeram. Nam quoad illud in judicio præstitum, bene novit Dominatio Vestra ex officiorum legibus, me oportuisse & decenter & absque dolo perficere. Quod autem ajunt, ingessisse me huic liti, DEUM testem advocare queo, me neque a Regina petiisse, nec ab alia quacunque Persona, ut admitterer, sive ad perhibendum testimonium, sive ad examinandum reum: sed unice tale quid mihi demandatum fuisse reliquisque Collegis meis. Quoad tempus

O

vero

vero intercedens accusationem & supplicium Comitum, bene quidem memini, me semel fuisse apud Reginam, non tamen licuisse, rebus sic stantibus, causam ipsius agere directe; ideoque in genere tantum deprædicaui Reginæ misericordiam, appellans eam opobalsamum nobilissimum, assidue à Regiis ejus destillans manibus, suavissimumque in populum effundens odorem. Audebam quoque extenuare non factum, hoc enim non licebat; sed periculum; asserens quod si cruenti quidam ejusmodi suscepissent actionem, magnæ certe sanguinis effusioni præbuissem occasionem: verum apparere satis, eos ignorare, quomodo cum delinquentibus agendum sit: his & alia addidi, nunc haud recensenda. Quomodo vero in reliquis me gesserim, multos producere nobiles possum testes, comprobantes, quod altera post Comitum accusationem die, diligentia atque informatione mea circa qualitatem & naturam delinquentium, sex è novem dimissi fuerint, alias certe convincendi: artuli enim Parium literas eorum convictionem inhibentes, postquam duodecim inquisitores jam præstitissent juramentum, atque adversus eos procedere parati essent; eo jam res delapsa erat. Testari etiam possunt, quam sollicitè egerim, ut quicumque huic intricatus fuit negotio, quam primum causa ejus sufficienter cognita definitaque fuisset, non in custodiam traderetur, sed liber dimitteretur: & alia plurima, ab integritate viri honesti minime aliena. Non tamen

men pernegabo me in causa Equitis Thomæ Smith Londinensis, Regina poscenti opinionem meam, dixisse; existimo æque durum esse casum ejus ut aliorum; rationem vis hujus sententiæ meæ? non alia fuit, quam quod tunc videram tantum accusationem ejus, non vero examen; Rebus ergo sic stantibus, admodum egissem sinistre, nisi hanc declarassem sententiam meam. Deinde vero cum examinaretur denuo occasione accusatorum, suum proprium infringentes testimonium; præsertim illum ipsum audiens ego *viva voce*, confestim Reginam adi, integritate conscientiæ meæ percitus, neque suspiciens quæ antehac prolocutus fueram, dixique persuasum mihi esse, quod in honorem actionis, ulterius procedi debeat, quoniam revera aut accusatorum inter sit, quid de ipso fieret, aut cum ipso communicent consilia. Verum quoque est, quod Regina tum temporis delectata scriptione mea, occasione ejus quod præstiteram circa processum in Eboracensi domo susceptum, aliisque relationibus ipsius jussu olim consignatis, jussit ut conscriberem librum illum, in publicum deinde, ut satisfaceret orbi, editum, quod tamen ita præstiti, ut neque Secretarius plures speciales expressasque directiones & instructiones accipere possit: & neque hoc solum, verum etiam primas designans lineas Reginae mandato Primariis Consiliariorum exhibui, qui perlegentes examinarunt, dijudicarunt, mutarunt & penitus novum fecerunt. Unde ego

secundum ipsorum sententiam scribens, ostendi non solum ipsos, sed me quoque veritatis æque amantem esse ac studiosum, quo mundo satisfaceret. Verba enim suppeditavi tantum, ipsi autem quæ scribenda forent, suggererunt, imo mandarunt. Denique postquam Consiliarii approbassent, Regina demum perlegit diligentissime, immutavitque quædam denuo: quinimo prelo subjectus liber, Regina, quæ ut novit Dominatio Vestra, excellit rebus in magnis, inque parvis exacte pensitat singula, recordata, me haud potuisse oblivisci veteris, qua veneratus essem Essexium, reverentiæ, semper cum appellando Dominum meum (My Lord of Essex) idque incongruum ipsi videretur, adeoque substitui vellet, nudum Essexiæ nomen, aut Comitis solum axioma apponi, illico præcepit de novo libellum imprimi, priora vero exemplaria suppressi peremptoriè.

Hæc itaque Domine mi benignissime, quantum memini, sunt quorum particeps fui, & nunc exhibui verbis ipsissimis olim prolatis; non quod repeti mereantur, mea scilicet, sed cum in finem, ut Dominatio Vestra, exactè discernere queat veritatem genuinam à mendaciorum blanditiis. Idque eo libentius feci, quoniam in rebus dudum gestis ipsa verba mea ac Phrases revocarunt mihi in memoriam actiones, de quibus vellem Dominatio Vestra cognoscat, annon viri honesti vestigia in eis reperiantur. Si vero æque mihi fidem adhibuissent Regi-
na

na & Essexius, ut patienter audierunt, tum Comes fuisset fortunatus, neque ego sine ipso nunc essem infelix.

Ut igitur finiam, demisse flagito, condonet Dominatio Vestra tædiosam hanc longamque narrationem, digneturque me tam diu amplecti favore suo, donec contrarium me meruisse cognoverit, & sic persevero

ad Dominationis Vestrae

Servitia promptissimus.

CONSIDERATIONES

DE BELLO HISPANICO,

ad Carolum Principem.

Celsitudo Vestra imperatorio gaudet nomine; *Carolus* erat, qui ad Francos deferebat imperium: *Carolus* item, qui ad Hispanos. Nonne & magnam Britanniam eadem decent fata? Verum seponamus quæ fumi instar, cerebrique sunt figmenta, & solida loquamur. Bellum cum Hispania (si Rex illud suscipere voluerit) ingens opus est: ingentem exigit apparatus, & fortitudinem invictam. His qui non assentitur, Zelum habet, sed non secundum scientiam.

Quaquam nec nimius Gigas sit Hispanus : quicunque existimat ipsum prævalere ; auxiliis enim instructus est , instruique potest ; inique judicat , atque regnorum vires ex magnitudine aestimat , non virtute. Quaquam igitur decrevissem , penitus retrahere cogitationes meas à negotiis civilibus , attamen quoniam novus hic casus est , patriam meam infinitis concernens modis , tandem à me impetravi ipso , descriptionem eorum , quæ juxta longam in status negotiis experientiam , variamque librorum politicorum & historicorum lectionem , hic necessaria esse reperi. Celsitudini autem Vestrae ista offero , spe fretus fore , ut cognoscat C. V. affectus mei robur ex virium infirmitate. Nam & Hispani proverbio dicunt : *Desuario siempre con la calentura : nullus est affectus ingens sine ingenii defectu.*

Ad bellum requiruntur , *lis justa , exercitus apparatusque sufficiens , & consiliorum prudentia.* Primo igitur *Causa justitiam* demonstrabo : *robur* deinde expendam ; & denique varia proponam *consilia* , non verò quæ sint eligenda suadebo. Hæc enim sic scribi non debent ; neque ingenium hic sufficit meum , utpote rerum , quæ geruntur , ignarum.

Bella (non de piraticis & ambitione plenis loquor) sunt provocationes ad Divinae justitiæ tribunal , ubi superior , qui determinet licet , non est. Sunt igitur (ut in forensibus causis) actionem instituentes & defendentes. Tres ergo ex nostra parte stant belli iustissimæ causæ. *Actionis* una est , *Defensionis* duæ.

Salo-

Salomo inquit: *Funiculus triplex non facile rumpitur*: præsertim cum horum singuli per se sat sunt firmi. Sunt autem sequentes. *Recuperatio Palatinatus: justissimus metus ne subruatur Respubl. nostra, & justissimus metus ne subruatur Ecclesia religioque nostra.* Circa has autem postremas ostendam, prævenire aliquem bello ob metum justissimum, esse defensionem, æque ac si post invasionem susciperentur arma: & porro, bella defensiva religionis causa, (non rebellionis) esse justa: licet bella offensiva, religionis ergo suscepta, raro sint licita, aut nunquam, nisi forte civiles admisceantur rationes. Verum omnia, quæ de his sum dicturus, erunt instar glomeris, arcte convoluti, ex quo tamen doctæ acus fortassis possit pingere ceu consuere opus.

Circa Palatinatus recuperationem non ascendam ad justitiam *belli Bohemici* inquirendam. Nullo quidem prætextu retineri posset Palatinatus, si ex nostra parte removerentur dubia; occupatio enim ejusdem mera fuit primarum injuriarum vehementia, & super injustitia. Verum quia non satis novi Consuetudines, Transactiones & Privilegia *Bohemiae*, tantum non suscipio in me tractationem. Quod perficere nequeo, neque incipio. Hoc saltem obiter dico, rotundè tamen & constanter. Regnum *Electivum* neutiquam tam absolutum esse, quemadmodum *Hereditarium*: uti neque pater tantum in filium adoptivum ac in proprium & ex se genitum habet potestatem & utilitatem.

Naturalis obligatio fortior civili. Illudque firmum est axioma, nil magis naturæ consentaneum est, quam ut iisdem modis res dissolvantur, quibus constituuntur. Ita ut si populus sit quicquam in electione, non possit fieri ciphra in privatione vel translatione imperii. Si autem obijciatur esse hanc opinionem exitiosam *Papæ, Imperatori & Regibus electis*: Concedo, imo dico, quod debeat esse perniciofa ejusmodi personatis Papis, Imperatoribus, & electis Regibus, qui transiliunt limites suos, atque in Tyrannos convertuntur. Securitatem autem gignit fedibus, imperiis, regnisque ipsorum, imo & illis ipsis, si sint prudentes. *Plenitudo potestatis est plenitudo tempestatis*: Primaria verò, cur hic nolim largius inquirere, causa est, quoniam id mihi necesse non est; & pertractans belli justiciam, nolo immiscere dubia indubitatis. Nam sicuti in causis capitalibus, ubi tantum de unius hominis vita instituitur questio, in favorem vitæ, argumentum evidens sit, necesse est; ita tanto magis id requiritur in judicio belli, quod hominum myriadibus est capitale. Suppono igitur pessimum: *Bellum in Bohemia offensivum fuisse injustum*: & deinde casum formans, qui æque cito deciditur ac formatur: si modo formeretur plane & perspicue, non verò involvatur: Estque in thesi talis. Cœptum est *bellum offensivum*, estque injustum respectu invasoris. Prosecutio atque cursus belli defendentem cogit occupare vetus & indubitatum primi invasoris patrimonium; qui nunc in defendentem

com-

commutatur, quæritur ergo: an hic pacem
 inire vel potius defendere se teneatur: aut si
 ejectus fuerit provinciis suis, nonne lice-
 bit recuperare eas? Certe nemo tam est in-
 genio orbus, quin affirmet. *Cadmus Castellum*
ceperat, Thebasque ipsas infestabat, Phæ-
bidas Lacedemon vafre & perfide: hinc Theba-
ni adacti oppugnare Castellum, civitatem-
que recuperare suam, & prosequi bellum
usque ad Spartæ mœnia. Quæro an Sparta-
næ civitatis defensio injusta fuerit, Theba-
norumque ex Laconum territorio veteri ex-
pulsio? occupatio illius in Mediolanensi Du-
catu partis, quæ Abduæ fluvio adjacet, à
Venetis facta, erat ambitiosa ex fœdere
cum Gallis expugnatio, atque injusta. Ve-
rum hæc belli rota, agitari cœpta, tantam
in Venetos devolvit tempestatem, ut Padua
& Tarvisium ipsis fuerint ademptæ; omnes
etiam in continenti terra deferere cogerentur
provincias, solisque marinis contenti vivere
aquis. Dicetne hic aliquis, memorabilem
Paduæ recuperationem & defensionem, (cum
Veneti nobiles, bello non assueti, amore
tamen patriæ fortes evaserint primo die mi-
lites) ut & Tarvisii receptionem, aliorum-
que Dominiorum, fuisse scrupulose exami-
nandam, justæ essent nec ne, quoniam oc-
cupationis origo lis erat injusta? Dux Urbis-
natum Julii II. P. R. Nepos iniquum gessit
bellum, cum esset Hispanorum rebellium
Dux; quidenim iniquius, quam vires ani-
mmque rebellibus addere desperatis, S.
Pet. invadere Patrimonium? &c. Fortuna
 belli

belli tandem & Urbinum eripuit Duci, indubitato jure ad ipsum pertinens. Et tamen hoc in casu nullus confessionarius (quamvis severam ipsi ob primam iniquitatem injunxisset poenitentiam) suasisset, dimissionem sui in Urbinates juris, quod recuperavit feliciter posthac, atque ad posteros transmisit suos ad hunc usque diem. Nihil injustius quam invasio maris nostri à classe Hispanica An. 88. facta. Sancta enim ipsis fuit terra nostra, calcare eam ipsis non licuit. Dicamne autem Lisboæ vel Gadium defensionem postmodum fuisse injustam? sunt præterea exempla innumera: *ast utor in re non dubia exemplis non necessariis*: Ratio est aperta, *Bella sunt vindictæ*. Vindictæ autem infinitæ non sunt, sed ad mensuram primarum injuriarum & damni exigendæ. Ideoque quando bellum offensivum voluntarium processu fortunaque belli in defensivum convertitur, tragiæ scena immutatur, & quasi novus incipit actus: Quanquam enim speciales in bello actus sint connexi re ipsa, attamen in jure separati & distincti: instar intricatarum in foro litium, in quibus pars utraque est justa. Atque hoc tam clare patet, ut ulteriore non egeat discussione. Ac nihilominus si in rebus adeo clavis, loqui licet de magis aut minus claro in casu nostro præsentis, major evidentia à nostra stat parte; jam enim *subest Bohemia Imperatori*. Nam licet verum sit: non dari compensationem injuriarum; attamen major daretur prætextus ad Palatinatum detinendum, sub specie compensa-

tionis,

tionis, si Bohemia fuisset perdita, vel adhuc belli existeret theatrum. De hoc igitur amplius nil dico, si verò obtenditur Proscriptio seu confiscatio, quam Imperator hac in causa tanquam Judex & Actor pronuntiavit, rehero: Prohibeat Deus ne fiat ad bellum appellatio. Nam revera forum Poli, æque est Cancellaria ad proscriptiones examinandas & mitigandas, ac legis communis forum ad decidenda jura. Et revera nunquam deessent in *Germania*, *Italia*, alibi que locorum turbæ, si imperiales proscriptiones justum gignerent titulum.

Et tantum de primo pro Bello Hispanico argumento, quod est quasi actio propter recuperandum Palatinum: omisso illo quod largioris discussus esse possit materia, multisque comprobatur exemplis; *Quodcunque acquiritur pacificationibus iniquis restituendum est in integrum.* Videmus id quotidie fieri in actionibus civilibus. Imagines enim grandium rerum optime cernuntur in speculis contractæ exiguis. Videmus *curias* omnes *Prætorias*, si pars quædam sopiatur prætextu compositionis & transactionis, altera verò astute favorem legis lucretur, vel ad ipsam usque sententiam & executionem: illa tamen summa fora, omnia in statum, in quo prius fuere, reponere, neque ullum respectum ad evictionem aut dispositionem habere. Tandem opinetur nemo, me de bello pro recuperando Palatinatu loquentem, velle ut id fiat *linea recta*, ad illum Ducatum: Nam introspecte *jus faciale*, exempla que omnia,

omnia, & absque scrupulo videbitur æquum esse: Quod post legationem ad res repetendas, atque repulsam, denunciationem etiam & indictionem belli, bellum amplius non sit ad controversum locum alligatum, sed relinquatur liberum prout opportunitas tulerit, invitaveritve.

Ad secundum igitur argumentum procedo, quod erat, *justissimus metus ne subruatur Respubl. nostra*. Sulcipitur igitur bellum non solum pro Palatinatu, verum pro Anglia, Scotia, Hibernia, Rege nostro, Principe nostro, gente nostra, & quicquid habemus denique. Sunt autem hic probanda duo. *Primum*, quod justus metus (absque invasione ipsa vel injuriis aliis) sufficiens sit belli revera defensivi causa. *Secundum*, quod justam habeamus nobis ab Hispanis timendi causam. *Justam*, verò dico, *causam*; nam bene JCri definiunt, *justum metum*, qui cadit in *constantem virum*, in *rebus privatis*, & *justum metum*, qui cadit in *constantem senatum*, in *causa publica*. Non ex umbratilibus levibusque suspicionibus & longinquis conjecturis; sed ex manifesta damnorum imminentium prævisione.

De primo audiamus secula disserere. *Thucydides* in introductione ad magni Peloponnesiaci belli historiam inquit, genuinam ejus fuisse causam Athenarum incrementa & Lacedemoniorum metum: nec veretur asserere Lacedemoniis inde bellandi necessitatem impositam: quod defensivum arguit bellum. Verba ejus sunt hæc: *Verissimum quidem,*

*dem, sed minime sermone celebratam arbitron
 extitisse belli causam, Athenienses magnos effe-
 ctos, & Lacedemoniis formidolosos, necessita-
 tem illis imposuisse bellandi: quæ autem propalam
 ferebantur utrinque causæ, istæ fuerunt &c. Sul-
 pitius Galba Consul Romanis suadens, ut
 præveniant bello Philippum Macedonum
 Regem, qui magno tum instructus erat ex-
 ercitu, intendebatque quosdam ex Roma-
 norum confœderatis oppugnare, audacter
 affirmavit, non intelligere quæstionem;
 qui hoc pro offensivo habeant bello. Ignora-
 re videmini mihi, Quirites, non utrum bellum
 an pacem habeatis, Vos Consules (neque enim id
 liberum vobis permittit Philippus, qui terra ma-
 rique ingens bellum molitur,) sed utrum in Mace-
 doniam legiones transportetis, an hostem in Ita-
 liam recipiatis. Antiochus cum invitaret Pru-
 siam Bythinia Regem (eo tempore Romanis
 confœderatum) ut secum adversus eosdem
 arma jungat, proponebat ei justum metum
 ex nimio Romanorum incremento capien-
 dum, comparans eos igni, continuo ablu-
 menti, & de regno in regnum serpenti: Ve-
 nire Romanos ad omnia regna tollenda, ut nullum
 usquam orbis terrarum nisi Romanum Imperium
 esset; Philippum & Nabin expugnatos se tertium
 peti, ut quisque proximus ab oppresso sit, per-
 omnes velut continens incendium pervasurum. Ubi
 bene meretur observari, quod cum regn's
 ambitiosis (quæ ad summas adspirare Mo-
 narchias notum est, & omnibus occasioni-
 bus quærere imperii sui extensionem) crescant
 argumenta justî metus. Ideoque in consiliis de*

bello contra Turcam gerendo, sæpe magno cum iudicio ostensum est; Christianorum Principes & status sufficientia habere pro invasivo bello argumenta, non religionis causa, sed iusti metus ergo. Nam sicuti apud Turcas fundamentalis lex est, Christianos oppugnare solum legis suæ propagandæ causa; ita Christianis non nisi perpetuus belli impendentis metus relinquitur; ideoque omni tempore quo opportunum videtur, prævenire Turcas possunt. Demosthenes omnia deridet bella, quæ hostem non præveniunt; comparans illos, qui aliter belligerant, rusticis in palæstrâ certantibus, nec antequam icti fuerint, advertentibus: *Ut Barbari pugiles dimicare solent, ita vos bellum geritis cum Philippo: ex his enim qui ictus est, ictui semper inheret: Quod si eum alibi verberes, illico manus transfert; ictum autem depellere aut prospicere, neque scit, neque vult.*

Clinias in Platone ferociter loquitur, pacem inter gentes non dari, sed unamquamque opportunam tantum aliam oppugnandi expectare occasionem. Et in hac sermonis temeritate ista latet civilis prudentia: Unamquamque remp. debere sibi cavere, & prævenire potius, quam præveniri. Verba ejus sunt: Quam rem fere vocant pacem, nudum & inane nomen est: revera autem omnibus adversus omnes civitates bellum sempiternum perdurat. Bene quidem novi, verba hæc objectionem, non decisionem constituere atque refutari deinde: Veruntamen (ut dixi) tantum continet veritatis, quod si universalis malitia, &
ad.

ad bellum apparatus (quæ Clinias malè in omnibus fingit gentibus) ad justum usque provehantur metum, jam amplius pax non erit, sed pacis tantum nomen.

Iphicrates Atheniens. ad bellum gerendum neque justum belli metum poscit, & Cliniaæ consentit. Nam in tractatione pacis cum Lacedemonibus apertè inquit, pacem esse non posse, nisi Lacedemonii ea omnia largiantur quibus concessis, Atheniensibus amplius nocere non possent, licet vellent. Et ut verum eloquar, hic fuit omni in ævo summus prudentiæ apex in fortibus sapientibusque consiliis: invigilare ne republ. adjacentes invasione, incremento, confœderatorum ruina, mercaturæ attenuatione, similibusque noceant reipub. cui ministrant: Et quandocunque ejusmodi enituit casus, illico bello redimere eundem, nunquam autem pacem sublesta pacisci fide. Memoria dignum, imo & recenti hæret memoria, illos Regum Triumviros, (*Henricum VIII. Angliæ, Franciscum I. Franciæ & Carolum V. Imperatorem atque Hispaniæ Regem*) tempore suo tam fuisse providos, ut ne terra, vel unius palmæ amplitudinem exæquans, ab alterutro acquireretur; mox enim duo reliqui omnem intenderunt nervum, ut ex æquo statuerent Europæ bilancem.

Parem his diligentiam navarunt ante ipsos Ferdinandus Neapolitanorum Rex, Laurentius Mediceus, Florentinorum Dux & Ludovicus Zforria Mediolanensium, fœdus sancientes (ex quo Guicciardinus suam ordinat historiam, ac si æra esset felicitis in Italia status).

status) imprimis adversus ingruentem Venetorum potentiam designatum; ita tamen ut confœderati semper se intuerentur invicem, observarentque ne alter cresceret. Ut igitur finiam; quanquam Scholastici (reverendi alias viri; aptiores tamen ad dirigendos calamos, quam gladios) existiment offensivum bellum quodcunque, debere esse ultionem; ultionem autem præsupponere invasionem præcedentem vel injurias: attamen nunquam ad hunc, de quo loquimur, descendunt metum justum; neque tantæ sunt authoritatis, ut definire possint quæstionem, adversus omnia seculorum exempla. Nam revera quamdiu ratio est ratio, justus metus justissima erit prævenientis belli causa: præsertim autem, si casum ingrediatur certissima notitia de gente ad Monarchiam adspirante, novasque regiones ambiente: Tum certe respubl. alias prima expectare verbera necesse non est, neque reprehendendæ sunt, si Poliphemi sortem, quæ erat devorari postremo, subire nolint.

Porro autem observo in illo Platonis loco nuper allegato (vel ex opinione quæstionem determinantis, non verò objicientis) justum metum pro justissima haberi belli invasivi causa: licet metus non procedat ex vitio Reipubl. invadentis. Nam traditur ibi, quod si Resp. ex proprii corporis ægritudine timeat seditionem seu motus intestinos, posse eam exonerare humores illos vitiosos bello externo tanquam Medicina opportuna. Suasit hoc Gaspar Colinus Franciæ Admiralis.

Carolo

Carolo IX. fortiter ipsum ad Belgicum incitans bellum, quo civiles in Gallia extinguerentur motus. Sed neque hoc consilium successit feliciter; neque ego hanc omnino defendam thesin: nolo enim Politicos armare adversus Ethicam: ancillatur Ethica vera Theologiæ & Religioni. Revera S. Thomas (cujus ingenium inter scholasticos latissime patuit) suum imprimis stylum adversus depravatos flectit affectus, in bello prædominantes, & ex S. Augustino dicit; *Nocendi cupiditas, ulciscendi crudelitas, implacatus & implacabilis animus, feritas rebellandi, libido dominandi, & si quæ sunt similia, hæc sunt quæ in bellis jure culpantur.* Ipseque tamen Thomas de genuinis belli causis differens, relinquit in terminis admodum generalibus. *Requiritur ad bellum causa justa, ut scil. illi, qui impugnantur, propter aliquam culpam impugnationem mereantur.* Nam *impugnatio culpæ* magis generalis est quam *ultio injuriæ*. Et tantum de propositione prima argumenti secundi, videl. *justum metum esse justam belli causam, & præveniens bellum esse defensivum.*

Secunda seu minor propositio erat: Huic regno metuendam esse ruinam ab Hispano. Et hic verum est, metum semper obscurius discerni quam facta: & ex altera parte, metum sæpius ita repræsentari hominum mentibus, ut potius eas caligare faciat, quam aperte cernere. Loquar igitur ea ratione, quam requirit objectum, i. e. probabiliter, modeste & breviter. Neque
dedu-

deducam metum hunc ad ea quæ nunc accidunt, sed tantum generalia monstrabo fundamenta, reliqua magis secretis permittens consiliis.

Nihilne est, quod Hispanus magis dilataverit limites suos intra hos centum viginti annos, quam Ottomannus? Non de connubiis loquor vel conjunctionibus, sed armis, occupationibus, invasionibus. *Granada*, *Neapolis*, *Mediolanum*, *Portugallia*, *India Orientalis*, *Occidentalis*; huic accesserunt regno, desiderarunt etiam *Britanniam Gallicam*, *inferiorem Picardiæ partem*, & *Pedemontium*, sed spes decollavit; in huncusque diem adeo inhiant Valli Tellinæ, ut accipiter alaudæ. Palatinatus etiam in ipsorum est manibus: adeo ut manifestius nihil sit, quam Hispanos adhuc Imperium desiderare, reliquis inter Christianos Rebus publ. tranquille viventibus. Aspice deinde titulos, quibus has novas acquisiverunt, & adhuc tenent terrarum portiones, & tam videbis varios; & ejusmodi generis, ut (decenter loquar) facile possint formari, nec ullo deficere tempore. Ideoque quot novæ terrarum expugnationes & acquisitiones, tot classici pulsationes, quæ metum aliis incutiant nationibus & ad arma provocent: Titulorum autem facilitas tanto vehementius classicum canit, quanto citius & ipsas innectere suæ potest ambitioni.

Si à generali ipsorum habitu, dominium extendendi suum, descendamus ad particularem, & desiderium quo nobis inhiant, videbimus

videbimus jam bis ipsos hoc tentasse regnum. Prima vice conubio Mariæ Reginae, altera oppugnatione anno 88. cum vires ipsorum maritimæ & terrestres infirmiores non essent, quam nunc existunt. Illo autem tempore anno 88. Hispanorum Consilia & intentio ex multis observatis, videbantur esse; quoniam bellum Belgicum tam esset indecorum atque diuturnum, ut statuerent, quod, quamdiu Anglia permaneret in eo statu, ut posset succurrere Belgis, se tantum ipsos sint consumpturi bello infinito; idcirco oppugnamdam & supprimendam esse Angliam; quæ Flamingorum fuerit columnen & fulcrum. Et quis quæso spondebit eadem consilia non reditura? adeoque forti constringam periculorum dilemmate. Si permittimus everti Flamingos, erimus nudi atque ornatu spoliati; sunt enim ipsi quasi antepagmenta nostra: si succurremus (ut decet) fortiter ipsosque erigemus; Hispaniam autem non debilitabimus, periclitabimur belli scenam atque in Hiberniam convertemus vel Angliam. Sicuti rheumata & defluxiones in corpore, quæ si emplastrum imponas crassius; causam verò morbi non tollas, ad alium descendunt locum seu membrum. Bis invaserunt Hiberniam, semel sub Pontificis R. vexillo à Dño Grajo cæsi, & deinde proprio suo nomine, à Domino Montejo fugati. Et hoc sufficiat nobis, ut intelligamus, quomodo erga nos affecti sint. Sed objiciat aliquis; hæc vetera respiciunt; nunc alia sunt tempora. Non invasit Hispanus regionem hanc

hanc ab illo tempore, quamvis vehementer
laceffitus à nobis fuerit duabus invasionibus
distinctis. Verum est, sed expende, im-
mediate post annum 88. diu fuit occupatus
in protectione fœderis Gallici, nec aliis
tunc vacare negotiis potuit; Deinde attenua-
tus vastis continuisque bellis requievit & re-
spiravit, acceptaque reparavit damna.
Nunc autem res ad eundem videntur redire
statum. Imo majori cum damno nostro.
Contigua enim fecerunt Dominia sua, à
Mediolano per Vallem Tellinam & Palati-
natum ad Belgium usque: Videmusque quo-
modo sitiant aliarum rerum publ. ruinam,
despicientes fere Germanos, nec, nisi ab
Anglia, metuentes oppositionem. Unde
necessario sequitur, ut vel permittamus
Germanos subverti nostro cum damno, aut
expectemus, ut dixi antehac, quid Hispani
sint accepturi. Neque internum damnum
hic succrescens omittendum. Pontificio-
rum in Anglia factio magis nunc connectitur,
tum quoad dependentiam ab Hispanis, tum
inter se, quam antehac factum. Et hic in
considerationem redit, anni 88. actio; tum
enim ex literis diversorum secretis apparuit,
intendisse Hispanos aliquot ante invasionem
annis, factionem hoc in regno, quæ sibi,
cum advenirent, adhaerere parata esset.
Jactitarunt etiam, non dubitare se de Re-
gina, senatuque Anglicano, quin securi
sint futuri, harumque rerum minime gnari.
Nam, inquebant, Respubl. Anglicana
circumspiciet saltem, num eminens aliquis
Vir

Vir Dux istius esse queat factionis, & nullum inveniens secuta deget. Ipsi enim cum plebe tantum atque privatis agere constituerant, per reconciliationes, confessiones & promissa secreta; neque multum de factionis duce laboraverunt. Et hæc genuina fuit causa, cur posthæc seminaria florere inciperent, inque Angliam missiones fierent; (quod anno 23. Elisabethæ factum, quo etiam prima de invasione suspicio enata) tum etiam, nec ante illud tempus, severæ adversus Pontificios condicæperunt leges. Possunt itaque Pontificii suam immutare gratiarum actionem, & cum gratias hæctenus egerint Hispano pro ejus in se favore, nunc ei accepta ferant pericula & calamitates, si quæ ipsis acciderunt: nihil enim causam eorum tam fecit malam, quam de magnitudine Hispanica addubitatio; quæ rationem status jungens conscientie atque religionis negotiis, leges adversus eos acuit. Et hicce casus quadantenus videtur nunc reverti, nisi S. R. Majestatis clementia, ut & Reip. superabundet. Ego quidem id opto, vellemque, ut ratio in eos procedendi potius securitatis ergo & providentiæ instituatur, seu ratione status; quam ut sit persecutio religionis causa. Sed finiam; ista breviter enarrata possunt in materia conjecturali & futura docere, quam justam regio hæc timoris causam habeat: prætermisissis etiam (ut dixi) præsentibus magisque secretis actionibus.

Tertium pro bello Hispanico argumentum, est justus ob Ecclesiæ religionisque
everlio-

everſionem metus; quod minime multis e-
get verbis. Nam ſi bellum hoc ſit deſenſi-
vum, (ut probavi) nemo dubitabit, bellum
deſenſivum pro religione contra exterum
eſſe legitimum. De bello offenſivo major
eſt diſputatio: miror tamen ſcholasticis de-
ficere verba in deſenſione belli pro recupe-
randa terra & ſepulchro S. ſuſcipiendi,
cum S. Bernhardo deficerent ad commen-
dandum illud. Ego verò qui in hoc exiguo
tractatu omitto neceſſaria, non neceſſaria
hic inferere nequeo. Nemo, inquam,
dubitabit, ſi Papa vel Hiſpaniarum Rex à
nobis exigent religionis noſtræ abjuratio-
nem ſub pœna belli, æque injuſtum hoc fo-
re poſtulat ac *Perſarum Græcis* aqua & ter-
ra interdicientium: vel *Ammonitarum* ab
Iſraelitis dextrum oculum flagitantium,
Gentiles omnes deſenſiva ſua bella inſignive-
runt *pro aris & focus*: Altaria ſua cordibus
ſuis præponentes, ita ut in vanum ſit, plura
de iſto loqui. Hoc ſaltem addendum; reli-
gioni ab Hiſpano magis metuendum, quam
ab aliis principibus Pontificiis vel rebus publ.;
nam iſtis ſufficit ſi in territoriis ſuis manu
teneant religionem ſuam, nec aliorum re-
gnorum ſubditis ſe immiſcent. Hiſpani
autem mens fuit tum Caroli V. tum foederis
Gallici tempore, per bellum, & nunc no-
biſcum per foederum pacta, immiſcere ſe
exteris & declarare, eſſe ſe protectorem ge-
neralem omnium in orbe Pontificiorum.
Ac ſi eadem cum Ottomanno ſentiret & Papæ
leges propagare armis veller, ut iſte Ma-
hometis.

hometis. Et tantum de litis iustitia; si bellum Regi suscipere libeat: nam omnia quæ dixi, dicturusque sum, docebunt saltem, quid ipsi facere liceat.

Alterum quod expendam est roboris nostri cum Hispanorum libramentum: & hoc quoque plus non intendit, quam quid Rex facere possit: hoc enim duplex est, potest Rex facere quod *iustum* est, & quod *Possibile*: de illo jam dixi, hoc sequitur: dixi etiam Hispanum non esse Gigantem, aut si sit, erit David adversus Goliathum. Deus enim à nostris stat partibus. Verum relinquamus argumenta supernaturalia, & more humano atque Politico loquamur: existimo non prævalere Hispaniam Angliæ vel ex iis fundamentis, quibus innituntur omnes, *Experientia & ratione*. Ab experientia initium faciam, hinc enim omnis incipit ratio.

Fortunamne dicemus, quod in bellis omnibus, magnis vel exiguis, quibus annis abhinc multis cum Hispano decertavimus, cum honore & lucro fuerimus superiores: certe fortuna non est: tam enim constans non est. Est aliquid in populo ingenitæ fortitudinis, vel simile quiddam. Ostendam id breviter ex historiis absque auxilio. Hic autem sermo, inquit, decet Campi-ducem ante prælium alloquentem exercitus: assention: verum nec dedecet idem senatum, de bello incipiendo consultantem. Non tamen loquar ista in Hispanicæ gentis contemptum: existimo enim & ipsam optimos in Europa

ropa suppeditare milites: sed honori saltem nostro cedat, si ipsius fuerimus superiores.

Anno 1578. fatalis ille exitit dies, Joannis Austriaci extinguens gloriam, cui nec ipse diu fuit superstes. Superior is erat exercitu, assistebant ei Parmensis Princeps, Mondragonius & Mansfeldius, alique Hispanorum Duces optimi, sed de victoria certus nimis, fortiter confœderatorum copias prope Rimenantam aggressus est ab initio, sed post integræ dici pugnam profligabatur, atque cedere cogebatur, cum magna suorum strage, cursuque aliarum actionum penitus interrupto; idque fortitudine & alacritate imprimis Anglici & Scotici exercitus, Ducibus Johanne Norisio & Roberto Stuardo Equitibus: exercitus hi ad confœderatos tantum pridie venerant, longo difficilique itinere defatigati; & (prout memoratu digna in omnibus historiis erit circumstantia) milites, magis solis ardorem, quam algidum mortis timorem sentientes abjecerant armaturam atque vestes, in indutis solis pugnantes: omnesque delevissent Hispanorum copias, nisi Comes Bossuvii tardus fuisset in persequendis Hispanis. Verum sufficiebat istud ad castigationem Austriaci, intuitu insidiosæ de pace tractationis, qua quamprimum adveniret, imposuit confœderatis. Hujus autem dici felicitas (præter omnium historiarum testimonium) eo certius Anglis Scotisque adscribi potest, ex prælii (in quo multi fuerunt

Scoti

Scoti atque Angli) cum alio comparatione, ante semestre prope Gemblacum confecto, ubi pauci existentes Angli & Scoti, & hi ab ipsis locis suis in confusionem acti, Johanni Austriaco reliquerunt victoriam.

Primum belli fulmen ab Hispania, vel Roma, in Hiberniam anno 1580. missum est. Nam Stukelii intentio in Africam transibat; Sauderi autem & Fiz Mauritii tentamina olebant insaniam. Hoc anno Hispanici & Italici exercitus sub Pontificis vexillo & San-Josephi imperio invadebant Hiberniam, numero 700. aut plures Smervici in Kerey appellentes. Exiguus certe numerus ad debellandam Hiberniam, Pontificique subigendam: non enim aliquid intendebant minus: Verum afferebant arma, quæ millibus quinque præter seipsoſ sufficerent; Providebant enim de iis Hiberniæ rebellibus: propositumque ipsis erat in desolata quadam regione considere & se circumvallare, atque donec majora advenirent auxilia expectare; siquidem ipsos subito hanc audere oportuit expeditionem, ex ratione quadam status, ad expeditionem istam non pertinentem; eratque hac Hiberniæ invasione interrompere Anglorum consilia atque divertere ab auxiliis in Belgium mittendis. Eligebant sibi locum extruebantque fortalitium, Del Oc cognominatum. Et hinc excurrerant ad fortalitium suum, subinde ac bestiæ in speculuncam revertentes. Deinde verò obsessi à Grajo tum Pro-Rege, copiis minoribus, quam

quam ipsi intra fortalitium haberent ; temerarie quidem , sed festinandum erat , antequam ad ipsos intrarent rebelles ; & post quatuor dierum obsidionem , duasque vel tres eruptiones , jactura Hispanos manente , dedebant semetipsos absque conditione : adeo ut non sufficerent Anglorum milites captivis singulis. Et quia Pro-Rex quovis momento metuebat rebellium assultus , navesque deessent , quibus transportarentur captivi , omnes percussit gladio ; quod tamen indigne tulit Elisabetha Regina.

Anno 1582. accidit memorabilis ille apud Gandavum receptus ; quo nulla gloriosior extitit belli actio. Nam opinione belli peritorum , receptus honesti præliis inferiores non sunt ; utpote habentes minus fortunæ , plus disciplinæ & fortitudinem parem. Trecentos equites , & ter mille pedites Anglos (Norisio Ductore) Parmensis adoriebatur cum septies mille equitibus , totoque Hispanorum exercitu in procinctu stante : Hic Norisius se recepit cum suis , perque milliaria aliquot , planitiem etiam , usque ad urbem minore cum virorum strage , quam hostis cum persequens , devenit. Duxque Andegavensis & Auriacus insignem hanc ex Gandavi muris intuiti sunt actionem summa cum admiratione.

Anno 1585. prospera in Indiam occidentalem Drakii & Cartilæ expeditio subsequuta ; in qua præterea S. Jacobi & S. Domini , oppidorum in Hispaniola , inopinam potius oppressionem , quam occupationem.

Sed

Sed illam Carthagenæ tantum adducam, ubi Hispani de nostro audiverunt adventu, armarunt se etiam, & fecerunt difficillimum. Accessus enim ad urbem per angustam paucit viam, ex utroque latere mari coarctatam: ipsa urbs vallo mœnibusque munita erat, milites autem eam oppugnantes, & à fronte sclopetis feriebantur, & ex latere altero è navibus petebantur: sed progressi sunt nihilominus nostri, urbemque expugnaverunt, sat multis refertam copiis. Expeditionem verò Francisci Draki susceptam anno 1587. ad destruendam Hispanorum classem in propriis ipsorum littoribus; ut asserere nequeo, aliquo constitisse atroci pugna; ita minimum inde colligere libet, vel quam infirmi domi sint Hispani, vel quam tardi ad agendum. Cum permitterent exiguæ Anglorum classi invadere seu ingredi portus suos, inde à Gadibus ad Caput sacrum & hinc usque ad Cascain, & incendere; mergere atque auferre quæ possent; perdiderunt autem ex magnis plurima, & minimum quinquaginta vel sexaginta navigia secum abduxerunt minora: idque in conspectu Castellorum, & fere intuentes magno ipsorum Admiraglio (optimo Hispanorum Thalassiarum) Marchione de S. Cruce: ita ut ne quidem ad pugnam exire vellent. Et recordor Drakium libero militum stylo, de hoc dixisse opere, quod vellicaverint Hispaniæ regis barbam.

Invasio anni 88. meretur paulo exactius considerari: est enim præsentis ævi miraculum.

lum. Hispanorum classis fuit maxima ex
iis, quæ unquam innatarunt æquori: licet
enim plures numero olim fuerint naves, at-
tamen neque tam magnæ extiterunt, ne-
que tanto belli fuerunt instructæ apparatu.
Intentio erat non tantum invadere, verum
debellare penitus hoc regnum. Naves erant
130. ex quibus bellicæ insignes 72. erant in-
star turrium seu Castellorum Oceano inna-
tantium; milites in istis erant 30000. Hac
autem classis quinque annis ad minimum
structa est. Divino quoque innitebatur auxi-
lio; recepit enim à Sixto P. R. benedictio-
nem, eratque quasi *Apostolica missio* ad re-
ducendum regnum hoc sub Romanæ sedis
obedientiam. Inque certius sanctæ expedi-
tionis signum, duodecim ex his navibus,
Apostolorum adipiscebantur nomina. Sed
non immerito crediderunt Angliam expu-
gnari non posse, nisi & terræ continentis
fluvii mari se conjungerent: ideoque in Flan-
dria paratus erat exercitus 50000. militum
veteranorum, Parmensi ductore, optimo
ætate sua belli Duce post Henricum IV. G. R.
Hic maritimo jungendus exercitus pandis
imponi debebat navibus sub alis & prote-
ctione classis magnæ militaturus: non enim
de victoria dubitabant. Contra vim istam
parabantur ex parte nostra naves fere 100.
non tam magnæ; sed agiles magis & velo-
ces, præter 30. naves ad fretum custodien-
dum destinatæ. In continenti etiam in
promptu erant exercitus duo, præter copias
alias numero 10000. in oppidis, littoribus
vicinis

vicinis, dispositas in plaga meridionali. Exercituum vero alter ex 25000. peditum equitumque consistens, destinabatur ad repellendum hostem, si forte in terram ascenderet: alii verò 25000. milites Reginam comitabantur atque custodiebant. Erant & alii milites descripti, per integrum regnum, non tamen in unum collecti. In exercitus imperium committebatur illustribus duobus viris, sed aulicis potius & politicis, quam militiæ expertis: junctis tamen ipsis aliis & expertis & fortibus. Fortuna belli expeditionem hanc ab initio fecit ludicram: Hispanorum enim classis Mense Majo ex Coronæ portu solvens dispersebatur atque retroire cogebatur tempestate; Nostra paulo serius prodibat Pleymutho, atque usque ad Hispanorum littora provehebatur, tum quia volebat Hispanos aggredi, tum quoniam retrogressos esse sciebat: Verum addubitans, ne forte Hispani ad littora pervenirent Anglicana, dum à se quærerentur, Pleymuthum quoque redibat circa Julii medium. Illo tempore plausibilis (sed falsus) rumor non tantum ad Admiraliū nostrum, verum & Reginam pervenit, Hispanos non posse hoc prodire anno; nam cum classis nostra in prociuctu esset ut dissolveretur, multique militum exirent in terram: Invincibilis Hispanorum classis (sic enim arroganter appellabatur per Europam) in occiduis conspiciebatur littoribus. Inopinatum hoc erat, nam ut dixi, militum multi excesserant, navesque dimitti debebant. Nihilominus Admi-

alios tot solum navibus, quot subito paratæ erant, obviam iis processit; licet ex 100. navibus vix 30. in pugnam proderent: his & illis quæ subveniebant quotidie, aggressus est fugavitque Hispanos; qui ex magnanimitatis defectu (ipsi dicunt mandati) pugnam declinantes in gyro tantum oberrarunt, majoribus minores defendentes naves, & sic ad Caletum usque aufugerunt. Nostri per 5. vel 6. dies arcte ipsos sunt insecti & pugnantes assidue multos necaverunt, duas maximarum navium ceperunt, aliasque plurimas ita perforarunt, ut mergerentur: & verbo, clade affecere fere internecina; Nostris interea damni nequicquam recipientibus, aut exigui saltem. Prope Caletum anchoris firmaverunt tandem naves Hispani, terrestrem expectantes exercitum, qui neutiquam adveniebat. Hinc fama, Parmensem Ducem subdole suum distulisse adventum; ast fabula; id enim ab Hispanis obtendebatur, partim ex invidia erga Ducem; erat enim Italus, filiusque ipsius Portugalliæ corrivalis: præprimis autem ad declinandam tantæ cladis ignominiam. Unica ergo ipsorum est excusatio, Thalassiarum suum limitatum habuisse mandatum, non pugnandi antequam accederet exercitus terrestris; non Parmensem ex privatis opem detrectasse causis. Sed revera peregrinum hoc fuit mandatum, peregrinaque erga mandatum observantia; in ipsa sanguinis sui effusione, cum nostri tam fortiter ipsos adorti essent, componere manus, nec semet

defen-

defendere, quod vel contra ipsam naturæ necessitatisque est legem. Dux verò Parmensis eleganter ad hanc allectus est Angliæ invasionem; non enim minus promissum est, quam Angliæ regnum, quod veluti feudum seu beneficiarium sub Papæ dominio teneret absoluto, & Hispani protectione. Præterea, Parmensem diu & posthæc in dignitate mansisse sua, favoreque Hispaniæ Regis usum, apparet ex iis, quæ ipsi in Gallia perficienda sunt commissa. Manifestum quoque est, venisse ipsum, navesque conscendere voluisse. Sed hic versatur rei cardo, classis Hispanica advertens, quanta acciperet damna, inferret nulla, ob agilitatem nostrarum navium exiguitatemque, nautarum etiam peritiam; deinde quod ipsa gubernaretur ab Admirali exiguæ fortitudinis atque experientiæ; amisisset etiam binos Ducum optimos, Petrum de Valdez & Michaellem de Oquenda; non ausa est pugnam experiri, sed unice terrestribus confidit copiis. Ex altera parte terrestris exercitus transportatio ipso deficiebat fundamento; nam cum Hispaniæ senatus plenam spem concepisset, classem suam fore maris Dominam, sufficienter posse custodire nec non protegere transportationis navigia; contrarium vero eveniret, classis fugaretur, nec semetipsam servare posset incolumem: porro Belgæ includerent terrestrem exercitum triginta navium classe, opportune resistentes; hæc, inquam, cum ita se haberent, coactus fuisset transvolare Parmensis in Angliam, nul-

lum enim præsto fuit navigium, neque nau-
 ra. Quanquam & hoc verum sit, Parmen-
 sem adhuc classis expectasse adventum, vel
 eo tempore ipso, cum in Oceano oberraret
 Septentrionali. Sed revertamur ad classem,
 quam reliquimus prope Caletum subsiden-
 tem. Inde (ut Walternus Raulegus solebat
 dicere) pyrobolis fuit abacta. Erat enim tan-
 tummodo stratagema ignitarum navium
 absque viris, venti favore ad ipsam missa-
 rum, quibus adeo territa est, ut rudenti-
 bus disiectis, anchoris fugerit relictis. Post-
 modum biduo vel triduo Gravelingæ immi-
 nuit, sed magna iterum clade affecta est,
 cum illa nostra classis, maris angustias cu-
 stodiens, adveniret, alterique se jungeret.
 Hinc Hispani majori indies terrore percussi,
 videntes etiam plures suorum naves mergi
 quotidie, omnem abjecerunt animum; &
 loco ejus quod *Thamesis* ingredi debuerint
Ostium, *Londinum* versus (ut primo inten-
 derunt) septentrionem versus navigarunt,
 amissam quærentes fortunam; sed & hic
 nostri eos persecuti sunt, donec ob pyrii
 pulveris defectum cessare cogerentur. Scotiæ
 halitum seu aërem ferre nequierunt Hispani:
 neque ut invasores appellere in Hibernia,
 sed clara saltem fecerunt littora quædam suis
 naufragiis. Et sic septentrionem versus pro-
 vecti, quamdiu victores sibi imminere cre-
 derent, non redierunt, donec securos se
 scirent; Oceanum denique transfretantes in
Hispaniam reversi 80. navibus amissis, &
majori hominum numero. Et hæc fuit Ca-
 talro-

catastrophe marini illius gigantis, scil. In-
 vincibilis classis; quæ neque tuguriolum in
 continenti nostra regione incendit, neque
 navigiolum ademit in æquore, sed per soli-
 tudines borealis oceani vagata secundum S.
 Scripturam: *una via contra nos processit, septem*
verò coram nobis fugit viis; adimplens solum 23.
 quod Astrologus dudum vaticinatus erat:
octuagesimus octavus mirabilis annus: aut potius
 demonstrans (vel in posteritatis admiratio-
 nem) mira Dei judicia ut plurimum gentem
 manere magnam & ambitiosam.

Anno sequenti 1589. non concedebamus
 Hispanis respirandi otium, sed provocan-
 tes fiebamus, invadentes ipsum Hispaniæ
 mediterraneum. Non quidem hic optatum
 consequeremur effectum, qui erat, Don
 Antonio in Portugalliæ restituere regnum;
 attamen vix alia actio melius nobis magna
 Hispaniæ Potentiæ revelabit secreta: quæ
 Potentia videbitur potius consistere in milite
 veterano (qualem his fere 120. annis habue-
 runt in promptu, ad omnes inter Christia-
 nos occasiones) quam in robore Dominiorum
 seu Provinciarum. Nam quid magis con-
 temnibilem reddit Hispanorum in continen-
 ti terra Potentiam, quam quod 11000. mi-
 litibus Anglis inexercitatis & navibus 26.
 bellicis, cum aliis ad transfretandum navi-
 giolis, duorum mensium spatio occupavi-
 mus muris consensu oppidum non minimi
 momenti, oppugnāvimus aliud, magnum
 in terra fugavimus exercitum, & denique
 quod impediti ponte firmiter munito, in
 P 5 tribus

tribus diversis regni ipsius locis exercitum exposuimus, septem dies in regni medullium processimus; pernoctavimus tribus noctibus in Metropolis suburbiis; profligavimus exercitum incolis spectantibus; occupavimus fortalitia duo in limitibus sita, & discessimus non alia militum nostrorum jactura, quam ex morbo. Et recte dictum est, nisi quatuor impedivissent illius expeditionis infortunia (quæ erant: rerum promissarum defectus, præsertim tormentorum: vana Antonii spes de populi affectu & subsidiis: classis quæ in Tago ad Lisboam usque pervenire debuit frustratio: & denique morbi per integrum serpentis exercitum ob ingentem æstum, militumque ingluviem) successu non fuisset destituta, sed penetrassemus Lisboam usque. Verum sit hoc utcunque velit, abunde tamen orbi demonstrat, Anglos non multos Hispaniam invadentes posse certam victoriæ spem habere; ad minimum nancisci ad tuto remeandam literas propempticas, vel si mavis, saluum conductum.

27. Anno 1591. memorabile accidit prælium Navis Anglicanæ, *Vindicta* cognominatæ, gubernante eam *Richardo Greaviho* Equite. Memorabile, inquam, & supra fidem, ad imitationem fere Heroicæ cujusdam fabulæ. Clades quidem fuit, ast victoria præstantior: fuit enim instar *Simsonis* plures in morte cadentis, quam in vita. Navem hanc 15. horis, veluti cervum canes, cinxerant & oppugnabant 15. ingentes Hispanorum

norum naves, ad classem 50. navium pertinentes, quæ è longinquo spectavit prælium. Inter illas autem 15. pugnantes erat magna S. Philippi navis 1500 tonnarum capax, Apostolorum maritimorum Princeps, lætata cum Vindictam effugere posset: quæ ducentis tantum militibus nautisque, quorum 80. agroti decumbebant, instructa, tam diu sustinuit prælium, duasque inimicorum naves ablegavit in abyssum, præter alias quassatas, & virorum stragem, & capta quidem est, sed pacto non vi: Hostibus ipsis admirantibus Gubernatoris fortitudinem, & integram navis tragediam.

Anno 1596. secundam in Hispaniam suscipiebamus expeditionem, feliciter nos ducente *Roberto Essexiæ Comite*, una cum *Nothingamio*. Erat ea instar fulguris, nam intra horas quatuordecim Hispanorum classis disjiciebatur, atque Gades capiebantur: erat autem classis 50. navium, præter minores ei ministrantes; tanto autem cum terrore fugabantur, ut Hispani tandem in semetipsos sævirent, atque comburerent naves proprias, rates vero beneficio littorum, breviumque liberarentur solæ. Civitas autem elegans, munita, ædificiis opibusque referta, apud veteres famosa, nunc autem ob infortunium hoc in ore omnium, diripiebatur incendebaturque, clementia tamen incolis exhibita. Verum subita victoria non magis admiranda, quam Hispanorum patientia; qui licet ibi per aliquot

morarentur dies ; non tamen sunt nos ador-
ri , neque posthæc unquam vindicarunt cla-
dem hanc , aut damni reparationem exege-
runt.

Anno 1600. fiebat prælium Neoportense
in Belgio , Archiduce & statibus invicem de-
certantibus. Hoc autem prælium unicum
est , quod plurimis his annis confectum est.
Nam prælia in bello Gallico fuerunt fre-
quentia , in Belgio autem rara , prout de-
fensivum requirit bellum. Exercitus utrin-
que erant pares. Statuum prævalebat qui-
dem numero , sed alter Hispanorum mili-
tum fortitudine ; erant enim selecti. Ado-
riebatur illum Archidux , præveniebatque ,
mox diligentia celeritatisque suæ consecu-
tus fructum. Nam aggressus Scotos , forte
octingentos & à reliquo dirimens corpore ,
per viam , quam sternere suis jusserat , pe-
nitus delevit eos , honeste cum cedere non
possent , & turpiter fugere nollent , sed po-
tius locum sanguine insignire suo. Hoc
prælii initium animum addidit Hispanis ,
sed hebetavit gladios , in universum deinde
exercitum arroganter strictos. Ipsum præ-
lium subsecutum , non festinavit cædem ,
neque fortuna diei ex paucarum copiarum
nece dependit , sed processit distincte per
turmas singulas , non sine successus ambi-
guitate , *stat pedipes , densusque viro vir*. Sed
accidebat erroris quiddam apud Germanos ,
nimia quorundam festinatione , quo tor-
mentorum impediatur exoneratio. Exi-
tus tamen erat ejusmodi , ut Hispani profli-
garen-

garentur, ex ipsis ad 5000. cæsis. Istius diei gloria tam ab inimicis, quam à Germanis, accepta ferebatur Anglis, de quibus *Franciscus Verus* Eques in hujus prælii commentario testatur, quod ex 1500 (plures enim non aderant) octingenti fuerint cæsi, & (quod fere circa victores videtur impossibile) ex reliquis septingentis, nonnisi duo solum illæsi extiterint milites. Hic autem est *Verus*, qui eximio honore affectus, ab Auriaco Principe regendum die illo accepit militem: secundasque partes Frater ejus *Horatius Verus* Eques; nec obscura tunc fuerunt *Eduardi Cecilii* & *Johannis Oglia* aliorumque servitia.

Anno 1601. subsequebatur ad *Kingfallium* in *Hibernia* prælium. Ex hoc discet aliquis, quamdiu *Hispanus* in *Hibernia* vivere possit: scilicet non ultra trimestre, aut quadrimestre ad summum: Licet omnibus potitus esset commodis; neque potuisset imaginari quisquam, (expensis copiis, quæ adversum eos ducerentur exiguis) tam subito profligatum iri. Nemine resistente *Kingfallium* occuparunt *Hispani* *Septembre* declinante, 150. enim milites *Angli* præsidarii deseruerant oppidum istis appropinquantibus, Cives verò receperant tanquam amicos; erant autem ipsi ad 2000. Veterani sub *Johanne de Aquila* olim militantes. Oppidum licet bene erat munitum, non tamen defuit *Hispanorum* industria, ad melius muniendum, juxta artem suam, qua polleat, fortificatoriam. Tempore illo info-

lescebant rebelles, primis freti successibus. Licet enim Pro-Rex Montejus, atque Georgius Careus Momoniæ Præses, multis ipsos affecissent damnis, attamen clades, quam nuper acceperant Angli ad Blakwater; & transactio (nimium ipsis benigna) cum Essexiæ Comite facta, in recenti tenebatur memoria, statuit recuperare urbem antequam succurrerent alii, Menseque Octobri obsedit per tres & quod excedit menses brumales, in quibus excurrerant quidem sæpius Hispani, sed repellebantur etiam cum suorum jactura. Mense Januario novæ ab Hispania veniebant cohortes 2000 ductore Alonzo d'Ocampo. Horum auxilio freti Tironius & Odonnel colligebant copias suas 7000 militum, Hispanis non numeratis: & prodeuntes aperto Marte, liberare volebant urbem, cumque Anglis configere. Sic res ibi se habebat. Angli verò numero 6000 defatigati brumali obsidione, circumdati exercitu se numerosiori, recenti etiam & animoso ex una, & urbe bene munita atque fortiter defensa, ex altera parte, primum in Hibernos Hispanosque se ostentantes fecerunt impetum; inter quos, rebelles scilicet & Hispanos, non alia visa est differentia, quam alterum aufugisse ante prælium, alterum mox secutum esse. Qui vero in oppido conclusi tenebantur Hispani, tam bene meminerant cladis suæ acceptæ in excursibus pristinis, ut neque subsidiariæ cohortis fiducia prodirent. Tandem consummata Anglis cessit Victoria, 2000. ex hostibus.

bus cæsi, novem tormenta capta, in quibus sex Hispanica: captus etiam Hispanorum Dux d' Ocampo; tam exigua cum Anglorum jactura, ut (quemadmodum confiderenter potius quam credibiliter asserunt) unus tantum occisus fuerit Richardus Gream Vexillifer, quamquam non paucis vulneratis. Cladem hanc illico civitatis deditio subsequuta est per transactionem; qua etiam pactum, ut omnes Hispani, etiam ex aliis fortalitiis omnibus, magis adhuc vel solo situ munitis, excederent i. e. Castelhaven, Baltimore & Beerhaven. Et hi cum sono quidem tubæ abscesserunt, ast revera non nisi convitia in Hiberniæ regionem atque populum ebuccinarunt: in tantum ut d' Aquila in publica pacis tractatione diceret: *Diabolum Christo in monte omnia terræ regna ostendentem, eorumque gloriam; omisisse omnino Hiberniam, sibi que reservasse.*

Hic subsisto, prætermittens pauca alia fortitudinis fortunæque Anglicanæ hac ætate testimonia: qualia præbent Parisiorum suburbia, Ravelina, Drusa Normanniæ, & quædam in Britannia ac prope Ostendam actiones, aliaque: tum quoniam illorum quædam non fuerunt Anglorum cum Hispanis conflictus, nec recensita æquant. Verum quidem est, ex omnibus horum temporum ausis, Francisci Draki & Johannis Haukini Equitum, in occidentalem Indiam navigationem infelicem fuisse: ast non infringit assertionem nostram, quæ erat, nos Hispanis prævaluisse: ex morbo enim om-

nes detinente, ut apparet ex amborum Gubernatorum Draki scil. & Haukini morte, oriebatur hæc infelicitas. Terrestris autem Panamæ invasio erat malo & immaturo consilio cœpta: iunitebatur enim falsæ persuasioni, ac si ad Panamam aditus melius non fuissent muniti, quam Drakus ipsos reliquerat. Verum neque hic nostri cladem acceperunt, sed retrogressi sunt, cum robur suum adversus primum tentassent propugnaculum, atque cognovissent duo adhuc superesse alia. Verum quidem est, quod classem nostram 14 navium ægrotis tantummodo refertam & ducibus orbam, in reditu Avellaneda 20. ingentibus stipatus navibus Hispanicis adortus fuerit; Sed nullum hic prælium, præterquam quod Hispani ipsam tantum ad promontorium Cape de los Corientes leviter ad pugnam invitaverint, atque sine jactura dimiserint ulla: & quanquam novi quid esset, quod Hispani impune laceSSerent Anglos, non tamen Avellaneda veritus est gloriari, non alia de causa, quam quod è longinquo præstolatus fuerit Anglos, inde scil. à Promontorio de los Corientes usque ad S. Antonii, sermone militibus Hispanicisque familiari, dicens se fugasse Anglos.

Pergerem nunc ad alia, nisi removenda foret objectio, conclusionem ab experientia, distinguendo inter præteritum & præsens tempus, infringens. Dicit enim aliquis, illis temporibus, de quibus locuti sumus.

sumus, non adeo potentem fuisse Hispaniam uti nunc; Angliam verò tum potentiorē. Consideremus ergo hanc temporum disparitatem absque præjudicio, & apparebit, pro Anglia nunc militaturam. Ut etiam evitemus generalia, comparationem temporibus adstringemus certis, & quidem statum Angliæ Hispaniæque in anno 88. cum præsentī. Ista vero pertractaturus non immiscebo personarum comparationem, e. g. Principum, Consiliariorum, Belli-Ducum, Thalassiarcharum, qui olim fuerunt & nunc existunt, utrobique. Sed acquiescam tantum Reipubl. exercitiis atque negotiis expendendis. Non tamen ideo personalem prætermitto comparationem, ut de nostra diffidam præstantia, sed quoniam nihil proferre volo, quod adulationem vel censuram modernæ gubernationis redolet.

Primo, in confesso est, Hispanos non plures quiete possidere regiones, quam anno 88. Quoad vallem Tellinam autem & Palatinatum observetur Politicorum regula: regiones noviter occupatas esse potius oneri quam lucro. Ex altera verò parte, Anglia Scotiam habet unitam & Hiberniam subjugatam, ditatamque colonis; quæ insignia sunt incrementa.

Secundo, anno 88. Galliæ regnum seipso sufficiens (multo magis aliis confœderatum) ad oppugnandam Hispaniam, in se divisum erat, & Ligistæ, ex Hispano plerumque dependentes Regi dictabant leges.

Jam

Jam vero unitum sub rege juvene & forti, ipsi parebit integrum, si modo voluerit ipse: est enim æque Navarrae Rex ac Galliae, nec amplius jam captivus, quamvis duplici confœderationis vinculo Hispano adstrictus.

Tertio, anno 88. Romanam tenebat sedem vehementer fulminans Monachus, omnia miscens: & tandem ipsi etiam Hispaniæ inhians, sed morte præveniebatur. Jam verò in eam conscendit homo, probe electus, nulla ratione Hispano obstrictus, homo legationibus statusque negotiis innutritus; qui multa habet ex Principe, ex Monacho nihil: Et licet Pontificialem sedem vehementer amet, plus tamen diligit Tapetes, i. e. Italiam ipsiusque libertates ex æquo.

Quarto, anno 88. Daniæ Rex Anglis erat ignotus, magisque erga Hispanos pronus. Nunc vero sanguini nostro insertus, atque in Palatinatus controversia implicatus est. Tum etiam Venetiæ, Sabaudia, Principes & civitates Germaniæ, obscure metuebant incrementem Hispaniam, ex generali solum apprehensione ambitionis ejus. Nunc autem timor augetur, dum vident Vallem Tellinam & Palatinatum ei parere, per quas provincias propius ad ipsos accedit.

Quinto & ultimo Belga (Hispania diversa-
rius perpetuus) nunc multo plures, quam
Hispanus habet naves, opibus etiam potitur
majoribus: cum possibile non sit, Hispanos
nos.

nos nunc ditiores esse quam 88. anno. Nam tempore illo Hispanus non nisi cum Belgis bellum gerebat, quod jam ordinarium factum erat: Nunc autem junctum ei est ob Vallem Tellinam & Palatinatum dissidium. Atque sic temporum comparationem finio, status secreta non attingens: Sed illum styli characterem mihi servans, de quo Seneca dicit: *Plus significat, quam loquitur.*

Ad alia nunc transirem, nisi foret necesse, detegere hic errorem communiter receptum adversus omnes temporum rationes atque experientiam. Videlicet: Hispanum semel intrantem; raro vel nunquam egredi. Verum hoc minime verum est. Nuper pedem fixerant in Brivatibus vulgo Brest, aliisque Britanniae locis, quæ deseruerunt iterum. Tenebant *Caletum*, *Arelatum* & *Ambianum*, sed reddiderunt aut ejecti sunt. Deinde & *Versaliam* tenebant, sed jam deseruerunt: Nuper *Vallem Tellinam* occuparunt, jam autem aliis concediderunt: Quid de *Civitate Ormuz* fiet, quam cepit Persa, videbimus. Ita ut si de hac posteriore loquamur ætate, videntur potius inhiasse multis, quam obtinuisse constanter aliquid. Annis autem superioribus, (omitto enim quæ acquisiverunt in Africa, & dereliquerunt) cum magnus eorum Imperator *Carolus Germaniam* ferè conclusisset pugno, cogebatur tamen discedere *Isburgo*, (quasi larvatus & ad facem) omniaque, quæ acquisiverat in *Germania*, relinquere.

quere; unde fortassis enatum hæreditarium
jus nuper acquisiti Palatinatus. Et jam di-
mitto argumenta ab experientia annalibus-
que defumta, quæ mihi persuadent, Hi-
spaniam non fore superiorem nobis, si Rex
bellum suscipere voluerit.

Rationis argumenta sunt plurima; indi-
cabo tantum præcipua, breviterque expli-
cabo tanquam in germine. Situationem præ-
tereò, quamvis levis momenti non sit.
Anglia, Scotia, Hibernia, nobisque arcte
confœderati Belgæ, adjacent sibi invi-
cem; nec nisi per mare adiri possunt, aut
minimum transfretando flumina, quæ na-
turæ sunt munimenta. Hispaniæ autem
Provinciæ, adeo sunt dispersæ, ut amplam
largiantur belli scenæ electionem, lentaque
iis promittant partibus auxilia, quæ fortean
occuparentur. Tria sunt imprimis belli ro-
bora: *milites, pecunia, & confœderati*. In
militibus observentur virtus & numerus:
de virtute nihil; collige ex dictis eam: nec
antiquorum observatio mendax. Hispani for-
titudo consistit in intuentis oculo. Angli
autem consistit circa cor militis. Fortitudo
gloriosa, diversa est à fortitudine innata.
Sed mittamus ista atque de numero loqua-
mur. Hispania incolis non abundat,
tum quia solum sterile, tum quia indi-
genæ minuuntur expeditionibus in ter-
ras nimium distitas: unde pro miraculo
habitum, videre decem vel duodecim Hi-
spanorum indigenarum millia in exercitu.
Et certum est (ut supra dictum) secretum po-
tentis

tentiae Hispanicæ consistere in milite Veterano, collecto ex omnibus nationibus, & dudum hic illic adhibito. Si ergo infortunata quædam ipsis accideret clades, ægre numerum supplerent. Narrant de Legato Hispanico, qui *S. Marci Venetiis* Gazam conspicuens in terram diu defixit oculos, interrogatusque cur id faceret, respondit: *se attendere num etiam thesaurus iste radicem habeat, ut dissipatus iterum succrescere queat*) *instar thesauri domini sui*. Sit hoc utcunque verum de ipsorum thesauro, certe exercitus vix radice gaudet: vel ad summum tali gaudet, quæ parce & lente germinat. Habent quidem Walones milites proceros; sed exigua horum est terræ portio. Ex adverso vix in orbe uberior militum scaturigo & seminarium quam Anglia, Scotia & Hibernia; unitæque Provinciæ; ita ut licet subitaneo delegerentur bello, suppleri tamen & subito possent.

Pecunia quidem maxima Hispanicæ magnitudinis est portio, nam ea veteranum alit militem, & est unica Europæ Resp. quæ divitiis pollet. Sed vel hinc patet magnitudinis ejus infirmitas. Magnitudo eorum innititur thesauro, thesaurus ex Indiis affertur. Indiæ autem (si recte consideretur) sunt accessorium ejus, qui mari dominatur: adeoque axis illa, circa quam versatur eorum magnitudo, facile diffindi vel diffringi potest ab illo, qui prævalebit in Oceano. Judicet autem amicus vel inimicus, annon
magna

magna Britannia, unitæque Provinciæ, in æquore Hispanos superare queant: & hoc si fiet, rupta est illius magnitudinis catena. Sed demus, Hispaniam esse tam opulentam, ut non liceat nobis ratione opum ad bellum descendere; respondeo, monetariam officinam & apud nos resonare, in populo etiam palpitationem cordis itidem bene resonare: Deinde cum bella plerumque sint paupertatis causa, hoc è contrario bellum (si maritimum) erit lucri plenum & impensas restituens: adeo ut si fortiter incipiamus, bellum deinde semetipsum sit propagaturum. Distinguantur igitur necesse est, *Herculis* terrestris labor, & *Jasonis* navigatio, aurci velleris causa suscepta.

De confœderatis non præsumam scire quomodo principes, Respubl. & consilia in Europa hodie erga Hispaniam affectæ sint. Istud enim in secreta involat, à quibus in hac disputatione integra abstinui. Sed loquamur de apertis & manifestis. Materiam quidem litis & zeli video, non verò amicitiae & fiduciae, apud omnes Respubl. erga Hispaniam. Penes Gallum est æmulatio ob tres Provincias isti subjectas, *Navarram*, *Neapolim*, & *Mediolanum*, & nuperam litem ob Vallem Tellinam. Video singulis 30. vel 40. annis emergere Papam, qui Neapolim ad Ecclesiam reducere cupit: quales fuerunt Julius II. Paulus IV. & Sixtus V. Quod Germanos attinet existimo, prægnantioribus

bus nunc impelli rationibus, ut fœdere se jungant Gallo, Britanniae magnae, aut Daniae, ad defendendam libertatem suam, ejiciendumque Hispanum omnemque militem exterum, quam annis 1552. & 1553. quo tempore fœdus inibant cum Henrico II. G. R. eadem de causa contra Carolum V., qui magnam Germaniae partem subjugaverat, Principum discordia, quam ipse disseminaverat, usus. Et hoc fœdus omne tulit punctum, ejecit enim Hispanos, Germanisque restituit libertatem antiquam & gloriam. Indiam quidem occidentalem adhuc quiete Hispanus possidet, nec ullos hic sentit inimicos præter Anglos, illam quoque tentantes, veruntamen video Principes eò intendere animum, existimantes Hispanorum in eam jus esse saltem monopolium, magnae imaginariae possessionis. In Africa occidentali Æthiopes, Valencia expulsi, ipsorumque confœderati adhuc instar nubis tempestuosae impendent Hispaniae. Gaborius in Oriente, & ventus anniversarius Austriam infestans. Persia quoque capeffivit adversus Hispaniam arma, & Ormum ademit. Unusquisque novit, existimare Venetos, parietem ardere proximum, si Hispani teneant Vallem Tellinam. Sabaudiae Dux nuper demum didicit, fœdera cum Hispano non patrocinari adversus Ambitionem Hispaniae. Bavarus etiam didicit, merita & servitia Hispanum saltem de die in diem obligare. In his omnibus tamen non pernego, posse Hispaniam hæc sui ingenii mala

la temperare speciali callidaque negotiatione sua: saltem quod instar ægri corporis tandem aliquando erumpant: adeoque confirmet: destitui Hispaniam certis fidisque confederatis. Concludam igitur verbis status consiliarii in Hispania hodiernum viventis, nec sine tale prolatis. Loquebatur autem ad Regem modernum, ex occasione quadam sic inquit: *Domine, hoc tantum in Majestatis Vestre solatium dicam, habere eandem duos solummodo inimicos, quorum alter mundus est universus, alter ministri Majestatis Vestre domestici.* Et sic etiam secundum absolvi membrum, quod erat comparatio virium S. R. Majestatis nostræ cum Hispanicis, si bellum foret suscipiendum.

ORATIONES

In Parlamento, Camera Stellata,
Banco Regio & Cancellaria
habitæ, à

FRANCISCO BACONO,
Barone Verulamio, Vice-Comite
S. Albani.

O R A T I O

In Parlamento recitata, Anno Elisabethæ 39. ratione subsidiorum.

Placeat Vobis (*Domine Prolocutor*) Oportet me rationem habere temporis, quod jam præterit, ita tamen ut considerem materiam, quæ magni momenti est. Magnum hoc negotium ab initio graviter proponebatur: egregie deinde suadebatur, urgebaturque: ille etiam qui postremo locutus est, multum ei impendit temporis, nec sine causa. Ego itaque locuturus de eodem, multo iis inferior ero. Attamen quoniam Domus hujus mixtura requirit, ut in ejusmodi negotiis sententiam suam dicant, æque ex vulgo aliqui, ac Viri in autoritate constituti: Dicam pauca & talia, quæ neque *Ærarii*, neque *Consilii Regii* spectent secreta; decet enim me sermo magis plebejus. Neque in me suscipiam laudare insignia specialia.

Q

cialiaque Reginae beneficia, ex prudentissimo ejus felicissimoque regimine in nos defluentia, ut iis Vos ad retributionem excitem. Nam nullus id pro merito efficere potest, & Regina juxta magnanimitatem suam beneficia sua collocat, sicut Gratiae diplomata liberrima, *absque aliquo inde reddendo*. Nullam expectat mercedem, (quam seipsam) præter amorem & fidelitatem. Neque nimis arcte regni hujus statum considerabo, quomodo se habeat ad materiam subjectam, respectu tributorum. Quancquam demonstrare possim (quæcunque tandem aliorum sit opinio) nunquam subditos alios majori gavilos esse libertate, atque oneribus pressos minoribus: Et siue exteros intueamur hoc tempore, aut retrospiciamus ad priora patriæ nostræ secula, nos insignem tributorum differentiam reperturos esse, confido. Sed præterire nunc ista libet; non ac si verreret referre vobis calamitates externas, aut aperire monumenta tributorum, dudum oblivione sepulcorum, quod alias ubi comparatio instituitur, necessarium foret: Sed quoniam hac in domo oratio tantum in genere suadere debet, specialia vero tractare commissiones decet. Neque in Reginae modum erogandi pecuniam commentabor, utpote quam non immensis non necessariisque profundit donationibus, nec pretiosis inutilibusque impendit triumphis, & similibus magnificis rebus; sed in solam conservationem, protectionem & Honorem Patriæ infumit. Non enim licet mihi tam arro-

arrogantem esse & Reginae ponderare actiones: quas admirari potius decet quam interpretari, aut edisserere, quamvis & optima cum intentione. Certus autem sum, quod opes à Vobis ad Reginam delatae, sint quasi vapor, ex terra ascendens, qui in nubem condensatus, non diu ibi permanet, sed cito in eandem recidit terram; & quid tum, si guttae ejus aliquot super Galliam decidant destillentque aut Belgium? Hoc ipsum enim est quasi fragrans odor honoris existimationisque, qui manet gentem nostram apud universum orbem. Verum insistam ego solum naturali & inviolabili Legi de conservatione sui.

Veritas est, *Domine Prolocutor*, eaque familiaris, quod securitas atque sui conservatio praeferrì debeat lucro & incrementis. Illa etiam consilia quae conservationem spectant propriam, comitem habeant necessitatem; Illa autem quae deliberant, quomodo aliis sit benefaciendum, suadere tantum possint. Lucrum semper est, neque damnum ulla ratione infert, quando in fine computationis cernitur, securitatem acquisitam esse. Indicia veritatis hujus reperiuntur ubique. Aegrotus libenter aliquam sanguinis sui partem dimittit, ut reliquus conserveatur. In mari navigans libenter aliquam suorum bonorum partem ejicit, ut reliqua conserventur. Agricola concedit aliquam agri sui partem sepimentis & fossis, ut reliqua defendantur. Imo, *Domine Prolocutor*, disputator si sapiens sit, concedet quaedam

etiam sibi adversa, cum in finem, ut reliqua opinionis suæ tanto melius defendat. Verum locus hic præcipit non pertractare materiam hanc quasi locum communem. Edisseram igitur quod probatum est, & vel in me efficax fuit: scio enim vos pariter esse affectos. Post Parlamentum ultimo coactum quatuor acciderunt Reipublicæ, satis vulgata omnibusque vobis cognita, & me iudice regno huic perniciem minantia. Non tamen ista loquor ceu timore correptus; scio enim me Anglorum loqui Heroibus; sed intuitu necessariæ providentiæ. Scio enim regna & Respublicas cum statuerunt arma suscipere adversus se invicem, impedimentis quatuor retrahi ab attentatis suis.

Primum horum est, quando rebus domesticis occupantur, coguntur hic quasi *aliud agere*, & sic à consiliis bellicis divertere

Alterum est, quando destituuntur loco ad accessum seu invasionem commodo.

Tertium, quando considerant negotii difficultatem atque invasionis inhonestatem, vel etiam carere se apparatu sufficiente.

Quartum, quando Respubl. ob Principis lenium inepta redditur ad actiones discriminis motuumque plenas; istaque affectio non exasperatur provocationibus quibusdam aut contemptu. Jam placeat Vobis examinare, annon remotis his quatuor impedimentis, pericula increverint, & quidem vi illorum, quæ acciderunt nobis nuper, ex quo scil. ultimum sedit Parlamentum.

Illicô

Illicò post illud Parlamentum *Gallie Rex* pristinam deseruit religionem; ideoque & plebejus intelligere potest, lites inter Galliam & Hispaniam agitaras, facilius nunc componi posse; majoremque ex iis quæ aguntur pacis spem elucescere, quam antehac: Hanc si subsecuturam ponamus, videbimus; Hispaniam magis aptam fore ad exserendum in nos odium suum.

Notum deinde est, post Parlamentum illud Hispanos occupasse illum accessus Anglicani locum, qui in nullius antehac Hispanici Regis fuit manibus, Cæterum videlicet: quod respectu status, & valoris, utilitatisque suæ omnium certe opinione nihil aliud est, quam pulsare fores nostras.

Post ultimum quoque Parlamentum illud Hiberniæ ulcus, jam antehac erumpens, nunc majori cum furore sævit, serpitque; quod non potest non incendere Hispanorum ambitionem, qui jamdum experti sunt, quam rigidiæ complexionis sit regnum istud, atque difficulter alias invadi queat: ideoque ut rheumata & humores solent, verisimile est, posse ulcere hoc corrumpi & illud, quod apud nos infirmum est maleque affectum.

Denique palam est nunc, multisque in posterum erit seculis, quod duabus his expeditionibus maritimis Hispaniæ Regem laceraverimus, atque exposuerimus contemptui, adeo ut imaginari quis nequeat, posse eum vindictæ cogitationes omittere.

Hic igitur accidentium illorum concursus,

fus, quorum alia tendunt ad liberationem inimicorum nostrorum, alia promovent eorum intentionem, alia excitant alliciuntque eos, alia laceffunt & calcar addunt, non potest non minari nobis periculorum incrementum, idque magna quadam proportionem.

Denique tantum unicuique Domui huic argumentum proponam locupletandi ærarii causa, idque tale est.

Video homines alacriter & fortiter procedere, quando obtinuerunt quod optarunt, atque à quo retenti fuerunt hæcenus. Ego ipse recordor in hoc nobilissimo confesso, & aliis regni hujus locis, homines admodum fuisse pronos in bellum invasivum. Tum dicebamus, bellum defensivum esse instar usuræ consumptis mordacisque; volebamus igitur omnino esse aggressores invasoresque. *Habes quod tota mente petisti.* Annon persequemur nunc vota nostra? præsertim cum gustaverimus tam suaves & felices desiderii nostri fructus:

Prima harum expeditionum invasivarum feliciter successit; occupavit portum celebrem in medio sinuque terræ hostilis situm; ad eamque desperationem adegit Hispanos, ut igni se traderint ipsi, Indicamque suam classem, quasi in sacrificium grati DEO odoris, ob immanem barbaramque crudelitatem in miseros exercitam Indos, exusserint: Confudit etiam computationes eorum, ita ut proxima quæ audirentur nova, enarrarent protestationes adversus Cambii literas,

literas, & quod fidem fecellissent mercatorum plurimi.

Expediitio posterior magno animo adversus ventorum tempestatem suscepta fuit, omnesque difficultates alias, &, præterquam quod Hispanos alio divertit, atque immentios eis causata fuit sumptus, instar Tartarorum seu Parthorum arcus nocuit, quo feriunt etiam eos, qui sunt à tergo. Effectus etiam ejus admodum sensit Gallia Belgiumque, ita ut vicini nostri consœderatique messem ejus largam messuerint; & cum vitalis Hispaniæ spiritus ad cor rediret, exteriora membra artusque tremuerint, nec resistere valuerint. Nos vero perfectam habemus consignationem omnium nobilium aliorumque, qui tum exiverunt redieruntque, ut & navium absque personarum cæde, navigiorum naufragiis, diminutioneque alia quacunque. Hicque sunt felices effectus nostri tam diu, tamque vehementer desiderati invasivi belli.

Sed ut finiam, *Domine Prolocutor*, non dubito unumquemque assensurum, debere subsidia nostra duas has habere notas: alteram, quæ agnoscat regni pericula in ea proportionem, qua increverunt ab ultimi Parlamenti tempore; alteram, quæ demonstret satisfactum esse desideriis nostris ardentibus invasivum bellum inchoando.

O R A T I O

FRANCISCI BACONI EQUITIS,
Ab inferiori Parlamenti Domo Electi,
ut offerret Regi libellum Supplicem,
Annonæ Præfectos concernentem, An-
no primo & secundo Jacobi. Sessio-
ne I.

Non latet Majestatem Vestram (Rex Sere-
nissime) quod Imperatores Romani, ad
illustrandam gloriam decusque suum, titulis
suis addiderint terrarum gentiumque, quas
vicerant, nomina, cognominarique volue-
rint: *Germanicus*, *Britannicus*, &c. Post-
hæc autem *Patris Patriæ* successit appellatio,
ceu omnis humanæ gloriæ fastigium, im-
mediatè præcedens *Augusti* vocem seu titu-
lum. Et sic indicare voluerunt se quodam-
modo affines esse (respectu scil. officii sui)
gloriæ divinæ. Posset Majestas Vestra op-
timum jure plurima ex aliis assumere agnomi-
na, appellatique, *Germanicus*, *Saxonicus*,
Britannicus, *Francicus*, *Danicus*, *Gothicus*,
&c. pertinent enim ad Maj. Vest. non sangui-
nis effusione (ut ad Romanos) sed consan-
guinitate: commeant in Majestatis Vestræ
Persona nobilissima Regii sanguinis variorum
in Europa regnorum fluentia, atque uniu-
tur. Agnomen tamen nullum Maj. V. ma-
gis decet, quam *Patris Patriæ*, quod non
tam Scriptio titulorum, quam regiminis
innuit

innuit forma. Haud necesse est ut dicamus Majestati Vestræ, quæ Julio Cæsari sunt dicta. *Quæ miremur habemus, quæ laudemus expectamus.* Agnoscimus (idque sine adulationis crimine) invenisse nos in Majestate Vestra magna & admirationis & laudis argumenta. Magna nos cepit admiratio, ex quo hoc sedit Parlamentum, admissos in præsentiam Vestram, audientesque vocem vestram regiam, de duobus illis, i. e. de re-ditu Francisci Goodvini Equ. & Unique differentem. Videbatur ex altero illo, quod erat questio legis maxime subtilis; & ex posteriore, quod erat status questio maxime sublimis, impleri illud Scripturæ, de Regum sapientissimo dictum: *latitudinem cordis ejus fuisse quasi arenam, quæ est in littore maris.* Arena enim, quamvis est ex maximis in terra corporibus, attamen consistit ex corpusculis seu partibus minimis. Ita, inquam, videbatur nobis ex duobus casibus istis, à DEO Majestatem Vestram præditam esse tanta capacitate, ut comprehendere sagaci-que intellectu assequi possit negotiorum maxima, nec non discernere minima. Quoad laudes vero Bonitati debitas, non possumus non grati agnoscere, quod M. V. *infra orbem anni vertentis* conata fuerit unire Ecclesiam, in se divisam: augere nobilium numerum, valde imminutum: & liberare populum ab oneribus, quibus opprimebatur.

In operum horum Bonitatis Vestræ postremo, quod liberationem solatiumque

populi concernit, comprehenditur etiam delegatio, cujus vigore nunc coram Majestate Vestra compareo, narraturus gravamina ex mala Annonæ Præfectorum administratione enata, atque aliquatenus distincta ab iis, de quibus nunc tractamus deliberamusque. Verum est, *Equites, Cives, Municipipes* in Parlamento congregatos, repræsentare populum, tertium regni ordinem seu statum: ast esse potest, quamvis allaboramus fideliter perficere seu adimplere eorum qui nos elegerunt, desideria, ut in multis loquamur juxta sensum opinionemque nostram. In hoc autem gravamine, quo misera maxime plebs premitur, Nobiles autem minus; humillime precamur Majestatem Vestram, ut intelligat, se audire non opinionem nostram, sed ipsissima plebis suspiria & querelas, viva ipsiusmet voce, non per eam repræsentantes, prolatas. Nam non est in hoc regno gravamen magis universale, continuum, & exitiosum populo, quam istud. Permittat igitur M. V. clementissime, ut primo exhibere possim, quam fideliter ac reverenter hic egerimus: deinde, petitionem proponere nostram: & tertio addere quasdam rationes motivasque, Regiam Majestatis Vestræ considerationem & commiserationem submisle expectantes. Persuademus autem nobis, nunquam imperasse Regem, qui antecellat Maj. Vest. ingenii intellectu, cordisque affectu, in bonum solatiumque adamatorem subditorum suorum directis.

Quoad

Quoad primam, non desideramus in adhibendo remedio derogare Majestatis Vest. Autoritati; neque imminuere aut in questionem vocare ejusdem jura regia. Desideramus saltem abusu emendationem, & executionem legum priorum, ad quas nati sumus. Et quamvis peregrinum in Parliamentis non sit, novis gravaminibus nova querere remedia, attamen in his, (quæ si non specie, gradu tamen & summo excessu plerumque nova sunt) contenti erimus legibus antiquis: & rogabimus saltem eorundem confirmationem, atque vivificationem per executiones; & tam longe absumus ab innovationis & arrogantiae prurigine.

Quod vero attinet Curiam viridum vestium, quæ Regiæ Maj. Vest. Familiæ providet; & antiquam & venerabilem esse censemus; Curia alia inservit Majestati Vestrae quatenus est Persona civilis, hæc autem quatenus naturalis est. Verum libet, Rex Eminentissime, uti libertate ea, quæ permittitur subditis in cœrorem suum coram Rege gratiosissimo effundentibus: nec dividia erit, allegare similitudinem, cuidam ex Patribus alia in materia usitatam; nec inepte nostrum referentem statum: desumpta ea est ex urticæ foliis & radice. Folia venenata sunt, uruntque cum attrectantur manibus. Radix autem sine veneno aut malignitate est: verum enim vero, ea est radix, quæ ista profert atque educit folia.

Jam succedat petitio nostra: quæ non alia est, quam ut Majestatis Vestrae benignitate

liberemur ab Annona Praefectorum injuriis, quæ in tres dividi queunt species. *Primo* exigunt, quæ minime exigere decet. *Secundo* plura recipiunt, quam quibus M. V. fruitur. *Tertio* accipiunt modo illegitimo: modo directe & expresse variis legibus verito.

Quoad *primum* fas est eorum immutare nomen; Non sunt Receptores, sed Taxatores: nam pro eo quod providere Majestati Vestrae tenentur, taxant populum *ad redimendam vexationem*. Exigunt & extorquent ab eo diversas pecuniæ summas, nunc summam, nunc per stipendia annuatim pendenda, *ne noceant*. Accipiunt etiam ligna, quod per leges minime licet; Ligna, quæ sunt decus & fulcra domuum, quibus pepercerunt diu coloni; inque proprium reservarunt usum, ideoque omni pretio majora æstimant: si autem adempta, damnum non facile refarciendum causantur. Ista furripiunt, non absque everfione atque ruina habitationum atque domuum subditorum Majestatis Vestrae; nisi fortasse transigatur cum eis juxta desideria eorum; Si vero Nobilis domi existens fortiter ipsis resistat, expectabunt donec peregre abierit, & villicus aut servus alius tantum præsto fuerit, cadentque arborem, antequam Dominus adverterit. Uvuntur porro peregrino admodum injustissimaque exactionis genere: exigunt portorium à subditis in singulas libras, ipsis à Majestate Vestra debitas: ita ut pauper pro sceno suo, ligno,
aut

aut pullitie (quæ fortassis ægre dimisit, atque retinisset libentius, quam vendidisset) sibi ademptis, neque justo pretio, verum æstimatione pro lubitu, poscens debiti solutionem ex libra 12. denarios perdere insuper teneatur, imo ad eam etiam proVecti sunt iniquitatem, (uti fertur, licet sit incredibile; nisi quod de ejusmodi personis omnia videantur credibilia) ipsos duplex requirere portorium, prima vice quando debitum contrahitur, altera cum pecunia numeratur.

Secundo accipiunt plus quam M. Vest. opus est, suntque homines multiplicandi artis optime gnari. Affirmant enim Viri integræ famæ, harumque rerum experti, egoque coram Maj. V. (cui omnem debemus integritatem, non solum relationis, sed etiam subjectionis) tuto asserere queo, quod non sit libra hac ratione in M. V. commodum redundans, quæ non tres libras incommodi seu damni subditis inducat & gignat, præter animi ægritudinem. Et ut eo securius hoc perficiant, quid faciunt? Cum statuta diversa stricte injungant, ut quæcunque recipiunt, describantur atque consignentur, cum in finem, ut ex collatione & revisione fraus eorum patefiat, plane intermittunt consignationem istam.

Tertio illegitimus eorum receptionis modus, tam est multiplex ut potius tantum enumeratione quarundam partium egeat, quam enarratione singularum prolixa. Circa pretium: secundum legem tenentur accipe-

re illo pretio, quo cum subditis convenire queunt: accipiunt autem violenta atque arbitraria æstimatione. Secundum legem æstimare seu taxare debent, iudicio vicinorum in villis: ipsi vero taxant secunda vice in aula: & quando subditorum armenta gracilentia atque infirma adducuntur, quod ob itineris longitudinem aliter fieri nequit, denuo taxant atque vilius, quam antehac. Secundum legem accipere debent intra solis ortum & occasum, ipsi vero amant crepusculum & noctem, tempus maleficis opportunum. Secundum legem non licet accipere in viis regiis, (istæ enim regis Privilegiis, & statutis expressis exemptæ sunt.) Verum ad ista non attendunt ipsi, non sine M. V. legumque manifesto contemptu. Secundum legem exhibere tenentur commissionem suam; Commissionis autem forma legibus circumscripta est. Commissiones seu mandata quæ isti afferunt legi adversantur; & quoniam ejus sibi sunt conscii, ostendere nolunt. Sunt & innumera alia, quorum ut quædam nunc recensui, ita eorum præcipua, deliberato consilio sunt scripto consignata, operâ quorundam ad id deputatorum, & approbata totius Domus consensu; magis specialiter & ad vivum expressa, quam ego referre queo: nam & ipse ego per secundam tantû accepi manum, quoniam superius cōmmorabar. Est autem scriptum ab iis collectum, qui medii habitant inter exactiones hominum istorum, populique gemitus: ideoque colligere licet, ipsos quam optime nosse omnes circumstantias.

Jam.

Jam restat, ut pauca addam verba ad per-
 movendam M. V. Pauca inquam verba, &
 vere pauca. Neque enim tanta facinora ag-
 gravare opus est; Neque tanta gratia, qua-
 lis sponte à Maj. V. regia procedit bonitate,
 artificiali persuasione eget. Duo saltem M.
 V. sunt proponenda. Exempla scil. incly-
 torum Maj. V. Prædecessorum, in hoc
 olim imperantium regno, qui omnes inde
 à primo, qui regionem hanc maximis do-
 navit privilegiis, aliquas adversus hoc faci-
 norosorum genus condiderunt leges. Ille
 autem præprimis sistendus, qui ob magni-
 tudinem, sapientiam, gloriam & diverso-
 rum regnorum unionem M. Vest. imaginem
 refert, tum quoad Virtutem, tum quoad
 fortunam: *Eduardus Tertius*, suo in regno
 septem diversas hac in causa leges sanciens.
 Alterum sit ipsius DEI Exemplum, pro-
 nunciantis: *Se non habiturum infontem, qui
 assumerit nomen Domini DEI sui in vanum.*
 Rapinæ enim istæ omnes perficiuntur autho-
 ritate regii M. V. nominis. Speramus igitur
 quod M. V. dupliciter reos habitura sit
 homines istos: primo quoniam opprimunt
 populum: deinde quoniam id faciunt
 auctoritate maximè Venerabilis ada-
 matique Majestatis Vestræ nominis.
 Concludam itaque *Pindari* dicto: *optima
 res aqua*: non ob excellentiam suam, ve-
 rum ob usum maxime communem: & sic è
 contrario hæc Annonæ præfectorum causa
 (si non est maxime flagitiosa) attamen est
 maxime communis, & generalis præ aliis in
 Regno flagitiis.

Superest

Supereſt autem ut vi mandati, quo teneor humillime libellum hunc ſupplicem offerre Majeſtatis Veſtræ manibus regis; ita etiam maxima cum ſubmiſſione plebis nomine ſagitem, ut M. V. ſicuti gratioſiſſime dignata eſt me audire loquentem, ita prolonget patientiam ſuam; atque ſcripti hujus, quod majoris eſt ponderis; lectioni attendat.

O R A T I O

quæ FRANCISCUS BACON,
In Domo Inferiori recenſet Orationem
à Comite Salisburienſi habitam; &
aliam etiam à Comite Northamptoniæ,
in Colloquio, petitionem Mercato-
rum adverſus Hiſpanicas vexationes,
examinante.

Parlam. ſto. Jacobi.

PLaceat Vobis, Domine Prolocutor. Nulla quidem ratione me obſtrictum ſentio ad enarranda, quæ in nupero de *Hiſpanorum vexationibus* colloquio ſunt pertractata; neque enim loqui mihi tum concedebatur, neque relatio demandata erat. Veruntamen, quoniam ad eam trahor expectatione tacita, quæ (quantum quidem novi) non alio innitur fundamento, quam quod viſus fuerim diligenter annotare dicta, animus mihi eſt (ſi notæ illæ, in meæ tantum memoriæ ſubſidium conſcriptæ, Domui huic relationis
loca

loco esse queunt) non denegare vobis manipulum illum, quem collegi festinans. Ast fateor, aliquem ex Regiis Consiliariis præcipuis verba fecisse, orbem rerum maximum complectentia: ideoque supra vires fore meas, ex orbe hoc concinnum formare globum, aut quasi in mappa delineare singula.

Occasio sermonis, quem nunc enarrare constitui, Comiti data fuit per responfionem à nobis redditam, circa emendationes in *legum hostilium* propositas scriptum: hoc enim negotium paucis his dimisit verbis: Nolle se, ut responsum expectemus ulterius, quoniam Domus superior in mandatis non habeat disputare de eo. Pergens deinde, ad hoc descendit negotium, dixitque, quod locuturus de aliqua nostra propositione, uti & nos de illorum aliqua differueramus, optaret, ut simili breuitate dimitti posset. Prævidit autem se respondendo ingressurum viam non solum longam, verum & difficulter inveniendam, & difficulter tenendam. Hoc enim negotium ita esse pertractandum, ne summa Regis lædatur potestas & auctoritas, ac deinde ne suspiciones malignæ utriusque subrepant Domui. Sperare igitur se, dixit, verba sua benignos habitura interpretes: nosse se enim, sermonis contextum, negotiique immensitatem, posse elicere verba etiam ab intentione sua alienissima. Ideoque se confidere magis innocuæ opinioni suæ, favorisque sui documentis, quam proprio circa verba sua studio atque sollicitudini.

Hæc

Hæc præfatus, rem ipsam aggrediebatur Comes, & triplici consideratione exhibebat: dicebat enim, velle se considerare Petitionem,

Primo, ut procederet à Mercatoribus.

Secundo prout ab his Domui Inferiori oblata fuerit.

& *Tertio* quomodo ab hac commendata fuerit superiori.

Harum Considerationum prima mox subdividebatur in Personas, materiam quoque, & petitionis partes. Circa Mercatores petentes octo (quantum memini) observavit, tria ab initio de Mercatorum conditione in genere, & quinque deinde de Mercatoribus in specie nunc querulis.

Observatio generalis prima erat, Mercatores duum esse generum. Alii quærent lucrum (ut est in versu) *per saxa, per ignes, Extremos currit Mercator ad Indos*: Seque exponunt aeris tempestatibus, quasi exilium subeunt, & suam deserunt patriam, non timent arrestationes cum bella geruntur, submitunt se exterorum injustitiæ atque rigori pacis tempore: aliaque innumera adeunt pericula. Sunt vero & alii tutius quidem, at minus generose negotiantes; reprehendebat neutros, priores tamen censebat majore dignos esse honore.

Secunda observatio: Mercatorum querelas ut plurimum errori esse obnoxias; vel ideo, quod plerumque ex relatione loquantur, quæ per manus delata plures, ex longinquis re-

gioni-

gionibus absque veritate affertur : ita ut fraudulentus factiosusque institor sæpe numero magnas causatus fuerit tragœdias absque fundamento ullo. In cujus assertionis gratiam sub sermonis sui finem narravit, aliquem in Archipelago negotiantem, questum esse de navis suæ arresto, atque à Regis Consiliariis importunè literas desiderasse expostulatorias circa eam. Consiliarios autem quosdam, qui bene noverant præproperarum ejusmodi querelarum indolem, forte fortuna respondisse; conjecturantes tantum, non alicunde certiores facti : *Sodes! quid dices si navis tua, quam detineri arresto quereris, libere domum versus naviget?* Idque sic evenit: nam homo iste post sex dies Dominis illis renunciavit, navem suam navigando redire.

Observatio generalis tertia: Quamvis concedendum sit, opes salutemque mercatorum bene congruere cum divitiis ac statui gentis communi; præsertim in Insula; at tamen nimis familiare mercatoribus esse proprii sui commodi causam facere causam Reipublicæ totius.

Sequuntur jam *speciales observationes* circa Mercatores in Hispania atque mari mediterraneo negotiantes; agnoscitque Comes honorificè atque tenerrimè, gravamina illa esse & magna & multiplicia: mererietiam commiserationem atque auxilium; Veruntamen cogi se aperte fateri ipsos mercatores plerumque calamitatis suæ authores esse. Nam postquam sublata esset societas illa,

illa, quam *Monopolium* appellare placuit; atque speciali hujus Domus intercessione libertatem adepta erat; tantam inter ipsos securam esse confusionem atque omnis ordinis perturbationem, ut non tantum in multa impingant, offendantque, verum etiam in prosecutione litium negotiorumque suorum imprudenter agant, ut nisi Legati Residentes (qui sunt oculi Regis apud gentes externas) deserant munus suum, fiantque mercatorum Procuratores & Sollicitatores, vix proficere queant. Et quod majus est, tanta nunc est in mercatura confusio, ut tabernarii & opifices illic mercatores existant; qui nullis regulis devincti, pessimis artibus in officiis ibi constitutos corrumpant, atque eorundem favorem emant: Unde Mercator inclytus opes suas illuc impendens, cogitur eorundem insistere vestigiis atque indigna ratione mercari favorem, seu jura sibi debita, vel ex amicitia inter Principes constituta.

Observavit *secundo*, haud verisimile esse, illic Mercatores affligi, quoniam nunquam antehac majori frequentia isthuc fuerint negotiati: nam certe, si vexationes tam essent intolerabiles, tamque continuæ, ut, ajunt, magis remissionem in negotiatione ipso facto, quam ejusmodi fervidas procurassent verborum querelas.

Tertio, solere Mercatores (bona quidem intentione) at non levi præsumptione, occasione privatorum gravaminum urgere negotia, ad bellum directè tendentiâ. Ejusmodi
dama

damna subditorum privata, justitiæ permittuntur ordinario modo administrandæ, vel ipsis Fœderum pactis, quæ his non obstantibus inviolata manent: non enim possunt inter Reges de bello & Pace transacta ejusmodi exiguis rumpi confiscationibus: non magis quam si inter virum & virum occasione rupti contractus quomodocunque, admitti regressus omnis debeat.

Quarto invertisse eos decentem petitionis ordinem, direxisse enim ad *pedes*, non vero ad *caput*. Nam considerato, quod non novam desiderent legem, in sui auxilium, sed intendant bellum vel pacem; decuisset ipsos Regem adire, ad cujus Regium judicium, potentiam & officium proprie pertinet, discernere, quod desiderant ipsi: potuisset deinde referri in acta, quod fuisset concessum, atque gratiæ pro eo, quod obtinuissent.

Quinto quod sicuti non direxissent petitionem suam prout decebat, ita neque suæ propriæ institissent methodo, prout cœptum erat. Nam dirigentes petitionem ad Regem, Episcopos atque Pares, ad Communitatem etiam in Parlamento congregatam, innuunt se eandem Paribus obtulisse petitionem, quod falsum, & adversus non tantum propriam ipsorum inscriptionem, verum etiam opinionem nostram; existimavimus enim (ut videri licuit ex sermonibus aliquot a nobis in colloquio quodam habitis) obtulisse eos singulas utrique domui petitiones. Et sic habetis observationes istas octo, partim generales, partim speciales, quas Illustris

stris Comes protulit quoad personas petentes, earumque circumstantias.

Petitionis materiam in tres divisit partes, quarum.

Prima exhibet querelas, de injuriis, quas ipso facto perpeSSI sunt.

Secunda querelas de legum injustitia, ut appellari queunt, i. e. de legum, secundum quas negotiationes fiunt, inæqualitate.

Tertia remedium desideratum per literas repressaliorum.

Injuriae quas ipso facto sunt perpeSSI, admittunt iterum subdivisionem secundum loca diversa, aut enim navigant in Hispaniam, Indiam vel Archipelagum.

Erga navigantes in Hispaniam tantam expressit commiserationem, attribuitque eorum professioni & statui, ut existimare possint, se ab ore tali in tanta virorum illustrium corona, magno affectos esse honore, consecutosque solatium, (inspergit autem ista integræ orationi suæ, ex abundantia cordis procedenti;) veruntamen quatuor etiam excusationes seu potius extenuationes harum injuriarum produxit.

Prima erat injurias illas haud esse gradus summi; esse enim tantummodo dilationes & processus amaros, non autem sententias iniquas aut condemnationes directas. Hic recordabar, quod olim ab insigni Episcopo dictum audiveram: quod Curia licet Justitiam in absynthium non transformet, corrumpendo; at tamen in acetum convertant diffi-

differendo. Et ejusmodi differentiam Comes adhibebat, quæ certè distinguit *secundum majus & minus*.

Secundo dilationes has acceptas ferebat non Hispanorum malitiæ, aut quod sint mente à nobis alieni; verum genio populi & indoli; Superbus enim est populus, ideoque dilationis amantissimus; talesque sunt superbi omnes, voluntque observari rogarique. Præsertim autem curiarum multitudini atque varietati ascribebat, & innumeris consiliis regiis, quæ multas requirunt relationes necessario dilationibus conjunctas: ut nihil dicam de locorum distantiiis. Hæ autem omnes Hispanorum procrastinatione occasionem proverbio dedere illi, ut puto, apud Italos frequentato: *Me Venga la morte di Spagna: Veniat mors mea ab Hispania*: nam sic certè tardè adveniet.

Extenuatio *Tertia* depromebatur ab hominis indole. (Nemo subito fingitur.) Licet enim belli inter nos Hispanosque flamma extincta sit: adhuc tamen fumat torris, ejusque restinctio ultima permittenda temporis.

Verum *postrema* injuriarum imminutio erat validissima: eaque talis. Earum plurimas non sustineri absque aspersione culpæ, præbendo occasionem hac ratione.

Est in Pactis; Hispanos inter & nos sanctis, articulus, quo prohibentur mercatores nostri importare in Hispaniam merces Belgicas, sive natura productas, sive manufactas. Ita ut Pannum Anglicum in Belgio tan-

tantummodo tinctum, non possit in Hispaniam deferre Anglus. Et ratio est, quoniam ejusmodi opificia, licet res officinis necessariae (materialia vulgo vocant) aliunde apportantur, ipsis præbent lucrum atque sustentationem, quandoquidem eorum vulgus hac ratione ad artes exercendas allicitur. Fruuntur etiam circa pretium lucro; & peculiari in transportatione gaudent more: quibus omnibus Hispanorum prudentia eos privare sategit, non tantum intendens Belgarum negotiationem destruere, verum etiam ad suam reducere obedientiam. Articulum hunc Mercator Anglus, aut non intelligit, aut non intelligere vult. Sed tractus, fune triplici ex amore, odio & lucro contorto, ex Belgio merces istas in Hispanorum regna transfert, atque sic in ista se conjicit Arresta atque incommoda.

Quoad navigationem in Indiam assererat Comes, ita se rem habere. Hispanorum prudentia thesauros illos ejusmodi occlusit seris, ut neque confederatis, imo neque subditis ad eos pervenire liceat. Hinc etiam Gallie Rex qui æque ac nos Hispanis nunc amicus est, expressis conditionibus hinc arcetur. Portugalli quoque, quibus omni satisfacere modo annisi sunt Hispani, arcentur pariter. Tam ibi *pervigil Draco est, aureum hoc custodiens vellus.* Verum enim vero, tanta fuit S. R. Maj. magnanimitas in Pacificatione ejusque conclusione nupera, ut nullatenus annuere voluerit articulis, subditos subs ab hac negotiatione excludentibus:

tibus: ceu Princeps agnoscens, haud ullum ejusmodi jus acquirere Hispanorum Regem potuisse & *Romani Pontificis Donatione*, cujus minime suspicit auctoritatem; vel titulo informis imperfectæque occupationis quarundam provinciarum, quasi eis reliquæ subessent. Sed firmiter apud se constituerit, quæstionem hanc aliis relervare temporibus opportunis. Est igitur navigatio talis neque prohibita, neque permessa: & de ea transactio tantæ teneritudinis & existimationis seu gloriæ, ut qui attentant eam, pericula subire necesse sit. Imo affirmabat Comes porro. Quod si vel hoc tempore S. R. M. annuere velit exclusioni, mox liberè dimissum iri naves. Addebat autem pariter: aliquorum offensas & noxas pejorem reddidisse casum hunc, quam esset se ipso; nam si consideremus postremam in *Virginiam* classem, negotiationis & colonorum deducendorum causa eo missam, ubi Hispani nihil possident, jam piraticam exercere videbimus. Testatur id *Binglejus*, primus qui se mercaturæ exercitium eo extendere, coloniamque deducere velle indicavit, ast jam pirata existit: ideoque quæsitus, nondum tamen deprehensus est, licet navis ejus in *Hibernia* fuerit capta.

De navigatione in mare mediterraneum, agebat illustris Comes, querelam, duas tantum complecti actiones: detentionem seu arrestum navis, cui nomen *Triall* (*Judicium*) in *Sicilia*, & alterius cui nomen *Vinegard* (*Vinea*) in *Sardinia*. Primam autem detineri,

quoniam habeatur pro piratica. Alteram, quoniam bombardas atque pulverem pyrium Turcis advexisse credatur. Processus circa navem priorem ad Mercatoris instantiam in Hispania resumptus est: Estque favor raræ benignitatis; adversatur enim directe libertatibus & privilegiis Siciliæ. Ad posteriorem, licet (si verum est, quod refertur) inglorium sit genti nostræ (ut apparet ex iis, de quibus Legatus Gallicus Constantinopoli residens jamdum exposulavit, nostri Regis Legato & hanc & alias instrumentorum bellicorum in Turciam importationes obiciens) factum ejusmodi, nihilominus Legatus in Hispania residens per literas indicavit, satisfactum iri nobis, quatenus quidem fieri potuerit. Et in his navibus binis maxima revera mercium jactura constitit: reliqua enim exigua fuerunt harum navium intuitu. Atque tantum complectebatur Comitis Oratio, de injuriis quas ipso facto sunt perpeffi.

Quoad Legum injustitiam, i. e. Hispanicarum Legum rigorem in Cives nostros illuc negotiantes, talia proferebat Comes. Esse illas non noviter sancitas, aut in gratiam populi nostri vel temporum nostrorum constitutas, verum istius regni leges antiquas. *Suis cuique mos.* Ideoque ut peregrinantes oportet extrema quæcunque perferre, Climates aerisque temperiem, ubi transcunt; ita & Mercatores oportet experiri legum extremitates, atque temperamenta rerum publ. apud quas negotiantur. Adjiciebatque

que Salisburienſis Dominus, nec noſtras leges Anglicanas immunes eſſe ab ejuſmodi querelis apud exteros, in ſpecie quoad cauſas maritimas, & prædationes, & ſubitanæ mutationem proprietatis, quam vindicat ſibi Thalaffiarchiæ forum, circa bona in piratarum manibus reperta. Scire tamen nos debere, Hiſpaniæ Regem magni facere gentem noſtram, atque literas dediſſe ad omnes ſuos Portuum officiales, miniſtrosque alios, declarando, velle ſe ut cives noſtri omni libertate indulgentiaque fruantur, cum additione gratioſiſſima, quod præ aliis favore ſint afficiendi luculentiffimo. Quæ verba qualiſcunque tandem ſubſequatur effectus, non ſubitaneis peremptoriisque compenſanda ſunt conſiliis, ſed expectandum, donec tempus declaraverit contrarium.

Ad tertiam petitionis partem, quæ remedium per literas reſpreſſaliorum ſiſtebat, videbatur illuſtris Comes deſiderare, ut intelligamus inconvenientias ejus, duas prægnantes ob oculos ponens exceptiones, quarum prima: remedium eſſe plane incompetens atque vanum; poſterior: fore pernicioſum mercatoribus noſtris; & per conſequens univerſæ Reipublicæ.

Quoad Remedii infirmitatem optabat, ut conſideremus, quodnam fuerit Remedium Statuto Henrici VII. (cujus nunc expeditur executio) in ejuſmodi caſu ſancitum: ſcil. ut pars læſa querelas ſuas primo deferat ad Secreti Sigilli Cuſtodem, & ab ipſo literas

accipiat ad partem lædentem, restitutiones sollicitantes. Mercibus vero vel navi sic nondum restitutis, tum demum impetrandas esse à Cancellario repressaliorum literas, qui remedii circulus nihil aliud promisit, quam infinitam infrugiferamque dilationem: prius enim probabiliter non effecit quicquam, veluti permittens processum lædenti in regionibus exteris. Dicebat itaque Comes, Statuto huic medelam esse afferendam, si casibus ejusmodi subvenire velimus id fieri solet per literas certicatorias, attestations, & ejusmodi alia ad notitiam requisita: non vero per dependentiam ex Sigillo privato, parti cuidam inservienti, quam fortassis in India occidentali quærere oporteret.

Circa remedii pericula, jubebat nos considerare & examinare bona Mercatorum in utroque regno. Bona enim Hispanorum, quæ à Rege nostro occupari possent, esse exigua. Ingentia autem esse bona Anglorum in Hispania: ita ut si repressaliorum literæ concedendæ forent ad satisfaciendum aliquot hic vehementer urgentibus, omnia Anglorum bona in Hispania existentia exponerentur confiscationi & Arrestis: nos vero ex adverso exiguum, aut nihil haberemus ad sarcinendum ejusmodi damna. Atque tantum *Domine Prolocutor* memini ex eleganti Oratione illa, quoad primam partem, quæ erat consideratio petitionis, ut procedit à Mercatoribus.

Sequitur jam pars secunda, quæ conside-
rat

rat petitionem huic oblatam Domui. Ubi Comes illustris postquam honorifice meminisset, se gravitatem, capacitatem atque officium, communiter in Domus hujus rebus gestis deprehendisse, nihilominus tamen petiit, ut consideremus cum ipso, quomodo obstetricatio petitionum ejusmodi, privatas concernentium injuria, sisti tria evitare possit incongrua: Injustitiam *primo*, *deinde* supremæ Regis absolutæque circa bellum ac pacem Potestatis, derogationem, & *tertio*, præjudicia quædam ratione status.

De injustitia manifestum est, neque negari potest, nos unam solum audivisse partem, cum regula: *Audi & alteram partem*, non respiciat formalitates, sed essentiam justitiæ, vel ideo cum oculo utroque clauso pictæ, aure vero utraque aperta. Utramque enim audire partem, & respicere neutram. Si igitur accideret, ut justam pronunciaremus sententiam, posset *justa* dici, ast *minime juste prolata*, cum alteram non audiverimus partem.

Circa Derogationem arbitrabatur, nos non minus agnoscere eam quam ipse: Angliæ Regem (inter alias prærogativas minime inficiandas) gaudere potestate absoluta circa bellum suscipiendum pacemque pangendam. Neque noviter eam Regi fuisse concessam, sed antiquæ constitutionis in hoc regno esse, innumeris probavit ex historia exemplis; eorum præsertim Regum, qui ad S. R. M. maxime accedunt dignitatem: dicebatque nolle se fidem suam fulcire

ciphris, temporumque articulis; facilem enim hic esse lapsum, seu in calculis chronologicis errorem; sed tantum asserere perfecte vera esse, quæ dicturus sit, atque ex monumentis fide dignis deprompta: moxque appariturum; Petitiones in Parlamentis ad Reges, S. R. M. Prædecessores, factas, atque materiam Pacis Bellive immiscentes, vel tantum eo inuolutes, vix admissas fuisse, successu certe caruisse; atque rejectas fuisse per responsiones dilatorias, reservando rem totam suis Status Consiliis, aliquando literis suis, aliquando beneplacitis suis, deliberationi ulteriori, & similibus: Regibus istis sic manifeste declarantibus, velle se materiam ejusmodi unice suæ reservare potentiæ ac voluntati.

Anno 18. Eduardi I. conquesta est domus inferior de subditis Comitis in Flandria, cum petitione vindictæ. Regis responsio fuit; *Rex nihil aliud potest, quam eodem modo petere: intellige à Comite Flandria.* Nemo dubitabit, Eduardum sat potentem fuisse, ad bellum cum Flandriæ Comite gerendum, attamen respondebat, *se nihil aliud posse: innuens bellum esse rem transcendentalem, nec dependere ab ejusmodi controversiis.*

Anno 4to Eduardi III. Domus inferior petit, ut Rex velit ferire foedus & inire pacta quædam cum Brabantia Duce. In hac petitione continebatur etiam aliquid circa pecuniam. Respondit Rex: quoad pecuniam ipsos deliberare posse, atque rem examinare; ast quoad pacem velle se agere, ut sibi visum foret.

Anno 18. Ejusdem, Domus itidem inferior desideravit, ut liceat sibi examinare & agere adversus mercatores quosdam extraneos, tanquam Reipubl. hostes. Respondit Rex: velle se ut res maneat in statu quo, donec sibi placuerit alia circa eam præcipere.

Anno 45. Ejusdem, querebatur populus, negotiationem cum Orientalibus esse sibi iniquam (querela præsentis quoque inserta petitioni) petebatque immutationem aut emendationem. Respondit Rex: Maneat sic, donec occasio suaserit aliud.

Anno 50. Ejusdem: opem Regis adversus Hispanos implorabat populus, uti & nunc implorant: Respondebat, velle se dare literas in eorum subsidium i. e. intercessorias. Hic literæ sunt petitoræ, non repressaliorum. *Nihil potest, nisi eodem modo petere.*

Eodem anno de Belgis querebantur mercatores Eboracenses: petebantque, ut naveseorum arresto detinerentur, tum in Anglia, tum Caeteri. Respondebatur: *Debere illos hac deferre ad Consilium Status, adepturosque remedia rationi congrua.*

Anno 2. Richardi II. Mercatores, littoribus accolæ, questi sunt, Hispanos varias fuorum deprædasse naves. Respondit Rex, velle se ex Senatus sui consilio istis mederi.

Adducebat etiam Comes alia duo exempla, primum ex 2do Henrici IV. ubi querela instituta fuit adversus Mercatores *Genuenses*. Posterius ex undecimo Henrici VI. ad-

versus Mercatores † *Stilliardenses*, quæ omit-
to, quoniam non alia hic fuit responsio
data.

Porro duo promebat argumenta, pro ad-
struenda Regis prærogativa & Coronæ deco-
re. Horum alterum Regis supremam in
Ecclesiasticis concernit potestatem, alterum
ponderum & mensurarum definitionem.
Quoad primum accidit regnante Richardo
II. ut populus quereretur de usurpationibus
atque nimia Pontificis R. autoritate. Re-
spondit Rex, se mandasse Consiliariis suis,
ut hac de re cum Episcopis agant.

Anno 18. Eduardi I. ponderum inæquali-
tas accusabatur; ad quæ Rex: *Vocentur partes
ad placita Regis & fiat justitia.* Unde liquet,
Reges in hoc regno solere causas in Parla-
mentis propositas ad proprium suum remit-
tere forum, ut cognoscantur decidantur-
que. Belli autem & Pacis negotia, ut ex
prioribus apparet instantiis, reservare in
serinio pectoris sui, nec nisi à Consiliariis sta-
tus intimi admittere consilia.

Claudebat autem hanc instantiarum enu-
merationem, alia insigni ex 17. Richardi
II. Principe non æque glorioso neque poten-
ti: attamen cum offerret inferiori Domui
tractationem de belli pacisque negotiis, hæc
modeste se excusavit; regerendo: *nolle se præ-
sumere de rebus tam excelsis.* Ex his igitur
omnibus inferebat illustris Comes; quod,
ut *dies diem docet*; ita hæc exempla possint
monere

† *Sunt, ni fallor, ferramentorum Mercatores
Londini, in foro Steelgard habitantes.*

monere prudentes viros, ut omittant petitiones, quæ neque Principi gratæ auditu, neque desideratam unquam sortitæ sunt responsionem.

De Præjudiciis, ex tractatione belli & pacis in Parlamento oriundis, non dubitabat, animadvertere hujus Domus prudentiam, ex quibus ea dependeant. Nullus enim Rex provide & opportunè bellum suscipiens, omittit expendere vires suas, revocare mercatores suos, primam invasionis captare opportunitatem, & alia, quæ si propalentur, irrita sunt & vana. Res igitur hæc, quæ est Imperii arcanum, intra velum delitescere, recte permittetur. Adjiciebat etiam, haud bene sibi cognitum, annon in jamdum dictis, proluxo affectu ad nobis satisfaciendum prolatis, edisseruisset specialiora plura, quam necesse fuisset. Quanquam fatebatur etiam, Parliamentis indicata fuisse belli pacisque negotia, in genere duabus hisce de causis. Cum Rex vel Consiliarii intelligerent, utile esse declarare Zelum, propensumque in populum affectum: aut cum indigeret Rex pecunia aliisque in belli sumptus subsidiis. Ideoque si bellum immineret, certi esse queamus, nos de illo audituros: sperat enim Comes, quo S. R. M. nos reperiatur sit non minus promptos ad sumptus in illud conferendos, quam fuimus in suadendo.

Jam ergo, Domine Prelocutor, quod attinet ultimam Orationis Ill. Comitum partem, petitionem scil. à nobis superiori domui

commendatam, hæc à Patribus referebat. Velle ipsos optime interpretari desideria nostra, profecta potius ex sensu Regiarum virium, & injuriarum, quas ab Hispanis passi essent Cives nostri, imo ex Sapientia abundantanti, quæ declararet promptitudinem nostram assistendi, si necesse foret, S. R. Majestatis futuris consiliis: (quæ declaratio admodum foret commoda, Regique gratissima subsidiorum oblatio, si modo illa publicata essent consilia) inde potius, inquam, profecta, quam ut intentio esset nostra, hac festinata propositione involare aliquatenus in summam Regis potestatem: quod facile ab illis fieri posset, qui prompti magis sunt ad malas, quam bonas ex desideriis nostris eliciendum conclusiones. Nolle autem Pares, ajebat quoque, neque posse eundem nobiscum ingredi cursum, nedum approbare. Ideoque concludebat, optimum fore, si contemplemur conditiones pacis postremo cum Hispanis initæ, quæ peregrinæ admodum videri queant, serio eas consideranti. Nulli exercitus è Belgio sunt revocari, nulli exercitus novi (spontaneos intelligo) illuc ire prohibiti. Pacem igitur Rex servat, ast subditi, omnes si volunt, bellum exercere queunt. Ideoque sic nobiscum cogitare possimus: quod Rex ille, qui nulla cessit terra pacem pangens, nolit etiam perdere provinciam quamcunque, justissime provocatus, sed bellum potius suscipere honestum. Interea autem tantum scire nos deceat: Non plura hic efficere posse Regem,

Regem, quam affligere Hispanos, & sic adigere ad restitutionem. Ab Hispaniarum autem Rege nihil expectandum præter promissiones elegantes, velle se nobis satisfacere; Eventus autem horum præstolandus.

Atque sic, Domine *Proloc.*, recensui Illustrissimi Comititis Orationem; cuius (ut sæpius dixi) Orationes, si consideremus munus ingeniumque ejus, sunt veluti lux insignis i. e. juxta binam lucis operationem Domum hanc & illuminantes & exhilarantes. Et quanquam posset existimare aliquis, nunc, quod dici debeat, residuum non esse; attamen & aliam recensebo orationem, rerum ornatusque plenissimam. Non vero repetam, ne iniquus in orationem videar elegantem, recensendo eam auribus attentione jamdum fassis.

Illustris Comes alius in rebus magni momenti suo quoque fungens munere, petoravit, talia præfando. Persuasum sibi esse, differre utramque Domum *credulitate* potius & fide, quam intentione ac votis. Possit enim esse, quod Pares non credant relationibus, æque tamen desiderent emendationem.

Dicebat porro, Mercatores ejusmodi esse homines, qui non solum suscipi debeant, verum etiam intercessionibus sint digni. Cohonestabat etiam appellationibus decentissimis: esse scilicet instauratores inopiæ nostræ, opumstrarum authores: Neptuni Eleemosinarios, & fortunæ filios.

Post hæc agebat: quæstionem hanc nobis videri novam, ipsis antiquam: asseverabat etiam, Regem non frustra cardui referre emblemata, cum lemmate: *Nemo me laceffit impune*: & quod veluti regnorum unio sui ipsius potentiz notitiam, sic etiam amoris affectusque nostri unio, gravaminum nostrorum sensum, in ipso procuret.

Argumenta deinde producebat quinque, ostendendo, cur Domus superior non possit in eandem nobiscum consentire petitionem. Primum erat ex constitutione Domus nostræ desumptum, dicebatque, eam esse mere Democraticam, utpote ex Provinciarum Equitibus & oppidorum Civibus collectam, qui domesticis alias vacantes negotiis intercos habitant, quorum gratia huc missi sunt: ideoque privata pollere prudentia statui suo congrua, non vero apta ad examinanda & definienda Status arcana; quæ pro circumstantiis variant maxime. Addebat igitur superioribus de prærogativa exemplis ex 17. Richardi II. ubi Domus inferior volebat immiscere se belli pacisque negotiis: respondens, *nolle se præsumere de tam sublimi & ambigua materia*. Et quamvis agnosceret Comes esse in medio nostrum ingenia apta ad introspicienda Status negotia, istud tamen soli personæ accidere, non vero asserendum officio: Res vero accipiendas secundum institutionem, non vero praxin.

Secundum argumentum erat, quod & Philosophorum regulis, & Lege Civili, ordinatio belli & pacis sit absoluti imperii: speciale

speciale coronæ decus seu flos; qui tam charus nobis esse debet, ut si necesse sit eum sanguine rigemus nostro. Nam si flores isti vel negligentia, vel facili benignaque concessione marcescerent, aut exciderent, seruum, ut gestetur amplius, vix dignum fore.

Tertia ratio erat; Reges adeo libenter imitari *Primum mobile* ut neque velint mutato moveri motu. Licet enim libentissime perficiant, quæ intendunt ipsi, veruntamen præveniri petitionibus neutiquam velle. Ejusque præclarum Eduardi III. allegavit exemplum, nolentis annuere populo petenti, ut Principi nigro Walliæ Ducatus Dignitatem conferret. Quanquam posthac sponte ipsi hanc concesserit dignitatem.

Quartum argumentum erat: Posse iniquum videri Regem inter ejusque virtutem stare medios; subditorumque potius esse officium à regis ministris demere honores, atque Regibus addicere, quam à Regibus auferre atque eorum Ministris asserere: quod eleganter admodum *Joabi* muniebat exemplo, qui cum obsideret *Rabbam*, atque deductionis certus esset, *Davidi* scripsit, ut veniret gloriamque de occupata reportaret urbe.

Ultima ratio erat, aspergere hoc Regi labem, ac si dormiret, neque attenderet subditorum suorum suspiriis, nisi excitatus Parlamenti fulmine.

Conclusio autem Comitum illustrissimi erat optima; erat enim cum asseveratione conjuncta:

inſta: quod, quantum fieri poſſit per minas,
obteſtationes, artes civiles, & argumenta,
jamdum hac in cauſa factum ſit ad procu-
randum remedium: & cum promiſſione;
quod ſi ratio ſtatus ejuſmodi quid permiſerit,
quod Pares uti parati ſunt ad impendendum
ſpiritum ſuum promovendæ petitioni no-
ſtræ, ita quoque parati futuri ſint, ad im-
pendendum ſanguinem ſuum ejuſdem exe-
cutioni.

*Et hæc erat definitio ejus, quod tracta-
batur.*

O R A T I O

Ad Regem, à S. R. M. Solicita-
tore habita, utpote ab inferiori Domo
Electo in Delegatum, ut perferret ad
Regem instrumentum ſeu libellum
ſupplicem, populi gravamina conti-
nentem,

In Parlamento 7mo. Jacobi.

R Ex Clementiſſime, Equites, Cives, Mu-
nicipes in Parlamento congregati maxi-
ma cum humilitate exhibent S. R. Majeſtati
Vestrae verbis ſuis propriis, licet manu mea,
petitionem ſuam atque gravamina. Scripto
ſunt conſignata juxta veterem Parlamento-
rum conſuetudinem: præſatione præmiſſa
juxta morem temporum recentiorum. Id-
circo

circo neque necesse neque conveniens foret, ut ego quædam præfando adjiciam; præsertim coram Rege loquens, cujus ingenii acies omnem non necessarium dissipare debet sermonem, uti Sol vaporem. Hoc solum effari cogor: Vidisse nos hoc sedente Parlamento Majestatis Vestræ gloriam in solenni ista Principis illustrissimi creatione. Audivimus Sapientiam in diversis Orationibus excellentissimis, inter nos recitatis. Jam confidimus, quod etiam Bonitatis Vestræ radios sentiemus in benigna ad petitionem istam responsione. Persuasi etenim sumus, quod ea, quæ prudentissimus scriptor *Tacitus* duobus imperatoribus optimis *Divo Nerva* & *Divo Trajano* attribuit, dicendo: *Res olim insociabiles concuerunt, imperium & libertatem*: recte etiam Majestati Vestræ attribui queant. Nunquam enim ejusmodi *Majestatis*, imperio debita, Conservator extitit. Neque talis Protector libertatis, subditis propria.

Ne sit autem, Rex Serenissime, gravaminum nomen, (triste licet) auribus Vestrīs regiis asperum. Est tantum *Columba gemitus*, ei junctus patientiæ & humilitati, quæ decet amantes fidosque subditos. Atque absit à nobis, in medio etiam gravaminum nostrorum sensu, dememinisse atque ignorare beneficia innumera, quibus unice Majestatis Vestræ gratia, post DEI benedictionem, fruimur: nec non adstringimur, apprecari vitæ vestræ Regiæ dierum plenitudinem, ac Prosapiæ, successionis perpetuitatem.

tent in mundi usque finem.

Restat igitur ut petitionibus hic contentis, adhuc unam addam, quæ ad illas se extendit omnes: videlicet, ut si in verbis eorumque forma offendant quædam, atque aliter declaraverimus animi nostri secula, quam vel oportuit vel libuit, Majestas Vestras contingat ea, involvatque gratiæ velo: acceptet sanam intentionem nostram, eandemque secundet interpretatione benigna.

Tandem decet me & meis quoque verbis veniam humillime flagitare, licet enim fuisse pauca, vix tamen & illa eloqui valuissem ob metum, quo revercor Majestatis Vestræ personam atque ingenium, nisi quadanteus animum addidisset experientia in ministerio accessuque ad Majestatem Vr. meo, quo sæpe ex continua Majestatis Vestræ gratia atque Favore sum usus.

O R A T I O

Solicitoris Regii ad Magnates habita, nomine Domus inferioris in cujusdam Commissionis Colloquio: eum in finem, ut persuaderet Domui superiori, quo jungat secum in exorando Rege, ut obtineant libertatem tractandi de transactione cum Rege circa Wardos & Tenuras

In Parlamento 7mo Jacobi.

E Quites, Cives, & Municipis Domus inferioris demandarunt mihi, ut Domina

minationibus Vestris exhibeam causas Colloqui à se desiderati, vestroque assensu approbati, in gratiam secundi hujus diei pensi. Fideliter ipsis innotuit S. R. Majestatis responsum, per Illustr. Thesaurarium redditum, ad humillimam suam petitionem, pro obtinenda, tractandi de transactione circa Tenuras, libertate. Et primo quidem valde S. R. Majestati obstrictos se sentiunt, quod cum in *re nova* difficiles soleant esse Principes, Rex tamen benignissime acceptavit propositiones suas: & quantum quidem sapiunt, arbitrantur id decere & Regis Magnanimitatem, causæque magnitudinem, quanquam & ipsi agnoscant, non debuisse se tam celerem sibi spondere responsum: quicquid sit, quod Sapiens dicat? *Spes quæ differtur, affligit animum.* Norunt enim, officium esse suum, expectare usque dum opportunum S. R. Majestati visum fuerit: & læti præstolantur, ex responsis S. R. M. (quæ tempora disponit, ejusque expendit momenta) spem indies majorem concipientes, abjicientes nullam.

Verum enim vero Causæ hujus Colloqui primariæ (nullis officiorum contestationibus omissis) sunt propositiones duæ, quarum altera excusationem, petitionem altera complectitur. Prior ita se habet. Dominatio vestra, (mi Domine Thesaurarie) in ultima enarratione responsionis Regiæ (quæ juxta Characterem tunc ipsi attributum, imaginem Cæsaris exactissime referebat) genuinam hanc adhibuit divisionem, circa Tenu-
ras

ras consideranda esse *Honorem, Conscientiam & Utilitatem*. Ex his utilitatem adjecit S. R. Majestas ob magnanimitatem suam, nos autem ob justitiam petitionis nostræ. Non enim intendimus nisi bonum honestumque incrementum commodi nunc percepti, non vero imminutionem. Verum (ut libere loquar) ista consideratio sponte subit examen, quando libera conceditur transactio. Ast priores duæ omnino transactionē excludere possunt, aut abrumperē, si admittantur.

De istis ergo quod dicemus, ut recte intelligatur, petimus. Mens nostra neutiquam est, contendere cum S. R. Majestate, de eo, quod summam ipsius concernit potestatem, seu Conscientiam Principe dignam. Novimus enim sufficientes nos non esse ad discernenda ista; seu non aliter, quam ut solent homines agnoscere Solem in simpulo aqua repleto. Ideoque in nostram excusationem obtestamur, DEUS avertat ut scienter asseramus quiddam, alterutram harum lædentem. Atque in his audiri cupimus, non tanquam erudientes seu persuadentes S. R. M. verum liberaturi excusaturique nosmet ipsos.

Quoad primum autem agnoscimus, hanc Tenurarum arborem, (juxta intelligo) regis insertam esse prerogativis, vi antiquarum municipalium legum: munitam etiam variis statutis atque defensam: & magnas hoc ipso die Regi obventiones largiri. Veruntamen si hujus arboris radici, imponi columna possit, ad sustentandam coronam.

&

& æque ac marmor perennis; majori etiam atque certiori cum emolumento, quam ex Tenuris istis perfruendo, speramus nos proposituros esse materiam non ingratham.

Sed loquamur distincte, atque primo de Honore. Circa hunc obsecro Dominationes Vestras, tanquam subjectum quod videri possit *supra nos*, liceat loqui mihi, potius uti capaces sumus, quam per se requirit. Norunt Dominationes Vestrae ex variis compositum esse viris hunc nostrum confesum. Habemus inter nos peritos legis Civilis, quam reveremur & quandoque confuimus. Hi asserere possunt *Legem de Feudis* esse tantum additamentum ad *legem civilem antiquam*, ac Imperatores Romanos in summo etiam Monarchiæ suæ flore semper ignorasse eam; adeoque imperialem non esse. Habemus etiam inter nos *Legis Municipalis* Doctores, qui ostendere possunt, ea tantum ad summam pertinere potestatem, regiasque prærogativas, quæ cum subditis communicari nequeunt: Tenuras vero, quoad rem, possident Dominationes Vestrae omnes, & pauci ex nobis sunt, qui destituuntur iis. Rex revera prioritate seu primis ministeriis ex Tenuris suis gaudet: idque demonstrat, non esse eas summæ potestati unice proprias. Habemus nobiles ministeriis suis mari terraque inclytos, qui possunt docere, quod quando quarritur, quis primus pedem debeat figere in hostili terra, nunquam indagetur, an is equitis fungatur servitio vel Colonus sit. Habemus.

etiam

1151

etiam multos Loco tenentes delegatos à Dominationibus Vestris ; multosque Commissarios, qui fuerunt militum Censores, illustratoresque exercituum, & possunt affirmare, ministeria ac defensionem Reip. hoc tempore parum ex Tenuris p̄ndere. Ideoque colligimus, haud esse Regiminis Vinculum, nec honoris calcar, nec obedientiæ frenum: Tempus erat, cum aliis inservirent usibus, idque nomen Equestrium servitiorum indigitar: sed *vocabula manent, res fugiunt.* Hæc autem omnia quæ diximus, fatemur prolata secundum vulgarem nostrum conceptum, & posse prodesse ad nostram excusationem, rem autem totam S. R. Majestatis permittimus judicio.

Quoad Conscientiam, absit ut injiciamus quicquam, quod perturbare possit clarum illum Conscientiæ S. R. Majestatis fontem. Fatemur nobilem esse sub imperii alis protectionem, nec non sub eas congregandam esse generosam familiarum pullitrem; attamen *Natura vix maxima; & saus cuique discretus sanguis.* Ideoque liceat mihi priori meæ insistere methodo. Lex municipalis ipsa, optima prudentiæ nostræ regula, vel in hoc ipso casu præfert patris prærogativam, prærogativæ regis. Nam si agri deriventur ab antecessoribus ex parte matris ad filium primogenitum, patre adhuc superstiti, Pater habet corporis custodiam, Rex minime. Verum quidem est, hoc tantum valere pro Patre, non autem Matre aut aliis, Patris vicem

vicem gerentibus, majoribusque; ast si n-
tuemur magnam de tutelis & protectione
legem, atque de obedientia & officio illo-
rum correlatis; non præcipitur: *Honora
Patrem tuum solum, sed honora Patrem tuum &
Matrem tuam &c.* Deinde Civilis juris peri-
ti docere possunt; Prætoriam potestatem
pupillorum causa fuisse in usu, licet Tenu-
ræ non essent. Londinenses agnoscunt or-
phanorum forum, ignorant tamen Tenu-
ras. Verum in his omnibus precamur Do-
minationes Vestras, ne existiment, nos
videri nobismet ipsis esse competentes siue de
gloria regiae Coronæ, aut Conscientiæ scriniis, ju-
dices: sed rem universam Regi permittere,
atque ista saltem allegare in nostram excusa-
tionem.

Quod petitionem attinet, perseveramus
in precibus nostris humillimis, fratri amica
Dominationum Vestrarum assistentia, ut
dignetur S. R. M. aperire nobis hunc ad
Munificentiam suam atque benignitatem ac-
cessum; ac permittere tractationem. Sci-
mus quidem S. R. Majestatis tempora, non-
nisi supremo illo subordinari globo. Sol
hoc ipso tempore noctibus æquat dies, af-
cendetque celeriter. Scimus etiam Salomo-
nis Templum (de quo Dominus Thesaura-
rius loquebatur) non uno extructum die: &
si tam felices queamus esse, ut acquiramus
securim, secemusque, & malleum, fabri-
cemusque, scimus non posse id sine tempo-
re fieri. Ideoque quantum quidem consistit
cum officio nostro, atque sine insolentia
fieri

fieri potest, humillime desideramus celerem à S. R. M. responſionem; prout tamèn viſum fuerit ipſi opportunum.

O R A T I O

Sollicitatoris Regii, ſuadens

Domui inferiori, ut deſiſtat urgere amplius, Denunciationum Regiarum per Oratorem ſuum ſive Prolocutorem receptionem, ut ex Conſilio Status intimo, atque à Rege ipſo.

In Parlamento 7mo Jacobi.

IN votis meis ſemper fuit, ut quodocunque Regis negotia, ſive ea Honorem, ſive Commodum concernant, in hoc pertractanda ſunt Conſeſſu, non tantum externum mereantur aſſenſum, verum etiam interne ſatisfaciant animis noſtris. Nam in concentu, ubi labiorum fides, non conſonant cordis fidibus, harmonia tandem Diſcordiâ terminatur. Et huc intendam omnes nervos meos.

23. Regis ſumma poteſtas & Parlamenti libertas, ſunt quali duo hujus regni elementa vel principia: quæ quamvis alterum magis ſit activum, magis paſſivum alterum, atamen neutrum evertit deſtruitve alterum. Acres acidique humores per evaporationem non excedentes corpore, exulcerant, & in diſcrimen adducunt Poteſtatem ſummam. Ex altera parte ſi Regis Poteſtas ſumma imminuatur

minuatur, aut quodammodo contemnatur apud nos, qui in Monarchia hæreditaria nati sumus (ideoque sperari nequeat, posse remp. hanc alia forma donari, aliterque gubernari) necessario sequeretur, quod similes futuri simus meteoris, seu corpori imperfecte mixto, quæ cito confusionem subeunt, atque dissolvuntur. Ea tamen nunc est felicitas nostra, quod eadem de Rege nostro, quæ *Tacitus de Nerva asserere queamus. Divus Nerva res olim dissociabiles miscuit, imperium & libertatem.* Neque frustra sunt qui in magnis consiliis, cum res tractantur summæ, & alteram oppositionis adducunt partem. Eam autem hic nobis exhibere potest *Apollonii de Nerone* Judicium, ita se habens. Cum *Vespasianus* ex Judea in Italiam rediret, suscepturus imperium, transit Alexandriam, & ex Apollonio, homine tempore illo admodum celebri, quæsit: Quæ Neronis fuerit ruina? responsum tulit, *Neronem quidem scite lussisse cithara, aut in imperio aut intendisse nimium fidiculas, aut remisisse.* Hic differentiam cernimus inter bonum idoneumque Principem, & malum seu inidoneum: Nervam Neronemque. Prior miscet prudenter summam potestatem cum subditorum libertate: posterior autem pervertit, vel inæqualiter & absurde miscet. Quoniam igitur gaudemus de Principerantæ prudentiæ atque moderationis, cujus Majestas nobis æque curæ esse debet, ac ipsi est libertas nostra; consideremus absque omni partium studio, in

quan-

quantum quæstio præsens ejus tangere possit Authoritatem, libertatemque nostram. Et ut aperte fatear quod sentio, dico, Ipsius Majestatem hic maxime læsam fore, libertatem vero nostram nullatenus.

Quæstiones autem duæ sunt: Una, num Prolocutor noster immunis sit à perferenda Regis denunciatione, absque licentia nostra? posterior, annon sit unum idemque, si accipiat à Regis Senatoribus, sive immediate à Rege ipso. Et de hac quæstione primo loquar, in ea enim versatur casus præsens.

Primo autem videamus, quod Regem concernat & deinde nos quoque. Quoad Regem: Negari nequit, quod si nolitis acceptate Voluntatem ejus à Collegio ipsam præsentante, i. e. Status Consiliariis, Vos & coarctetis Majestatem ejus, quoad congruum, & infringatis authoritatem Senatusejus. Reges omnes quamvis sint Dii in terra, attamen sunt Dii de terra; possunt esse senes; mala valitudine afflicti, absentes denique. His in casibus si non admittitis eorum Senatum, eorum personas referentem, ad quam innumera adigetis incongrua? Imo aliquando ex regulis Politicis, Reges videri nolunt, sed Senatu suo conteguntur. Hoc vero si ipsis adimitur, magna pars ipsorum perit securitatis. Deinde & Regii Senatus infringitur authoritas. Nostis ipsum sine Rege nihil esse. Haud constituit Politicum corpus; est instructus mandatis sigillo munitis. Si à Rege distinguitis eum, non

non est nisi *Corpus opacum* : recipit enim *lumen de lumine* : & distinguendo & extinguitis *primarium Status lumen*. Nam rectè dicitur : *Consilium non habet potestatem delegatam, sed inhaerentem* ; & est *Rex in Cathedra* ; ubi voluntas ejus est & decreta ; Quæ privatim frequentiori obnoxia mutationi ; firma hic fixaque constituuntur.

Jam vero quoad nos : nemo cogitet, id cedere in nostri contemptum. Nam maximi in Europa Monarchæ per Legatos suos à Regis Consilio (si absit ipse) responsa accipiunt. Et si hæc negotiatio deceat Fraternitatem paritatemque Regum ; non certè contra eam subditos mussitare decet.

Porro nemo tam imperitus rerum actionumque humanarum erit, existimans, ejusmodi responsa minus firma & certa que esse. Supponi enim nequit, homines tantæ fidei, ut Consilarii Status intimi vulgo sunt, (sive per fidem intelligas providam integritatem, sive concredita ipsis fortunæ statusque bona) unquam erraturos, vel audacter officii sui limites transgressuros. Ideoque concludo, quod hac in causa neque contemptus neque incommodum nobis emergere queat.

Sed quoad ipsum Oratorem, videtur primo ex parte Regis inique inferri posse, ac si arctius possit esse vinculum, quam illud, quo Regi subditus obstringitur. Cernimus officiorum in re familiari gradus, atque differentias inter Patrem & Filium, Dominum & Servum : in Societatibus aliis autem inter plebejos & officiis publicis fungentes, ut Præ-

tores, dispensatores &c. hi tamen omnes Regis parent mandato. Vincula sunt magis acta, seu specialia, verum non magis constringentia. Dein ex nostra parte nihil refert: nam primo, est tantum quaestio de Canali, quæ ratione Regis voluntas nobis debeat innotescere: non vero de materia ipsa. Neque Orator tanto instructus est dominio, ut ea quæ de ejus pullulant ore, magis nos premant, quam Consilarii Status intimi. Imo idotæ Regem magnam de nobis concepsisse fiduciam, dum non dubitat, voluntatem suam in nostrum os proprium, h. e. Oratorem nostrum deponere, ac si ad Civitatem loqueretur per Prætorem. Ideoque sententia mea est, nos non necessarium hoc dubium minime decere. Est aliquis ingeni labor, qui res claras dubiis involvit. Sed multo melius ille ingenio suo utitur, qui res dubias clarè exponit. Et hoc volo intendant homines mentem suam.

O R A T I O

Brevis in fine Sessionis in Parlamento septimo Jacobi, suadens subsidia præbenda esse Regi, quæ tum adhuc videbantur incerta, idèoque huic occasionem dedere orationi.

Quamvis quidem subsidiorum Regi largiendum sit, nunc minime queritur. Si quando autem istud in questionem venerit, erit

erit sententia mea, nos ita nunc debere contribuere, ut eo facilius & posthac id præstare queamus. Verum si præsentem rerum intueor statum; existimo gloriæ momenta, quæ S. R. M. præ aliis intendit, requirere, ut sint subsidia nostra instar imbrium illorum, qui sufficiunt ad sedandos ventos, quamvis non ad irrigandam terram.

Id vero persuadere vobis non studebo: ignoro enim quam in formam componere sermonem meum debeam. Si inciperem laudare (quamvis id debitum justumque esset) Regis merita, posset id adulatio indigitari: si loquerer de vinculis, quibus connectuntur Rex & Subditi, dum ille egestate premittur, Domum hanc quasi coarctarem. Si loquerer de periculis, quæ sequi necesse est ejusmodi inopiam, atque in Subditos ingruere, posset tacita dici Comminatio.

Argumenta, ut spero, non sunt necessaria, & melius proficiunt in animis vestris, quam in ore meo. Hoc saltem mihi eloqui liceat. Quod sicuti Cyri exemplum adductum fuit, qui ab iis subsidia desideravit, in quos collocarat beneficia, ita nos meminisse oporteat, esse & beneficia sceptri, æque ac manuum: æque regiminis ac libertatis. Et confido, omnes nos confessuros, ista ad nos devenisse singulos *plena manu*, imo ad eos, quos representamus, ideo uniuscujusque Caput seu genius necesse est, ut sit hoc in casu Confiliarius suus; & uniuscujusque Cor Orator suus. Istæ enim internæ facultates seu domesticæ, plus possunt quam Sermo cujus-

S 2

cunque.

cunque. Permitto igitur, imo opto, ut ea de re fiat quæstio.

O R A T I O

Attournati Regii, Equ. Francisci Baconi in Domo inferiori: Cum excandesceret Communitas, atque commoveretur ob Sponsores, qui putabantur esse potentes quidam atque audaces Nobiles, Gratiæ Regiæ captandæ ergo spondentes, se promoturos Regis negotia, ad ipsius votum.

In Parlamento 12mo Jacobi.

Domine Prolocutor. Hactenus silui de Sponsoribus, quorum causa, ut video, Confessus hic valde angitur.

Primo, quoniam (ut aperte loquar) non satis intellexi, quid sibi istud velit, neque amo loqui de eo, quod non penitus intelligo. Quid, possetne privatus audere aliquid pro Communitate Anglicana? æque is auderet quiddam pro elementis quatuor. Certe opus hoc est tam vastum ac insolens, ut neque à prudente concipi possit: & præsertim in Parlamento novo, cum scitu impossibile sit, quis in Parlamenti membrum sit eligendus; atque cum vel Domus hujus ignarissimi sciunt, vel ipsos fores has intrantes nescire, à quibus stabunt partibus, donec audiant argumenta proponi examina-
rique.

rique. Multo minus asserere quis pro certo potest, quæ navis ex hocce Pelago tuto redire in portum queat. Audivi autem de Sponsoribus variis. Fuerunt qui ausi sunt suscipere in se Coloniam in *Derry & Colerane Hibernia* deducendam, adeo melius subiendam atque domandam Regionem illam. Suscepere alii in se non ita pridem inhabitandam Regionem inter Occidentem Septentrionemque mediam. Et nunc alii spondent tincturam & texturam pannorum elegantem: & ut breviter eloquar, novitas quæque firmari solet, atque promoveri à quibusdam negotium in se suscipientibus. Antiquum vero in Anglia Parlamentum, quod eodem semper modo, in eademque movetur sphaera, aggredi, meum superat intellectum: anne omnes tingi tæxique debemus? nec ullus inter nos est purè albus? vel nova indaganda via, per quam Regis dirigenda negotia, juxta acum magneticam antehac non cognitam? vel anne quædam hic extruenda fortalitia, quibus frænentur coërceanturque reliqua? *Domine Prolocutor*. Tantum duo cognovi fortalitia, quibus in hoc Regno Rex patitur. Unum est *Affectus*, alterum *Rationis*, illud cordi imperat, hoc capiti; alia præter hæc non novi. Sapientem puto fuisse *Æsopum*, qui dixit: muscam in rotæ radio sedentem, sic cum semetipsa locutam esse: *En quantum pulverem excito?* Certe omnis iste turbo ex rumoribus murmuribusque excitatus est, nulli autem solido innititur fundamento.

Secunda, quæ me silentem fecit, ratio est, quoniam hæc, de temeraria sponfione, suspicio vel rumor, nullam certam denominat Personam. Verisimile est manu-co-diatas in India, quoniam pedibus carent, nunquam confidere, sed à vento hinc inde ferri: & ejusmodi hunc esse rumorem existimo.

Et denique, quandoquidem Rex Orationibus binis exemit nobis omnem timoris scrupulum, directè affirmando, non agi tale quicquam, & si ageretur, velle se afferere, non minus id esse iniquum in Majestatem suam, quam in merita nostra: videlicet si integræ communitatis actiones in paucos transferrentur. Atque hoc eoque me tranquillum fecit, ut putarim, nondum vapores hos in caput usque ascendisse, quanquam ipsos in corpore æstuarè atque fervere sit possibile.

Verum enim vero, quoniam percipio adhuc nubem huic impendere domui, posseque nocere per famam apud exteros, & in regiis auribus; constitui apud me suadere pro integritate mea, quæcunque judicavi saluberrima.

Primo autem dicam rotunde de perniciosis effectibus, quæ huic opinioni desponsoribus accidere possunt, respectu privatorum, Communitatis, Regis & denique populi universi.

Secundo dicam vobis, quæ secundum meam opinionem sponfio tolerari possit; & quatenus ab intentione bona aliena non sit:

& ex

& ex altera parte, quatenus hæc ipsa de Sponsoribus quaestio, cum intentione bona consistere nequeat, & quo respectu dici possit malitiosa perniciosaque.

Tertio, ostendam vobis, pro viribus meis exiguis, quæ sint media ad terminandam hanc de Sponsoribus quaestionem; non statuendo, quodnam medium unice amplectendum; sed declarando, quot sint media, per quæ extricare vos possitis, & sic permittam eorum electionem consultationi in commissione.

Et denique ostendam, quomodo res in commissione sit pertractanda, ad evitandum omne & animorum & temporis dispendium.

De primo cum Scriptura dico, *Si invicem mordetis, ab invicem consumemini.* Si alter alterius famam rodit, unusquisque hinc abibit, sicut moneta ex valore suo dejecta, i. e. minore cum estimatione, quam huc venit. Si, alii putantur aperte favere Regis negotiis, alii vero clam adversari: dicitur, illos esse astutos lufores, qui chartas seligunt; istos vero Pontificios, omnia miscere studentes. Quæ vero ista calamitas, congregamur lædentes famam nostram invicem; loco ejus quod publicum nos deceat querere commodum.

Hoc autem in privatis non tantum subsistit, verum integrum hunc contemui exponit confessum. Jam audio homines suffrantes, hanc de Sponsoribus quaestionem esse primariam: Similesque facti sumus illis, quos in parabola Jotham ficit. Cum al-

arboribus posceretur vitis ad imperium ; recusavit. Oliva pariter : Selegimus ergo rhamnum & in Regem constituimus. Videtur enim ac si bonum gratiæ regiæ vinum non sit in pretio. Oleum etiam quo deberemus inungere atque sanare regni ulcera, rejecimus. Rhamnus vero iste contentionis æmulationisque ; iste Abimelech , qui (ut vere dixit prudens quidam nobilis) spurius existit , (nam omnis fama , quæ autore destituitur , est *filius populi*) nobis imperat.

Regis deinde scopo & spei nihil magis ex diametro adversari potest , quam hoc ipsum. Audivistis enim ipsum asserentem tanquam Regem & quidem gratiosissimum , quod non magis intendat subsidium præbens , quam ut demonstret , populi corda jam sibi arctius , quam antehac , unita esse. Jam ergo , si omnia , quæ pro ipso fiunt paucis tantum adscribuntur & quidem clam instructis , diffidentiam id potius gignet , quam benevolum populi in universo regno affectum : ac infamiam potius apud externos , quam gloriam. Ita ut , (si apertè loqui fas est) satius esset , si Rex novas juberet afferri chartas lutorias , quam ut istas tractet jamdum interpolares.

De populo , ajo , morem meum semper esse , æque ultra Parlamentum prospicere ac id ipsum intueri. Si illi , qui extra Parlamentum degunt , putent se defraudatos esse ab iis , qui eorum hic sunt delegati & procuratores : possemus quidem eis impo-

vere silentium, atque convincere; verum id fiet tanta cum obmurmuratione, ut ego neque audire velim.

Poslunt ista dissimulari, & permitti, ut sanguis clam defluat: verum hoc non est sanationis medium: ideoque vultus indagavi, sperans vos medicinam applicaturos.

Hoc vero ut clarius ostendam, ad secundum propositionis meæ membrum descendere me oportet, atque docere, quæ hoc in negotio à dextra sinistraque sint posita.

Primo si aliquis suavitati Regi, ut Parlamentum convocet, atque sic demonstret propensam suam in populum voluntatem; nã is benè meruit, erravit verò neutiquam. Imo si quis pro pietate sua, boni quicquam de Parlamento in genere spondit; uti verisimile est, fuisse ejusmodi plures, qui cognoscentes Regis inopiam, statuerunt apud se non esse parcos erga eum, aut minus liberales; Talis vir qui de aliorum animis tantummodo ea cogitat, quæ apud se reperit, minime reprehendendus est. Et porro si quis ipsis bona junxit vota, atque suavitati: ut Rex consoletur populum, suumque erga eum testetur amorem, limando seu lævigando Regiæ Prærogativæ asperitatem, retinendo ejus solum substantiam atque robur; atque sic instar boni patrisfamilias, de quo scriptum; *protulit de thesauro suo nova & vetera*, i. e. recordatus petitionum propositionumque Parlamenti ultimi, addidit no-

vas: Hic, inquam, Vir bonum seminavit semen; is vero, qui invidia ferit eum, *in*spersgit *Zizania*. Tantum de iis, qui ad dextram sunt.

Ex altera parte, si quis mediate vel immediate persuasit Regi aut aliis, Parlamentum esse, ut *Cato de Romanis* dixit, instar ovium; quarum grex facilius propellitur, quam singulæ; & eos, qui in hoc sunt confesso, licet prudentes existant, cæteros facile sequi, nã is Regem privat honore, subditos vero gratiarum actione: nam hac ratione vilescit in oculis Regis Parlamentum, & subruitur Rex regnumque. Iterum si aliquis venditabit, sufficere ad faciendum populum, si quando ad nos Rex mittat pro forma, fucum faciat, & elegantes nobis narrari fabulas sinat; nã ejusmodi animadvertet, Confessum hunc scitè falsa dignoscere posse lumina; & inanem esse procum: quandoquidem est amor sincerus in subditorum præcordiis radices agens, qui Regi ministrat. Et hæc est opinio mea de iis, qui fortean Parlamentum suaserunt. Jam expendamus (aperte enim agere constitui in singulis) si aliquis dubitavit de Parlamento convocando, existimans optimum pro Rege fore, si experietur suas vires, num scil. solus per se subsistere possit; & dico, quemcunque honestum integrumque virum potuisse hoc sibi persuadere; nam ut videtur eventus non admodum ostendit contrarium. Sed deinde si quis existimet, non esse privatos, qui hunc queant cogere Confessum, neque fucum, qui

qui placeat eidem; iste, inquam, licet sermo ejus tendere videatur ad animorum demissionem, attamen prudenter loquitur. Ast, sit venia verbis, si quis ex eo, quo convocatum est Parlamentum, tempore, aut ex eo, quo consilia cœpit, sategit Parlamenti piam intervertere in Regem voluntatem, asserendo, paucos tantum relatueros gratiam, reliquos autem pro mancipiis haberi, & fraude circumventos esse; ea etiam, quæ à Rege proponuntur, fieri tantum ipsos inescandi gratia, paucorum ministerio; aut denique in vulgus propalarunt, esse Parlamentum confarcinatum, eum saltem in finem, ne aliquid perficiatur, sed dissolvatur congregatum, (ut ludentes solent novas arripere chartas, quando veteres suspectæ sunt redditæ.) Hæc, inquam, sunt machinationes & consilia putida, maligna, seditiosa.

Jam remedium potius iudicabo, (saltem ut ab initio feci) quam perspicuè tradam. Tres tantum novi vias: Aut fiat ad Regem delegatio declaratoria, aut protestatio severa inter nos, aut inquisitio diligens. De postrema dico, nolle me rejicere eam, modo scirem ubi initium capeendum, terminusque statuendus esset. Sæpe vidi rumores magis turbare animos, quam rem ipsam in apicem productam. Ad summum oculi caligant, ex oriente vero flamma illuminantur. Verum si examinemus, necessario quidam accusabuntur: ast cujus facinoris fiet accusatio & quomodo? potest enim id fieri & male & bene, in tantum

quidem, in quantum ab albo nigrum distat: deinde expectandum erit, quantum ingenuè sint confessuri, quantum negaturi astutè. Quid ex ipsorum confessionibus educere poterimus? quid contra negantes faciemus? Revera infiniti hoc erit operis; & defatigabimur citò.

Delegatio ad Regem præ aliis mihi placet; ita tamen ut caute & considerate perficiatur: nam si Regi exhibebimus hujus corporis naturam, qualis est, absque velis & umbris eam contegentibus, existimo, quod & in ipsius cedit honorem, & nostrum verget commodum.

Quāquam autem inter nos quicquam agere velimus, non video lucrum inde captandum: quoniam ultra nos non procedit. Si tamen Vestrum aliquis ostendere possit quicquam eum in finem, non ad verlabor. Hoc saltem puto fore optimum: Cogitet potius hic amplissimus Confessus, omnia ista ex rebus provenire malè intellectis: quam credat, certum quoddam subesse fundamentum, atque deinde protestetur, remediumque adinveniat. Nunquam vidi Protestationes, Professiones & apologias valde fuisse fortunatas; augent potius suspicionem, quam tollunt.

Postremum igitur est, ut pertractentur ista in Commissione, serio & modestè; ubi etiam vellem hos quatuor quæstionum gradus observari.

Primo, an omnino aliquid hac in causa faciendum, aut potius silentio prætereundum?

Secundo,

Secundò, an examen instituendum specia-
lissimum?

Tertiò, an contenti esse debeamus protesta-
tione inter nos ipsos facta?

Quartò an delegatio ad Regem instituenda;
& quomodo?

Atque sic aperui vobis mentem meam.
Scio equidem filere tutius esse, at fortassis
honestius est eloqui. Vetus est verbum:
Nulli tacuisse nocet, nocet esse locutum: Sed,
bona vestra cum venia, David inquit: *Silui*
à bonis, & dolor meus renovatus est. Homo
si loquitur, ab aliis lædi potest; si vero si-
leat à bonis, semetipsum lædit. Præstigi-
gitur, quod mei erat officii. Vobis re-
linquo perficiendum, quod videtur opti-
mum.

O R A T I O

FRANCISCI BACONI,

Attornati Generalis regii, qua
in Camera stellata accusavit Priestum
& Wrightum duello decertantes.

Ignum existimavi hoc loco & tempore
accusare coram vobis Duella; ut experi-
rer an confessus hicce possit inhibere & re-
frænare malum, ut videtur effræne. Sed
utinam magis illustres essent, quos deferro
ad iudicium vestrum! tum ut verè digni hoc
essent confessu, tum ut demonstrém, ani-

mo sedere meo; absque omni personarum respectu in hoc procedere negotio. Verum quoniam hæc causa jam ab antecessore meo fuit suscepta, necere moras nolui in crimine indies invalescente: neque frustra aliquando in republica minores puniuntur, ut grandes moneantur; Solet enim & canis in Leonis vapulare conspectu. Imo puto Viros pro sapia & virtutibus illustres omissuros tandem ea, quæ vilescere cernunt, & à tonsoribus, lanionibus, aliisque infimæ plebis hominibus peragi.

Sicuti verò hujus confessus illustris amplitudo magno mihi est solatio, siue eam considerem in se ipso, siue prout decet, intuitu S. R. Majestatis directionis; ita contendam, ut hujus specialis causæ exiguitas generali criminis istius pertractatione suppleatur, eum in finem ut mea adversus duella procedendi intentio, & fori hujus sententia (absque qua ego nihil valeo) innotescat, atque hic offendentes sciant, quid sibi sit metuendum. Et sic quod nunc fit, moniti loco sufficiat, donec in illustriori persona statuere liceat exemplum, quod metuo ne futura nimis cito tempora suppeditent,

Priusquam igitur ea, quæ à *Dominationibus Vestris* impræsentiarum sunt dijudicanda, aggrediar, haud intempestivum ducoloqui.

Primo, de natura & magnitudine criminis hujus.

Secundo, de causis & remediis.

Tertio,

Tertio, de legum Anglicanarum justitia, quas hoc in casu insufficientes dicere non verentur aliqui.

Quarto, de hujus fori sufficientia, in quo certa adversus hoc facinus remedia optime reperiuntur.

Et *quinto*, de ipso animi mei proposito, cui ut subvenire dignentur *Dominations Vestrae*, humillime flagitabo.

Quoad ipsum crimen considerent *Dominations Vestrae*, quod si vindicta Magistratui adimitur, adversus Dei voluntatem, dicentis; *Mihi vindicta, ego retribuam*; & unusquisque gladium gerit, non defensurus, sed offensurus, privati etiam praesumunt, sibi met ipsis dictare Leges, atque acceptas vindicare injurias; impossibile esse, ut quisquam praevidere possit pericula atque mala inde in immensum emersura. Potest hinc subitanea surgere tempestas in aula ad affligendum Regem, ejusque personam tentandam. Ex duellis cohortes, ex cohortibus exercitus colligi poterunt, tumultus cientes: à personis singulis ad familias possunt transire lites, imo nationes integras, pro varia accidentium natura, quæ praevideri nequeunt; adeoque respublica quasi infirmum corpus, assiduus inflammationibus & convulsionibus ægrum.

Deinde apud Theologos, & Politicos in confesso est, *crimina ex praesumptione patrata esse maxima*. Alia crimina vel in hoc legi consentiunt, quod *bona sit*, neque audent se defendere

defendere aut absolvere. Hoc autem directè legi dicam scribit, ac si duæ essent leges, altera togæ, existimationis alia, ut appellant; ita ut *Paulinum & Westmonasterium*, *Pulpitum* & forum cedere cogantur legi (ut Rex eam appellat in edicto) ordinariorum tabularum, aliique venerabiles confessus. *Annualium* statutorumque codices cedere coguntur Gallicis, Italicisque rhapsodiis, duella describentibus, quæ si justæ sunt, transeamus ad illa recipiamusque, neque detineamus populum in ambiguo binarum legum conflictu.

Porro flebilis est effectus, si quando juvenes, spe nobilissima pleni, ideoque Poëtis *Auroræ filii* appellati, quibus expectatio & solatium agnatorum nititur, tam futile pereunt modo. Sed magis adhuc deplorandum, si quando tunc tam nobilis inclytusque sanguis ob ejusmodi funditur tricas; ac si in prælio Regi Reipublicæque servientes periclitarentur vitam, ubi unius diei fortuna universi Regni statum immutare valet. Vident ergo *Dominationes Vestræ* quanta hæc sit perniciēs. Pacem turbat, bellum spoliāt, calamitates privatis inducit, reipubl. damnum, & legi denique contemptum.

Inter *causas* ejus sine dubio prima est, falsus & erroneus de honore & fama conceptus: ideoque Rex in ultimo edicto suo egregiè appositeque *duellorum incantamenta* appellat: nam si rectè dijudicemus, non possumus aliter statuere, quam esse magiæ quoddam genus, qua juvenum magnanimorum men-

res falsas concipiunt species: Imo dæmoniacæ est apparitio gloriæ, pietati, Legi, virtuti, optimorumque temporum & fortissimarum gentium exemplis contraria: ut mox ostendam, traditurus, non modo Angliæ legem talia prohibuisse.

Et ista cum sint flagitii hujus semina, videmus obstetricari eidem confabulationes recentes, ac immaturas cogitationes, quæ tantum prævalent, ut licet homo earundem vanitatem & iniquitatem sobriè persuadeat, attamen vulgaris opinionis impetu, veluti labentis fluminis unda, ad eandem feratur sententiam: nisi velit omnem hominum evitare conspectum aut convictum. Pugnandum igitur nobis hoc in casu est, non cum personis his, vel illis, sed cum vesanis deperditis opinionibus, qui, sicut spiritus, dominantur in aëre.

His addere licet, deperdidisse fere homines veræ *Fortitudinis & Roboris* notiones. Fortitudo distinguit controversiarum causas, & num justæ sint dijudicat: neque hoc tantum, sed & num dignæ sint. Majorisque hominum æstimat vitam, quam ut ejusmodi nugis impendendam statuatur. Hominum enim vita neutiquam nugis, sed honestis servitiis, publicis commodis, causis justissimis, & periculis clarissimis consecranda. Sanguinis impendium æque ac pecuniæ prudenter faciendum. Liberalitas non est, unaquaque levissima occasione profundere nummos: atque sic fortitudo non est effundere sanguinem indiguè. Ac tantum de causis.

Succe-

Succedunt *Remedia*; quibus adinvenien-
dis spero præclarum aliquem illustremque
virum navaturum operam, opto etiam, ut
meum hujus diei pensum sit tantum prodromus
operis ab exceliori, meliorique manu
perficiundi. Sed ut dicam quæ sentio, &
quæ hoc decent tempus locumque proferam,
ajo, quatuor esse, quæ hisce de rebus cogi-
tans judicavi efficacia ad coercendum hunc
duellorum morem fore.

Primum est, ut appareat, ostendaturque
in Republ. constans atque firmum abolendi
ea propositum. Hoc enim *Domini Mei*, est
negotium, quod aut fortiter efficiendum,
aut penitus non incipiendum est. Tum enim
unusquisque privatus dimittet de suo hono-
re opinionem, quando videbit Reipubl. cor-
di esse, & pro violatione Regiæ potestatis
authoritatisque haberi actiones ejusmodi,
ideoque velle easdem reprimere, exemplo
Caroli IX. Gallia Regis, qui in edicto suo hæc
poni fecit verba: *Regem ipsam in se suscipere
omnem honorem illorum, qui dolerent, vel etiam
male audirent, ea de causa, quod duello non de-
certassent.* Ita si statueret Respubl. non puto
quenquam fore sana mente præditum,
eciam si fortissimus sit, (ni modo sit furibun-
dis & instat pyrobolo,) quin gavisurus sit,
videns Legem Reipublicæque statutum libe-
ralle se à vano inutilique discrimine.

Secundo nullâ amplius indulgentiâ hoc fo-
veatur malum, ejusque sementa: sed libe-
rum mihi sit, *Domini mei*, aperte loqui, ne-
que sinistro interpretetur quis verba mea.

Actio.

Actiones magni illustrisque Commissario-
rum officii reverenter suscipio, neque de iis
loquor. Saltem de rixarum compositione
inter nobiles privatos frequentata, quæ ita
opinionibus præconceptis subserviens esse de-
prehenditur, ut quadantenus hanc duello-
rum praxin tanquam justam asserat.

Tertio; Ex ultimo Regis edicto pruden-
tissimum felicissimumque (si libuerit S. R.
M. eodem uti) adversus hoc crimen reme-
dium cognovi. Innititur crimen hoc falso
de honore opinioni, ideoque *in eo qui rectis-
sime plectetur, in quo peccat.* Honoris fons
Rex est, ipsius aspectus, accessus etiam ad
personam ejus continuat honoris vitam; ab
ipsius autem damnari conspectu, maxima
omnis honoris ecclipsis est. Si igitur forum
hoc personis illustribus, hoc patrantibus
crimen, pœnam irrogabit, atque Regis ex-
terminabit aula, Reginz etiam & regiz fa-
miliz, existimo neminem ingenuum ejus-
modi commissurum facinus, quo in istas
dejiciatur tenebras, unde non liceat intueri
Domini sui faciem.

Tandem quod propius hunc attinet confes-
sum, videmus radicem criminis hujus esse
pervicaciam. Mortem contemnit ipsam,
aliarum pœnarum extremum; Justa ideo-
que, licet lamentabilis, foret severitas,
exequi legem absque remissione omni seu mi-
sericordia, ut ipsa culpa est capitalis. Seve-
ritas in Gallia fuit maxima: nam Rex & Par-
lamentum sanxerunt, ut occidens alterum
extemplo rapiatur in patibulum: Ideoque
Nobi-

Nobiles, etiam eminentes in furcam acti sunt, vulneribus ipsorum sanguine adhuc stillantibus, ne fortean mors inopina præveniret supplicium. Verum sit magis lenis justitia nostra, nec tamen minus efficax. Puniantur hac in Curia actiones ad duella tendentes, (illico enumerandæ.) In ramis lædatur radix tandem enecanda; absque ad extrema Legis descendendo.

Adversus *Angliæ Legem* duo, quamvis ex ignorantia, obijci video. Primo, eam non distinguere scædam hominis cædem ex insidiis factam, & cædem ex honestis, ut appellant, causis. Deinde non sufficientem in lege irrogatam esse pœnam convitiis, injuriis, mendaciis &c. Verum hæ sunt pueriles & adversus Divinam omnesque alias Leges, exempla etiam fortissimarum inclutarumque gentium exceptiones.

Nam primo nullibi in Lege Divina reperies distinctionem, nisi inter homicidium voluntarium & non-voluntarium. Hujus in gratiam refugii civitates constitutæ: fugere enim cogebatur homicida, & fuga subiciebatur discrimini, si forte à vindice caperetur, antequam ad sanctuarium pervenisset. Lex quidem nostra subtilem fecit distinctionem inter voluntatem irritatam & deliberatam, seu homicidium in ira & homicidium præmeditate patratum, cum jam deferbuit ira, (ut loqui amant milites.) Indulgentia non indigna cholericæ bellicosæque gentis; nam revera *ira furor brevis*. Hoc autem iræ privilegium antiqua Romanorum Lex ad
unicum

unicum mariti casum, si adulterum occidisset, restrinxit: quasi hoc solum homicidium pro justo declarari posset. Sed occidere hominem præmeditate, & tunc demum distinguere inter turpem elegantemque cædem, monstrosa tantum est hujus seculi progenies, nulla ratione in Divina sive Humana lege fundata. Hoc solum reperi *Cainum* persuasisse fratri, ut secum in campum exiret, ibique occidisse nefarie. *Lamechum* autem jactasse robur suum dixisseque: *velle se interficere adolescentem, utut foret in livorem suum*. Itaque non video aliam intra cædem ex insidiis distinctionem, quam quæ est inter *Cainum* & *Lamechum*.

Græcia nec non Roma fortissimas aluerunt gentes, liberasque respublicas; Unde fortassis elici possit, privatis eo magis fuisse concessam semetipsum vindicandi libertatem. Sed nulla apud ipsos fuerunt duella, imo neque eorum umbra: quæ tamen non omisissent, si quicquam in ipsis fuisset virtutis. Imo (nam ut quidam inquit: *fas est & ab hoste doceri*) memoratu dignum est Turcæ hac de re judicium; nam duobus duello decertantibus, altero interfecto, coram Bassarum Senatu comparuit alter, talibus reprehensus verbis: *Qua tandem ratione duellum aggredi ausi estis? An Christiani non affatim supersunt, qui occidantur? Annon ignoras, quod uter vestrum caderet jactura in Sultanium redundet?*

Sed ignarus non sum esse & duella legibus permilla, quam recte non desinio. Alterum est quando in conspectu exercituum privati

duo

duo decertant: Romanis id erat pugna per provocationem. Hoc tamen vel ipsi exercituum Imperatores faciebant, vel alii eorum jussu; nunquam autem motu proprio. Sic *David cum Goliatho* depugnavit. Joab etiam dicebat; *surgant pueri, ludantque coram nobis*. Ejusque generis fuit pugna illa Neapolitana inter 12. Hispanos, totidemque Italos, &c. Alterum est judiciale duellum, ubi justitia est in obscuro: Gothi illud introduxerunt, alixque Septentrionis gentes, quamvis & ante ipsos apud Hispanos in usu fuerit. Atque hoc sorte decernit inter litigantes, quamquam Theologi adhuc de ejus disputent justitia: inquit enim aliquis: Taliter pugnantes videntur tentare Deum, quia hoc volunt, ut Deus ostendat & faciat miraculum, & justam causam habens victor efficiatur, cujus sæpe contrarium accidit. Veruntamen videtur hoc duelli genus lege concessum esse. Ast Galli à quibus procedit malum, non nisi semel viderunt illud adhibitum, nunquam tamen lege sancitum, imo summo rigore in illud animadverterunt; existimant enim crudelitatem esse non posse, quicquid ad istius tendit abolitionem.

Quoad alterum Legis nostræ defectum, similiter respondetur, potuisse vesaniam videri pœnam dictare mendaciis, quæ ipso actu nihil sunt, præter negationes ejus, quod affirmant alii. Legislator ea de causa interrogatus potuisset, ut *Solon*, respondere: Nullam se mendacio statuisset pœnam, quoniam non credidisset, homines eo tam vehementer

hementer offendi. Juris Consulti disceptant, an injuriarum actionem mereatur, & ferme negant. *Franciscus I.* hujus vanitatis primus fuit autor; nam cum Imperatorem provocasset, velletque magnificare temeritatem suam, dixit alicubi: *Nullum honestum virum posse perferre mendacium.* Iste novæ hujus doctrinæ fons exiit. Quoad convicia notum est ex Orationibus in Senatu Romano habitis, eadem neque hic abfuisse, neque in Græcia; nemo autem arbitratus est, se hisdem sedari, sed judicavit, inimici esse habitum & stylum: ideoque aut contempsit, aut reddidit, non vero sanguine conspersit. Neque verbera singula consideratione digna sunt, saltem quod contemptum gignant.

Lex Anglicana, aliaque omnes hoc ordine ponunt injurias, convicia, verbera, vulnera, lethum. Et si extraordinariæ contemptus circumstantiæ comitentur ista, ut libelli famosi, fustigatio &c. Severe in tales animadvertit. hiece Confessus, verum non unumquodque taliterum est famæ vulnus lethale. Nam juxta Consalvi, inclyti illius exercituum Ducis dictum, fama viri *de tela crassiore* debet esse: ne unaquaque re vili rumpatur: ejus contrarium nunc apparet, araneæ enim telæ similis videtur. & infirmæ admodum instat corporis ægri, quod etiam minima sentit, hisque læditur. Atque tantum de legis patriæ sapientia atque justitia.

Quod vero hoc attinet forum, passero, infallibile esse, quod omne crimen capitale, aut peculatus, quamvis non commissum, sed

tantum designatum, ab hoc confesso sit puniendum:
 Sic tentare aliquem veneno, insidias struere
 in via regia, quamvis crimen non perficia-
 tur, ab hoc plectitur Confessu: imo initia
 apparatusque facinorum minorum, seu non
 capitalium, ut subordinatio testium, licet
 non testantium, aut nihil quod ad rem esset
 confirmantium, pariter hac in curia pœnas
 luerunt; ut apparet ex sententia circa Gar-
 noni causam.

Jam ergo major propositio cum talis sit,
 minor negari nequit. Nam omnis loci desi-
 gnatio, est tantum cædis machinatio; ut-
 cunque tandem facto suo faciant fucum,
 nunquam ab hac me dimovebunt sententia.
 Conclusio enim stat firma: esse hunc casum
 hic dijudicandum. Ejusque suppetunt exem-
 pla. *Acklam* assistens *Ellekaro* provocavit
Warthonum, non scriptis literis, sed orete-
 nus, & decreto proditum est, vergere pro-
 vocationes ejusmodi in Reipubl. ruinam.

Sed satis bene ista sunt cognita; ideoque
 dico saltem, me post hæc favente S. R. M.
 hacque curia, huc delaturum omnes illos,
 qui campum designabunt, licet duellum
 non perficiant; qui provocabunt literis mis-
 sis, vel per delegatos: qui deferent literas
 istas vel oretenus indicent: qui acceptabunt,
 aut reddent provocationem: qui assistent.
 secundantium, ut vocant, muniis functi:
 quicunque regno exhibunt in aliis decertaturi
 terris: quicunque resuscitabunt litem scriptis
 famosis, vel aliis rebus contra edictum Re-
 gium. Imo audio quosdam esse duellorum
 peri-

peritos, qui juvenes eum in finem erudiunt, atque incitant, speroque fore ut quosdam finem apprehensurus. Eritque hoc dubio procul remedium præveniendi duella, atque in flore suppressendi, clementia & prudentia plenum: magisque nos decens, quàm suspensio hominum in patibulum, cum sanguine stillant eorum madentque vulnera, ut in Gallia factum.

Sed finio oroque ut *Dominus Cancellarius* benigne concedere dignetur mandatum *de non exeundo regno*: Si quando audivero, velle aliquem transfretare decertandi causa. Ejusmodi enim Gigas mare transilit: vellem autem hic ejus constringere pedem; hic enim de pugna consilium cœpit, licet alibi perficiat. Egrege dixit *Dominatio Vestra* nuper, cum eadem de re loquerer: æque potest aliquis esse *fur de se, ac felo de se*, si furtim regno exeat, malum ob finem; nemo enim dubitat, *machinari eum adversus coronam* (ubi *Edicti* sonant verba) semper enim contra coronam & dignitatem est occidere subditum.

A vobis etiam cunctis, *Domini mei*, flagito, ut in gratiam justitiæ, honoris genuini, religionis item, gloriæ & legis, Regis etiam Domini Nostri Clementiss. contra vestram sanam insipidamque vanæ gloriæ opinionem agens, & ulterius procedens (quod fortassis irritabit crabrones, quos nihili tamen mei ipsius causa æstimabo, nisi quatenus impediunt ministeria Reipubl. debita) protegar à *Dominationibus Vestris* & adjuver.

Denique ab universis Angliæ Nobilibus

desidero, ut discant æquo se æstimare pretio. *Nam hos quæsitum munus, in usus:* Non aquæ instar effundendus est sanguis. Sciant ergo persuadeantque sibi, nullum ibi honorem, nisi ubi materia digna. Attamen quoad hoc ipsi viderint; mea firma stat sententia. Atque tantum in genere, jam ad rem præsentem.

Decretum sequitur.

Q Uoniam Camera Stellata antiqua Angliæ lege, judicat omnes criminum (excepto læsæ Majestatis crimine, & aliis adversus statuta delictis) inceptions, præparationes & designationes, quanquam ipsa non perficiantur crimina, adeoque capite plecti fontes nequeant, sed tantum istæ eorum actiones, ceu malefacta & in Regem Remque publicam contemptus pœnam mereantur extraordinariam; Benignè audivit eadem Fr. Baconum perorantem & accusantem *Wilhelmum Priestum* scribentem, & mittentem literas provocatorias addito etiam baculo, longitudinem gladii, quo pugnandum erat, referente; & *Richardum Wrightum* literas dictas deferentem ad *Hutchestum*, qui aliqua *Priestum* affecerat injuria, ast provocatus comparere noluit, sed duello tranquillitatem prætulit publicam. Et jubet Stellata Camera accusatos carceribus includere Londinensibus, nec non pendere *Priestum* multam 500. librarum: *Wrightum* autem 500. marcarum.

Deinde

Deinde ut innotescat factum istud omni populo jubet accusatos in proxima Sessione Comitatus *Surrey*, publicè in Curia iudicibus assidentibus, agnoscere delictum suum, quo Deum, & S.R. Majestatem offenderunt, seque pœnitentes ostendere. Eum in finem jubet etiam Camera hæc Decreti istius verba fideliter consignare, & una cum oratione Attornati Generalis prelo exscribere, nec tantum in proxima sessione Comitatus *Surrey*, cùm rei isti culpam suam agnoscent, palam legere; verum etiam omnes Assillarum Judices per universum circumcunctes Regnum, secum deferre & in frequentissimis hominum cœtibus publicare. Vult etiam Camera hæc, ut *Dominus Eduardus Cockius*, Justitiarius Angliæ primarius Decretum hocce legibus Anglicanis aliis inserat, & posteritati conservet. Promittit insuper omnem Attornato Generali his in casibus opem; atque in se suscipit omnium; qui aliqua afficiuntur, injuriam & ignominiam: utpote execrata duella omnia, quæ nunc fiunt, & diversa sunt ab iis, quæ olim permiserunt Anglicanæ Leges, in justitiæ examen & documentum: hæ enim ut publica legis nixa autoritate, juxta ejusdem fieri præscriptum solita fuisse: illa vero ex privatorum nasci infrænata libidine.

In Camera Stellata coram Concilio ibidem 26 die Januarii, anno undecimo Jacobi R.

Thomas Ellesmere Angliæ Cancellarius.

Henricus Comes Northamptoniæ Secreti Signilli Custos.

Carolus Comes Nottinghamiæ Angliæ Admiralius.

Thomas Comes Suffolciæ Archi-Cubicularius.

Eduardus Dominus Zouch.

William Dominus Knolles Familiæ Regiæ Thesaurarius.

Eduardus Dominus Wotton Architriclinus.

Johannes Dominus Stanhop Vice-Cubicularius.

Julius Cæsar Eques, Ærarii Cancellarius.

Georgius, Episcopus Cantuariensis.

Johannes, Episcopus Londinensis.

Eduardus Cokius Eques, Justitiarius Angliæ summus.

Henricus Hobart Equ. Justitiarius summus in Sessionibus Communibus.

A C C U S A T I O,

qua

FRANCISCUS BACONUS EQUES,
S. R. M. Attornatus Generalis

Wilhelmum Talbot JCrum in Hybernia oretenus accusavit in Camera Stellata ob scriptum quoddam : circa quod interrogatus , utrum Suarezii doctrinam de deponendis occidendisque Regibus excommunicatis , orthodoxam esse statueret ; respondit ; submittere se sententiam suam Ecclesiæ Romano-Catholicæ judicio : Ultimo die termini Hilarii , Undecimo Jacobi Regis.

Domini mei Illustrissimi.

D Etuli ad vos in prima hujus termini sessione Duella. In hac vero sessione ultima deferam Duellum quod est inter Christianos maximum : illud scilicet duellum seu conflictum , quo Principes summi , qui Dei sunt *ordinatio* , in humanæ societatis commodum constituta ; & arrogans superbia ac usurpatio Episcopi Romani in temporalibus ad Anarchiam omnino & confusionem collimans , decertant. Ubi nisi præscindatur imaginaria illa Pontificis R. potestas , qua summos Principes

pes Banditis seu proscriptis æquales facit, & vitam eorum periculis, regna autem prædæ exponit; omnesque hanc potestatem agnoscences, quam severissimè coerceantur atque puniantur, Regum Christianorum status haud alius erit, quàm damnatorum in Poetarum inferno: *Ibi sedet homo splendide vestitus, satellitio numeroso circumdatus, oppare victitans &c. Sed gladius ipsius impendet cervici ex filo tenui, omni momento à maledicâ maledictaque manu scindendo.* Revera putabam, solius Dei esse, ad ejusque secreta pertinere judicia: *Solvam cingula Regum: vel, effundit contemptum super Principes, vel denique, dabo tibi Regem in furore meo, & auferam in indignatione mea: & sim.* si autem mortalis homo ista sibi arrogat, certe erunt tantum mysteria illius, qui *exaltat se supra omne quod dicitur Deus;* bene observa, non dicit, *supra Deum* (quanquam & hoc quodammodo verum sit; in scripturam enim S. jus sibi vindicat) sed *supra omne* quod vocatur Deus, i. e. Reges Legitimos & Magistratus.

Hoc tamen in duello, Viri Illustrissimi, Talbotum istum, qui hic coram vobis assistit, inveni timidum; terra cessit, retrogressus est; verùm ea cum pœnitentiæ & relapsus varietate, ut dicere nequeam, utrum extenuaverit, an verò auxerit offensam suam. Si tamen palam & in conspectu judicum vellet sanius quid proferre, firmiterque amplecti, gauderem, conarerque, ut quicumque obicem poneret Misericordiæ regię, ipse

ipse ea indigeret misericordia. Sed Confessus iste nunc juxta justitiæ procedat normam.

Crimen cujus hunc accuso *Talbotum*, nunc ad cancellos captivum, est breviter ejusmodi; asseruit, atque adhuc asserit, scripto etiam confirmavit, credere se, quod Pontifex R. habeat potestatem deponendi & occidendi reges. Quia ratione id faciat, tum demonstrabo, quando ad specialem genuinamque deveniam accusationem, ipsius opinionem propriis ejusdem traditurus verbis.

Nam antequam ad illam accedam, cogor *Dominat. Vestris* exhibere, summa imminentiaque, in quibus maxime amandus, maximeque formidandus Rex noster versatur, pericula; & in ipso nos omnes: imo & in quibus utriusque Religionis Principes (communis enim causa est) subsistunt hodie, cum isthæc dissipatur propagaturque doctrina: quam licet sapientiores dealbare velint, adjecta distinctione: *in ordine ad spiritualia*; attamen est tantum illusio. Nam qui distinguit, casum etiam format. Periculum hoc igitur, manifestum licet, est quoniam hebetudo quædam & lethargus hanc excæcant ætatem; bona cum vestra venia exponere liceat, sistendo specula duo, in quibus relucet. Gallia ministrat unum, Anglia alterum. In Gallia tragædiæ fuerunt actæ cum regibus binis immediate se subsequenter. In Anglia repetitæ fuerunt eadem in Regina & Rege sibi succedentibus; est tentatæ tantum, & gloriosa liberatione

terminata. In Gallia Henricus III. in conspectu totius exercitus ante Parisiorum urbem à Monacho Sica interfectus est. Henricus IV. (quem Galli Magnum appellant) qui ab infinitis calamitatibus liberavit subditos suos, & regno reddidit splendorem antiquum; Princeps verè heroicus, (nisi forte exceperis quod à religione defecerit) eo momento, quo quasi equum conscendere voluit, maximum exercitum, qualis dudum in Gallia conscriptus non fuerat, lustraturus, & adversus hostem ducturus: hic, inquam, Rex pariter à Sicario occisus est, sacramento, an fasciis? ad facinus istud perpetrandum adducto.

In Anglia *Elisabetha* Regina, bened. mem. clarissimis conferenda Imperatoribus, sæpius ab ejusmodi scelestis tentata fuit. *Sommerville*, *Parry*, *Savage* & aliis; sed hucusque protexit eam Custos nunquam dormiens. Rex quoque noster excellentissimus, *Jacobus*, cujus indoles mansucta atque clementissima sufficeret ad reprime-
dam malitiam quamcunque; Princeps quem progenies conservat sua; attamen Rex iste in Throno regio collocatus (septus palmitibus & olivæ ramis) stipatus Nobilitatis flore, & Communitate, in uno momento (ac si particularis Judicii dies fuisset) in ciures redigi atque in quatuor ventos dispergi debuit. Observavi quod cum nuper Judicium Princeps, Dominus meus benignus, de hac sermonem faceret conspiratione, verba defecerint cum; nam licet significantissima pro-

proferret, attamen ingenue fassus est, & sic omnes fateri necesse est, quod hæc conspiratio superet, quamcumque verborum copiam.

Præterea omittere non possum, quin præter ipsa facta, atque pericula vobis duo exhibeam. Prius est, Via Dei omnipotentis, gladium Pontificis R. in Reges, qui ejus sunt mancipia, convertentis: in hos potestatem ei concedit, protegit autem contra malitiam ejus, qui respuunt tyrannidem ipsius. Posterius est, esse hoc (ut antehac dixi) communem Principum causam; utriusque religionis Principes hic feriri. Ideoque Rex noster Serenissimus meritò prudenterque classicum cecinit, omnesque alios monuit Principes, ut seriò & tempestivè de eo cogitent. Verùm hoc deplorandum, quod isti Romani milites, vel in latus *Uncti Domini* adigant ferrum, vel minimum spinis coronent, i. e. anxias causentur curas, timoresque diros, ne unquam tranquilla sit aut secura ipsorum vita & Respubl. Sicuti igitur periculum hoc utriusque religionis Principibus commune fuit, ita etiam ex æquo senserunt injuriam, seculare suum Dominium affligentem.

Thuanus recenset; quod cum Galliarum regnum excommunicatum fuerit, à *Julio II. Rex Ludovicus XII.* alias mansuetus, jussit auream fieri monetam, imagine sua insignitam, cum lemmate: *Perdam nomen Babylonis è terra*: quam ut refert, & ipse quoque vidit. Adeoque Pontificius Rex iste, tam insensus Pontifici, prævertit *Lutherum Ro-*

mæ Babylonis nomen assignando. *Carolus V.* semper inter optimos Papæ numeratus filios, in temporalibus tamen severè adversus ipsum egit; nam insuper habita Pontificali dignitate, per 18. menses Papam detinuit captivum, in carcere squalido, & vix à Senatu suo moveri potuit, ne in Hispaniam mitteret vinctum: delectatus etiam est minis *Frosbergi* Germani, qui sericeum, quem in sago circumgestavit, funem sæpius ostendit, dicens, se circumferre illum, ut Papam eo propriis suffocaret manibus. De *Philippo Pulchro* notum est, quomodo *Bonifacium VIII.* ad infamem adegerit mortem, mente enim correptus decessit; hic etiam eidem Pontifici, in temporalia potestatem sibi vindicanti, rescripsit: *Sciat Fatuitas vestra. Non, Sanctitas.* Titulus merito in similibus repetendus casibus. Revera enim potestatis ejusmodi vindicatio mera est fatuitas & infania. Nulli verò aliarum gentium Reges magis, quam nostri, etiam cum maxime vigeret superstirio, discrimen inter spirituale & temporale observarunt: argumenti loco sit *Eduardus I.* innumeras erigens cruces, & crucem nihilominus præ aliis figens Pontificis Jurisdictioni. Verùm hæc ab aliis elegantiori stylo & sermone sunt pertractata. Ideoque hic subsisto.

Et ut prosequar hujus viri accusationem, eloquar criminis occasionem naturamque. Prodiit nuper *Suarezii* Portugalli & *Conimbricensis* Professoris liber, hominis audacis & temerarii, & talis, qualem Cicero ironice

nicè descripsit: *nihil tam verens, quam ne dubitare aliqua de re videretur.* Hic sibi videtur, posse se magisterio sub atque anserino calamo dictare leges: *regum sceptris coronisque.* In huius viri scriptis doctrina de deponendis occidendisque Regibus altius, quam olim progreditur: magisque artificialiter & positive, quàm ab aliis factum, asseritur. Nam in iis locis, quæ mox *Dominatibnes Vestra* legi audient, tres repetitio assertiones, non vulgari methodo sonantes, sed (quantum quidem novi) humanis auribus adhuc incognitas. Prima est: *Papa R. habet in Reges potestatem tanquam in subditos, eosque deponere potest: non tantum ob crimina spiritualia, qualia sunt hæresis & schisma: Verum etiam ob crimina forensia, nam tyrannicum regimen semper in animarum tendit perniciem.* Hac etiam assertionem Reges, cujuscunque sint religionis, ex æquo comprehenduntur, neque excipiuntur ulli. Secunda ostendit, quàm sint post sententiam latam executores, eorumque seriem recenser, ne forte desit tam trucidis sententiarum minister: ait enim *Rex à Papa condemnatus vel ad depositionem vel mortem, debet pœnam luere, primum mediante illo, cui id Papa demandavit: isque Princeps exterius esse potest: subditus etiam privatus, vel alius quispiam subordinatus.* Si vero in sententia non sit expresse aliquis designatus, sive in specie, sive in genere, de jure id pertinet ad successorem proximum: (naturam certè & pietatem decens opinio; nam ut plurimum sunt liberi, fratres, aut consanguinei:) ita tamen ut successor sit manifestus.

& Catholicus. Si vero sit dubius, aut minime Catholicus, ad regni pertinet subditos: adeoque non decrit unus vel alter. In tertia distinguit Tyrannum quoad titulum & gubernationem. Tyranno quoad gubernationem non licet resistere, aut occidere eum absque sententia Pontificis prævia. Tyrannum vero titulo, occidere cuicumque privato licet. Et hac positione iudicium de regum titulis (quos nunquam tam puros esse puto, ut adversus eos exceptio fieri nulla queat) posuit in cujuscunque privati arbitrium, junxitque iudicio executionem, ut possit judicare lethali ictu, sine ulla sententiæ pronuntiatione.

Videtis Domini Illustrissimi quam monstrosæ istæ sint opiniones, & quomodo binæ illæ bestię, Septiceps, Romanus Pontifex, ac Multiceps, plebs scil. unâ introducantur, imo in Sacratissimas Regum personas instigantur.

Jam vero, quæ debeo, enarrabo. Excerptæ fuerunt quædam sententiæ, & partes hujus libri (ejusdem cum iis, quæ adduxi, sensus) ab insigni Prælato & Consiliario, certa ex causa; atque observata hæsitazione quadam circa ista (ubi vel dubitare nefas) in Talboto, interrogatus est de iis Rege præsentem; traditæ etiam sunt deinde ipsi propositiones hæc, ut præmeditare & sedato animo opinionem suam declarare posset. Tum respondit ad ea hoc modo.

Placeat honoratissimis Dominationibus Vestris; Ex iis quæ in Suarezii libro legi, intelligo doctrinam esse fidei, ejusque fundamenta Scripturarum interpretationi, & Conciliis inniti. Submitto autem hac de re opinionem meam Ecclesiæ Romano-Catholicæ judicio, ut in aliis omnibus quæ fidem concernunt, facio. Quod verò attinet fidelitatem meam Regi debitam, fateor Regem Jacobum summum in terris Dominum meum, esse legitimum, indubitatumque Regem regnorum Angliæ, Scotiæ & Hiberniæ: promittoque eidem omnem fidelitatem & obedientiam, quoad vixero.

EX his verbis, *Domini mei*, magni *Wilhelmi Talbotum* reum ago criminis. Sane si propria voluntate, malitioseque in publicum edidisset scriptum simile, majus esset delictum, quam cujus hoc forum capax est. Sed quoniam ex quæstione, à status Consilio proposita, enatum est, ideoque si benignè interpretemur, procedat potius ex obedientia respondendi, quàm ex maligna insolentique intentione, decebat juxta præsentium temporum clementiam, hac methodo coram *Dominationibus Vestris* procedere. Veruntamen bene id percipiant, qui me au-

diunt: Nam revera, si aliquis à Sanctiori Consilio interrogatus edidisset opinionem suam & pernegasset Jacobum Regem esse legitimum; criminis Læſæ M. reus fuisset. Non autem dico, quod ista *Talboti* verba eo assurgant. Ideoque finite ut explicem ista vobis *Dn. Illustrissimi*, ipsique delinquenti aperiam oculos, ut intelligat, quousque sua pertingant verba.

Domini mei, fidelitas à Subdito Regi debita absoluta esse debet, non limitata, neque conditionata. *Elisabetha Barthonia*, appellata vulgò sancta puella Cantii asseruerat, quod nisi *Henricus VIII.* duceret in matrimonium *Catharinam Hispania*, per anni spacium non amplius Rex sit futurus. Et hoc dicebatur læſæ Maj. esse crimen. Nam licet actus hic erat contingens, attamen perduellio præſens est, circumſcribere & imaginari Regis perniciem.

Sic etiam, si quis audacter evulget, aut defendat, post Bullam, quæ Regis depositionem indicat, publicatam, Regem non amplius Regem esse; ejusdem is criminis reus erit. Sed neque hujus te accuso. Hoc tantum in latitudine verborum tuorum comprehendì potest: quod si doctrina de Regum cæde sit fidei articulus, submittas te judicio Eccl. Romano-Catholicæ: adeoque fidelitas non simpliciter dependeat ex Pontificis sententia, sed etiam ex illo, si scil. dogmata hæc aut jam habeantur, aut postmodum declarentur esse fidei articulus. Verum *Domini mei Benign.* exiguum hinc lucrum: potest enasci

enasci inde differentia quoad reatum ista asferentis, non verò quoad periculum Regis: Nam idem Papa Romanus, eodem oris halitu, potest utrumque declarare. Adeoque Rex pro re nata, ex ipsius voluntate precario tantum possidet vitam, regnumque suum, subditorumque fidelitas ex Pontificis pendent arbitrio. Et revera tempus est, ut aboleatur hæc de Pontificis R. autoritate in temporalibus opinio: certissimam enim throni regii minatur ruinam. Ne verò existimet aliquis *Talboti* noxam esse non nisi reculationem fidelitatis juramenti, aliud enim est silere, aliud affirmare quiddam: Quoad materiam verò, an sit de fide vel non, ajo, quod artionum reddet, quicumque hanc implicate fidei abyssum introspiciet. Neque objiciat quisquam, exceptionem addi. Nam si *Talbotus* interrogaretur, an ipsi homicidium, adulterium, aut rapina, crimina sint, aut *Mahometi*, *Arii* &c. doctrinam damnet: necesse ne esset addere exceptionem, si res sint fidei (uti nemo dubitat esse, nam Lex moralis est de fide) velle se submittere Ecclesiæ definitioni? Et quis dubitat Principis cædem grandius quid esse, quam homicidium simplex? Sed finiam, nec recticebo *Talboti*, te posthac ad meliorem rediisse mentem: eamque si fovisses, Rex ex immensa bonitate non egisset tecum via juris. Sed resiluisti sicut arcus dolosus; atque hac immutatione fluctuationeque tua perdidisti acceptum primæ gratiæ tempus, quærat in jus non vocari.

Imo ulterius progrediar ; Fateor ultimam submissionem tuam fuisse satisfactoriam, atque plenam, abs feram nimis.

Regis in eo versabatur honor ; in vulgus notum erat, diesque dictus. Attamen quæ præparatio hæc possit esse gratiæ secundæ, i. e. veniæ, me latet. Hoc saltem novi, quod Domini isti benignissimi, juxta suetum favorem suum, admittent te non solum ad defensionem, verum etiam ad extenuationem criminis, quacunque submissione, Deo illam in animo tuo cooperante.

Dominus Sanquirius, Nobilis

Scotus, privata flagrans vindicta, atque celsitudini suæ confisus, opera Roberti Carlitz, Johannem Turnorum Lanistam occidi curavit ; Rex autem justitiæ nihil antefereus permittere noluit, ut nobilitas patrocinetur sceleribus, & Dominum Sanquirium 29. Junii 1612. accusatum & condemnatum sub nomine Roberti Creightoni Equitis, capite plecti jussit ante fores aulae Westmonasteriensis, ubi verè poenitens obiit. Accusationis autem tempore Fr. Baconus sic peroravit.

IN hæc vitæ necisque causa perfecerunt partes suas Juratores : nam post liberam ingenuamque confessionem, eorum cessat labor

bor: & sic mea hæcenus prolata verba de congruo fuerunt potius, quam de necessitate.

Mi *Dn. Sanguiri*, grande est crimen tuum, nequit extenuari, neque tamen ut aggravetur necesse est, & si necesse esset, affatim illud expiasti sensu & dolore quem testaris tuo, meam aliorumque spem excedente.

Christiana hæc tua pœnitentia, eo me adigit, ut statuam, quod sicut etiam in extremis malis gradus dentur, ita tuum facinus non sit de scelestissimis. Nam si ob vineam necasses aliquem, prout *Achab* fecit, aut ex invidia, prout *Cain*, certè magis exosum tuum fuisset crimen. Vindictæ cupido Te incescit, quæ quo magis hominis naturæ propria est, eò magis Divinæ humanæque Leges eam refrænarunt. (*Mihi vindicta*) In eo tamen tibi assentiar nunquam, quod generosa mens difficulter ignoret; contrarium enim statuo, videlicet generosos atque magnanimos viros ad ignoscendum promptissimos esse, & infirmitatem, seu impotentiam mentis esse, ignorare non posse.

Sed ad rem. Quamvis ad homicidium moventes causæ magis minusque exosæ esse queant; Lex tamen Divina & humana eodem ponunt gradu, ut discere potes in *Joabi* facinore, qui ex vindicta occidens hominem, Tibi par est. Ille enim fratrem, tu proprii sanguinis portionem vindicasti: Illius tamen cades ne impunita dimitteretur; severe præcipiebatur. Et nunc idem Tibi impen-

impendet. Quinque sunt elapsi anni, cum infelix *Turnerus* vel fortuito vel consilio Te offenderet, atque hoc in Te malitiæ semen oriretur. Omnes affectus temporis lemmuntur successu, amor, odium, dolor &c. omnis ignis deficit aliquando, ni novus addatur fomes. Quod autem Tu tam diu foveris iram, nec non impotenter ejus sitiveris sanguinem, res certe admodum est mira. Et, ut aperte loquar, existimo, Te potius hunc diuturnæ iræ affectum suxisse ab *Ital*is, aliorumve exterorum quibus cum vixisti moribus, quàm ex aliqua insulæ hujus ratione sive *Anglia*, sive *Scotia*.

Jam verò consideres quæso Dei in Te judicium, ut ejus sit gloria. Amicos habes apud exteros, & commorandi apud ipsos media. Facile autem fuisset sive *Carlilæ*, sive *Sicario* alii hocce committere negotium, Te permavente ultra Oceanum, atque cædis historiæ per literas expectante, spectante insuper tempestatem inde hic orituram. Deus autem hac Te non dignatus est prudentia, sed tradidit manibus Regis, qui ut abundat clementia, ita neque caret justitiæ Zelo.

Porro *Lambethum* adductus pernegare potuisses, Te hujus facinoris esse authorem. *Carlile* audaculus potuisset Te infontem declarare, nam qui in perficiendis criminibus sunt audaces, ut plurimum etiam pertinaces sunt in concelandis iis, à quibus acceperunt mandata; atque sic nihil contra Te stetit, præter suspicionem solam. Deus autem

tem hunc justitiæ obicem removens, ingenuæ confessionis gratiam Tibi concessit, quæ majori Tibi esse debet solatio, quam ullum evadendi consilium, aut medium.

Alia quoque fuere, quæ hujus diei justitiæ videbantur moratura, sed avertit ea Providentia Dei benignissima.

Jam verò sicuti Deo asserui gloriam, ita ut & illi asseram, qui isti proximus est, i. e. Regi, finite.

Quamprimum patratum fuit homicidium, atque ad Regis pervenit aures, justæ indignatione commotus, providam navavit operam, ut fieret justitia. Mox enim vulgavit edictum eleganti conscriptum stylo, declarans, quod vel oris sui halitu persequatur maleficos. Post longas suas Rex extendit manus (scis enim longas Regibus esse manus,) quarum unâ ad maritimam oramprehendit Grejum, qui in Sueciam navigare cupivit, alî prehensus, prima veritati perhibuit testimonia: alterâprehendit in Scotia Carlilen, antequam incalcesceret domi suæ, atque huc adduxit tam probè custoditum, ut evadere nequiverit, aut semetipsum enecare, aut silendi addiscere artes; quibus factis, forte hujus diei justitiæ obex poni potuisset. Concludo igitur esse S. R. Maj. revera Dei ipsius Locumtenentem, neque ullam respicere personam, sed Anglos, Scotos, Nobiles, Lanistas (qui ignobili tantum arti student) æqua apud ipsum frui justitia.

Imo sateri cogor prophetico Regem polle-

re Spiritu : Nam Carlile & Grejo , Te etiam , mi Domine , fugientibus , nescio qua , magna tamen semper fiducia Rex asseruit ; quod ubicunque sint istius cædis rei , velit eosdem protrahere & iudicio sistere.

Verùm ad Te revertor , mi Domine ; Quanquam grande sit facinus tuum , confessio tamen fuit liberrima , gestus etiam tui & sermones decentissimi : eaque ostendunt , quod licet malignæ ad peccatum tentationi minime restiteris , generosum tamen & Christianum geras animum , dignum nobili illa , ex qua prognatus es , familia. Et hoc est , quod tibi commendo ; existimo enim esse certissimum misericordiæ Divinæ atque favoris testimonium ; cuius intuitu res omnes terrenæ sunt merces adulterina : meritoque à Te , prout nunc conditio fert Tua , sic æstimandæ.

Plura de his videat Lector in Coki relationibus.

Accusatio J. S. de Benevolentia læsa , in publico Iudicum confesso facta à Fr. Bacono Equite , S. R. Maj. Attornato Generali.

Domini mei benignissimi. Oretenus accusare coram vobis teneor hunc nobilem J. S. Nobilem ut videtur , antiquæ prosapiæ atque famæ : jam verò non alio quam magis delinquentis nomine memorandum. Est
ei im

enim crimen ejus, ut summam loquar, tale. Vir iste consultus non subito; penna sua, neque lubricè lingua sua; neque privatim in angulo, sed publicè, & quasi in conspectu Ministrorum Regis & Justitiariorum proscidit, & convitiis asperit Regem Dn. meum Clementiss. Angliæ legem, Parlamentum, & innumeros ex S. R. M. benemerentibus adamatisque subditis. Imo convitia sunt ejusmodi, ut videantur ingerere plebi regiminis displicentiam, fovereque murmurationis atque seditionis materiem: adeoque calumnia non est simplex, sed seditiosa, par illi, de qua Poeta: --- *Calamosque amare veneno.*

Ut vero *Dominationibus Vestris* clare demonstrarem hocce crimen, primo occasionem ejus, deinde ipsa J. S. verba, & denique accusationis membra proponam.

Recordantur *Dominationes Vestra*, in Parlamento nupero expectasse nos pro Rege subsidariam pecuniam, & quidem frustra. Non vero hic audebo de Parlamento ferre sententiam, veritati saltem perhibebo testimonium ubicunque. In inferiori Domini ministrabam, & observabam aliquid: Dico igitur me hic vidisse generalem ad dandum promptitudinem, & quidem ad liberaliter dandum. Personæ fortassis differebant, festinantibus aliis nimium, lente nimis audentibus aliis. Sed universim omnes contribuere volebant, adeoque rectè dicere queo; *Solo tempore lapsus amor.*

Hæc cum ita præter expectationem contin-

tingerent, nonnulli S. R. M. fideles ministri & subditi ex Clericis, Nobilibus & Anglicis, aliisque hic prope habitantibus, propenso hilarique animo commoti sunt, Regique argumentum alii, pecuniam alii obtulerunt, ceu spontaneam oblationem (& Deo charam; quid vero livor sentiat non novi.) Liberè igitur loquar: nemo sit tam perversæ mentis ut existimet, amoris officiorumque in subditis, quibus Regi adstringuntur, vincula, complexa debere esse, non verò singula. Neutiquam ita se res habet, *Domini mei*, sed utrumque observatur. Subditus Regem exorat in Parlamento, nec non extra illud. Rex etiam largitur gratiam suam in Parlamento subditis, nec non extra illud. Nefas igitur non erit, si subditus Regi det in Parlamento, & extra illud. Parlamentum quidem est *intercurfus magnus* & flumen reciproci Gratix & Donativorum à Rege in subditos, & subditorum in Regem. Verùm Parlamenta statis tantum coguntur temporibus. Privatis autem semper aditus patet: Ingentes fluvii fluxu & refluxu reciprocantur, rivi autem minores & scaturigines fluunt continuo.

Sed pergamus: Occasio hæc (defectus scilicet subsidiorum in Parlamento) ut excitavit amorem benevolumque eorum, qui prope erant, animum; ita consultum videbatur Consilio sanctiori occasione hac & istorum exemplis tentare & illorum mentem, qui distarent longius, ideoque scribebantur epistolæ ad Vice-Comites & Justitianos indicantes,

cantes, quid hic actum fuerit, & precantes, ut & alibi commoverentur opulenti.

Jam vero *Domini mei Benign.* cum venia attentioneque vestra quinque proponere liceat membra, (Numerabo autem ea, quoniam fieri potest, ut alii annotent ea. Solum autem indicabo, quoniam in discursu, ut mergantur & pereant, minimè decet,) & tanta sunt, quæ digna judicem observatione, tum ob Reip. honorem, tum Convitiatorum confusionem. Apparebit etiam inde, quam provide factum, ne quod gestum erat, haberet vel speciem, vel umbram tributi vel exactionis minimam: Et tam procul esse ab introducendo exemplum iniquum, ut potius ex adverso id corrigat, & leniat vel temperet omnem pristinorum exemplorum duritiem atque discrimina.

Primum est: Quæ gesta sunt, acciderunt immediate post Parlamentum ejusmodi, quod liberalitatem profitebatur, impediatur autem fortuito: adeoque merito dicere possis: *fuisse tanquam posthumam Parlamenti prolem*; & quodammodo firmæ intentionis effectam: Possis etiam dicere subsidium, quo provide subvenire voluerunt, donec aliud cogeretur Parlamentum: aut largitionem simpliciter absque relatione ad Parlamentum, nullatenus autem male interpretari poteris.

Secundum est: Exemplorum hunc fuisse effectum; non fictum aut deliberatum, aut injunctum,

ctum, imo ne commendatum quidem, donec plurimi, nunquam suasionibus, aut consiliis adducti, sed ex mero motu proprio sua tradiderant dona. Ut itaque epistolæ illæ magis novi quid narraverint, scil. quid Londini factum esset referentes, quàm mandaverint quicquam. Scimus autem *exempla ducere, non trahere.*

Tertium est: Haud ista facta esse per mandata, magno Sigillo munita. Modus quem innumera probant exempla antiqua, recentia, ut mox audiemus: & sine dubio etiam lege confirmatus; literæ fuerunt tantum moventes, non verò exigentes, & quidem à Consiliariis scriptæ, non ab alia celsiori manu, neque forma.

Quartum: Literæ istæ nulla præditæ fuerunt autoritate publica constringente; nullam enim specialem continent istius negotii directionem; sed bona fide scriptæ sunt, omnia relinquentes industriæ & fiduciæ illorum, qui in provinciis habitant, ita ut nemo earum causa ad rationem reddendam teneretur.

Ultimum est. Nihil coactionis in hoc negotio fuisse; nemo ut fieret optavit, nemo minatus est, si negaretur, neque reprehendit negantes, nemo negantium consignavit nomina, si modo negassent solum, neque notassent atque criminati essent ipsum opus; excusassent se solum, neque accusassent rem publ. quod certe aliud quid est. Nam ob negata subsidia nemo comprehensus est, nemo notatus; Existimo igitur nullum fore
tam

tam subtilem disputatorem, qui hinc possit Liberum auferre Arbitrium.

Concludo itaque puram putam hic fuisse benevolentiam, non vero exactionem benevolentiae titulo velatam, de qua Statuta loquuntur, ut audietis ex uno collegarum meorum. Magna est differentia, (quam Pilatus eam cernere nollet) inter *Rex Judaeorum*, & *dicere se Regem Judaeorum*, & grandis est differentia inter *benevolentiam* & *exactionem* quae dicitur *benevolentia*, de qua Dux Buckinghamius in oratione sua ad civitatem loquitur, eamque definit, quod sit non donativum subditi, benevolè suppeditatum, sed à Rege juxta beneplacitum suum desideratum. Hæc autem *benevolentia* Principis gaudebat prærogativa, videlicet: *voto negativo*, & verbum illud, *excusa me*, erat sufficiens defensio. Miror igitur quæ ratione J. S. tam purum potuerit turbare atque contaminare fontem; certè ab ipsius hoc fluxit amarulentia & vesanis humoribus.

Jam ad accusationis particularia. Post provincias alias literæ istæ senatorum deveniunt ad Justitiarios Provinciæ. D. qui earum contenta propalantes jussierunt fieri congregationes ea de re incivitatibus locisque diversis ejusdem comitatus, & inter alias in civitate A. Consul urbis hujus opinatus J. S. utpote civem eximium & opulentum, præbiturum esse, & pecuniam, & exemplum bonum, egit cum ipso mentem ipsius indagaturus. Iste vero, (ut videtur,) prædæ inhians

responsum huic Consuli dedit nullum, sed deliberandi sumpsit spatium; Die proximo, congregationi destinato, abest levi de causa, fortassis ut schedas suas in publicum emitteret; calamum enim arripiciens, loco excusationis suæ, seditiosam famosamque in Regem & republ. componit accusationem, à *Dominationibus Vestris* jamjam audiendam; atque ad Consulem mittit; ac ne pereat quod scripserat, orat Consulem, ut Iustitariis impertiat, si ita fuisset visum. Audiatis ergo ipsa scripti hujus verba, ne egometipse vel male intellecta male repetam.

Hic Scheda lecta sunt.

Domini mei, scio offendi aures vestras, omniumque subditorum proborum, lectione ista: & vehementer doleo ætatem nostram ejusmodi producere crimina. Sed quoniam prodeunt, vehementius adhuc dolerem, si absque pœna dimitterentur vindice. *Non tradite factum*; ut in versu est, paululum immutato: *aut si tractatis, facti quoque tradite panam.*

Apparet autem hoc in libello monstrum cum capitibus quatuor; & est soboles illius, qui vocatur mendaciorum Pater, nomenque à calumnia derivat.

Prima est calumnia seditiosa & scelestâ; aut (si dicet scripturæ loqui phrasibus) blasphemia in Regem; quem exhibet tanquam perjurum respectu magni & solennis coronationis suæ juramenti, quod quasi Diadema-

tis

tis est vinculum; tanquam Principem violantem & infringentem Libertates, Leges & consuetudines Regni. Stigma Henrici IV. & fomes Richardi II.

Secunda est calumnia, & interpolatio, seu detorsio Legis Anglicanæ crassa atque manifesta: bene dictum, *tortura legum pessima.*

Tertia est calumnia & iniqua Parlamenti accusatio, ac si detrectasset dare Regi quicquam; quod manifestè falsum est.

Ultima calumnia infinitos S. R. M. optimos subditos ferit, qui suam testati sunt benevolentiam, & sponte largiti subsidia: accusans eos, quod cooperentur in Regis perjurium, ejusque sint participes. Imo non hic subsistit, sed pontificalem indutus habitum calumniæ jungit maledictionem. Sed gratiæ Deo sint; abunde didicimus ex scriptura; *Sicut avis ad alta transvolans, sic maledictionem frustra prolatam, in quempiam supervenire.*

Harum *primam* Regem concernentem egomet ipse exponam, & aggravabo, reliquis inter socios meos distributis.

Verum *Domini mei*, non absque admiratione & stupore considerare quæ, qua ratione Angliæ subditus in Regem, cujus bonitas & gratia, prædecessorum omnium æquat, si non superat, possit evomere calumniam; ideoque justam necessariamque nanciscor opportunitatem demonstrandi, *primo*, quomodo se gerat S. R. M. quam J. S. violatarum legum & privilegiorum accusat.

Secundo explicare & aperire noxæ J. S. abyssum. Utrumque brevissimis faciam; nam alteri non sufficio, alterum nimis prosequi nolo.

Nolo autem recitare panegyricum: Rex illo non delectatur, neque ego par sum: Si consiliarius aut Eques istis affectus fuisset convitiis, atque ab amplo hoc confesso restitui fama ipsius posset, non involverem silentio merita ejus debitaque encomia; (ad hunc præsertim pertinentia casum;) merito enim thura adolentur, ubi foetores olerit diffusi. Estne Jacobus R. Libertatum, Legum & consuetudinum regni violator? Annon potius horum omnium illustris & constans est Protector atque conservator? Hoc puto consistit in defensione Religionis & Ecclesiæ veræ; in defensione legum regni, quæ sunt subditorum jus connatum, in modesto prærogativæ regis exercitio, in æqua & libera justitiæ administratione; & pacis denique conservatione.

Quoad religionem omnium, primo agnoscimus habere nos regem, qui est veræ religionis primarius conservator, per universum Christianum orbem: defendit eam, non solum sceptro & gladio, verum & calamo, quo etiam prævalet. Resuscitavit ipse & fulcivit per integram Europam Reformatæ Religionis addictos, qui ob insolentiam adversariorum, variasque eorum artes & fraudes defecerant atque prostrati jacebant. Concitavit Reges ut Societate inita Sedis Romanæ abjiciant jugum; Ipseque factus est in

Signum, cui vel ea de causa contradicitur.

Neque de Religione loquens omittere possum, quod S. R. M. præstitit in dissita quidem Regione, ast tamen in Ecclesia Dei, quæ est una; & in qua contagium perrepens, etiam maria terrasque transgreditur; *Vorstium* intelligo Hæreticum, contra quem sancto & constanti Rex egit Zelo, dejiciens eum ex cathedra, quam conscensurus erat, pestiferæ atque paganæ Hæresi suæ auctoritatem in ea conciliaturus; Mihiq; firmiter persuadeo in confellu hoc sedere quendam, vel ea de causa large à Deo benedictum, quoniam S. R. Majestati, tum suam commodavit operam.

Nec Religionis meminisse queo absque ejusdem seminariis, i. e. Academiis Rex uti eruditione antecellit omnes; ita & Regiminis sui benigno influxu beavit studia, effecitque ut magis, quam olim ista semina-ria & eruditionis horti excelluerint, tum flore, tum fructu.

De Legibus, quæ genuina sunt sepes & munimen Libertatum subditis concessarum, verè dicere queo, nunquam melius restitutas fuisse. Consentit nobilium voto; *Nolumus Leges Angliæ mutare*; Odit innovacionem; Neque universalis propriæ scientiæ complexus facit, ut negligat legum patriarum formam. Nullus unquam (ut mihi persuadeo) sæpius cum iudicibus consultavit; Vel vobis ipsis minimè ignorantibus. Iudices sunt quasi Regis consilarii, juramento & antiqua constitutione confirmati; Rex

etiam consilium admittit. Deliberat cum ipsis plerumque cum redeunt ex visitationibus suis & circuitu. Dat ipsis libertatem se informandi atque definiendi negotia secum. In sententia etiam & conclusione formanda plerumque ipsorum acquiescit opinionibus.

Prærogativæ exercitium intra veteres continetur alveos, seu limites; Quædam quæ in Edictis, Commissionibus, & literis patentibus, videbantur abundare, prudentia & cura S. R. Majestatis relecta sunt; Et hac ratione sine dubio prærogativatum Regiarum rivus tanto fortius quanto purius provolvitur; Quæ enim exundant, pessundant aggeres.

Circa justitiæ administrationem inter litigantes observes velim, nihil audiri de magno Sigillo protegente aut differente rixas; Præsidia hic raro conceduntur, nec absque fundamento insigni, aut consensu. Isti illustrissimi Domini, hic confidentes, & Rex, non tractant (sicuti antehac factum est) lites circa *meum* & *tuum* nisi in confesso sit, eas etiam Rempubl. concernere, sed relinquunt Regis curiæ, secundum legem & æquitatem dispensantis. Quoad misericordiam vero & gratiam, (sine qua coram justitia consistere nemo potest) videmus Regem per hos duodecim annos, in candida imperasse toga, absque ulla ferè sanguinis purpurei conspersione. Ibi cernitis Illustræm Hobertum Attornati fungentem munere septem annis, meque cum ipso ministrantem olim; tam felices, ut nullum de perditione accusa-

veri-

verimus, præter Dominum Sanguierum de crimine capitali; maxime insigni, qui unquam accidit, iustitiæ actu.

Leges pœnales subditis instar laqueorum imminentes, & quæ fuerunt, quasi *Nemo scit*, Henrico VII. Regi, nunc vix tantum largiuntur, quantum emendæ sufficit membranæ, cui Regii annales in Westmonasterio inscribantur.

Pacis intuitu videmus S. R. M. quodammodo referre excelsum illud nomen, *Princeps pacis*. Conservavit subditos suos, quousque imperavit in pace, tam interna, quam externa. Cum exteris pacem habemus usque ad satietatem: Pacis verò, contra quam Jurisconsulti existimant, esse crimina, vim illatam & luxum, indicium est hujus curiæ in qua ista apparent, otium. Et revera non ullum melius dari potest signum, *omnia bene esse*, quam Curiam hanc ferias agere.

Verùm hic infinita suppeditatur materia: quare ut abrumpam necesse est, & concludam: non regnasse in gente hac regem, qui suavius observaverit fœdera, conservando libertates, atque promovendo populi sui commoda. O *Fortunatos nimium sua si bona norint*, dicam ergo de Anglis, quos & nosse & agnoscere non diffido, quodcunque tandem pauci, temporum lenitate illecti declament seditiosi.

Factum verò hoc in specie, quo J. S. turbavit pacem, aliorum permitto judicio, dicantque quid Rex facere possit, aut fecerint Reges alii. Ego recensui quid Rex noster &

Domini hic confidentes fecerint; & tam longe abest ab introductione novi exempli, ut potius corrigant atque emolliant pristinorum rigorem.

Nunc autem & tibi J. S. liceat brevissimis exponere crimen tuum. Existimo, quidem temetipsum jam cernere illud; attamen, quanquam nullius ambio poenitentiam, quantum in me est, fovebo eam ubi reperio. Tria autem noxa tua complectitur: *Calumniam, minas & comparisonem.*

Calumnia tua est; Regem esse perjurii reum, & temerasse fidem coronationis juramento confirmatam. Quod crimen perjurio gravius? quod juramentum coronationis juramento sanctius? Dimitto hoc, grandius enim est, quàm ut aggravari queat.

Minae certè maximè sunt seditiosæ. Benè nosti Henrici IV. decretum, utut secreta Dei providentia prævaluerit, steterisse nihilominus per usurpationem: neque dubito, quin si ejusmodi hodie imperaret (prout video te ejus causa etiam per insomnia turbari) in trunco vitam finiret, & loco coronæ in Westmonasterio ipsi imponendæ, corvi insisterent capiti ejus in Londinensi ponte suffixo. Neque quod addis, *averruncet Deus*, extenuat sermonis tui malitiam; non enim præmonitio fuit, se jamdudum peracta, neque apta revocari, sed irritamentum & incentivum populi. Si ergo, exempli gratia, dicerem, tempora hæc posse æquiparari temporibus Henrici VIII. aut alijs, Deusque prohibeat, J. S. ea tibi mortem inferre:

ferre: Certè non existimares blandum hoc esse monitum, sed potius irritationem Curia: adversus te.

ib. *Comparatio* tua cum Richardo II. videtur mihi imitari illos, qui in theatrum prodixerunt eum, etiam scriptis editis Elisabetha regnante, Regina prudentissima, & admiratione dignissima. Sed quæso cur non de Elisabetha vel Jacobo Rege locutus assimilas eos Henrico VII. vel Eduardo I. aut aliis, ad quos accedunt propius? Et utinam omnes caveant eloqui seditiosa per parabolas, tropos vel exempla! In accusationibus etiam *innuendi* vox reperitur, ideoque nec innuendo, nec indigitando, perniciofa de Rege loqui debuisses. Sed hic subsistam: existimo enim turbulentum te esse, & temerarium, non tamen perfidum: Secundum gratiam quoque & misericordiam tecum agitur. Ideoque Dominis his meis, & ut puto cordi etiam tuo & conscientia:, exponens primariam offensæ tuæ partem, quæ Regem spectat, cætera Legem, Parlamentum & subditos largientes spectantia, Domino Servienti ad Legem, & Domino Sollicitatori relinquo.

Owenus Perduellionis accusatur in Banco Regio à Franc. Bacono Equite, S. R. Majestatis Attornato Generali.

Læsa Majestatis crimen, cujus vir iste reus peragitur, quoad genus & indolem suam,

suam, æque est antiquum, ac ulla Lex Anglicana; sed quoad speciem recens: & denique quoad formam, audaciamque in præsentī casu novum & hactenus fere inauditum. Cujus nunc sit opinionis ignoro; accipio autem eum prout accusatus sistitur. Perduellio enim non inscribitur glaci, ut hac liquecente impressio etiam soluta; seu inscriptio, pereat.

Ipsius criminis evidentia exiguum requirit tempus: tempus igitur locabo optimè in plenissima iudolīs ejus & circumstantiarum expositione: exemplum enim pluris est quàm ipse vir. Quinque igitur Judicibus, Inquisitoribus duodecim juratis, & auditoribus proponam.

Primum sit Regis clementia; novum enim est, & rarum hoc in loco adversus perduellem agere: & mirabitur fortassis quispiam, cur post intermissionem tam longam huic id accidit socio, homini vili; mulsæ quasi venenatæ, & seminatorum asseclæ.

Secundum esto perduellionis hujus indoles, quæ Regis tentat vitam ratione perniciosissima; & tantum à conspirationibus aliis distincta, quantum mille manuum elevatio adversus regem differt ab elevatione unius vel paucarum.

Tertium esto, doctrina vel opinio, quæ hujus perduellionis fons est: de qua autem non loquar instar Theologi vel Scholastici, verum instar hominis civili innutritus vitæ. Est autem doctrina ejusmodi, quæ detestationem potius, quàm contestationem mereatur.

Quar-

Quartum esto criminis gradus : quem omnium , quos novi , maximum esse existimo , & abundare malitia .

Quinto removebo , quæ extenuare possint culpam : non enim simpliciter affirmavit , posse occidi Regem , sed conditionate , si foret excommunicatus ; quod exiguam constituit differentiam , tum in lege , tum in periculis .

Regis Clementiam nuper deprædicavi gratissima occasione suppeditata , & adhuc lætus de ea loquor . Jam octo annis & ultra Solicitatoris & Attornati fungor muniis : hic autem primus est perduellium , quem hoc in foro accuso . Non defuit ex horum subditorum , unde hæc fuit sanies , parte materia Regem irritans . Irritavit eum pulveraria conspiratio , quæ iudicium in furorem convertere potuisset : Irritaverunt eum maligni & monstrosi libelli ; irritavit insolens papistarum per universam regionem præsumptio . At nihilominus video S. R. Majestatem Julii Cæsaris observare regulam : *Nil malo , quam esse eos similes sui , & me mei* : Nititur malum vincere bono . Res mira , opiniones foventur sanguinariæ , doctrinæ sanguinariæ , exempla sanguinaria , regimen tamen sanguine non est conspersum . Owenus hic licet sit contemtibilis , confirmat tamen exempla deploranda , miscellos istos , utut sint spuma terræ , & vilissimi suffecisse ad ciendos terræ-motus per regicidia : & sicuti in peste (est autem perfidia cordis atque animæ pestis) plebejus æque inferre in urbem potest contagium , ac homo nobilis :

ita hic non homo, sed factum considerari meretur.

Perduellionis naturam secundo indagarem, ni abyssus ejus esset impenetrabilis. Ipsa lex civilis inquit: *Conjuraciones omnium proditionum odiosissima & perniciosissima sunt.* Contra hostium invasionem, subditorumque ad istos adhætionem, possunt se armare Reges. Rebelliones multos prius tollant subditos probos necesse est, antequam Regi noceant: Conspiraciones sunt fulguris instar, subito ferientis & vix evitabilis. *Major metus à singulis, quàm ab universis.* Quis se adversus conspiraciones potest præparare? Nam ipsa corporis custodia est perpetua miseria. Ideoque & illi qui Legatorum tradiderunt privilegia, & literarum propemticarum (salvi conductus vulgo dicunt) latitudinem, existimarunt: Legatum, vel alium quemcunque literis ejusmodi instructum in regionem aliquam ingredientem, & inibi seditionis materias disseminantem, jure gentium nihilominus impune dimittendum esse: Sed in Regis necem conspirantem, sive vi, sive veneno, justitiæ submitendum esse. *Quia odium est omni privilegio majus.* Imo & in bellis internecinis vel ipsi hostes execrati sunt conspirantes in Principum vitam vel sicarios.

Conspiraciones autem sunt varix, & inter omnes hæc eminet, primo quoniam religionis innititur prætextui, qui instar buccinæ inflamat cor hominis, omnesque commovet lacertos, & audacia temeritateque magis

gis quàm ullus alius armat: Secundo omnium difficillime potest evitari. Nam conspirationes particulares ab uno vel paucis factæ innumeris retardantur impedimentis. Vulgò qui pollet ingenio ad inveniendum, destituitur animo ad exequendum; & qui adhibetur facinori aliquando caret audacia, aliquando opportunitate, aliquando conscientiae terretur morsu. Sed propalare & defendere licitum esse unicuique Regis tentare vitam, venerata est doctrina, aut instar legionis malignorum spirituum; vel tentatio universalis, una eademque vice animis irrepens omnium, qui aliqua ratione ad perduellionem inclinant: adeoque quod alteri deest, multitudo supplet; languet unus, audebit alter; Si uni desit opportunitas, non deerit alteri; Si pœniteat unum, alter obfirmabit animum; Et tertio denique conspirationes particulares certas suas habent temporis periodos, intra quas ni perficiantur, evanescent: hæc autem infinita est, & perpetuam minatur, semperque de novo orientem procellam. Atque tantum de facinoris indole.

De tertio, id est, doctrina, quâ docetur Regem à Papa excommunicatum & privatum regno, ab unoquoque Adami filio posse interim; Atque hoc esse justitiam, non verò homicidium; subditos etiam à fidelitatis solvi juramento, Regem verò prædæ exponi & spoliis; dixi antehac me nolle instituere disputationem subtilem. Decet potius de ea loqui, tanquam impia, quàm disputare

tare, tanquam de dubia. Meretur potius bellum sacrum, aut Ligam omnium Christianorum Principum, utriusque religionis, quod extirpet atque deleat opinionem hanc, ejusque fautores de terra, quam pennam aut Sermonem. Pauca igitur cum in finem dicam; profiteor etiam, quod licet & ipse essem Pontificius, me aliter non locuturum; imo majori fortassis eloquerer cum indignatione & sensu. Horribilis enim ista opinio nostrum est commodum; Pontificiorum autem probrum, eritque ruina.

Hoc opinionis monstrum, de tribus manifestis & deplorandis calamitatibus accusari meretur. *Primo* de calumnia, quam Christianæ impingit fidei, aperte enim ferit impietatem & Atheismum. *Secundo* de subversione, quæ subruit politicam omnem & gubernationem. *Tertio*, de calamitate in quam omnes ducit Pontificios, ex quibus qui modestiores sunt, & seducuntur, commiseratione digni sunt.

Circa primum, si quis intueatur fædas & improbas opiniones, consuetudines, aut actiones gentium, Mahummedanorum & Hæreticorum, videbit neutiquam ad illud pertingere cacumen. Prome execranda memoriæ exempla apud gentiles; Syllæ apud Romanos proscriptiones, & Triumvirorum posthac, quid erant; exiguus erat hominum numerus, gladio expositus: & quid hoc ad Regem proscriptum, omnesque ipsi adherentes? Quæ erat merces militis aliquem ex istis uecantis? certe exigua pecunie

nix portio. Sed quod nunc Regicidæ est præmium? nonne cælorum regnum? Con-
suetudo gentilium maximè abominanda e-
rat, quod hominem sacrificarent sacerdo-
tes: verùm an ullibi invenies sacerdotium,
quod Reges sacrificaverit?

Mahometanis est religionis suæ funda-
mentum, propagare fidem suam acinace;
bello tamen honesto, non sceleribus aut
cædibus clandestinis. Imo reperio Princi-
pes Saracenos, à quibus Assassinatorum deri-
vatur vocabulum, & qui plura habuerunt
mancipia, quorum ope in necandis usi sunt
Regibus in Oriente (à quorum uno Amura-
thes primus occisus, & Eduardus I. Angl.
R. vulneratus) dejectos & extirpatos esse
communi Mahumédanorum Principum
consensu.

Anabaptistæ propius accedunt: statuunt
enim Magistratus depositionem, & canti-
tant: *ad alligandos Reges eorum in compedibus
& nobiles eorum in manicis ferreis: Hæc est san-
ctorum gloria; ** perquam similis seculari
potestati, quam sibi Pontifex in Principes
arroget. In eo vero differunt, quod isti fu-
rore ferantur fanatico; illi vero damnum in-
ferunt sollemniter. *Figunt laborem in præcepto. †*
Scil. legitimum ipsis est scelus suum.

Porro defensio qua extenuant delictum
suum, illud ipsum aggravat, & ex crudeli-
tate adversus homines conficit blasphemiam
in Deum: nam quod dicunt omnia hæc fieri
in ordine ad spirituale, finemque bonum,
homi-

* Psalm. 149. v. 8. † Psalm. 94. v. 20.

hominum etiam salutem; directe facit Deum esse mali Autorem; atque similem effici tenebrarum Principi. Belle consonant illis; qui apud Apostolum dicunt *faciamus mala; ut eveniant bona*: in eandemque ruunt censuram: *quod damnatio eorum sit justa*.

Destrui verò opinione hac Rempubl. evidens est: neque enim istud est protestantium solum Principum infortunium, verum & Pontificiorum; sicuti ipse Rex eleganter ostendit. Imo non solum Principum hæc est perniciēs, verum etiam subditorum privatorumque omnium. Evolvantur historiæ & videatur, quæ fuerint causæ Principum excommunicatorum; & quidem istius tumoris, quo Reges fuerunt exauctorati seu depositi; non solum id factum est propter hæresin & schisma, verum etiam propter vocationem; & investituram Episcoporum aliarumque personarum Ecclesiasticarum, propter usurpationem bonorum Ecclesiasticorum, violationem cleri, seu libertatis. Imo in genere statuunt posse id propter quodcunque fieri peccatum: ita ut differentia qua variant Doctores pontificii, aliis Papæ immediatam asserentibus potestatem, aliis in ordine ad spirituale, mera tantum illusio sit & abusus: omnia enim eodem recidunt. Nam quid est, quod aliqua ratione ad spirituale referri nequeat? Præsertim quando, qui fert sententiam, casum pro arbitrio formare permittitur? Atque sic evenisse tristis testatur experientia. Ejusmodi enim Regum cædes æque Pontificios ac Protestan-

tes

tes feriit; nisi excipias placuisse Deo ita dirigere mirabili providentia sua horum hominum attentata, ut in Pontificiis Regibus finem consecuti sint suum, in Protestantibus autem frustrati fuerint: nisi in unico Arausio-nensium Principe, quem tamen illo demum necarunt tempore, cum præprope-re se junxisset Andegavensium Principi & Pontificiis.

Reliqua desunt.

M. L. S. W. & H. J. accusati
de Justitia Regis adversus Westonium
procedentis, reprehensa, à Franc.
Bac. S. R. M. Attornato Generali.

CRimen, cujus reos peragam tres istos in
judicio stantes grande est admodum,
tendit enim ad diffamandam justitiam in
capitali causa versantem: est autem ejus-
modi:

Novimus Regem excellere in illa Throno
Regio propria virtute, quæ *justitia* appellatur.
Regalis est virtus, tres alias cardinales vir-
tutes in ministerium adsciscens suum, *Sa-
pientiam* qua detegit & discernit nocentem ab
innocente; *Fortitudinem*, qua prosequitur &
exsequitur. *Temperantiam*, qua prohibetur
Justitia ab ira in persequendo, & à confu-
sione in involvendo quopiam levi de suspi-
cione; & à præcipitando in temporum de-
cursu. Huic S. R. Majestatis Justitiæ Deus
occa-

occasionem largitus est, & theatrum quasi crexit in summet gloriam, cum ageretur de immatura Thomæ Overburi Equitis morte, atque terra ab innocenti purgaretur sanguine. Nam Domini mei, si sanguis solummodo effusus de terra ad Deum clamar, multo magis id faciet sanguis veneno infectus.

Insigne hoc justitiæ opus, quo illustrius est, eo gravius est crimen omnium eam proscindentium. Antequam igitur ad accusationem deveniam, pondus illius quod convitiati sunt ostendam, differens primo in genere de veneficii crimine, deinde in specie de Overburio cicuta sublato, & tertio denique de Regis diligenti ingenuaque industria hoc in negotio, & quomodo hic se gesserit.

aliqua Hoc veneficii crimen apprimere in illis exhibetur verbis, quæ de Romano Tyranno elocutus est quispiam, dicens eum fuisse *Lutum sanguine maceratum*. Nam uti est ex maximis quoad reatum sceleribus, ita etiam vilissimum est, vel in ipsorum venena propinantium animis. Conspirationes *magnum aliquid spectant*: hoc autem vile est & abjectum. Et dicam quæ observavi. In omnibus Dei libris (Veteris intellige Novique Testamenti) omnium aliorum criminum reperio exempla, nullum autem veneficii. Mentio quidem fit inopinati veneficii metus, cum ex vite agresti collegissent colocyntidas easque coxissent & exclamassent: *Mors in olla*: reperio etiam venena bestiarum & serpentum:

Venenum

Venenum aspidum sub labiis eorum: Sed de veneficio lego nihil. Meditatus aliquando sum Psalmi verba: *Fiat mensa eorum coram ipsis in laqueum:* Veruntamen id de amicorum, mensæ assidentium, potius accipi potest perfidia.

Sed pergamus: Crimen hoc duabus instructum est calcaribus, *spe perficiendi, & spe celandi:* facile enim committitur, facile etiam concelatur.

Noxa hæc est *tanquam sagitta nocte volans.* Non agnoscit quem ferit: nam sæpe huic venenum paratur, ille haurit: ut in *Sanderi* casu, ubi pomum venenatum parabatur matri, sed ab infante prehensum, necem intulit eidem. Et sic in illo facto cujus gratia *lex sancta*, 22. *Henric. VIII. cap. 9.* ubi unius tantum vel duorum tentabatur vita, toxico in vas exiguum, flore cerevisiæ repletum atque in culina *Roffensis* Episcopi positum coniecto, unde jusculum vel ptisana confecta, & 17. ex Episcopi domesticis peremti. Imo & mendici ptisanam gustantes enecati sunt. Nemo igitur dicat, inimicos non habeo, ideo neque venenum pertimesco: vel possideo nihil quod aliis livorem ingerere queat; securus itaque vivo: Nam fieri potest, ut ad mensam assideat alicujus, cui venenum propinatur; potest ipsius poculi vel offæ particeps fieri, juxta Poëtam: *Concidit infelix alieno vulnere.* Idcirco graviter, nervosè & rectè in statuto decretum, quod veneficium ejusmodi debeat pro læsæ Majestatis crimine haberi: Nam quodcunque

crimen in subversionem atque dissolutionem societatis humanæ tendit, naturam læsæ Majestatis induit.

Denique de crimine hoc vere dicere possum; *Non est nostri generis; nec sanguinis; rarum* (laus sit Deo) *factum Britannicis in Insulis; neque terra nostra, neque Ecclesia illud patravit unquam; Romæ autem & in Italia reperias licet: hic est regio, aut fortassis religio, cum qua moratur.* Si vero inter nos frequentaretur, nã tutius esset in deserto victitare, quam in aula.

Jam ad Thomam Overburium, & quidem primo ejus personam. Novi hominem, excelsi fuit animi, sed judicii minimè discreti; quanquam ut plurimum ad meliora proni: maxima autem, quantum perœpi, ejus fuit culpa, quod ex amico suo fecerit idolum. Sed linquamus ipsum; tanquam Thomam Overburium Equitem.

Aspice autem ipsum tanquam Regis captivum in turri Londinensi, & dispice, quomodo se habeat casus. Hic de captivi salute quæstio est: nam si aliquid ipsi accidat (sive hac, sive alia ratione) in ipsam rempublicam redundat factum. Etenim vinctus extra suam defensionem positus est, propria de se ipso cura, licet provida, nequicquam ipsi prodest; sub custodia autem est legis, quæ illius etiam suscepit tutelam. Et est (ut bene nostis) juris regula, omne quod sub legis est tutela, læsi neutiquam neque destrui posse. Idemque decet personas, quæ sub legis sunt custo-

custodia. Et ita hac quoque circumstantia, adauget reatum.

Tandem morti tradere hominem (publica tantum sequor monumenta, secreta vero minimè scrutor) veneno multiplici. Arsenico primum, deinde mercurio sublimato, & isto quidem bina vice; vel ipsa narratio terret audientem. Poëta fingunt Furias habere flagella ex venenatis contorta colubris. Ecce certè posset quis imaginari, has esse istius mortis imaginem: toxici enim varietate, instar tot colubris, columnas alligatus cæditur misellus.

Sed jam accedam ad illud, quod hac in causa palmarium: i. e. S. R. Majestatis vere regiam, (imo Sacram procedendi rationem; uti primo dicendum mihi est, de Justitiæ temperamento, & postmodum de ejusdem robore,

Primo placuit Domino Justitiario summo indicare mihi (id quod mihi fuit auditu gratissimum) quod mandatum Rex omnium primo sibi dederit, & deinde Commissariis hac in causa: res digna quæ aureis scribatur literis. Ita enim direxit Rex negotium omne, ne aliquis, qui innocuus esset læderetur. Imo non solum absque accusatione aliorum, verum & aspersione eorundem; maximè nobilis & Principe digna fuit cautela. Hominum enim fama tenera res est, & instar Christi tunicæ sit absque sutura; necesse est. Hoc vero in casu eo magis id requirebatur, quoniam illustres duas concernebat Personas. Nobilem virum, quem Rex adama-

adamabat, & evexerat; & uxorem ejus ex præclara oriundam profapia. Quanquam assentior dicentibus, nullum pomum granatum tam esse integrum & incolame, quin habeat granum putre: attamen indubitanter assero, in illustribus istis schedis, quas propria Rex scripsit manu, & sunt quasi Justitiæ radii, ab ista quæ in ipso splendet emanantes virtute, nihil inveniri putidum, sed æquissime omnia absque præjudiciis fuisse peracta: (sive hic fuit accusatio vera ex una, sive falsa & dolosa actio ex altera parte.) Euit S. R. Majestatis ingenium *tanquam tabula rasa*, & auris *tanquam janua aperta*, veritati aditum poscenti. Imo vidi ab initio statim (priusquam clarius affulgeret lumen) Regem parum fuisse commotum narratione prima; quam nequidem narrationis nomine dignatus est, rumorem eam appellans, quæ est narratio sine capite.

Circa justitiæ regis robur, dico, me neutiquam mirari Reges emittere fulmina sua in perduellionis criminibus; his enim peccantur ipsi, suntque *vindices doloris proprii*. Sed quando Rex pro amore justitiæ solum, etiam contra propensæ voluntatis affectum, pro salute populi, tantum suscipit Justitiæ causam; raram opus est, & laudibus dignum exteris, domesticis: Etenim, quod vere affirmare queo, nunquam hoc in Regno; vel alio quocunque, privati nobilis sanguis, cum tanto motu regni, vel quod rectius dici potest, cum tanto plausu regni vindicatus est. Si ipsam hoc tetigisset Regem, non grandiores

diotes, neque meliores ad examen eligi potuissent Commissarii; Tempus ei destinatum fere in iustitium est convertum: populus hic libentius spectatorem egit, quam mansit in suis officinis. Nulla in inquirendo industria omissa, nullum temporis momentum neglectum: Ideoque cum Salomone dicam: *Gloria Dei celare rem, & gloria regis scrutari rem.* Eo autem maiore est Regis gloria, quo clarius orbi circa Dominum de Sommerfet (cujus tamen causæ non præjudicio, secretorum signatus, sed tantum loquens de ipso, quomodo lex loquitur, id est, suspecto) ostendit, quod in causa ejusmodi sanguinaria, licet aliquis sit *annulus in ejus dextera*, (ut scriptura infit) *eum tamen sit evulsurus.*

Jam verò ad specialem horum hominum descendam accusationem, quorum animi dotes & personas veneror atque diligo; singuli enim sunt amici mei: nunc autem illud tantum amici possum ipsis exhibere officium, per quod ad plenam erroris sui perducantur agnitionem.

Primo igitur Dominationibus Vestris enarrabo factum & occasionem ejus: Postmodum audietis proprias eorum confessiones lectas; una cum testimoniis quibusdam aggravantibus: & denique adducam primaria accusationis argumenta; atque defensioni propriæ permittam. Breviter autem id omne perficiam, casus enim intricatus non est.

Misellus Weston, qui erat hujus venenatz cadis

cædis instrumentum à claris iudicibus ex civibus selectis novendecim convictus est; *billavêra* primo statim die ab ipsis inventa: ipse vero ab initio existebat mutus. Diebus aliquot elapsis placuit Deo mutum ab ipso ejicere Dæmonium, ideoque ad examen iterum vocatus, pro reo habitus est à iudicibus juratis clarissimis, juxta confessionem propriam & aliorum testimonia: 31. ergo iudicibus sententiam in eum ferentibus mortem subiit. Sed in alterum migraturus seculum Thomæ Overburi Patrem accersivit, veniamque genibus flexis & magno cum dolore animi flagitavit; pauloque post sponte petiit, ut & ad matrem illius tunc absentem sua veniæ petitio deferretur, atque binis his vicibus ex abundantia cordis sui falsus est, se justè plectendum esse, atque mortis reum: & in ipsa denique cum supplicio afficeretur hora, (quæ confessionis omnino obligandæ tempus est) licet à variis tentaretur, uti mox audiemus, iterum falsus est, examina sua fuisse æquissima, nec nisi justè atque honestè secum egisse iudices. Hæc est narratio, quam accusatio sequitur, estque talis.

M. L. cujus offensa est solitaria (reliquo-
rum enim complexa est, licet in fine, quasi in
centro commeent) eratque interrompere at-
que contaminare hoc excellens justitiæ opus,
in illo temporis intervallo, quo Weston mu-
tus erat, & examen subibat, nam maxime
falsam, exosam, & famosam componit re-
lationem, tot mendacia, quot lineas,
continentem, atque propria sua describit
manu,

manu, Domino Henrico Gibb, Cubiculario tradit, quo ad Regis perveniret manus. In ea falsitatis arguit & pervertit omnia, quæ primo die in convictione Westonii peracta fuerant; Imputationis suæ aciem primario in Justitiarium Angliæ summum convertens, cujus nomen quoniam hic occurrit, præterire nequeo, quanquam nec assentari didicerim. Ista saltem dicam & futuris dicerem seculis, si conscriberem historiam: *In nullo negotio virum aliquem, ejusque munus feliciter commisse, quam Dominum meum Cookium, & Dominum meum Justitiarium summum in Overturi causa.*

Verum quod articulationem attinet M. L. calumnias, tum demum monstrabo, quando scriptum illud & examinatio ejus instituetur: non enim soleo glossam ante textum locare. In genere nunc tantum indico, primo M. L. esse Scotum, ideoque minus gnarum legum nostrarum, & formularum. Verum ignoro an hæc ipsius ignorantia extenuet delictum, vel augeat ratione præsumtionis, qua immiscuit se ei, quod non intelligit. Sed dubito an ex ipsius factum hoc prodierit pharetra: fortassis alius astutia hujus viri usa est audacia. Secundo delictum est grande: nam privatus cum esset, hic se ingerere ausus est. M. L. ignorare non potuit, quam illustribus viris causam hanc Rex demandaverit, & quod ab illis expectaverit omnia, quibus commiserat. Commissariorum enim est officium, non solum pertractare negotia, verum & referre: atque hinc Rex certus esse potuit de
 X rebus

rebus singulis non solum bene expensis, sed etiam dextre recensitis. Decuisset ergo M. L. abstinere ab his, quæ non nisi à delegatis designatisque tractari debent manibus. Tertio dico hujus calumniæ in aures regias insinuationem esse præ aliis omnibus pessimam. Verum est quidem Reges posse celare à quibus informantur; neque tum licet alicui inquirere in istos, quousque scrinio regii pectoris occlusi teguntur. Sed quando Rex vult, ut respondeat aliquis de falsa informatione sua; tum certe falsa isthæc insinuatio Regi facta, omnes alias excedit: est enim, (ut materia substrata tropum suppeditet) venenum regiis immissum auribus: Atque tantum de M. L. culpa.

Delictum S. W. & H. J. conjunctim breviter ita se habet. In ipso tempore & loco supplicii, viri isti ad supplantandum vere Christianum Westonii propositum, atque inhibendum justitiæ cursum: & fortassis etiam ad interrompendum quod sequi debebat: cum aliis equitantes adveniebant, atque turbantes omnia terrentesque, novas Westonio, quasi examinaturi denuo, proponebant quæstiones, è diametro contrarias illis, ex quibus damnatus fuerat. Nam convictus olim, quod peremisset veneno Overburium, nunc interrogatur abs S. W. num Weston peremerit Overburium veneno nec ne? quæ contradictoria est quæstio. Respondet Weston tantum, *se inique egisse*: atque ad Vice-Comitem conversus inquit: *Num quid non promisisti, quod hoc in instanti molestia*

molestia omnis expers esse debeam? Sed instabat S. W. dicens, velle se scire illud, quo cum ipso preces fundere possit. Non novi ego S. W. clericum, cui liceat aliquem à communione precum repellere. En verò Westoni constantiam, quanquam sic in lethi portis versantis vexaretur Spiritus; dicebat etenim: non immerito plector. Dominus meus Justitiarius summus novit mentem meam, manu enim mea tenet scriptam, est vir honestus atque justus iudex. Et hoc S. W. delictum est.

H. J. quæstionem non quidem proposuit, sed alterius quæstione callidè usus est, ac quasi confessionarius esset, precatus est, ut Weston declararet conscientiam suam, atque mundo satisfaciat. Quis quæso hic mundus? Certe alius hic in loco supplicii (Tybur vulgo appellatur) fuit, necesse est, quam in aula vel Londini, nam isti satisfactum campanis, quæ resonabant. Egregia hominum quorundam, aliena curantium, nunc consuetudo est, ut duo vel tres ardeliones sibi mundi approprient nomen; suosque conceptus venditent, ac si generales omnium essent opiniones. Sed quid tandem? cum nihil in Westonium valuissent, H. J. indignabundus obvertit equum suum; (cum ille ex scalis deiceretur) dixitque dolere se de ejusmodi catastrophe. Et hocne erat honorare Rempubl. aut ejus defendere justitiam. Alii quidem ferociora ipsius enarrarunt verba, sed quoniam in confesso non sunt, dimitto.

H. J. delictum hoc aliud præcessit: scilicet

cum sententia ferenda esset à iudicibus; ipse
 aliam ferre voluit; dixit enim, si ex iudi-
 cum esset numero, se addubitaturum quid
 factu opus esset; Saltem quod incertum sit,
 an locutus ista fuerit, ante sententiam à ju-
 dicibus latam, vel post illam: Sed neque
 hic effugii quicquam; siue enim prævenit
 iudicum cognitionem, siue post illam ista
 protulit verba, ostendit tantum altero se
 præjudicare ipsis, altero se convitiari eos.

De hoc hominum istorum delicto necesse
 est, ut demonstrem Dominationibus Vestris,
 grandius esse, quàm videtur vulgo. Bene
 novi quod sicuti non habemus inquisitionem
 Hispanicam, vel iustitiam in angulo latitan-
 tem: ita neque moris apud nos esse obstrue-
 re hominum ora, cum suppliciis afficiuntur,
 sed liberum ipsis concedi sermonem ad ulti-
 mum usque halitum. Verum proveniat hic
 sermo ex spontanea plectendi voluntate,
 non questionum accumulatione, necesse est.
 Quæstiones propositæ tendunt ad ulteriorem
 revelationem vel proprii vel alieni reatus:
 Sed interrogationes subdolæ, quæ rem ju-
 dicatam elevant, seu impugnant, minime
 sunt ferendæ. Sic etenim erigeretur forum
 in Tybur, quod recognosceret in foro Regis
 Westmonasteriensis iudicata. Præterea va-
 num id est & intempestivum: nam hic si de-
 nuo affirmant crimen, non confirmatur
 inde iudicium prius: neque derogat, si
 contrarium asserant. S. R. Majestatis iusti-
 tiam tantum subdit vulgi sermonibus, &
 plebecjorum exponit iudiciis.

Magna igitur hæc sunt, Domini mei, crimina, nisi enim defenderimus justitiam, neque justitia nos defendet. Attendant itaque Dominationes Vestræ examinationi, ad quam observabo specialia quædam, &c.

Summa eorum, quæ Dn. Custos Magni Sigilli Angliæ, suum in Cancellaria occupans locum juxta Mandatum S. R. Majestatis locutus est, postquam Sigillum accepisset. 1617.

PRIUSquam curæ hujus aggrediar negotia, tam illustrium testium præsentia illectus, evulgabo summam, quæ Rex Serenissimus demandavit mihi, cum sigillum acciperem; & quæ ipse apud me statui, regio me conformans mandato. Habeat enim Rex instructionis gloriam; me solum maneat obedientiæ portio; Conspiciantque Dominationes Vestræ & præsentis reliqui, omne, quo in Cancellaria sededo, tempus (longius autem illud sit vel brevius, Dei Regisque arbitrio) in unius horæ coarctatum angustias. Idque tribus de causis.

Primo, ut Regis satisfiat mandato. *Secundo*, ut mihi ipsi ponam custodiam, actionibusque meis: & ne aberrem recedamque ab iis, quæ in tam illustri professus sum confesso. *Tertio*, ut omnes Cancellariam aut Sigillum adeuntes sciant, quæ expectare possint; & præcordia sua & aures quiete donantes, nihil desiderent, quod adversus

istas sit regulas, gnari responfionem meam ex *nolumus* nunc commutari in *non possumus*. Idque tribus de causis.

Primo, sunt quædam, quorum indoles est consiliorum instar, quæ perficere magis decet, quam evulgare. Sunt tamen ea de quibus dicere constitui ex illis, de quibus loqui nefas non est. *Secundo* nolo amplam hanc panegyrim detinere minimis quibuscunque, longum enim foret: sed seligam maxima, atque *ad summam rerum* tendentia: relinquens specialia publicis tabulis inscribenda, juxta probum proximi Antecessoris mei exemplum, in initiis suis præbitum. Denique non præjudicent Imperativi isti, mihi ipsi præfixi, authoritati curiæ hujus, aut sapientibus mihi olim succedentibus. Subjiciantur potius ingenti sapientiæ Domini mei Regis Sereniss. (Principis inter Christianos judices consummatissimi.) Nam si quiddam ex his, quæ subordinata esse volo ipsius instructionibus, ipsi videbuntur inordinata, emendabo promptissime. Sunt enim *tanquam album pratoris*; qui apud Romanos (Cancellariis nostris simillimi) solebant in exordio describere judiciorum suorum ordinem. Faciam autem id, Domini mei, *verbis masculis*, non floridis aut pictis, sed ejusmodi, quæ decet præcedere facta.

Regis mandatum, quod *lucerna est mea*, quatuor complectitur.

Primum erat, ut hujus curiæ jurisdictionem in genuinis suis contineam limitibus, neque excedere aut intumescere patiar.

Secundum, ne existimem magni sigilli ad diplomata affixionem, ex sola consuetudine fieri, cum præcesserint mandata regia; sed matura & plena eam fieri Regis voluntate; ideoque maximam fiduciæ in me locatæ fore partem, si scrupulum seu dubium advertens S. R. Majestati indicavero; inquit batenim, *quod dubitas, ne feceris.*

Tertium, ne quid differam; civisque sigilli auxilium nactus, absque bonorum suorum dispendio fruatur & gaudeat de Justitia celeri: nam *bis dat, qui cito dat.*

Quartum: ne magno Justitia constet pretio, sed illæ non necessariorum expensarum spinæ resecentur, omnesque exactionum mori, in quantum fieri possit, eradicentur.

Præcepta hæc, (*Domini mei*) sunt æquissima (& prout appellare libet) sacra: adhibeam igitur sacram precum formulam. Benedicat Regi Deus ob magnam ejus de regni Justitia sollicitudinem: mihi que istius indigno servo largiatur gratiam atque vires ad Præceptorum istorum observationem.

Jam vero ut secundum ea mea formem initia, quatuor istis sequentia hæc respondere volo & esse conformia: & quidem quoad excessum seu tumorem Cancellariæ quinque observare libet:

Primo excedit curia hæc, quando assumit causas, tum quoad materiam, tum quoad circumstantias determinari aptas ex jure communi. Cancellaria enim instituta est ad supplendam, non subvertendam legem. Enumerare autem causas hujus curiæ, atque

describere (differentiis etiam earum adjectis) pensum foret nimis longum. Dicam tamen quod paraverim remedium. Ipsemet curiæ hujus asservabo claves, neque ullum negotium (à quo curia hæc vult immunis esse) demandabo Cancellariæ assistentibus. Sed ipsemet judicabo de illo, aut minimum Cancellariæ magister. Imo porro quemvis martis diem, (qui est dies status) ejusmodi causarum tractationi addicam, ut ante alia examinentur, & cive mox dimisso, curia hæc non promiscuis & confusis detineatur negotiis.

Secundo querelatum tempus observetur. Non accedant ad Cancellariam, donec sententia secundum legem communem fuerit contra eos lata. Hinc isti de *præmunire* strepitus & innumera alia: Et hunc ipsum casum juxta veterum exempla Rex definivit. Verum quidem est, opinionem illam, nullam rescindendam esse judiciorum sententiam, foreq; admodum perniciosam; multosque subditorum ruinæ, naufragio & exitio tradituram: Nam ut bene Rex inquit: Num confugiet aliquis ad Cancellariam, antequam læsus fuerit? *Valentes non egent medico, sed male habentes!* Verum conservetur potestas isthæc, praxis tamen sit moderata. Erit ergo regula mea in querelis post sententias latis (nisi modo latæ fuerint in *nihil dicit*: quæ personatæ tantum sunt sententiæ, acquiriæ in contemptum ordinis, curiam hanc præcedentis) imo & post veredicta, ut pars querelam instituens captiva detineatur, donec proba-

probaverit actionem suam : & contra legis communis sententiam ; quæ æquitatis est , agat *tanquam in vinculis* ; seu suo cum periculo.

Tertius excessus fortassis est , nimis frequens atque facilis concessio , qua legi communi cessatio seu mora injungitur : aut possessio fit immutatio : hic regulæ meæ erunt.

Nullam ejusmodi concessionem largiar intuitu prioritatis causæ : id est , quoniam ad curiam hanc prius fuerit appellatio facta. Res egregie emendata ultimi Domini Cancellarii diebus , sed frequentata Broomeleji tempore , adeo , ut Daltonius Jurisconsultus libellum famosum pro supplici obtulerit curiæ huic. Nam cernens libellum supplicem tradi die lunæ , arrestum autem legis communis die martis fore , ob prioritatem causæ petit injunctionis concessionem ; & clientem suum , qui egit cum debitore infido , jussit ex cancellaria desiderare solutionem illo ipso die , antequam scilicet debitum suum exideret : atque sic alterum certo prævenire satagebat. Nolo itaque ut incitato ad Cancellariam veniatur cursu , vel etiam ad alias justitiæ aulas.

Neque injunctionem moræ concedam intuitu materiæ solius , quam speciose etiam proponatur , sed respectu rei confessæ , atque defendentis responsione commotus : aut materiæ prægnantis descriptione , vel memoria dignæ : vel etiam ob contemptum , quo defendens non apparendo , seu non respon-

dendo, seu negando curiam afficit. Hic enim defendens ipse resiliere videtur à lege communi, & quidem per contemptum minime ferendum.

Circa possessiones injungam nihil, sed relinquam eo in statu, quo fuerunt tempore libelli supplicis exhibiti, imo & anno ante elapso; nisi fortassis vi vel fraude fuerint acquisitæ. Neque immutabo possessiones intuitu transactionum privatarum, sed manebunt usque ad sententiam decretoriam: nisi eadem aperte confessus fuerit defendens, atque insufficientiam suam solvendi usum fructum testatus. Intuitu autem contemptus possessiones adimentur nulli, antequam omnia fuerint peracta in curia, & usus fructus sequestratio facta: tum demum fiet Injunctio.

Quartus excessus est nimis laxa communicatio authoritatis Cancellariatus: & nimis multorum Cancellariorum pro re nata constitutio; nimium acquiescendo relationibus Cancellariæ Magistrorum. Scio quidem (*Domini mei*) Cancellariæ magistros esse viros spectabiles, nec immensum causarum chaos absque illis perfici formarive posse: Fieri etiam potest, ut vel otii sui gratia Cancellarius nimium ipsis confidat. Ego tamen cui insistam viæ, erit isthæ: non omnia magistrorum adstringam relationibus; verum & octidui spatium ad minimum concedam proferendi quicquam contra eas, (quod tamen reverenter atque modeste fieri jubebo) & porro hypotheticam seu conditionatam

constitutionem abolebo penitus, quæ est: quod si Cancellariæ Magister ita retulerit, absque ulteriori deliberatione decidatur: est enim inopinata oppressio, contradictioni spatium non relinquens.

Ultimus excessus est: si quando Cancellarius nimius sibi videtur, & venerabiles negligit Judices, neque vult, ut sibi assistant in causis difficilibus, præsertim ex lege definiendis, aut advocat eos pro forma tantum, nec suscipit opiniones illorum. Hic ergo (*Domini mei*) conservare studebo dignitatem atque majestatem curiæ istius (auctam potius, quam imminutam gravi nec non debita judicum præsentia) neque unquam imperiosus reperiar, aut meo sensu abundans, sed & desiderabo, ut assistatis mihi ope vestra usuro. Imo si quando vos à mea differre videbo opinionem, quatenus meum unice sit ferre sententiam; attamen oraculum Regis prius consulam, quam pronuntiabo. Atque tantum de temperato auctoritatis hujus curiæ usu; in quo ipsius consistit incolumitas; ut corporis intemperantiâ.

Secundum S. R. Majestatis præceptum moras injicit magno sigillo: quæ justæ esse possunt vel ratione materiæ concedendæ; vel ratione modi obsignandi. Ex his igitur adducam casus primarios sex, regiæ tamen submittendos voluntati, atque beneplacito, postquam eidem proposuero. Nam si *iteratum veniat mandatum*, obedientia tanto gratius erit sacrificium.

Primus casus est: si quando obventiones,

pecuniarum summas, aut utilitates alias S. R. Majestas largita fuerit, officium meum erit omnino primum examinare, num Donatio ordinaria atque iusta facta fuerit via, per magnos Redituum regionum ministros, (tum Thesaurarium & Aerarii Cancellarium) atque ipsis conscius: hoc si factum non reperero, suspicabor, in tenebris donationem acquisitam atque modo surreptitio: moras igitur hic nectam, donec S. R. Majestatis voluntas innotuerit clarius.

Secundus, si concessio sit minime vulgaris, neque subscriptum habeat, *Fac simile*; sed informationem postulet; officium erit meum, ab Erudito consilio erudiri, num ei visa fuerit, ejusque habeat documenta; utpote quæ à S. R. Majestate leguntur & observantur. Si vero aliter res repererim istas (quamvis per se iniquæ non forent) iusta mihi erit dilationis causa; vel in exemplum, quo homines in via contineantur ordinaria.

Tertius, si largitio (secundum tenue iudicium meum) foret contra legem. De quali *Theodosius*, cum urgeretur, dixit: *Dixi, non concessi, si est illegitimum*: Consulam hic Eruditum Consilium (atque eum accersens qui libellum conscripsit, ac reliquos) aut eorum aliquot: Tunc si visum fuerit; indicabimus Regi, velego ipse, vel eorum aliqui. Iudices enim judicant de largitionibus factis, non faciendis, nisi à Rege consulti.

Quarto, si concessionem sint contra librum Liberalitatis Regiæ, expresso teneor mandato, cohibere eas: donec Rex aut revideat

libel-

libellum suum in genere, aut mandet denuo in specie.

Quinto, si tanquam Consiliarius status præ ideam incongrua ex concessionibus in Rempublicam defluentia, respectu S. R. Majestatis Honoris, aut populi murmurantis; nullatenus meo confidam iudicio, sed vel Regi indicabo vel consilio status intimo, aut ex Magnatibus illi, cui voluero.

Tandem veniam concessionis; si circa crimen læsæ Majestatis, neglectum deferendæ proditionis, homicidium expressum vel involutum per *non obstante*, aut piraticam, aut præmunire, aut mulctam, aut pœnam aliam quamcunque infligendam, versentur in camera stellata vel alibi, benignitate Divina differam illas, donec S. R. Majestas (quæ Gratiæ omnis fons est) statuerit se inter & Deum (probe cognoscens causam) in quantum abundare debeat Gratia, vel superabundare.

Si vero homines quidam accusati & convicti de latrocinio, per fossione parietis nocturna, &c. consequentur veniam, examinabo, num venia hæc aliqua Judicis Assisarum subscriptione sit firmata, aut delegati alius, coram quo reus fuerit examinatus: sin minus, existimabo officium quoque meum esse, differre eam.

Sic *Dominationes Vestrae* vident, me in his Sigilli negotiis occupatum juxta Regis mandatum velle in luce versari; adeoque sciant homines, ubi me reperire possint: Neque dubito hanc evulgationem posse arcere mul-

tos, ne abutantur Rege, mihiq̃ue invident: videbunt enim non privatis me duci, sed generali regulâ regi.

Tertium Regis Præceptum ita observabo, ut mox (si non in instanti) decretum meum subsequatur causæ cognitionem, decretum etiam signatum publicetur. Nam mos fuit nuper, Cancellarii postremi tempore (à quo, quæ imiter; multa didici, atque; non tamen absque nominis ipsius reverentia loquor, quæ evitem) ut post solennem plenamque causæ cognitionem nihil publicaverint in curia; sed compendia fuerint edita, quæ non reprehendo in causis perplexis. Nam fateor me aliquatenus esse cunctabundum: & existimare, quod homo, qui sapientior non fuerit factus ex consilio, quam ex improviso: is neque prudentior sit quinquagesimum agens annum, quam cum trigésimum egisset. Patris mei consueta vox erat, *date mihi deliberandi spatium*. Inveni autem, compendiosejusmodi confectis causas fuisse oblivioni traditas uno & altero Terminò: & revocatas dein ad novam cognitionem tribus vel quatuor terminis posthac sequentibus. Talismodi intermissionis usum non conspicio. Idcoque promitto, me ordinariè publicaturum decretum paucis post cognitionem diebus, atque signaturum minimum in vacationibus post publicationem. Recens enim justitia est suavissima. Neque differre eam decet: ut omnes præveniantur cuniculi; nam hic nihil subdole tentandum; sed omnia quasi in concilio seu coram judicio peragenda.

Porro

Porro quoniam Justitia sacra res est; atque finis; cujus gratia hoc fungor munere, ideoque via per quam in Cœlum ascendo (quæ utut brevior sit, pejor tamen non est) per Dei gratiam (quoad tamen ipse largietur vires) pomeridianum tempus addam antemeridiano, atque binas ex feriis hebdomadas termino, ut absolvantur & perficiantur curiæ istius negotia. Trium saltem Vacationum ferias quadantenus ob status negotia liberas servabo, & artium scientiarumque studia, ad quæ indole propendeo mea.

Supereſt aliud expeditionis momentum, ex me dependens ſolo; eſtque ratio ſecundū quam mandata ſiunt. Vidi affectatam expeditionem in dilationem diuturnam converſam; nam cum relatio ex ore judicis in foro accepta fuit, tumultuarium inde mandatum ſubſecutum eſt, & absque effectu id fuit ullo. Hinc quondam aliquis dixit Judex in Cancellaria; ſe velle uno mane 80. irrita reddere mandata. Et revera irritum hoc erat, nihil enim ad rem erat. Idque eſt quod 60. 80. 100. in unica cauſa facit hinc inde dari mandata, & inſtar Penelopeſ texture, texi retexi. Non tamen volo hac ratione citæ expeditionis venari gloriam; ſed cognitum habens officium meum, aliorumque caſum, patienter audire, atque taliter agere, ut civis quam ciſſime actionis ſuæ contingere poſſit meam.

Dilationum autem, quæ alios concernunt, magnus abuſus eſt, quando Actor acquirit injunctionem, legique communis

injicitur mora; sic enim in multos protrahe-
tur actio annos. Verum assistente Divina
gratia efficiam, ut injunctio fiat pulvinar
durum. Nam si videbo, quod prosequi
noluerit quis actionem, fieri poterit, ut
excitatus denuo inveniat aut injunctionem
suam sublatam, aut causam suam dimissam.
Sunt & aliæ Methodi, quibus insistam
adversus non prosequentes, aut segniter
prosequentes, sed eis vos nunc morabor mi-
nime; nam *summa sequitur fastigia rerum.* Et
tantum quoad expeditionis materiam.

Jam quoad ultimum Regis Præceptum,
circa sumptus non necessarios evitandos,
magna ejus portio in præcedenti tractata est
membro. Actionis enim prolongatio pri-
mario causatur sumtus; sed sunt & alia his
remedia:

Primo igitur stricte & severe observabo
statutum à Domino Cancellario sancitum,
circa immoderatam atque non necessariam
libellorum supplicum prolixitatem, respon-
sionum item &c. æque plectens litigantes at-
que causæ patronos hic deprehensos.

Secundo circa examinationes in curia factas
præcipiam examinatonibus (sub pœna pri-
vandi muneris sui) ne vanis utantur repeti-
tionibus, aut circumstantiis non necessariis,
consignantes ea, quæ apud ipsos deponun-
tur. Vellem etiam, ut in hoc subvenire
possem Commissionibus in provinciis habea-
dis, sed istud fere est impossibile.

Tertio, diligenter perlustrabo quæcunque
in Cancellaria scribentur, attendamque ut
justum

justum habeant linearum numerum, absque monstrosa scriptionis forma.

Quarto, ne sportulæ exigantur novæ, cavebo, sed secundum statuta pristina. Juris-Consultorum tamen præmium, ipsorum linquo conscientia & merito, ut & arbitrio & gratitudini clientis. Hoc tamen facere possum. Scio JCtos plures hoc secutos esse forum, qui tamen in termino uno vix semel aut bis fuerunt auditi: ideoque clientes magnos potius Consiliarios quæruni & Patronos Gratosos (ut vocant, nomine, quod Regem magis decet, quam Judices) in quacunque causa, etiam ab Advocato vulgari perficienda. Ut igitur Jurisconsultis in genere subveniatur, & clientes levamentum sentiant, constanter unoquoque die Martis, aliisque diebus statis, post horam nonam usque ad undecimam vel semihoram post decimam ipse disceptantes audiam. Et quoniam loquor de iis, quos audire velim, *Dominatio- nes Vestrae* concedent eloqui, quæ meditatus fuerim. Evenit ut tres nostrum, qui Regis sumus ministri & illustribus fungimur officiis, ex Jurisconsultis simus progeniti: *Dominus Attornatus* est Judicis filius, *Dominus sollicitator* itidem Judicis filius: Et ego Cancellarii.

Jam quoniam tam belle radicem lex agit hoc ævo meo, rigabo eam, eatenus, ut præter insignes istos Causidicos, etiam libentius auditurus sim cujuscunque Judicis filium præservienti ad legem, & servientis ad legem filium præ Lectore.

Tandem

Tandem ut & Cives levamentum aliquod sentiant, & rixæ desuescant, majores requiram impensas ab illis, qui male accusarunt, quam factum est hactenus.

Sunt & alii modi ad melius formandam curiam isthanc circa diplomatum concessiones, beneficiorum & aliorum, quæ in tabula describam. Non enim nunc pertractabo quicquam aliud, quam quod S. R. M. respicit præcepta. Meum autem est solatium, quod tali serviam Domino, cujus tantum sim canalis ad derivandam bobitatem ejus in subditos, necesse est. Verum etiam est, adspirare me ad veritatem illius, *Optimus Magistratus præstat optimæ legi.* Sed sicuti hoc in Rege adimpletur, ita dubito, me eo pertingere posse. Habeo tamen exemplum domesticum, quod imitabor. Ideoque Domini mei; plura quæ dicam non habens, ad negotia curiæ hujus me accingo.

O R A T I O

à Domino Custode magni Sigilli
in Camera Stellata ante circuitum æstivum habita, Rege tunc in Scotia degente 1617.

R Ex omnibus numeris consummata Declaratione sua, hoc in loco circa Judices atque Justitiarios evulgata, fecit orationem Cancellarii, quæ circuitus præcedere solet, esse potius Ceremoniæ, quam utilitatis.

Nam

Nam sicuti in suo ad Filium suum libro, exhibuit characteres Regis & exemplar? Ita in hoc sermone suo simile præstitit circa Judices Justitariosque. Idque ostendit, quod S. R. Maj. prout excellenter sufficit regimini summo, ita & apprime calleat inferiores officiorum gradus, & justitiæ gubernationisque theatra; res in Regibus admodum rara.

Veruntamen aliquid dicendum est; ut vetus observetur consuetudo; sicutamen ut regio insistatur fundamento, & quidem paucissimis. Nam ut Salomo inquit alia de causa: *In his, quid est homo, ut sequi possit Regem?*

Primo, Vos Circuitus Judices estis instar Planetarum in hoc regno: (minime autem ignominia vos afficio, istud vobis imperitiendo nomen) & quis dubitat tantum esse influxum vestrum hanc in terram, quantum illorum in orbem universum. Agite ergo ut illi, moveamini semper atque dirigamini a motore primo, qui est Princeps vester. Popularis iudex deformis res est: applausus magis theatricos decent, quam magistratus. Benefacite populo, diligite eum; secundum æquitatem dijudicate, & ut Psalmus inquit: *nihil inde expectantes*, neque procinctum neque laudes.

Nolo tamen popularitatem interdicens, vos imperiosos esse & alienos à Provinciarum Nobilibus: Superiores ipsis estis potestate; honoris autem gradus differunt parum. Discatis etiam; Potestatem prævalere maxime, quando urbane geritur.

Secundo,

Secundo, mementote, vos præter ordinariam Justitiæ administrationem vobiscum ferre duo hujus Reipubl. vitra seu specula: est etenim officium vestrum, in hisce visitationibus vestris Populo exhibere Regis gratiam & sollicitudinem. Et cum revertimini, exhibere Regi gravamina & offensas populi.

Attendite quæ Rex in suo descripsit libro. Lucremini reverentiam erga Regem & legem, instruite populum de me (quod, ut scitis difficile est, ob excellentiam meritorum ejus; conandum tamen) quanto pro religione movear zelo; quanto ardore contendam, ut Lex vigeat & floreat: ut unaquæque Curia sua gaudeat jurisdictione, ut subditorum singuli se legi submittant. Et hæc omnia innotuerunt vobis nequaquam leviter, sed per grandia illa & æquissima præcepta à Rege mihi tradita, cum magnum mihi concederetur Sigillum, ut regerem Cancellariam absque rumore vel excessu.

Porro è re nata hoc ipso tempore vulgus sciat consideretque sanctam Regis curam & providentiam, qua regnum hoc etiam ipso absente gubernatur. Ad clavum enim alterius sedens regni, nec absque negotiis magnis, omnia hic dirigit, epistolis & mandatis, tam exacte & perfecte, ac si omnino præsens esset. Cum Dominis meis Consiliariis intimis, ego, quod verè affirmo, admiratus sum Extensionem & latitudinem sollicitudinis ejus circa singula. In Commis- sione magna advenit regiminis quendam nervum fuisse contractum: demandavit igit-

tur istius auram. Rationes circuitus postremi exegit à iudicibus, inque Scotiam transmitti voluit. Piratarum deprædationes observavit, & observat; iisque obicem posuit. Quæ reformationem aut colonias in Hibernia concernunt, exactè & magnanimiter præcepit. Atque omnia hæc in ipsius absentia.

Sed pauca ex his sufficiant quæ publica sunt, Consilii intimi secreta aggredi vereor: quanquam ignota non sint, quæ in Franciam, Hispaniam, Belgium etiam absense expediverit, vel ex ipsa missione cognita. Concludam igitur necesse est: Deficere Regi regna plura, nam omnibus ipse sufficeret.

Speculum alterum, quo referetis ad Regem civium gravamina, etiam ad vos pertinet. Decet enim ut Rex cognoscat potius ex iudicium observationibus revelationibusque, quam ex sermonibus aliis, quicquid prævum est in provinciis singulis: (isti enim norunt regionis veluti pulsus seu palpitacionem.) Audio autem (Laus sit DEO) à vobis omnibus, nunquam maiorem fuisse in terra hac pacem, obedientiam animorumque prolubium, quanquam & gubernationes optimæ sint instar Crystalli clarissimi, in quo & minima conspiciuntur grana, in crassiori lapide nunquam advertenda.

Jam vero ad specialia quædam accedamus, eaque pauca; Incipere autem me hic oportet Regis ad exemplum à Religione, & in primis Pontificiorum Ecclesia: S. Augustinus de ejusmodi hominibus inquit: *Esse similes urticae radicibus, quæ non urunt ipsæ, sed urentia*

pro-

protrudunt folia : Indicate mihi radices istas, & eradicabo.

Quoad religionis negotia autem vobis iustitiaris commendo patrocinium ministrorum piorum atque Zelo prædicatorum. Non tamen Sectarios intelligo, aut novis studentes rebus; sed illos, qui sani sunt atque conformant: pii item & venerabiles. Perpetua enim erit defectio, nisi conservaveritis in communione homines per conciones, sicuti lex per mulctas: nam vulgo spirituales morbi non nisi spiritualibus curantur remediis.

Deinde finite, ut vobis commendem suppressiones (quantum quidem in vobis est) factionum in provinciis, unde infinita manant mala, atque omnis boni ordinis everfiones; & omnis probi in Aulam servitii, aut in patriam, denegationes. Cicero, Consul cum esset, egregium adversus ista invenerat remedium: (suave sed efficax, atque aptum) *Eos*, inquit, *qui otium turbant, reddam otiosos*. Nihil ipsi agant, neque ulla ipsorum manibus concedatur potestas. Si cognoscam ex vobis esse quosdam in provinciis caput seditionis vel manus, (instrumenta) Ciceronis, quantum in me est, ipsis retribuam præmium.

Sed finiam: Legite Regis librum, cognoscite vosmetipsos, quantum profeceritis, omniaque bene succedent. Et vos Pacis iustitiarum finite, ut in specie vobis dicam; Nul- lum antehac Regem tanto vos affecisse honore, quanto affecit Rex in sermone suo; quod ipsemet

ipſemet dictaverit vobis præcepta, atque vos Legatis ſuis miniſtrisque, proximè ſibi adſtantibus, æquales fecerit. Imò & plura intendit S. R. Majeſtas: nam conatur talem Commiſſionis formam & in Scotiam inducere, exemplo Eduardi III. glorioſæ memoriæ, qui eandem in hoc invexit regnum: adeoque digni non eritis, à quibus tranſcribantur apographa, niſi ſcripti litis absque macula aut labe, vel alia re quacunque Autoritatem veſtram minime decente. Neque aliis hac vice detinere vos diutius libet.

O R A T I O

Franciſci Baconi magni Sigilli
Cuſtodis, ad

WILHELMUM JONES,

Cum Juſtitiarius Hiberniæ primarius
conſtitueretur 1617.

Domine Wilhelme Jones.

S. R. Maj. debitè informata Te capacem eſſe ad quæcunque, vocavit te literis ſuis jam revertentem ad Statum gradumque Servientis ad legem: non tamen ut hic ſubiſtas; verum aſcendas, & locum occupes in Banco Regio tanquam Juſtitiarius princeps in Hiberniæ regno. Quæcunque igitur dicturus ſum, non conſtruenda ſunt cum Servientis munere (quo tantum in tranſitu ſun-

* opperire. geris)

geris) sed cum illustri dignitate illa, in quam constitueris. Quoniam autem nolo tempus, aliis curiæ hujus negotiis destinatum, in vanum terere, brevi Te per exempla ducam, non longa, per præcepta, via. Officium, in quo nunc ministrabis, felix fuit, ob quatuor ante Te probe illo surgentes, sibi que succedentes viros. Assumas solummodo Constantiam atque integritatem *Roberti Gardineri Equitis*: gravitatem, temperamentum & instructiones *Jacobi Lea Equitis*: Promptitudinem, industriam atque vigorem *Humphredi Winchii Equitis*: Sollicitudinem atque propensum in rempubl. affectum, prudentem pariter atque politicam administrationem *Johannis Dentiami Equitis*; neque opus erit aliis te erudire lectionibus. Omnes isti fuerunt ex Lincolnensium Hospitio, prout Tu quoque: Nosti eos, quales fuerint & in principiis suis & in electionibus ad munia ista.

Verum quoniam non eris solum Justitiarius princeps, sed & Status Consiliarius, in mentem revocabo opus ingens, quod nunc est præ manibus, ut ad illud quoque excitentur cogitationes tuæ. *Hibernia est ex Filiabus Europæ* ultima, quæ à desolatione & desertis vindicata est, colonis multas in partes missis; atque à sævis barbarisque moribus revocata ad humanitatem & urbanitatem. Hoc primarium Regis opus est, & quasi *seruum Heroicarum ipsius virtutum atque felicitatis*, denegatum prædecessoribus ejus, ejusque reservatum temporibus. Nondum autem

per-

perfectum est opus istud, sed provectum egregie. Idque confidenter asseverare audeo: quod si pacem largiatur DEUS terris istis, & justitiam: nullus fœnerator possit æque intra septennium duplicem sibi spondere usumfructum, aut fœnus ex fœnore, prout hoc promittit regnum duplicem divitiarum & incolarum thesaurum. Verisimile enim est regnum illud, de quo ante hos viginti annos dubitabant prudentes; num optarent, ut mergeretur aquis; nunc fore instar horti, & sororem magnæ Britannix minorem natu. Statuas igitur apud Te necesse est, ut non solum æquus sis gubernator, probusque Justitiarius princeps (ac si esses in Anglia) verum & sub Rege, & vice Rege extruendi, plantandi, colendi & reducendi artifex in Hibernia. Quem in finem tribus te instruem verbis.

Primum ut diligenter attendas tribus coloniis: *Septentrionali*, quæ ferè consummata est, *Wesobfordensi*, quæ nunc distribuitur, *Longfordensi* & *Letrimensi*, de qua nunc dispicitur, aut cui nunc metantur. Et hoc à me capias: Coloniarum perniciem esse, si coloni nimium festinant ad exiguum mechanicæ artis commodum præsens; disturbant enim integram operis formam in subsequutura tempora duraturam. Adige igitur eos, ut strictè regulas observent suas.

Secundum. De Regis obventionibus sis sollicitus, atque ut paulatim adaugeantur habeantque dimensum, si fieri potest, amplum, attende: nunc enim exiguae sunt aut nullæ:

nullæ: nam difficulter aliquid Regi acquiritur cum uniuscujusque agri exculsi fertilesque sunt redditu, sicque parvis Rex alligaretur redditibus.

Ultimum est: (pondere autem primum) ut omnimodo coneris fortiter agere & constanter (modestè tamen & juxta æquitatem) circa ea quæ Religionem concernunt: aliàs enim Hibernia urbana perniciosior foret nobis quam barbara. DEUS autem det Tibi de munere tuo lætitiā.

*Hic sequitur Domini Wilhelmi Jones
sermo.*

Unum ferme oblitus eram, & est quod in solatium tibi cedere queat ingens; fungi te officio sub ejusmodi Vice-Rege, qui (prout existimo) à DEO ordinatus est, ut magnum huic regno afferat commodum. Ideoque dico Justitiarium principem debere ita se gerere erga Vice-Regem, ne aut seruiat ipsi instar mancipii, aut factiosè ei se opponat.

Domini Custodis Sigilli Oratio
in Ærario ad

JOHANNEM DENHAM,

Cum inter Barones Ærarii adscisceretur.

Domine Johannes Denham;

Rex secundum gratiam & favorem suum elegit Te, ut sis Ærarii sui Baro; & succedas

cedas illi, qui fuit gravissimus dignissimus-
que regni Judex: Talem enim Baronem Al-
thamum fuisse opinor: Non ex aliorum fide
Rex Te elegit, sed priorum servitiorum tuo-
rum intuitu; quæ præstitisti in duobus istis,
in quibus porro, occupaberis. Sicuti pro-
bum Te ostendisti Judicem inter partes liti-
gantes; ita & fidelem præstitisti reddituum
regionum ministrum; tum quando esles
Baro princeps: & posthac à Status Consiliis
in Hibernia; ubi Consilarii (prout nosti)
maxima ex parte obventiones administrant
atque curant.

Atque de his duobus quædam monebo:
neque vulgari modo aut loquaci, sed quæ
tempus decet præsens & quidem paucissimis:
sic enim optime hærent memoriæ.

Primo igitur oportet Te Regis defendere
prærogativam, atque statuere, Regis præ-
rogativam non esse diversum quid à lege:
Sed ipsam Regis prærogativam esse legem:
seu palmariam legis partem, & primogeni-
tum: ideoque conservando illam, legem Te
conservare. In corpore humano non alia est
membrorum lex, capitis alia, sed eadem
omnium.

Proximum, de quo monere constitui, est,
ut exactè obventiones habeas cognitæ, do-
cumenta etiam antiqua & hujus curiæ ex-
empla. Cum decantata illa de cupri minis
causa hic disceptaretur, Regique adjudica-
retur, non ingenii id præstabatur artibus;
ac si Regis prærogativa omnia vindicaret in
quaque specie primaria; Leo bestiarum est

princeps, aquila volucrum, cetus piscium, atque sic ex mineralibus cuprum: ista enim sunt tantummodo legis illecebræ atque ornamenta. Sed documenta erant fide dignissima, & exempla quæ firmabant sententiam in hac causa latam. Volo itaque istis te duci & armari adversus legis vapores & fumos, qui ex hominum surgant inventionibus atque cerebellis.

Tertium large se extendit. Ita intendas sollicitudinem tuam, atque administres regios redditus, ut in Regem maximus redundet ususfructus, nulla autem in subditum vexatio: nam quando vexatio in subditum est magna, commodum autem Regis exiguum, ægrotat ærarium. Commodum vero Regis si est magnum, vexatio autem subditi exigua, tum bene valet ærarium; e. gr. Si vehementer exigantur regis debita vetusta, debita autem recentia seu nupera, aut negligenter exigantur, aut facile dimittantur, aut indulgenter habeantur: aut si informationum augeatur numerus, Regis vero portio seu compositionum termini erunt leves; aut si conentur clam Regi acquirere novos agros, quos vero jamdum habet, non bene sint cogniti, neque culti, neque silvæ probè conserventur, (alios omitto casus facile producendos) omnia ista ærarium attenuabunt. Idque est quod armat homines adversus ærarium, atque ut ausibus suis & machinationibus antiquam ejusdem turbent formam (qua meliorem dari non existimo) excitat. Istud est cantilenæ
 onus:

onus: multa ex subditorum rapi loculis, pauca in Regis inferri: Ne igitur occasionem præbeas talia dislerendi. Cerrus autem sum, quod præter Collegas duos Barones, cum duobus superioribus servias ministris insignibus, quorum scopus præfixus est optimus atque honestissimus. Intendunt enim servire Regi, nec subditos lædere. —

*Hic accipe, quod porrigo, Diploma
Regium.*

Baconi Oratio in Sessionibus publicis, ad Justitiarium Hutton, cum vocaretur, ut unus ex istis iudicibus esset.

Domine Serviens Huttoni.

REX Serenissimus omnino audiens de eruditione Tua, integritate, iudicio, experientia, bonis & exiſtimatione in provincia Tua, dignum exiſtimavit eſſe, ne Tibi ſoli in proprium uſum relinquerentur talenta iſta, ſed evocare Te, ut ipſi ſervias, ejuſque populo in dignitate Juſtitarii Curie publicarum ſeſſionum.

Eſt autem Curia hæc quaſi centrum & cor legum regni iſtius: Hic ſubditus certus eſſe de bonis ſuis poteſt per fines & recuperationes: hic fixa invenit remedia per mandata & æquitatis libellos: Hic patet juſtitia non in ſecundaria Privilegiorum janua, ſed in ma-

gna Regionum authenticorum scriptorum porta ex Cancellaria. Hic processum limes: nisi enim quis in hoc legis centro legi respondere velit, ejicitur. Decebit Te igitur omni prudentia Tua & fortitudine regni defendere leges: in quo tamen nolum sis pervicax, sed integer, non duræ cervicis, sed recti cordis; & ponderes, duodecim regni judices esse quasi duodecim sub Salomonis Throno Leones; robusti sint necesse est ad elevandum sustinendumque thronum. Sed delineem boni Judicis effigiem.

1. Eruditionem Tuam ex libris Tuis, non cerebro Tuo haurias.
2. Bene misceas opinionis Tuæ libertatem cum reverentia erga Collegarum sententias.
3. Continues studia, neque ex veteri solum agas vivasque penu.
4. Nemini aspectum timeas; neque tamen & arrogans fias aut protervus.
5. Sis absque partium studio, ita tamen ut affectus eluceant ex morum honestate.
6. Sis lumen junioribus eorumque aperias oculos, non tamen naso trahas ad unco.
7. Ne affectes opinionem sufficientis & expeditæ actionis, impatienter & festinanter audiendo in foro Jurisconsultos.
8. Sermo tuus sit gravis tanquam ab oraculo legis, non verò garrulus neque eruditionem ostentans per discursus extravagantes.
9. Manus Tuæ, & manuum Tuarum manus

nus (illos qui Te circumstant intelligo) puræ sint, nec corruptæ muneribus: titulis se ne immisceant, neque vices præstent, sive magna sive exigua id concernat.

10. Aulæ jurisdictionem intra veteres continéas limites.

11. Et denique tali in famulos tuos scribasque utaris oculo, quo potius Te timeant, quam de Te præsumant.

Nolo autem in his & similibus esse prolixus, nam quanto diutius Tecum convixi, tanto brevior ad Te meuserit Sermo, benè gnarus, tantis Te huc accedere cum virtutibus, ut quicquid dixerò, novum Tibi videri non queat. Plura igitur non dicam, Diploma solummodo trado Regium.

Sermo Cancellarii ad Prolocutoris excusationem.

Domine Serviens Richardsoni.

AUdivit Rex orationem Tuam modestam atque decoram, qua renuisti Prolocutoris suscipere munus. Isti, ut respondeam præcepit S. R. M., quæ nullatenus admittit eam.

Primò enim, si ipsius partis sententia, quoad se, foret in electionibus audienda, sequeretur, ut maxime temerarii essent acceptandi; viri autem prudentissimi, & se cognoscentes optimè, rejiciendi.

Secundo, in tantum acquiescit S. R. Maj. Sapientiaæ atque judicio inferioris Domûs, quæ Te elegit, unanimi consensu, ut ipsi iniquum videatur ab ipsius recedere opinione, ea in re, quæ plurimum ipsos concernit.

Tertio, tam eleganter atque concinnè Te excusasti, ut orationis Tuæ forma subruerit ejusdem materiam, aut confuraverit. Annuit igitur Rex electioni, Tuque ut sis Prolocutor, annuit.

Ad ipsam Prolocutoris Orationem.

Domine Prolocutor: Audivit Rex disertam orationem Tuam, materiae bonæ, voluntatisque propensæ plenissimam. Ejusmodi autem solum à me expectabis responsum, quale occasionem hanc decet, & permittit temporis angustia.

In quatuor autem dividere verba Tua liceat partes: quarum *prima* laudes completebatur Monarchiæ; *Secunda* amplissimus omnino erat campus; continebat enim gratam agnitionem S. R. M. beneficiorum, attributorum, & in regimine actuum. *Tertia* aliquas Parliamentorum actiones, institutionem & usum ediscerebat. *Quarta* denique petitiones ad S. R. M. proferebat à Domino & Te ipso factas.

Monarchiæ laudes, eam aliis rerum publicis formis præferentes, responsione haud egent. Disputent ea de re Scholæ. Secula
jam dum

jamdum vocarunt sub examina, & nos experti sumus illam esse optimam. Respublicæ aliæ delicatis componuntur formis, subitoque deformantur: & si persistunt aliquandiu, ut increcant aut se dilatent, aptæ non sunt: sicuti ex adverso, quæ augentur atque increcant, diu non perdurant. Monarchia autem est opus à natura confectum, quod & crescere & perdurare potest. Hinc pergo.

Ad secundum sermonis Tui membrum, quod haud minori veritate quam affectu agnovit ingentem felicitatem, qua S. R. M. imperante fruimur. Mandavit autem S. R. M. dicere Tibi: nosse se laudes atque gratiarum actiones esse integri cordis oblationes, & propensi affectus: velle se autem illud, quod vos offertis, una vobiscum DEO retribuere, qui omnium bonorum Autor est, quique sinceritatem regii novit cordis, & ut sperat S. R. M. continuabit augebitque benedictiones suas in se, Prolemque regiam; regna etiam sua eorumque generationes.

Sed ex mea parte repetere cogor, quæ dudum Græcorum dixit Orator in causa simili: *Solus dignus harum rerum laudator tempus*. Tempus, inquam; nam tot elapsis seculis, quibus hocce vixit regnum, non obstantibus variis nobilibus & illustribus actionibus, nunquam talia fuerunt peracta usque ad hos S. R. M. dies, quibustanquam propria & peculiaria fuerunt reservata. Et quoniam non sunt panegyricæ alicujus orationis portio, sed historia mera, atque

totidem honoris regii momenta, monumentis digna; recensebo ea solum, ex oratione Tua partim decerpens; sunt autem, si numeres, octo.

1. Rex noster primus est, ut probe observasti, qui angularem posuit lapidem regna duo fortissima Angliam & Scotiam uniendo, atque separationis maceriem removendo: Hac ratione Rex factus est Monarcha fortissimarum & bellicosissimarum in orbe gentium: atque ni prudens ille apud veteres deceptus est; *Ferrum imperat auro.*

2. Hibernia (altera Oceani Atlantici) insula incolis nunc referta est & mansuetacta, idque speciali DEI providentia S. R. M. expectavit ævum. Refert autem opus hoc quodammodo priscorum Heroſum opera, neque nova est hujus tantum ætatis actio.

3. Regnum hoc nunc demum in novo orbe acquisivit portionem, Virginiam atque Insulas æstivas inhabitando. Et revera terræ regna assimilantur regno cœlorum. Granum sinapi multoties in magnam excrescit arborem.

4. Verum esse fecit S. R. M. titulum Defensoris Fidei, qui nomen nudum fuit hactenus. Tamque fortunatus fuit S. R. M. calamus, ut aspis surda, licet audire nolit, neque tamen & sibilare audeat: Prudentes intelligo illos, qui ad S. R. M. aliquid reposuerunt scripta.

5. Certum est inde à subjugatione insulæ hujus,

huius, non posse viginti numerari annos, (qui fere conficiunt spatium, quod nunc S. R. Maj. imperando transegit) interna & externa pace claros; adeo ut Elisabethæ Reginae ævum felicitis memoriæ, & semper obtranquillum imperium deprædicandæ, non per continuos frueretur viginti annos pace, sed interromperetur rebellionem in Anglia primi etiam viginti anni, atque postremi rebellionibus in Hibernia. Certus tamen sum, utrumque in Rege verum esse verbum: *Nemo me laceffet impunè*; & illud: *Beati pacifici*.

6. Genuino illo primitivoque Regis officio, quod est *sedere in porta atque iudicare populum*, nullus prædecessorum omnium tam perfectè functus est. Ostendit igitur S. R. M. quod sit *Lex loquens*; atque sedeat in throno non sicuti statua muta, sed ut oraculum vivum.

7. Benè observasti Regis misericordiam: ostendat enim mihi aliquis Regem, qui viginti fere, ut dixi, annis his imperaverit, vesti amictus alba; absque ullo ullius magnatis sanguine effuso. Securis quidem semel aut bis in magnatem elevata fuit, nunquam autem percussit.

8. Denique Artium & Scientiarum flosgratioso S. R. M. patrocínio & liberalitate focus, nunquam tantus fuit: illa præsertim ars artium Theologia: nam revera affirmare possumus, inde à primitivis temporibus non fuisse plures (prout Scriptura loquitur) *Stellas in firmamento*.

Ista, Domine Prolocutor, partim ex orationis Tuæ selegi cumulo, & tam procul absunt, ut vulgaria esse existimemus, ut potius ipso effectū sint singularia & proprium S. R. M. tum ipsius ævo. Ideoque verum erit, quod ab initio dixi: *Solum dignum harum rerum laudatorem tempus fore*, quod per comparationis umbram tam excelsæ locavit S. R. M. merita, ut omnia transcendant verborum encomia.

Quomodo ergo concludam? Dicamne: *O fortunatos nimium sua si bona norint*? Neutiquā: Video enim vos fortunatos esse, quoniam istis fruimini, & fortunatos iterum, quoniam agnoscitis. Concludam igitur verbo alio ad dextram inflexo. *Si gratum dixeris, omnia dixeris*. Gratitude vestra omnia complectitur, quæ loqui ad vos possum his in Comitibus.

De Parlamentorum institutione, quod *tertium* orationis Tuæ constituēbat membrum, pauca dicam: maximo enim ea cumulavit honore Rex in sermone suo nupero: asserendo *perficere illa Monarchiam*. Licet enim ætate prior sit monarchia, atque independens, Parlamentorum tamen consilia atque auxilia istam corroborare firmamque constituere. Repetam igitur saltem quæ dixisti, quod Rex in Parlamento sedens stipatusque Prælati suis, Magnatibus, & Nobilibus, sit quasi in exaltatione orbis sui. Opto igitur, ut singula ita gerantur, quo & tunc maximè sereni & benignissimi sit aspectus, radios gloriæ atque gratiæ in populum suum demittens. Bene autem nosti solis splendorem elegau-

elegantem in solo, exhilarantem universa
& imprægnantem, arceri à terra vel nubi-
bus desuper vel nebulis infrà, ex ipsa fortas-
se terra enatis. Spero autem omnia ista nunc
disiectum remotumque iri.

Ad petitiones antequam in specie respon-
deam, necesse est in genere præloquar; sed
quasi in spicilegio, plenissimè enim & egre-
giè jam dum S. R. M. suam declaravit men-
tem. Quæ autem concinnè eloqui decet,
aut respiciunt materiam Parlamenti substra-
tam, seu negotia, aut eorum pertractatio-
nem; aut denique tempus probè locandum.
Materiæ sunt vel Ecclesiæ, vel Reipublicæ,
vel Legis, vel Gravaminum.

De primis duabus ipsum audivisti Regem :
& *qui est, qui hac in re sequetur Regem.* De
postremis igitur quædam eloquar sed pauca.

Leges vos concernunt, suntque apud vos
tanquam in elemento suo: quare hic ducatis
potius alios, quam ducamini ab aliis. Haud
tamen erit dividix, de duobus vos admone-
re. Alterum ne multiplicetis seu accumuletis
leges ultra quam opus est. *Pluet super eos la-
queos*, sapienter aliquis huc traxit. Opto
igitur ut potius bonas resuscitetis leges, quæ
sepultæ jacent aut interruptæ; vel providea-
tis negligentibus legum, quæ nunc vigent, exe-
cutioni; vel obicem ponatis callidis evasio-
nibus, quæ temporum successus & astutia
adinventerunt; quam ut faciatis *novas legum
creaturas*. Posterius est, ne privatis nimium
occupemini petitionum schedis: nisi casus
sint, in quibus ordinariæ justitiæ auxilium

& brachium minime sufficit.

Quoad Gravamina, gratiosum & benignum audivistis Regem: ne autem in aere saltem resonent illa, verum optatum consequantur finem, duo præprimis requiruntur: Primo S. R. M. utor phrasi *nolite venari gravamina*, & talia quidem, quæ hic potius, ubi convenistis adinveniuntur, quam ex provinciarum desideriis surgunt. Repræsentare debetis populum, non fingere. Deinde nolite accumulare gravamina, ac si numerus deberet supplere, ubi pondus deficit: vel ac si prava omnia (instar Reipubl. Platonicæ) simul emendanda essent. Reipubl. optimæ, imo & viri optimi sunt instar gemmarum optimarum; in quibus macula & minimum vitium citius observatur, quam in lapidibus scabris. Modestè igitur vosmet geratis, ut proni videamini potius ad efficax incolarum levamentum, quam sermones invidiae plenos, atque in Rempubl. iniquos.

23. Circa modum, quo Parlamenti negotia sunt pertractanda sciatis, vos agere cum Rege, qui diutius imperavit, quam aliquis vestrum Parlamenti fuit membrum; & qui non minus cognitam habet formam, quam materiam, qui æque detestatur Majestatis imminutionem, quam assentationem, aut gloriam vanam; & denique qui æquè novit palpitationem cordis in subditis suis, quam proprium suum orbem. Habeant ergo gravamina vestra formam & stylum decentem atque verecundum, & sint (phrasi utor Parlamentorum pristinatorum) quasi *gemitus columbae*.

lumbæ absque remorsu & asperitate. Ex altera vero parte, in iis, quæ agitis pro Rege, ostendite animos unitos, alacres, benevolos, quod tali coronabitur effectu, ut quodcunque hic præstabitis, duplicem vobis apud externos procuraturum sit gloriam, quasi in cristallino vitro.

Tempus Parlamenti hujus si unquam alius, bene distribuendum, ob occasiones instantes irrevocabiliter avolantes. Sint ergo sermones vestri quasi Consiliariorum, non vero Oratorum: Commissiones terminent negotia non disputent, atque sic ordinetis tempus, ut proprium huic Parlamento negotium omnium primo expendatur, privatæ autem schedulæ ultimis serventur, aut remissionibus à publicis.

Quatuor autem petitionibus singulis Rex annuit, tam liberaliter, quam antiquus & genuinus Parliamentorum mos permittit, & cum cautelis istis semper annexis, i. e. ne privilegium adhibeatur in defraudationem Creditorum, aut justitiæ ordinariæ elisionem. Ne sermonis libertas in licentiam convertatur, sed judicium gravitatemque habeat conjunctam, prout decet officium amoremque in Regem vestrum; Cætus vestri reverentiam, atque materiæ tractandæ dignitatem. Accessus vestri fiant iis temporibus, quæ S. R. M. visa fuerint commoda. Hallucinationes & malignæ interpretationes evitentur potius, & quantum fieri potest, præveniantur, quam explicentur atque solvantur.

*Precatio sive Psalmus Domini
Baconi Angliæ Cancellarii.*

BENIGNISSIME Domine, Pater misericordissime, inde à juventute mea Creator meus, Redemptor meus, Consolator meus. Tu Domine scrutaris abyssum & secreta cordium omnium, tu cognoscis sinceritatem eorum, tu judicas hypocrisin, quasi in statera libras cogitationes & actiones hominum; metiris eorum consilia, quasi virgula, neque vanitas neque perversæ viæ Te latere possunt.

Meminisse digneris, Domine, quomodo ambulaverit servus tuus coram te; recordare, quid primo quæsierim, & quid fuerit primarium in intentione mea. Dilexi congregationem Tuam, deploravi divisiones Ecclesiæ Tuæ, delectatus sum in splendore sanctuarii Tui. Pro vite illa, quam plantavit dextera Tua in hac gente, non destiti Te interpellare, ut accipiat pluviam tempestivam & serotinam, atque dilater ramos suos ad mare & rivos. Pretiosus fuit in oculis meis status atque panis afflicti & pauperis; odio habui omnem crudelitatem, nec non duritiem cordis. Quæ bona essent hominibus omnibus curavi, quanquam habitu admodum spreto. Si quidam fuerunt inimici mei, neque cogitavi de ipsis, nec fere unquam sol occidit, ira mea adhuc
can-

candescente; fui instar columbæ, malitia abundante vacuus. Fuerunt Creaturæ Tuæ liber meus, multo autem magis scriptura tua. Quæ sivi Te in aulis, agris & hortis, inveni autem in Templo Tuo.

Mille fuerunt peccata mea, & decies mille transgressiones meæ, permanferunt tamen apud me sanctificationes tuæ, corque meum (ex tua gratia) inextinguibilis fuit pruna super altari tuo. O Domine, robur meum, inde à juventute mea obviam tibi ivi in omnibus viis meis, per paternas miserationes tuas, per castigationes tuas solatio plenas, nec non per providentiam tuam omnino manifestam. Sicuti favor tuus magnus factus est super me, ita & castigationes tuæ; prope semper adfuisti mihi, o Domine, & cum bona mea temporalia augerentur, tela tua clam in me missa sensi: cum elevarer coram hominibus, coram te humiliatione descendendi. Nunc etiam cum plurimum de pace atque honore cogito, sentio gravem in me esse manum tuam, meque exinanire juxta pristinam charitatem tuam, ut persistam in schola tua paterna, non velut adultera, sed genuina proles. Justa sunt tua in me judicia propter peccata mea, quæ numero superant maris arenas: nulla vero sunt proportione ad misericordiam tuam? Quid enim sunt maris arenæ, terra & Cœlum? nihil ista ad miserationes tuas. Præter innumera peccata mea confiteor, quod sim debitor tuus ob benigna talenta donorum & gratiæ tuæ, quæ neutiquam sudario involvi, nec tamen etiam
(ut

(ut debui) mensariis tradidi illis, a quibus optimum acquiri potuisset lucrum, sed impendi perperam iis, ad quæ fui aptus minimum; ita ut vere dicere possim, peregrina fuit anima mea in tractu incolatus mei. Propitius mihi esto, Domine, propter Servatorem meum; recipe me in sinum tuum, vel duc me in viis tuis.

Historia Magnæ Britanniae in- cepta.

ELisabeth Angliæ Regina moriente, stirps Henrici VIII. defecit: per unicam ea duravit generationem, tres autem vidit successiones. Rex enim iste, quanquam esset ex validissimis tempore suo, attamen de sex uxoribus non nisi tres suscepit liberos, qui successive imperantes, & sine prole decedentes, locum dederunt lineæ Margarethæ, sororis ejus maximæ natu, & Jacobo IV. Scotiæ R. nuptæ. Successit igitur in Angliæ Regnum Jacobus VI, tum Scotiæ R. ex Margaretha descendens tum Patre tum matre. Ita ut raro in regibus profapiis casu, divina providentia videretur ad extinguendam & auferendam omnem alienigenæ notam; duplicasse in persona ejus, intra unius generationis ævum, regium Angliæ sanguinem, ope utriusque parentis. Successio hæc omnium in se convertit oculos, namque diu tale quid Christianus non viderat orbis. Galliæ regnum.

regnum superiori seculo univerat provincias suas antehac divisas. Hispaniæ etiam regnum recentiori unione junxit sibi Portugalliam Philippo II. imperante. Remanebat ergo tantummodo tertia ista, nec non ultima unio, qua appenderetur æquilibrium magnarum istarum trium Monarchiarum, atque Europæ disponderentur negotia, ad magis fidam universalemque pacem & concordiam. Hic eventus autem eo magis per hominum volitavit ora, quoniam hæc magnæ Britannię Insula, toto divisa orbe, nunquam antehac fuerat unita in se, & uno sub Rege; ut ut populus unius sit linguæ, nec montibus aut rivis dividatur magnis, unio etiam temporibus priscis tentata fuerit: & bello & pactis. Videbatur igitur manifestum esse Providentiæ opus, & casus reservatus temporibus nostris; in tantum ut crederetur vulgo, impleta nunc esse vaticinia supersticiosa, (à stultis credita, sæpe tamen etiam sapientum sermone frequentata) nec non tantam expectationem antiquam, quæ per traditionem hominum irrepserat animis. Verum ut divinationes optimæ, nec non prædictiones sunt artificium atque probabilis conjectura seu prævisio virorum prudentium; ita hac in re Henrici VII. providentia in omnium fuit ore: is enim, cum esset Princeps acutissime cernens atque prudentissimus, verbis quibusdam, deliberans de filiæ suæ primogenitæ cum Scoto nuptiis, ostendit se præsentire, imo fere præscire hanc regnorum unionem.

Neque

Neque defuerunt externæ circumstantiæ raræ atque diversæ (præter virtutes & dotes personæ ipsius) quæ illustrem hanc fecere successionem. Rex in robore ætatis suæ, exterorum fœderibus adjutus, domi regali profapia firmatus, pacem cum universo colensorbe, exercitatus gubernatione ejusmodi regni, quod potius erudire cum queat casuum varietate, quam corrumpere opulentia & gloria vana: Talis etiam, qui præter immensam capacitatem suam atque judicium insigniter exercitatus est atque versatus in rebus ad religionem & Ecclesiam pertinentibus, quæ hoc tempore ob confusum utriusque gladii usum adeo innexæ sunt de statuum deliberationibus, ut plurima Principum, Rerumpublicarumque consilia ex iis dependeant. Nihil autem magis in admirationem traxit gentes externas, quam quod viderent omnes in Anglia status & subditos unanimi Regem recipere consensu, absque hæsitazione minima, mora & quæstione. Rumorem enim sparserant fugitivi ultramarini (qui partim servientes ambitioni exterorum, partim existimationem nec non robur suis negotiis conciliare nitescentes, soliti sunt mala fide Angliæ exhibere statum) quod post Elisabethæ Reginæ obitum nihil possit in Anglia sequi, quam confusiones inter regna, & turbæ, probabiliter superaturæ veteres civilium bellorum calamitates inter Lancastrensem & Eboracensem familias gestorum; fortassis etiam & ea de causa magis internecinæ, quoniam competitores

titores exteri se domesticis essent juncturi : religionis autem schismata , ad coronam titulis sive prætensionibus. In specie autem *Parsonus* Jesuita , alieno sub nomine , non dudum ante mortem Reginæ ediderat libellum , in quo num malitia ejus persuaserit ei , ut crederet figmenta sua ; vel num judicaverit optimam esse methodum movendi seditiones , si ad exemplum cacodæmonis prædiceret tempestatem , quam excitare vellet , anisus est colorare omnes prætextus vanos & somnia de successionem , quæ modo excogitari potuerunt : atque ista multis persuasit exteris , qui nostrum ignorarunt statum. Neque hic defuerunt multi prudentes & bene affecti , qui licet non dubitarent de jure certo , attamen considerantes fluctuans populi cor , (quod neutiquam minus subitaneis movetur ventis , quam naturali aquarum decursu) absque timore non expectarunt , quis tandem futurus esset eventus ? Nam Elisabeth Regina summa prudentia gubernans elegit tamen admirationem præ securitate : & sciens successoris denominationem potuisse securitatem reddere ambiguam ; admirationem autem revera extenuare , inde ab initio putavit esse à ratione status , imponere silentium de successionis negotio. Neque id tantum reservabatur tanquam status secretum , verum etiam interdicebatur legibus severis , ne aliquis auderet ferre sententiam , aut argumenta promere circa illud ; ita ut , licet juris evidentia omnes coëgit subditos eadem cogitare , attamen timor periculi ex le-

ge neminem fecerit conscius eorum, quæ cogitaret alter. Ideoque magna affecti sunt lætitia omnes, cum viderent tam serenum regni ortum sequi à pristino timore liberos; instar hominis ex formidoloso somno evigilantis. Non verò tantummodo consensus fuit infinitus, verum etiam applausus & gaudium, omnem testandi modum superans per universum Angliæ regnum. Consensus certe aperto juri ascribendus. Universalis autem lætitia, alacrisque congratulatio fuerunt effecta causarum distinctarum. Nam Regina Elisabeth licet variarum virtutum ederet specimina, quibus allicere sibi que devincire potuit subditorum animos; attamen quoniam manus ejus parca fuit in donationibus, & firma in prærogativis tenendis, respondere nequivit votis vel fervorum suorum, vel subditorum, nec satisfacere; præsertim in postremis annis, cum diuturnum ipsius imperium (quod erat annorum 45.) detegere potuit naturale in populo desiderium & inclinationem ad mutationem, ita ut nova aula, novumque imperium non paucis essent gratissima. Multi lætabantur, ii præsertim, quorum possessiones & bona erant certa, quod præterisset timor nec non incertitudo, & quod alea esset jacta. Alii qui jam spem suam in Regem collocaverant, vel eidem obtulerant servitia sua, regina adhuc vivente, existimabant nunc adesse tempus, cui se parassent. Et in genere omnes qui aliqua ratione ex Comite Essexio (qui miscuerant secretum sui proprii, cum populi

pulari prætextu promovendi Regis jura) putabant causam suam emendatam esse. Deinde & illi, qui addubitare poterant, offendisse se Regem, perseverarunt in eodem mentis proposito, ostendentes se firmiter tantum adhæsisse reginæ, hosque animi affectus cum tempore finire. Pontificii aluerunt spem suam comparatione status Pontificiorum in Anglia sub Elisabeth, cum statu eorundem in Scotia sub rege; videntes hunc minus durum esse, ideoque hic paria sibi sunt polliciti; præter solatium, quod hauserunt ex recordatione Reginæ, Regis matris. Clerici, & quidem illi, qui presbyterium mallent, putabant casum suum magis congruere disciplinæ Scoticæ; quam Hierarchiam Anglicanam; credebant igitur se propius venisse ad desideriorum suorum metam. Sic unusquisque incolarum status, quoddam sibi imaginatus est beneficium, promisitque, supergressus etiam fortassis spei leges, probabili tamen innixus fundamento aut conjectura. Illo ipso tempore prodiit Regis liber *Βασίλειον Δῶρον*, Regis filium instruens circa Regis officium: isque liber in singulorum deveniens manus universum implevit regnum, quasi thuris incensi fragrantissimus odor, Regis præcurrens adventum. Nam eleganter cum esset conscriptus, & nihil haberet affectati sermonis, non tantum melius satisfecit, quam particulares de Regis virtutibus narrationes, verum etiam longe superavit omne exquisitum edictum seu declarationem, quæ potuissent conscribi,

bi, juxta morem Principum in regiminum suorum initiis, amorem populi ambientium, aut minimum gratiam suam declarantium. Et ista fuit in genere constitutio animorum incolarum in hac mutatione; Actiones autem ipsæ ita fuerunt gestæ &c.

Epistola & Discursus ad HENRICUM SAVILIUM, de Subsidiis Facultatum Intellectualium.

Domine.

REVERsus ab Etoniensi colloquio, quorsum à Te invitatus, refeceram animum meum sodalitio ejusmodi, quod diligo, cœpi considerare eam Politicæ partem, de qua philosophia nimium, Leges autem minimum loquuntur; & est, Juventutis educatio. Hic figens mentem meam aliquantisper, arctam inveni viam, & observavi etiam in ipsis Philosophorum dissertationibus, quæ amplissimæ sunt hoc in argumento, admirandum reperiri silentium, quoad primariam hujus subjecti partem. Nam de formanda juventute & erudienda in virtutibus moralibus (e. g. laborum toleratione, à voluptatibus abstinencia, obedientia, honore & sim.) tractant; Verum de promovendis & adjuvandis Facultatibus Intellectualibus, e. g. conceptuum, memoriæ & judicii, nihil disserunt. Num cogitarint esse solummodo naturæ

naturæ opus, vel existimarint, referri debere ad varias genuinas artes, quæ usum rationis & sermonis docent; sed quoad rationem primam, utur distinguunt inter habitus & facultates; experientia tamen testatur, quod motus & facultates ingenii atque memoriæ non tantum gubernentur & ducantur, verum etiam confirmantur & amplificentur consuetudine & exercitatione, debite usurpata: e. g. si aliquis sagittandi exerceat artem, non soluma propius metam feriet, verum etiam duriorera trahere eam cum disceat. Quoad posteriorem, ac si de his præcepta, in Logica & Rhetorica comprehendantur; si recte consideretur, earundem officium distinctum ab his esse deprehenderetur. Non enim est pars Doctrinæ instrumentalis tradere; quomodo ex acui debeat instrumentum, aut perlicet. Ideoque reperiens hanc viam nondum tritam ego, tanquam aliud agens, eam ingressus sum, Tibique dedicare opus meum statui, ex veteri more, tanquam amico per charo, & Viro digno. Habes & locum illud exercendi, & iudicium oriturque penitus introspicendi, quam ego. Hic autem observes illud, *deum id vult.* Argumentum non est excelsæ dignitatis, magnæ tamen & amplissimæ utilitatis. Sed neque video cur minus digna hæc censeari debeat doctrina, quæ docet promovere cellissimam dignissimamque mentis facultatem. Sit autem uterunque velit, si mundo ex descriptione hac affulget, lox quædam & utilitas, confirmetur etiam ex m

de Amicitia nostra & familiaritas. Atque
sic Divinæ Te projicio Tutelæ.

Discursus de subsidiis Facultatum Intellectualium.

Semper existimavi insolens & infelix esse dictum illud: *faber quisque fortunæ suæ*, excepto, si sit. adhortatio solum aut calcar adversus pigritiam. Aliter enim, si accipitur, prout sonat, exindeque homo alte sibi imaginatur, posse se comprehendere & explorare quæcunque accidunt, nec non omnes felices successus prudentiæ suæ & consiliis adscribit, contrarium autem erroribus suis & oscitantibus: communiter apparet, *postremam* viri istius fortunam, non tam prosperam esse, ut illius, qui absque jactantia industriæ propriæ, plurimum attribuit Felicitati & Providentiæ, quæ est supra ipsum. Si verò sententia sic inverteretur: *Faber quisque ingenit sui*, esset quiddam magis verum, magisque proficuum: doceret enim homines inflectere semetipsos, & eas corrigere imperfectiones, quas nunc tantum contegere student, & pertingere ad istas virtutes, bonasque mentis dotes, quas nunc tantummodo quoad speciem demonstrare nituntur. Verum enim vero unusquisque contendit ex primo Fabrorum ordine esse; pauci vero ad secundum se alligant: quanquam fortunæ augmentum raro mentem emendet; e contrario autem remotione impedimentorum animi sæpe clarum faciat

faciat hominis cursum & ad fortunam aditum. Certum etiam est, siue credatur siue non, quod sicuti nobilissimum metallum, aurum, præ aliis maxime est ductile & aptum in quod operetur, ita & ex omnibus substantiis animatis perfectissima earum homo, maxime apta sit ad accipienda subsidia, incrementa, impressiones & mutationes; neque solum quoad corpus suum, verum etiam mentem & spiritum: & hic non solum quoad appetitum & affectus, verum etiam facultates ingenii atque rationis.

Nam quoad corpus humanum, invenimus multa miraque experimenta, quomodo naturæ imperet consuetudo, in illis etiam actionibus, quæ videntur maximè difficiles, & minimum possibiles. Primo in motibus voluntariis, quos voluntarios dicimus, videmus eorum primarios voluntarios non esse. In potestate mea est, & voluntate positum, currere: sed currere celerius, quam levitas aut dispositio corporis mei permittit, nec potestatis meæ est, neque voluntatis. Videmus industriam & exercitium saltatorum & Funambulorum mira præstare. Sic in dolorum tolerantia, qui creduntur adversari naturæ humanæ, varia suppetunt apud religiosos exempla, quantum perpeti possint demonstrantia; & probantia verum esse, quod Spartanorum pueri adeo severe virgis fuerint cæsi super altari, ut nonnunquam reddiderint animam; nunquam tamen ejularint. Si etiam transiitis ad facultates illas, quæ magis adhuc viden-

tur involuntariæ; ut jejunium longum, & abſtinentia, eique contraria voracitas: nihil omnino bibere, ferre frigus vehemen-
tiſſimum, & ſimilia, non deſuerunt, neque adhuc deſunt, qui in his corporis ſui demonſtrarunt victoriam. Etiam in respira-
tione, oſtenderunt quidam per continuum mergendi & operandi ſub aquis exercitium, poſſe ſe ad ſpatium temporis vix credibile, continere halitum. Alii abſque ſuffocatione tolerarunt præſocantem fornacis calorem aliis intolerabilem. Impoſtores etiam aliqui in varias contorſerunt atque adegerunt corpora ſua figuras; imò & aliqui in ecſtaſes & raptus ſe tranſtulerunt. Quæ ſingula docent, quam varie, & in quam excelsis gradibus humanum transformari poſſit corpus. Si verò quiſpiam exiſtimet, provenire iſta ex ſæcra quadam naturæ proprietate, qua homines illi eo devenierint, neque unicuique licere eadem perficere, quanquam tentet; qua de cauſa etiam rari ejusmodi ſint homines. Largior, majorem aptitudinem eſſe cauſam perfectionis, minorem verò non facere in idoneum; magis aptus infans perfectus erit Funambulus, minus aptus, erit funambulus gregarius. Neque dubitandum agilitates iſtas potuiſſe magis fieri communes; aliæ etiam aliorum generum, non dum tentatæ, potuiſſe addiſci, ni modo duo impediſſent; prius eſt diſſidentia, qua pro impoſſibilibus habentur. Hic enim valet illud Poetæ: *Poſſunt, quia poſſe videntur.* Nemo ſcit quantum poſſit, niſi etiam credat

dat se multa posse: posterius, quoniam istæ sunt exercitationes abjectæ, ingloriæ & utilitatis exiguæ, ideoque etiam sine premio ullo: quanquam multi laboris dolorisque.

Voluntas autem hominis flexilis est admodum & obediens, multamque admit- tens medicinam qua emendari & immutari queat. Hic principem occupat locum Reli- gio, quæ apta nata est ad immutandam eam & transformandam, vel in ipsis profun- dissimis nec non maxime internis inclinatio- nibus & motibus. Ei proxima est opinio & apprehensio, sive ex traditione vel educa- tione infusa; aut disputationibus seu suasio- nibus impressa. Exemplum deinde sequitur, hominis voluntatem in istius similitudinem transformans, quod communissimum est & familiarissimum. Quarto loco ponendum, quando affectus unus sanatur vel corrigitur altero, e. g. timiditas pudore & dedecore, torpor & pigritia indignatione & æmulatione, &c. Et denique quando hæc singula, aut unum ex istis, novam formantur volunta- tem, consuetudo & habitus corroborant & confirmant ista omnia. Mirum igitur non est, quod hæc animi facultas (voluntas seu electio) affectum & appetitum inclinans, cum sit tantum initium & rudimentum volunta- tis, æque ac alia possit gubernari & forma- ri; quoniam admittit tot diversorum reme- diorum accessum, quæ sibi applicari & in se agere possunt. Sunt etiam effectus hinc pullulantes tam multi tamque cogniti, ut

neque enumerare necesse sit: tantum quod vulgo instar medicamentorum in duo medelæ dispescant genera: horum justum & genuinum est unum, alterum palliatio vocatur vulgo. Vel enim intentio est reformare affectus realiter & revera, refrænando eos, si nimis sint vehementes, aut excitando, si nimis molles & infirmi. Vel contigere eosdem aut si occasio ferat, prætexere eos & ostentare. Primi generis multa in scholis Philosophorum, moralisque virtutis doctrina prostant exempla: Posterioris autem in principum aulis & omni civili commercio reperire licet; ubi moris est, non solum profunde dissimulare & suffocare affectus, ne ullum eorum proster signum externum; verum etiam sunt vividæ simulationes & affectationes, eorum affectuum signa gerentes, qui revera non adsunt, ut *risus jussus, lacryma coacta* &c.

*Quæ sequuntur, nota fuerunt
indigestæ.*

Facultates Intellectuales pauciora admittunt remedia, quam voluntas & corpus hominis. Exercitatio tamen, quæ antecellit reliqua, efficacius operatur in eas quam in alia. Praxis Philosophorum antiqua; si quis querat in utramque partem, de omni scibili.

Exercitium puerorum componendi versus ex tempore: *stans pede in uno.*

Exercitium Juris studiosorum narrando memoriter.

Exercitium Sophistarum ad opposita, cum effectu manifesto.

Arti-

Artificialem memoriam vehementer juvari posse exercitatione.

Exercitium Scurrarum, ad Cachinnos omnia trahentium.

Subsidia intellectus ejusque facultatum sunt, non exempla ut in voluntatem per conversationem; & hic cogitata de imitatione jam dum disposita cum refutatione (obiter si videbitur) *Tullii* opinione suadentis proponere sibi quempiam imitandum. Similitudo facierum expendatur. Artes: Logica, Rhetorica: Veteres, Aristoteles, Plato, Thæletus, Gorgias Litigiosus, vel Sophista, Protagoras, Aristoteles, Schola ejus, Topica, Elenctica, Rhetorica, Organon, Cicero, Hermogenes. Neoterici, Ramus, Agricola. Nil sacri Lullius. Typocosmia ejus, Cooperi dictionarium, Mathei collectiones verborum Metaphoris aptorum: Agrippa de vanitate. &c.

Question. annon hic de imitatione?

Collectiones præparativæ; Aristotelis similitudo ab officina futoris, ubi calcei omnium generum: Demosthenis exordia concionum. *Tullii* Præcepta circa theses omnis generis præparativas.

Inniti exercitiis cum differentia utendi instrumento & temperandi. Similitudo præscriptionis contra leges naturæ & reipubl.

Positiones. 5.

1. Exercitia ad vivum formanda esse, i. e.

ut efficiant capacitatem in eo actionis genere, quo homo maxime opus habebit.

2. Indirecta & obliqua exercitia, quæ per partes & per consequentiam istas perficiunt facultates; quas fortassis directa exercitia terrent aut corrumpunt. Et hæc ibi præprimis locum habent, ubi facultas est infirma, non per se, sed per accidens, ut, si defectus memoriæ proveniat ex levitate ingenii & defectu attentionis firmæ, tum mathematica fert opem sive lex: in his enim si vagari mens inceperit, redire vix potest.

3. Exercitiorum commoda; saltare cum calceis gravibus; incedere cum armatura gravi, & sarcinis: apud tardos vero & ineptos efficere alacritatem proponendo exercitia cum aliquo lucro & delectatione:

*Veluti pueris dant crustula blandi
Doctores, elementa velint ut discere prima.*

4. Cautelæ: præcavere actionem malam, (incipientes autem omnes male agunt) ne inveterata habitum inducat malum; & consuetudine confirmet: Festinatio in Citharâ.

5. Ordinatio & sequela scientiarum exercitiorumque: Logica & Rhetorica doceri debent post Poësin, Historiam & Philosophiam. Primum exercitium esto perficere aliquid bene & clare, deinde prompte & alacriter.

Exercitia in Academiis & triviis sunt memoriæ & inventionis; vel ut eloquantur fortiter, quæ verbatim sunt descripta in chartam

tam: vel extempore: cujus exiguus usus est in actionibus, plurima enim quæ eloquimur neque verbatim præmeditati sumus, neque mere extemporanei. Ideoque exercitium deberet fieri respirando paulisper, nec non meditando de summis rerum, atque tum formando sermonem extempore. Hoc autem fieret duobus modis: tum scribendo in pugillares, & absque illis. In plurimis enim actionibus licet breves describere notas, & si homo assuetus iis non fuerit, falleret ipsam memoria.

Usus memorie narrantis nullus est in Academicis videlicet cum circumstantiis temporum, personarum, locorum, nominum. Alia est disserendi ars, alia referendi s. narrandi & describendi. Hujus autem usus maxime est necessarius.

Ita etiam in summa referte & contrahere narrationem frequentis est usus.

Historia Henrici VIII.

Post mortem sapientis illius felicisque Henrici VII. Regis in summo prosperitatis suæ flore decedentis, sequebatur (ut solet post splendidum & serenum solis occasum) pulcherrimus regni ortus, qualis unquam hic visus est, aut alibi. Rex juvenis annorum 18. statura, robore, forma & pulchritudine, sua ætate maxime insignis. Deditus quidem erat voluptatibus, attamen & gloriæ erat cupidus. Patebat igitur menti ejus per gloriam ad virtutem aditus. Neque prædicationis erat expertus, quanquam hic cede-

bat fratri suo Arthuro. Nullam omnino cum Patre suo aluit simultatem; ideoque & nulla fuit aulæ consiliorumque immutatio, sed omnia tranquille peragebat. Primus ipse erat *Alba & Rubra Rosa* hæres: adeoque nemo male affectus reperiebatur, sed omnium in eum convertebantur corda. Non tamen corda solum, verum etiam oculi. Ipse enim unicus erat regni filius. Fratrem non habebat: licet enim is solatio esse possit Regibus, attamen & aliorum inflectit parumper subditorum oculos. Maritus jam existens, spem fecit celeris in regno hæredis. Nulla hic Regina mater, quæ aliquam sibi in regimine vindicare potuisset partem; aut certare cum consiliariis ejus de authoritate, cum Rex intentus suis esset voluptatibus. Nullus hic potens aut ingens subditus, qui valuisset per eclipsin obtenebrare aut obumbrare Potestatem Imperialem. Populus autem in genere atque status in tam submissa vivebant obedientia, qualis decebat eos, qui 25. annis vixerant sub prudentissimo Rege, istius Patre, per gladium intrante, omnes Regis prærogativas alacriter defendente, & semper rebelles seditiosamque plebem vincente. Thesaurus regius admodum erat dives, & regnum pares sperabat opes. Nullum enim erat bellum, caritas nulla, commerciorum intertrimentum nullum: Corona solummodo multa suxerat, atque nunc plene satiata, Regique juveni imposita, minus sitire credebatur. Tandem hæres etiam erat existimationis paternæ, per universum orbem

hem magnæ. Arcta colebat fœdera cum vicinis Rebuspubl. duabus, quarum altera vetus fuerat hostis, vetus amica altera, *Scotia & Burgundia*. Pacem & amicitiam exercebat cum Gallia, non tantum certitudine pacificationum & fœderum, verum & necessitatis & inhabilitatis sibi nocendi; Italiam enim totus intendebat Gallus. Vere igitur dici potest, vix multis annis visum vel cognitum tam elegantem concursum signorum: felix & florens regnum undique promittentium, qualia in hoc Rege juvene commearunt à Patre Henrici VIII. nomen adepto. &c.

Tentamen de fama.

Juxta Poëtas monstrum est fama. Describunt enim ex parte eleganter & pulchre, ex parte autem severe & arbitrarie. Inquiunt: Aspice, quod pennas habet, tot etiam oculos habet infra; tot linguas, tot aures arrigit.

Hæc florida sunt. Sequuntur parabolæ insignes. Quod augeat robur, eundo super terram incedat, caput tamen suum nubibus inferat; interdum excubias agat, plerumque autem circumvolvet nocturnus: facta infectaque canat: sit terror civitatibus magnis; sed quod reliqua superat, narrant, quod Terra, mater gigantum Jovem oppugnantium, ast ab ipso devictorum, irata postmodum pepererit Famam. Nam certum est Rebelleres, per Gigantes adumbratos, & famam seditiosam libellosque famosos esse & fratres & sorores, masculino & foeminino sexu. Si igitur aliquis potest hoc domare monstrum, atque adsuafacere, ut ex sua lambat manu; & regere illud, ut eo supervolante nec non imminente aliis aribus rapacibus, oc-

cidat istas, foret operæ pretium. Sed hætenus ex Poëtarum mente. Non aliud in Politicis thema minus tractatur, tractationem autem maiorem requirit, quam Fama. Differamus igitur, quid falsa quid vera sit Fama, & quomodo quam optime discernantur: quomodo seriantur & excitentur rumores, quomodo dilatentur & multiplicentur; & denique quomodo suffocentur & enecentur: aliaque.

Fama tantæ fortitudinis, ut vix aliqua magna sit actio sine ea, præsertim in bello. *Mucianus* vincebat *Vitellium* fama, quam sparserat. *Vitellius* proposuerat *Syriæ* Legiones mittere in *Germaniam*: & *Germaniæ* legiones transferre in *Syriam*; unde illæ vehementer incandescebant. *Julius Cæsar* improvidum aggrediebatur *Pompejum*, quem securum fecerat, & in belli apparatu negligentem fama astute edita: ac si milites sui se minime diligerent & bellis fessi, *Galliæque* spoliis onusti se deferere vellent, quamprimum ingrederentur *Italiam*. *Livia* omnia constituere pro successione filii sui *Tiberis*, edito semper rumore. *Augustum* maritum suum convalescere. Apud *Bassæ* frequens est celare *Janizaros Turcici* Imperatoris mortem, aliosque milites, ne *Constantinopolis* exponatur prædæ & urbes alia, prout est mos eorum. *Themistocles* persuasit *Xerxi* ut cito exiret *Græcia*, fingendo, *Græcos* velle rumpere portum ex navibus in *Hellesponto* structum. Sunt & alia sexcenta ejusmodi exempla: & quo plura sunt, eo minus ea recensere necesse est: nam reperiuntur ubique. Sine ergo &que rumores & fama curæ Principibus ac ipsæ actiones & consilia,











